

中國邊疆叢書第二輯

俞

浩撰

# 西域考古錄

(一)

文海出版社印

中華民國五十五年六月初版

中國邊疆叢書第二輯

西域考古錄

精裝二冊

定價：新臺幣



版權所有

主編者：沈雲龍

發行人：李振華

出版者：文海出版社  
臺北縣永和鎮中興街九九巷八號

郵政劃撥戶第二七八四號  
電話九二一二六五九號

印刷者：美明美術印刷廠

臺北市康定路二〇二號

經銷者：全省各大書局

內政部登記證內台版業字第〇八〇〇號

# 影印「西域考古錄」前言

沈雲龍

「西域考古錄」十八卷，清俞樾撰。

俞氏，字四香，一號湛持，浙江海鹽人，生卒待考。道光二十七年（一八四七），以諸生客濟南，與東昌府知府同里朱錦琮、及滄州葉圭綬，時相過從，互觀未見之書，共證異同之見，因遷於地理之學，乃以著述自娛。本書首六卷，叙甘肅之蘭州、西寧、涼州、甘州四府、及肅州、安西兩直隸州，蓋就廣義之西域立論，在漢以前，原係月氏，烏孫及匈奴之地；漢時，始置武威、酒泉、敦煌、張掖、西海五郡，爲西域根本。自來守西域必守五郡，守五郡即所以守西域，著者之意在重邊防可知。次九卷，分叙新疆南北兩路各城；又次一卷，叙西藏，附以廓爾喀部落。另蒙古源流書後，記魚通各七司，俄羅斯考略，則分殿於最末兩卷。原書朱錦琮序，盛稱其於「邊塞之險要，疆域之沿革。今昔之形勢，攻守之難易，縷析條分，瞭如指掌。」當非盡阿私之言。尤其著者成書於中英雅片戰爭（一八四〇至一八四二）後數年，時論方以海防爲憂，而俞氏獨以塞防爲重。本書主旨，實在於斯，未可忽視。

俞氏生平足跡似未一履西域之地，而卒能成是書者，據其自序，曾參考欽定西域圖志，西域地形訓，讀史方輿紀要、行國風土記、戎幕隨筆、西北城記、西域聞見錄、水地記、河源彙考、胡注拾遺、烏斯藏賦、使俄羅斯記、外藩圖說、藏行日記、西招圖記、三州輯覽、略

爾略使記、烏魯木齊賦、西域水道記、秦邊記略、乾隆府廳州縣志、西陲紀略、西域釋地、海國圖志、聖武記等若干種。惟認爲諸書「所載非無典要，沿革多乖，混淆難曉，或極非同類，尙復先稱；地異舊邦，猶仍昔號。或遲滯而失之誣，或鑿空而長其傲，或練於掇擇，或少所發擢，事實舛舛，考證尤非。」「用敢校訂諸籍，總撮前聞，覈思其迹，堂摺其文，作爲西域考古錄」，可見其功力之所在。然宣統三年（一九一）辛亥，新城王樹枏（晉卿）纂修新疆圖志成，於卷九十藝文志中，謂「是書改古說以就已，最爲駁雜。」並誤俞氏爲海寧人。是否如所論評，則尙有待留心西域考古者進一步之研究，似未便以此即可抹殺其全書之價值也。

民國五十五年六月二十一日於臺北。



蜀及銅

域山

大興朱英

西域考古錄序

俞君茂才浩與予同里客久於齊著書自娛稷下古著  
書地乃鄒衍大瀛海多不經語君著西域錄爲有用書  
觀其開首三四卷如蘭涼甘肅西寧以內地而曰西域  
謂四郡置自漢武卽武威酒泉敦煌張掖與玉莽所置  
之西海在漢以前亦係月氏烏孫及匈奴之地在今日  
則五郡爲西域根本守西域必守五郡守五郡卽所以  
守西域而知著書之意爲重邊防非矜博識孫子有言  
知彼知己百戰不殆不知彼爲五將失道李陵以敗知

彼爲他道屬度班超以勝漢世張騫而後繼以班超皆能窮臨西海備其風土傳其珍怪於是西域五十餘國納質內屬故考古當自漢始魏晉六朝史雖有傳不皆通道李唐征服爲國無多五代及宋莫勤遠畧附錄與傳僅據傳聞至於有元而漢唐以來相傳之國并兼殆盡明永樂中鄭和以舟師入海所歷之國備載明史本朝則蕩平準部勘定回疆綏服西屬國通道俄羅斯有

欽定西域圖志五十卷其軼乃時時見於他說西域諸

國二千年來遞興遞滅泥古證今時務以失故自書史  
外又必旁搜夫近代諸家之著述顧籍籍云云采摭成  
書不有斷制何殊鈔胥方言連蹇譯瘠且聲音轉字異  
於誰適從羣言淆亂自我折衷穿鑿貽誤有罪無功此  
錄則於地名有誤雖水經注一統志元史亦刊其謬道  
里無差雖說部如西游記亦取其長遍該細素實事求  
是於是邊塞之險要疆域之沿革今昔之形勢攻守之  
難易縷析條分瞭如指掌采伐其中則地無遁形敵無  
遁情守能得地戰不失利唐賈耽表獻四夷述云伏波

聚米開示衆軍鄴侯圖書方知阨塞此物此志也丁未  
春三月知東昌府事同里朱錦琮序

西域考古錄序

余好讀地理書由域中以及域外讀書愈多蓄疑亦愈多偶以語人閒出論著相質口囁嚅而目笑閱未半已欠伸欲睡矣夫吾人有所撰述理在倫常近在耳目有一人焉各出心得相視莫逆憂乎難哉况所言在千萬里之外山川悠遠物產恢詭驗之今則舟車所不至證之古又書籍所不悉欲有人焉相與糾謬訂訛賞奇析疑此余生平庶幾幸遇之亦余畢生終恐未必遇之也乙巳夏來歷下始得定交於俞四香先生先生浙西名

宿博文富學地理其緒餘耳不鄙余孤陋時相過從互  
觀未見之書共證異同之見凡余所疑皆剖決而辨明  
之余有愚人之得亦樂芻蕘之采焉向所謂出其心得  
相視莫逆者今乃得之於先生余方有八紘存考續山  
東考古錄之役先生皆爲序之先生有西域考古錄之  
作亦問序於余余不能文曷足以序先生書雖然西域  
大勢則嘗論之姑以質之先生可乎西域者三代前會  
通中國之地禹貢曰崑崙析支渠搜西戎卽敘今新疆  
南路爲崑崙北路爲渠搜

涼土異物志渠  
搜在大宛北

青海藏衛卽

析支焉其時虞帝致西母之朝

爾雅瓠竹北戶日下西王母謂之四荒則西王

母乃國名其國在流沙外依崑崙卽今新疆南路之一國耳外國名無正字字無正音後人神奇其說因一母字紛紛附會拘墟者又謂並無此國皆非也

大禹至三危之國

三危卽今西藏非山也見

仁皇帝御製文集呂氏

是以嶰竹取於黃帝

漢書律歷志黃

春秋云禹至三危之國

帝使佺倫自大夏之西崑崙之陰取竹嶰谷

茲白貢於成周

汲冢周書王會解大夏貢茲白

牛

用知三代前之西戎雖未列玉帛於塗山固已通筐

篚於積石矣後王德薄不能及遠周末及秦戎狄內侵

隔絕王略漢武開河西四郡而西域復通然而樓蘭之

頭雖懸漢闕單于之使不隔龍堆西域畏匈奴猶之畏



漢則北狄未賓未有能保西域者也唐代服鐵勒滅突厥安西北庭皆同編戶然而吐蕃倔强直逾河湟石堡之功雖奇四鎮之淪相繼則諸氏羌未服亦未有能保西域者也有元起自和林盡乎西域特斃思畏兀旣不知郡縣而法唐益離伊犁幹端和闐復不知衆建以法漢阿母河雖設行省烏斯藏僅屬羈縻旣措置之失宜終鞭長而莫及再傳之後叛亂相尋固其宜矣我

仁皇北殄噶爾丹南收圖白特我

憲皇北驅厄魯特屯田列姑師之地南平羅卜藏闐土

盡退渾之疆是時羌胡臣妾西域孤危策妄達瓦以餘孽遊魂世濟其惡我

純皇承時應運一舉盪平北路設府廳州縣復唐之舊南路亦仿四鎮之制諸城設大臣鎮撫之伊犁駐將軍統轄南北遙與漠北定邊將軍相掎角西寧西藏各駐大臣如都護之設矣蓋監百王之良法成無外之宏規  
恭讀

皇輿樂府二十六章

兩京二十四省

殿以西域西藏合中外而

大一統皇古以來所未有也雖然

朝廷視之儼同內

服其沿革風俗疆域山川言者既茫昧而無從聞者仍  
倘恍而莫信隋有裴矩唐有賈耽尚能著書繪圖以傳  
於後况

聖朝開疆立法邁乎隋唐萬萬非勒成一書以詔後世  
何以昭

神武而播

皇猷也乎近世遊西域者不乏撰述求其上自漢開四  
郡下迄本朝合崑崙析支渠搜之地縷析條分燦然  
大備者是編外未之覩也先生曰子之言頗得西域之

要領亦卽是編之綱領也子所謂出所心得相視莫逆者其在斯乎書以敘吾書可也余曰諾

道光二十八年冬十月中浣滄州葉圭綬拜手謹序



西域考古錄自序

學士大夫生際夷途幸以文學高等策名承明之廬優游玉堂廻翔石渠縱觀先代之籍伏讀中秘之書測地輿之至蹟仰天章之煥乎出其聰明通其志氣鉤稽於盟府狄鞮考索於山川形勢比事屬辭以成一家之文字豈非當世奇作爲通人所不棄者哉浩伏處草莽禱味寡聞有志述作慙非其倫竊見國家聖武神功追踪軒義

高宗皇帝奮戡亂戡戎撻伐之天威平和卓而殫準夷

行國而土著之羶帳而棟宇之視大宛如天厩列亭障  
至濛池疆以戎索無思不服皆將於是乎東於是乎西  
於是乎南於是乎北乃徵博望之鹽澤辨篤實之火敦  
臨西海登昆侖謂二萬里爲國西門恭讀欽定西域圖  
志五十卷專紀準回兩部與其設施號令山川風土但  
一覽未可悉數况王會所圖職方所紀其得讀未見書  
者又奚能遍及乎遠方寒士是則私家著述下里謏聞  
當亦君子之所取而不遺其勤如浩所見彭氏之西域  
地形訓顧氏之方輿紀要常氏之行國風土記謝氏之

戎幕隨筆及西北域記七氏之西域聞見錄戴氏之水  
地記萬氏之河源彙考孔氏之胡注拾遺和氏之烏斯  
藏賦圖氏之使俄羅斯記董氏之外藩圖說杜氏之藏  
行日記松氏之西招圖記三州輯覽札氏之喀爾喀使  
記紀氏之烏魯木齊賦徐氏之西域水道記錢氏之秦  
邊紀畧洪氏之乾隆府廳州縣志祁氏之西陲紀畧西  
域釋地魏氏之海國圖志及聖武記凡若干種彼皆世  
所稱宏覽博物君子而其鴻筆麗藻又足以副之宜其  
具才學識三長而可上配乎良史然而志西域者未易



論矣自漢武至於今二千餘載片瓦頽垣中具史書數百萬言魏晉以後文亂屢厯如蠕蠕高車吐谷渾以及東西突厥回鶻吐蕃其吞噬蓋無異於厄魯特之狺狺泊乎有元西踰葱嶺東迄玉門郡縣諸國一變而爲封建維藩至此而漢唐以來相傳之國名與其子孫遂剗削而百無一存而况乎史官失職事跡全湮者哉諸君所載非無典要沿革多乖混淆難曉或種非同類尙襲先稱地異舊邦猶仍昔號或逞臆而失之誣或鑿空而長其傲或踈於援据或少所發揮事實舛考證尤非

苟因循而弗改附會而不違其能使後之人齊其口而  
勿肆詬譏乎用敢按訂諸籍總撮前聞臆思其迹堂鞞  
其文作爲西域考古錄若干卷竊效吳會糾繆之例俾  
他日獲附諸君之後是則斯編之初志也夫道光二十  
七年春二月海鹽俞浩



西域考古錄總目

第一卷

蘭州府

屬州二 縣四

第二卷

西寧府

屬縣三 廳三

第三卷

涼州府

屬縣五 廳一

第四卷

甘州府

屬縣二

第五卷

肅州直隸州

屬縣一

第六卷

安西直隸州

屬縣二

第七卷

鎮西府

屬縣二 廳二

第八卷

迪化直隸州

屬縣三

第九卷

伊犁惠遠城  
屬城八

第十卷

塔爾巴哈台  
哈薩克部落附

第十一卷

喀刺沙爾  
屬城二

第十二卷

庫車  
屬城一

第十三卷

烏什  
阿克蘇  
屬城二

第十四卷

葉爾羌

屬城九

和闐

屬城五

第十五卷

喀什噶爾

屬城七

東西布路特附

第十六卷

西藏上

西藏下

廓爾喀部落附

第十七卷

蒙古源流書後三

第十八卷

記魚通各土司

俄羅斯考畧






蘭西寧涼甘肅四府一州青海摠圖

盛夏界

中衛界






新

疆

畵

# 新疆南北 總圖













扎什倫布  
 唐吐蕃冬  
 牙拔布川  
 尺插城

布達拉唐  
 吐蕃夏牙  
 避此城

青海界  
 江庫城  
 匯合路亭  
 達行




# 和蘭圖



聖祖仁皇帝謂阿  
得斯山即阿特達  
山即噴二池即阿  
得達池考水經注  
引釋氏西域記阿  
得達山出阿得達  
大水北流一曰且  
末河且且不却焉  
華國入牢關海準  
其他望正在今圖  
得斯之背足徵  
聖論之確

乾竺  
特界



西域考古錄卷第一

海月堂雜著

海鹽俞浩 湛持

蘭州府

管州二 狄道州 河州

管縣四 臯蘭 金縣 渭源 靖遠

禹貢雍州之域古西羌地也秦爲隴西郡漢昭帝六年分隴西張掖以爲金城郡今州卽金城郡之舊地也前漢書應劭曰初築城得金故曰金城臣瓚曰稱金取其堅固也故墨子曰金城湯池一云郡在京師之西金西

方之行王莽曰西海後漢建武十三年省金城入隴西  
明帝復立魏晉因之前涼張軌分立晉興郡張寔增置  
廣武郡後魏仍屬金城郡後周因之隋初立爲蘭州總  
管府取臯蘭山以爲名也大業罷州爲金城郡唐平薛  
舉復爲蘭州置都督府明慶元年罷爲州天寶初亦曰  
金城郡乾元初復故寶應後陷於吐蕃大中五年沙州  
防禦使張義潮發兵略定其芻瓜伊西甘肅蘭鄯河岷  
廓十州於是河湟之地盡入于唐宋復置蘭州金因之  
而以州治蘭泉縣省入元亦曰蘭州明初降爲蘭縣成

化十四年復升爲州領縣一

皇朝仍爲蘭州隸臨洮府今升爲府爲甘肅省會陝甘  
總督駐焉東界隴西縣西界鞏門番南界岷州北界平  
番縣

前漢金城郡統縣十三宣帝又置屬國以處降羌蓋兼  
今日西寧青海有之而狄道不與也地大物博自漢以  
來河西雄郡爲第一豈非以其介戎夏之間居襟喉之  
要耶自金行中替五涼雲擾金城左右蓋無一日之安  
雖以隋唐之強盛未嘗不視金城爲河隴安危之本肅

代以後陷于吐蕃以憲宗之英武不能復河湟五代之亂無足論矣宋元豐間始城蘭州元祐初夏人復來求地朝議欲割以畀之孫路言自通遠至熙州劣通一逕熙之北已接夏境今自北關瀕大河城蘭州然後可以扞蔽若捐以與敵則一道危矣穆衍亦言蘭州棄則熙州危熙州危則關中震動唐失河湟警及京都今若委之蘭州悔將無及遂不果棄有明州城以北朔騎所涉恒憂蹂躪故于州置重兵以資保障我

朝因之多所裁省順治初涼州有丁國棟之亂康熙中

平涼有王輔臣之變攻陷州城殺略官吏與大兵相距  
二三年廼定至乾隆四十三年復有回民蘇四十三之  
亂攻破河州直犯州城據龍尾華林兩山大學士阿桂  
討之旬浹始平於是奏以固原總兵駐河州以控番回  
移督標右營于華林以犄角州城未幾而其党田五復  
聚衆石峯堡地巖險四繚攻之多傷乃絕其汲道困  
之自春至秋僅而克之夫非我族類其心必異今隴右  
河湟回民多與羗虜雜處州縣以

累朝之德化不能革其舊俗食桑菹而好音葢難言之



矣狼子野心使之聚族而處當 國家承平彼何敢肆  
一旦猝有動搖相因而起蘇田之亂不但華林石峰爾  
也往者丁逆之叛關內外諸回讜起應之其氣焰數倍  
蘇田以開國之師武臣力故能廓清於旬月之間以視  
後之克一堡而用力數倍者豈可同年而語哉愚于田  
五重有感也

臯蘭縣

附郭

本漢金城縣也屬金城郡前涼張寔徙郡

治理此西魏置子城縣爲郡治焉開皇罷郡屬蘭州大  
業初復爲郡義寧二年改五泉縣以縣境五眼泉名仍

屬蘭州咸亨沒曰金城天寶初又曰五泉後廢于吐蕃  
宋元豐初收復崇寧二年置蘭泉縣金省入州元因之  
明初罷州置蘭縣今縣卽蘭縣舊治也蓋取臯蘭山爲  
名

臯蘭山縣南五里山下地勢平曠可屯數千軍漢書霍  
去病擊匈奴屯兵臯蘭山卽此今山峽有五眼泉舊志  
稱霍驃姚屯兵時士卒疲渴以鞭卓地五泉湧出隋以  
山名州復以五泉名縣焉

龍尾山縣南三里山形如龍尾落河壩卽狄道州北馬

寒山之支隴乾隆四十三年逆回蘇四十三屯據此山中屢敗官兵內大臣海蘭察奮擊敗之賊遁入華林山卽此山也

華林山縣南三十里本樺林之譌以山產樺木得名山勢高峻與皐蘭馬寒相鼎峙乾隆中逆回據此爲巢穴上有華林寺爲刺麻修持大刹阿桂討賊時築蚰蜒塹絕其樵汲賊始潰赫華林寺無一賊降者今移督標右營兵于此山與城中犄角焉

瓦埠山縣南十里又其西南五里曰第一原美水草又

北十五里曰蛾眉灣爲監收善地皆臯蘭之支隴

康狼山亦名可狼山羌名熱薄漢山縣南百四十里晉  
義熙中西秦乞伏乾歸太子熾盤招結諸部二萬七千  
築城于康狼山以據之卽此山也

琵琶山縣南百三十里險峻曲折如琵琶首因名通典  
廣武縣有琵琶山是也北涼沮渠蒙遜恃其強陰謀圖  
周周擁衆保琵琶山卽此

石門山縣西南水經注灘水東北經石門山口高峻險  
絕對岸如門元和郡縣圖志在鳳林縣東北二十八里

卽臯蘭山之門也元和中沙陀朱邪執宜自甘州謀歸唐循烏德隄山而東吐蕃追之沙陀自洮水轉戰至石門宋紹聖二年置平夏城於此後又築石門堡元末張良臣重修築之至成化中土達滿四劫平涼衛指揮滿璫叛入石城城在四山中東西皆石壁立數十仞無徑可入非繩梯不登西山稍平可屯千人前有小山高亦數仞山隙皆墻墻高二三丈各留小門僅容單騎城中無水有數石池由棧道引入以資汲焉城外亂山巉巖人跡稀至至滿四以射獵熟知其險及作亂遂據之

沃干嶺在縣南晉建興末劉曜等逼長安涼州張寔遣  
賈騫等踰嶺入援卽此嶺也又咸和二年曜遣子允屯  
狄道駿將韓璞赴救度沃干嶺而軍旣而璞遣將辛巖  
督軍于金城劉允襲敗之于沃干嶺舊志云自涼州濟  
河必度沃干嶺乃至狄道是也

女遮谷縣東三十五里宋李憲與苗緩城蘭州敗夏人  
于此又李麻谷在縣西四十里

荔谷縣西北百八十里後漢建初二年燒當羌迷吾等  
反敗金城太守郝崇於荔谷卽此

碣砂洞縣南四十五里洞產碣砂

葵園峽縣西初平二年張溫遣周慎追叛羌邊章等於榆中圍之章分兵屯葵園峽斷慎運道慎懼棄車重而退

石嶮口峽縣東二十五里兩崖懸立黃河經其中東流入金縣界

黃河流經縣北二十里河自河州流入經州城下洮灘湟三水入焉夾河有灘宜播五穀引河灌溉甚爲民利亦謂之金城河前漢書自金城河西西並南山至鹽澤

又趙充國傳至金城欲渡河恐爲敵所遮夜遣三校銜  
枚先渡渡輒營陳會明畢渡又後漢光和六年金城河  
水溢出二十餘里胡氏曰河流逕金城郡界自允吾以  
西通謂之金城河是矣

洮水縣南三十里自狄道界北流入於河涼將韓璞與  
劉曜子允夾洮河相持七十餘日是也

灘水縣西南十五里源出塞外流入州境合洮水又流  
經臯蘭山下東北流入河卽河州之大夏河矣

臯蘭水出臯蘭山在州西南三里左右翼注灘水按水



經注灤水又東北阜蘭山水自山左右翼注灤水董氏  
曰當在今河州西南

湟水縣西一百八十里自西寧大小榆谷東流入境與  
浩疊河合流而注於河晉太元十九年符登敗死崇子  
奔湟中卽帝位蓋謂湟水之西也或謂之金城河

按通志云大河在州城北自河州流入境而洮灤湟  
三水入之攷之方志輿圖皆不能合水經注于大河  
東過金城允吾縣北下云金城郡治也河水逕其南  
不在其北兩漢地理志允吾皆金城郡治晉廢元和

郡縣圖志廣武縣前涼置廣武郡隋始罷郡置縣大

業改爲允吾

音洽牙

縣取漢舊名故城在縣西南一百

六十里又龍支縣本漢允吾縣後魏于此置金城縣  
是允吾在後魏爲廣武全城而魏收地形志並闕疑  
皆屬鄯州也唐廣武縣卽今莊浪廳治允吾故城當  
在其西南河水之北西接巴燕戎格廳界南接臯蘭  
縣界水經注又云南有湟水注於河而湟水下廼云  
湟水又東逕允吾縣北爲鄭伯津與澗水合其叙澗  
水又不言逕允吾縣攷之元和郡縣圖志鄯州湟水

縣郭下本破羌縣地龍支縣本允吾縣北至州一百二十五里是允吾在破羌南故下文云湟水逕破羌城南以此推之經注南字應是北字之譌今湟水自青海東北和碩特東上旗南和碩特南右翼後旗北東流逕和碩特南左翼末旗南又東入邊逕西寧縣北又東逕碾伯縣北又東南逕巴燕戎格廳東南莊浪廳西南入河在漢爲臨羌安夷破羌允吾允街枝陽境故漢志臨羌北則湟水所出東至允吾入河班氏本指縣北言之酈氏註本之班志而譌蒙上文僂

海鹽池故叙湟水有東逕西王母石室之文而忘其在臨羌西北塞外也洮水出塞外羌中班氏地志之言攷段國沙州記曰洮水與墊江水俱出強臺山山南卽墊江源山東則洮水源強臺西傾之異名也今西傾山在洮州廳西南接青海所屬蒙古境當和碩特前頭旗之東山脊南北橫亘洮水出其東曰巴爾巴必拉東南流折而東流爲洮河其西卽黃河當積石東東流折而北流又折而西北流之處迤南山脊東出有水出其陽曰祥楚必拉卽墊江源矣下會西

漢水入江山爲江河之大戒故禹貢導山以西傾爲次陰列之首今洮水自洮州廳西東南流折而東北流逕廳南又逕岷州北折北流又西北流逕洮州廳東又北流逕狄道州西又北逕皋蘭縣西河州東入于河在漢則逕隴西郡之臨洮安故狄道至金城郡之枹罕東境故漢志云臨洮洮水出西羌中北至枹罕東入河水經注灘水導源塞外羌中攷水今日大夏河唐書謂之大夏川通鑑會昌三年吐蕃論恐熱屯大夏川是也今灘水發源循化廳西南邊地東流

逕廳南又東北流逕河州南折北流逕州東及東北  
入河在漢爲逕白石枹罕二縣境故漢書地理志曰  
白石縣灑水出西塞外

今羌人名其山曰荅蘇尔海  
阿林水曰和尔藏必拉

東至枹罕入河

金縣

府東九十  
十里

本金龕谷縣地屬蘭州尋屬會州正大置

金州治龕谷縣元省縣入州明初改州爲縣又移今治  
屬蘭州

本朝改置金縣屬臨洮府後升蘭州爲府以縣來屬焉  
攷李燾長編元豐四年於蘭州南四十里龕山下置寨

紹聖中修築寨城爲龕谷堡堡北五里有小龕河源出龕山谷東流湑湧與浩疊河合流入黃河又於堡南十里駝項山東南二十里鷄瓜山各置戍守與堡城相犄角焉金人於堡西北白草原置金州升堡爲縣爲州治焉白草原地勢平坦可屯軍卽今縣治矣

馬銜山縣西南三十里卽馬寒山形勢雄秀甲於州境盤亘數百里與狄道州接界

猪鬃山縣西北四十里金人置鎮於此以控西夏縣南七十里又有馬尾山

亂山縣東北八十里其山支絡交互綿亘數百里望之峰巒層疊頽勢參差如攢架列戟黃河經其中二百餘里入靖遠縣界始瀉落巨川如瀑布然土人沿山引水灌田甚廣亦州境之襟要焉

閻門河有閻門河橋在縣南門外源出馬寒山峽中東流入黃河志以謂卽浩疊河非是攷漢志浩疊河出西塞外今日大通河詳見後西寧府下此蓋名偶同耳

狄道州

府正南二百一十里

本西羌地秦漢皆屬隴西郡晉惠

帝分置狄道郡前涼張駿又改置武始郡後魏亦屬武



始郡隋罷郡以縣屬蘭州唐因之天寶初割蘭州狄道縣又別置安樂縣置臨州郭橈有臨洮軍久視元年置實慮初沒於吐蕃以爲武勝軍宋熙寧五年收復改爲鎮洮軍尋置熙州改鎮洮軍爲德勝軍金改曰臨洮府元明因之

本朝仍爲臨洮府乾隆初降爲狄道州並縣入州以蘭州爲府屬焉

州地襟帶河湟控制關隴與河西五郡唇齒相依用武者必爭之地蜀姜維數出狄道以撓關中魏人建爲重

鎮維終不能得志晉之衰也河西雲擾西秦南涼代有其地元魏兼有秦涼列置郡縣尤以狄道爲東西屏蔽唐置臨州設重兵以控禦吐蕃一旦不守河隴遂爲左衽蓋其重如此宋承五季之轍王官所莅不越秦成神宗踐祚慨然西顧奮然欲有所爲及熙河路建而湟鄯之域以漸收舉雖于本計似踈而安攘之略未盡非也夫夏寇憑陵狡焉日甚陝西六路皆爲固禦欲圖西夏必先有事熙河無如將相非人措置鹵莽則亦謀國之罪也志曰郡土膏腴引渠灌溉爲利甚溥其民皆蕃漢

雜處好勇喜獵明初徐達既定關中謀取隴右會諸將  
議師所向時李思齊方守臨洮張思道保據慶陽諸將  
多謂思道之才不如思齊慶陽易於臨洮不若先取慶  
陽達曰不然慶陽城險而兵悍未易猝拔臨洮之地西  
通番夷北界河湟得其人足以備戰鬥得其地足以供  
軍儲臨洮旣尅旁郡自下其後果如所策則州之重從  
可知矣

考漢狄道縣故城在今州治西南晉嘗改縣曰降狄  
道自隋唐以來州郡皆治此今州城周九里有竒宋

之熙州城舊治也前涼張駿所置武始郡故城在今  
州北七十里

嶽麓山州東二里有超然臺又東八里有滴水巖巖  
東二十里曰玉井峰上有石池水極清冽

夏牟山州西三十里以地宜牟麥得名其相近者曰卧  
龍曰朱翠

抹邦山州南二十五里宋王韶自通遠軍攻西羌羌據  
險自保韶曰旣入險地當使險爲我有逕趨抹邦山壓  
敵軍而陣羌乘高下鬥韶擊敗之山與嵐岡坪連近關

口險隘上極高敞延袤可十里爲戍守要處

常家山州西南六十里與西傾山接有龍湫深廣衍爲  
九曲十八灣元祐中羌酋鬼章與西夏連兵謀復故地  
夏人屯天都山前鋒絕通遠境鬼章駐常家山大城洮  
州以待師期爲游師雄所破卽此

馬寒山州北百五十里雄峻參天舊設闕於此爲戍守  
要地關北去府城六十里

亦名摩雲嶺

竹牛嶺州東百里竹牛角可爲弓河西諸郡俱有之此  
獨以名嶺未詳宋王韶知通遠軍引兵度竹牛嶺吐蕃

帥木征來援詔戒別將由竹牛嶺路張軍聲而潛師越武勝破其前軍遂城武勝是也

通谷州西六十里其谷東西出入中容千百人往來不踰數十步上有大竅可見天日熙寧中于此置通谷堡十八盤山州東百里高險有天然石級一十八盤又蓮華山州南百五十里山峰秀聳宛然花苞欲放也

洮河州西南二里河自州南六十里之鑠林峽流入峽勢聳峭兩崖削成尤多林木洮水經峽中及蓮花夏牟諸山盤束千餘里至州南始豁然奔放如萬鼓迸擊又

北經石井峽而合湟水唐會昌二年吐蕃論恐熱兵入  
渭州其國相思羅合諸部兵保洮水焚橋以拒之卽此  
又宋鄭民憲請於州南關開渠堰引洮水焚東山直北  
道下至北關是也又東峪河州東二里源出渭源縣之分  
水嶺流入境又西南流入洮河宋王韶自東峪逕趨武  
勝克之是也又抹邦河州南三十里源出蓮花山打壁  
河州北三十里源出石井峽又三岔河州北十里結河  
州北六十里爲三帶水交結處俱入洮河

邦金川州南六十里西流合洮河種誼擊鬼章夜渡邦

金川黎明至岷州之鐵城遂大破之是也

沙泥站州北九十里康熙十三年寧羌兵變甘肅巡撫華善遣守備馬洪吳承印防沙泥站陰與賊通回兵據蘭州以畔河西提鎮張勇王進寶孫思克渡河來援不及遂攻蘭州圍之至十四年六月賊窮蹙降

是役也一徧裨倡亂自二月七日圍城起至六月二十七日計閱一百七十六日然非先剪其援兵計窮自縛河西千里餽饋之苦未有息計攷之宋明制州北三十里有打壁關六十里有結河關八十里有洮



陽堡百五十里有摩雲關關設于摩雲嶺下極爲險隘且又去蘭州六十里之近不于此控禦敵人而于沙泥站已失地利又舍馬銜之險就平曠之地殆未可以臆解也今以州判移駐其地

渭源縣府南二百五十里本漢首陽縣屬隴西郡晉因之西魏

始分置渭源郡因渭水爲名也改縣爲渭源以爲郡治隋罷郡置渭州以縣屬之渭州故隴西郡魏莊帝永安二年于郡置渭州焉唐

武德元年西土底平仍以縣隸渭州上元二年改曰首陽仍於故渭源城分置渭源縣儀鳳二年省首陽入焉

開元二年吐蕃登達延寇臨洮軍蘭州至於渭源臨洮  
謂今洮州廳也未幾復寇渭源至德後遂陷于蕃宋熙  
寧中置渭源堡屬熙州金因之元升爲縣明屬臨洮府  
本朝仍明之舊乾隆改屬蘭州府焉

致唐故縣尚在今  
縣東五十六里城

址猶可  
彷彿焉

烏鼠山縣西二十里又名青雀山亦曰烏鼠同穴山禹  
貢導渭自烏鼠同穴渭水所出凡有三源並經其下其  
同穴烏元和郡縣圖志曰如家雀色小青其鼠如家鼠  
小黃近穴溲溺氣甚辛辣使人變逆嘔吐牛馬得此氣

多疲卧不起而大汗爾雅烏鼠共穴其烏名餘其鼠名  
鼯是也

南谷山縣西北二十五里上有高城嶺姜維敗魏將王  
經於洮西進圍狄道魏陳泰馳救從隴西潛渡高城嶺  
至狄道東南高山上舉烽火鳴鼓角維遁去唐大中三  
年吐蕃論恐熱遣其將莽羅急藏將兵二萬略地西鄙  
尚婢婢遣其將拓拔懷光擊之於南谷大破之急藏降  
卽此通志嶺上有舊渭源城渭水出焉三水合流東北  
逕首陽縣故城西與別源合酈注水經渭水出南谷在

鳥鼠同穴西北大禹只自鳥鼠同穴導之耳

霍谷山縣南五十里山高峻爲南面之勝其南有白樺嶺通岷州產白樺樹因名又五竹山西南三十里山多細竹峰巒奇秀有秀峰巖下有谷曰銀溝谷

大來谷縣西北唐開元三年冬吐蕃復寇渭源隴右防禦使薛訥與戰於武街大破之時太僕少卿隴右羣牧使王峻所部二千人與訥會擊吐蕃全達延將吐蕃兵十萬屯大來谷峻選勇士七百衣胡服夜襲之多置鼓角於其後五里前軍遇敵大呼後人鳴鼓角以應之虜

百六十一  
以爲大軍至驚懼自相殺傷死者萬計訥時在武街去  
大來谷二十里虜軍塞其中間賁復夜出襲之虜大潰  
始得與訥軍合追奔至洮水復戰於長城堡又敗之前  
後殺獲數萬人

考水經注洮水北逕安故西城又北逕降狄道故城  
西又北隴水注之二漢志縣苾屬隴西郡晉十六國  
春秋前涼復置蕙置郡西秦亦曰安固郡魏書地形  
志無之是縣廢也注引十三州志縣在郡南四十七  
里郡謂隴西郡二漢苾治狄道與一統志郡西南百

六十里不合以謂在蘭州西八十里者尤非也又武始故城寰宇記引十三州志云降狄道今日武始與酈注所引同闕駟在當日必無謬刺戴氏據漢書削去降字未免武斷而一統志稱武始城在府城北七十者乃後魏之武始郡治畷田者又非前涼之武始郡治狄道者也水經注曰隴水卽山海經所謂濫水也今本山海經濫水注于漢水漢字當是洮字之誤水出烏鼠山西北高城嶺今渭源縣北分水嶺卽鳥鼠山之幹東則渭水源西則濫水源也考隴水俗曰東峪河河自渭源縣北西北流入狄道州邈州城東又

逕城北入洮水也郵注又曰西逕隴坻又西北歷白石山下又西北逕武街城南又西北逕降狄道故城東又西北流注于洮水以此注核之武街當在狄道州東大來谷則在武街之東南偏于南二十里也此注之隴坻與天水之隴坻地異而音亦異蓋天水之隴坻坻乃丁禮切此則音是字也

靖遠縣

府東北二百里

本唐會寧縣會州治後陷于蕃宋元符

中收復崇寧二年建會州置敷文縣以爲州治金改保州後徙州治于會川城縣遂廢明正統二年置靖虜衛

于此屬陝西都司宏治九年改隸固原鎮

本朝因之乾隆初升爲縣屬蘭州府

今考縣本涼州徼外地漢爲安定鶉陰縣地宇文黑  
獺爲魏相從太子西巡至此土人張信罄資饗六軍  
秦悅命置州以會爲名並置會寧縣爲州治焉保定  
二年廢州爲防隋又改防爲鎮大業初改縣曰涼川  
唐武德初討平李軌復置西會州以縣爲會寧縣屬  
焉貞觀八年以此州倉儲殷實改曰粟州後復曰會  
州天寶以爲會寧郡乾元元年仍曰會州明正統二



年乃於故會州城北三十里洪武中巡司之地建為靖虜衛而省巡司入衛卽今縣治是也近日府縣志皆承大明一統志及陝西通志之誤如以臯蘭為兩漢之媪圍金縣為榆中靖遠為祖厲略一檢勘觸目

皆是令稍知古今者何至如此為之太息今考水經

注河水又東逕金城縣故城縣兩漢俱屬金城郡後魏十九吾置金城縣則

在河北故此言故城也城在今臯蘭有梁泉注之泉

出縣之南山自縣北流注于河梁泉一統志以臯蘭縣東南八十里白石

山泉當之云宇文周時梁暉為羌所困山上無水暉禱于山飛泉湧出酈道元注經時已有梁泉之名安

得屬之後周其悠謬可知今不取  
泉當在臯蘭縣境內未詳何地也  
水經曰河水又東

過榆中縣北又東過天水北界

勇士縣漢屬天水郡  
蓋榆中之東卽勇士

縣界矣又考梁暉爲後涼人  
一統志訛爲後周人也

按榆中一縣在兩漢皆屬金城郡晉爲郡治通鑑注  
在蘭州東五十里通典謂在五泉縣東太子賢亦云  
在金城縣東惟通典以大小榆谷當之寰宇記復踵  
之謬矣顧氏方輿記要謂在蘭州西百里則又譌東  
爲西今以水經注及十六國春秋與今日大河經流  
圖志考之大河自河州流入州境經州城西又折而

東北流入金縣北六十里折東北流入亂山亂山在縣東北八十里河經其中百餘里始出而逕靖遠縣界蓋金縣直州之東北而河逕州之北界今縣境北四十里有平地城東北七十里有一條城北八十五里有十字川堡則榆中當在縣西北境近今之定遠驛乞伏所築之勇士城及東西二苑城當在今亂山北原上與什字川不十里遠疑卽當日之子城川矣顧氏以浩靈河當之謬甚至媪圍又在苑川東北疑今平灘堡之地卽所謂二十八渡水矣又元和郡縣

志烏蘭縣漢祖厲縣地東南至州百四十里州卽今靖遠也是祖厲在靖遠西北百四十里矣祖厲兩漢屬安定武威晉省張軌收其遺人於武威故城別置祖厲是前涼祖厲在今涼州地形志隴東郡有祖厲是後魏祖厲今平涼二城皆非河水所逕也董氏顧氏皆謂故城在靖遠西南一百三十里不知何據祖厲河卽今之南玉河出惠寧縣東南西北流入縣界南及西又西北流逕靖遠縣西南入河以今日水道證之水經注漢祖厲故城當在靖遠縣東南也

縣面山背河地勢險阻九邊考靖虜去敵最近北面濱河遇冬冰合一望平地千里寇若從賀蘭山後踏冰馳蹕勢如風雨未易禦也沿河置戍固不可緩而徐斌水以西舊邊一帶冬防可倚也范氏謂折衝無術而從事於補苴大抵然矣

當有明之時患在河套故花馬之烽傳而後衛之戒嚴

國初所憂在衛之北部而尤急于河東以其曠遠無可恃之險故議者欲東起中衛之鎮關墩西抵衛之

哈思吉二三十里爲一營寨因河委折六七營寨而足矣倚河爲濠壘土爲城二百餘里而已足矣且蘭州之麥可以順流中衛之粟可以逆挽又可募民佃種以省饋餉斯固足食之道也今雖邊塵不擾然而番回雜處強悍難馴居安思危未可以無事遂忘遠慮焉

烏蘭山縣南百二十里唐置關天授中移置平川

度堅山縣西乞伏司繁自麥田元孤山遷度堅山通鑑注在苑川西秦將王統襲度堅克之司繁出降義熙五

年春乞伏乾歸奔還苑川遷于度堅山七年置秦興郡  
治焉

雪山縣北百二十里山勢高峻積雪不消套寇入犯往  
往駐牧於此

陽武下峽縣東北晉隆安元年呂光攻乞伏乾歸於西  
城自率師次長最遣其將梁恭等出陽武下峽攻其東  
城不克義熙三年赫連勃勃擊南涼入枝陽驅掠人畜  
而還禿髮儁檀引兵追之勃勃于陽武下峽鑿凌埋車  
以塞路逆擊儁檀大破之

黃河縣北五里黃河逕祖厲城西又經縣北入中衛縣界其間山峽盤束垂流直下高數十丈縣城北有舊堰唐刺史安敬忠築以捍河流者縣西南有北卜渡渡河至鳴沙河見元史通志衛城無水祖厲河水苦惡不可食必涉祖厲達大河取河水以供日用遇霖潦漲溢卽不可渡乃命工相城北五里江蒲地絕其上流決祖厲河入江蒲又導之北入大河及故道湮平往來便之按唐書祖厲城西有河池因雨生鹽則水之苦惡不可食由來久矣



河州

府西三百里

禹貢雍州之域古西羌地也漢昭帝分隴

西天水張掖三郡地立金城郡今州卽金城郡之枹罕

縣也

枹音浮

靈帝時隴西自建自稱河首平漢王聚衆枹

罕改元置百官獻帝建安末夏侯淵討平之晉惠帝立

枹罕護軍前涼張軌奏置晉興郡

晉志枹罕張軌分屬晉興郡十六國春秋

咸康元年張軌分興晉郡屬河州自是枹罕爲興晉非晉興也

張駿二十一年以州界

遼遠分置河州以禹貢導河積石至于龍門積石州界

故曰河州

晉志張駿分晉興金城武始南安永晉大夏武成涅中等郡爲河州是河州駿置有明文

通典以符堅始立者非十六國春秋符堅建元三年克枹罕以彭奚念爲涼州刺史鎮之七年以李辨爲河州

刺史領興晉太守鎮枹罕併涼州治金城元和後爲乞  
郡縣圖志亦以河州爲張駿立杜佑之言疎矣

伏氏所據乞伏熾盤自金城郡徙都于此

十六國春秋太初二年枹

罕羌彭奚念來歸以爲北河州刺史九年奚念入朝以  
翟璽爲興晉太守鎮枹罕至熾盤永康元年遷于枹罕  
考永康元年卽宋義熙八年也是年夏六月乞伏乾歸  
爲兄子公府所弑熾盤率文武臣民遷於枹罕秋七月  
執公府於可狼山轅之譚郊諡乾歸爲武元王始改元  
永康蓋自度堅遷譚郊又自譚郊遷枹罕也暮末承宏  
二年焚城後魏太平真君七年置枹罕鎮孝文太和十  
邑東走

六年改爲河州

宋元嘉中枹罕爲吐谷渾所據

後周燕

置枹罕鎮隋罷鎮爲州煬帝改枹罕郡唐平李軌復曰

河州開元二十六年置鎮西軍于州城內天寶以爲安

鄉郡乾元初仍爲河州尋沒蕃宋熙寧六年仍置河州  
金因之亦名曰平西軍元爲河州路置吐蕃等處宣慰  
司於州之歸德州明初置衛尋設河州府轄寧河一縣  
洪武十年立河州左右二衛十二年罷河州府縣改置  
河州衛以左衛調洮州改右衛爲河州衛軍民指揮使  
司領千戶所六守禦千戶所一隸陝西都司景泰中復  
分置河州屬臨洮府

國初因之乾隆初改屬蘭州府

州地控扼氏羌山長谷荒盤互轆轤河所濫觴自昔河

西多事枹罕嘗爲戰場若其犄角五郡襟帶河湟州實  
中外之要防明初設茶馬司於此資國用以制番命來  
享來玉計之善者觀楊一清之疏其利害言之詳矣

宏治中都御史楊一清言唐時回紇入貢卽以馬易  
茶宋熙寧間行之所謂摘山之產易旣之良無利而  
利者也我朝納馬謂之差發如田之有賦身之有庸  
非虐使于番因納馬而酬茶體尊名順非互市交易  
之比且西番爲中國藩籬其人本非孝子順孫徒以  
資茶於我絕之則死故俛首服從此制番之上策前  
代畧之而我朝獨得之者也頃自金牌制廢私販盛  
行失利垂六十年豈徒邊人乏騎乘之用將來番人  
無求於我跳梁自肆將生意外之憂撤藩籬之固甚  
非計也請申明舊制使番族各供差發蓋河洮二州  
實爲西番之襟要故茶馬二  
司特設於此至今藉其利云

按河州四塞內地獨以一隅臨邊非若他衛之孤懸  
斗立者比也其形勢則東有臨洮之險北有莊浪之  
阨南有強臺之塞西有青海之環民雖少而土人則  
衆弓矢及矛比屋皆有無事則耕屯爲生有事則守  
望相助土地所出則麥豆青稞且以轉資鄰境夫民  
雖強不可以勝戰地雖險不可以無兵苟相地而置  
戍因勢而乘障其孰能飛越哉且州之西南有二十

四關之固

二十四關者曰麻山曰安龍曰大馬家灘  
曰小馬家灘曰鴉塘曰斗石曰思巴思曰

殺馬曰喬家義曰西關曰槐樹曰閃半嶺曰土門曰  
柔只巴曰牽花曰老鴉曰別藏曰崔家曰石嘴曰樊

家曰五白曰積石曰紅崖皆險阻阨塞林木茂密關之東爲河州內地共西則小河套焉

而又有三堡之犄角

衛迤西九十里爲老鴉關又九

北莊又九十里爲撒刺坡坡爲三堡之關鍵其地生番有土官韓氏管轄又一百三十里爲金鏢又九十里爲邊堵又一百一十里爲保安堡孤懸塞外肘腋生番一綫通道又西四百里爲歸德堡堡元之歸德州也置吐蕃宣慰司於此明永樂四年建歸德守禦千戶所統治屬番中茶馬其地膏沃五穀皆殖北至黃河八十里又二百八十里卽西寧府南至四川之打箭爐六百里東北至捏工川七百里東南至莽刺川六百里堡各設守備一員所千戶一員

自關之西南迤邐千里土曠人稀則皆河曲之地漢之大小榆谷唐之九曲地今俗號爲小河套者也自

正德以後亦不刺據青海其別部火落赤等分駐控  
工莽刺二川於是河西始有海寇之患州當其衝誘  
我屬番殺我兵民焚我積儲州之被塗毒者迄無寧  
歲乃三堡者孤懸於千里之外以有用之兵置之無  
用之地其得以瓦全者幸矣若欲責以牽制任以驅  
除何異以鑪灰而障滔天之水則以三堡爲告朔之  
餼羊亦不得已也夫充國之廣屯田曹鳳之復郡縣  
驅夷遠去殖穀富邊此上策也撤保安之兵退守二  
十四關以與起臺相犄角聊以固我圉者中策也徒

割歸德以屬西寧欲以通應援之路而河州起臺之  
兵盡壞分守之一闕之間寥寥數百人猶使三尺之

童子當戶而扞虎狼之入也其爲無策甚矣

明制自麻山而

西北至石嘴河州之兵防戍自老鴉關而北皆起臺  
之兵防守自順治以後屢奉裁兵之命其于明制僅  
什之二存耳康熙十四年敵圍州城一月始  
解去十七年二十年二十二年屢犯州城

淮南王曰非強不能服非威不能制故夫長駕遠馭  
者視乎勢立疆守土者存乎人因時制宜者在乎知  
通變昔之番族其于蒙古也歲納添巴若佃戶之奉  
田主事之甚謹不敢稍違今者不然蒙古之畏番人



不當虎狼倒行而逆施殺掠時有歲且煩官兵爲之  
護視若河州內地也據險守塞務農講武今之守土  
者可不加之意思所以拊循和輯以上抒

聖天子西顧之憂哉

充國屯田奏曰計度臨羌東至浩  
疊羌虜故田及公田民所未墾可

二千頃以上其間郵亭多壞敗者臣前部士入山伐

材木大小六萬餘枚皆在水次願罷騎兵留弛刑應

募及淮陽汝南步兵與吏士私從者合凡萬二百八

十一人用穀月二萬七千三百六十三斛鹽三百八

斛分屯要害處冰解漕下繕鄉亭浚溝渠治隍隄以

西道橋七十所令可至鮮水左右田事出賦人二十

晦至四月草生發郡騎及屬國胡騎伉健各千倅馬

什二就草爲田者遊兵以充入金城郡益積蓄省大

費今大司農所轉穀至者足支萬人一歲食謹上田  
處及器用簿唯陛下裁察 隴臬相曹鳳上言西羌

爲害常從燒當種起所以然者以其居大小榆谷土地肥美又近塞內諸種易以爲非難以攻伐南得鍾存以廣其衆北阻大河因以爲固又有西海漁鹽之利綠山濱水以廣田畜故能強大常雄諸種今者衰困遠依發羌宜及此時建復西海郡縣規固二榆廣設屯田隔塞羌胡交關之路遏絕狂狡窺欲之源又殖穀富邊省委輸之役國家可以無西方之憂於是拜鳳金城西部都尉將徙士屯龍耆列屯夾河合三部十四

積石山一名唐述山又名小積石山在州西北七十里

當在今巴燕戎格廳之西元和郡縣圖志云按河出積

石山在縣南謂枹罕縣羌中注於蒲昌海潛行地下出於積

石爲中國河故今人目彼山爲大積石此山爲小積石

攷漢書地理志金城郡河關下積石山在西南羌中河水行塞外東北入塞內班固正指禹貢積石蓋是時無大積石之稱也積石本在蒲昌星宿海之下吉甫此注殊未明晰至元人遂真以小積石爲禹貢之積石矣括地志亦曰唐述山唐初人猶未有此失新唐書吐谷渾傳君集道宗行空荒二千里盛夏降霜士糜冰馬秣雪閱月次星宿川達柏海上望積石山覽觀河源通鑑考異謂烏海星宿川柏海並在青海西而且末更在極西且末本西域著名之國梁天監時猶入貢江左其并入

吐谷渾當在西魏後周前也且末樓蘭皆近蒲昌海見漢書西域傳

萬頃原州北二里四望平夷康熙時張勇于此構四望臺長汀黎士宏作記以比超然臺者也

鳳林山州北三十五里又州東十二里有鳳皇山卽其支嶺也唐築鳳林關于此又鳳林縣後魏置唐因之州西北八十里罕开谷舊罕开羌居此在州西如水經注白石縣罕开谿之比也西秦南安太守翟承伯等據罕开谷以應河西是也

白石本漢縣晉廢後魏始於白石廢縣地置鳳林縣焉

奴葵谷州東前涼掌據敗叛將李儼于葵谷卽此又西  
羌彭利髮襲據枹罕乞伏乾歸討之至奴葵谷是也

黃河州北五十里按州有上渡下渡之名舊志謂下渡  
卽州北六十里之刺麻渡通莊浪路上渡直州西北百  
二十里之積石關通西寧路又名積石渡顧氏紀要謂  
卽石城津秦將苟萇濟自石城津卽此以鄭注及圖志  
考之則石城津當在今莊浪廳南接皋蘭縣境其說非  
是

大夏河州南三里諸書謂卽灘水也顧氏又以爲白石

川水考水經注瀕水導源羌中大夏川水出西山逕金  
紐城南又東逕大夏縣故城南又東北出山注于洮水  
按魏書有金柳城隋書有金紐山寰宇記金劔山有金  
劔故城一號金柳城是金柳金紐金劔一也又大夏縣  
二漢屬隴西元魏改屬金城郡則已徙治矣故酈氏有  
故城之稱攷元和志及寰宇記並云大夏西北至州七  
十里金劔山在縣西二十里十三州志縣西金紐城去  
縣四十里本都尉治是唐宋時之大夏卽元魏徙治之  
城而二漢故城尚在其東二十里也當在今州東南接

狄道州境矣昔之大夏川卽今之三岔河自州之東南合麻山關大馬家灘火石界內三派合東北流逕狄道州西北又東北入洮水者也至灘水之合白石川合白石枝津卽今州西南洪水河流逕州治南又東入大夏河若今州之大夏河以灘水而冒是稱而諸書又復以訛承訛語曰俗語不實流爲丹青洵有之矣

洪水河州西南源出大溝河流逕州治南門外又東入大夏河卽水經注之白石枝津水也

牛春河出河州西南牛脊山東北流入大夏河疑卽水

經注之羅谿水也

廣通河州東南有二源當和政驛東西北流合爲一入大夏河疑卽水經注之故城川水也

湫池州西北積石關西周迴三十里池畔萬木參天極著霧異土人號爲顯神池一統志河州西北六十里有大龍湫是也

又州東三十里有淺湖橋相傳上古州地皆湖神禹導河之後湖迺爲陸今州東尚有遺跡王象之曰州東有地名湖川川東二里南北十五里皆舊湖地云



積石關州西北百二十里東云積石山五十里明置茶馬司此爲市易處

考唐有雞項關河藍關安鄉關臨津關宋有通會關緩遠關今皆不詳其處吐蕃論恐熱於雞項關南造橋以攻婢婢于鄯州當在今州西北積石與殺馬二關卽明二十四關之二也輿程記州西南六十里爲寧河驛又西六十里爲殺馬關其林麓扼塞足以守禦自此舉足而西地浸高又行一日至嶺西其地益高蓋與西域相出入處昔人訪河源路出于此有南川砦迴樂砦東谷堡通津堡結河堡當川堡來同堡臨灘堡閻津堡大通河堡宏化寺堡皆宋人所築元符二年鬼章攻我南川堡在州西南七十里熙寧七年王韶遣將渡河畧定南山地築迴樂砦結河當川二堡破阿諾城又城香子遂取河州東谷堡卽論恐熱爲婢婢所敗退保東谷處在州東十五里通津本吐蕃之南達堡其東四十里卽安疆寨西北至大通故

城四十里來同吐蕃之甘樸堡  
崇寧中我師取之賜名來同

漢允吾縣故城涼允吾縣故城涼廣武縣並郡故城西  
魏廣武縣故城按允吾廣武沿革之故諸書頗多乖謬  
今參伍考訂于右兩漢允吾皆爲金城郡治晉始移郡  
治榆中而允吾廢前涼復置屬廣武郡後魏亦曰允吾  
屬武威郡西魏改爲廣武縣又置廣武郡見元和開皇  
三年罷郡置廣武縣屬蘭州大業二年改爲允吾縣取  
漢舊名六年改爲會寧縣武德三年重置廣武縣前涼  
分金城郡之令居枝陽二縣地置永登縣又合三縣立

廣武郡治永登後魏郡縣俱廢西魏復于允吾之地立  
廣武縣並郡隋罷郡尋改縣爲允吾唐復以爲廣武屬  
蘭州南至州二百二十里允吾故城在縣西南一百六  
十里本漢縣屬金城郡考隋書地理志後魏置廣武縣  
並郡魏書地形志無之不知後魏時允吾縣未嘗改爲  
廣武也隋志誤西魏爲後魏耳通典舊唐書皆云廣武  
郡隋廢爲廣武縣今隋志不載而惟見于元和志則是  
杜佑劉昫又誤西魏改允吾之廣武爲涼分令居枝陽  
之廣武也水經注澗水出令居縣西北塞外南流逕其

縣故城西又南逕永登亭西歷黑石谷南流注鄭伯津  
漢志令居下澗水出西北塞外至縣西南入鄭伯津枝  
楊今莊浪廳境令居今平番縣西北土司境及平番縣  
西境皆是也永登亭當卽永登縣蓋廣武郡縣俱廢于  
後魏故道元時但名永登亭耳是前涼之廣武在今平  
番縣莊浪廳之間也西魏及唐之廣武縣則在今州北  
微西二百二十里亦卽前涼重置之允吾縣地也而兩  
漢之允吾故城杜佑謂在今州西南五十里是也

狄道故城二漢志並屬隴西郡呂后六年匈奴寇狄道

七年復入寇文帝十二年匈奴寇狄道季漢延熙十八年姜維圍王經于狄道不克尋又引軍出狄道不克而還卽此城矣晉惠置狄道郡前涼置武始郡宋元嘉四年武始羌畔熾盤遣其左丞相曇達招慰羌執曇達送於夏主昌大平真君八年置勇田郡尋改武始郡治勇田縣今狄道州南里許有舊土城俗名番城當卽狄道故城其城北之武始故城則後魏之武始郡治勇田者也

臨洮故城今岷州城故秦漢縣屬隴西南部都尉治此

建初三年羌豪布橋等圍臨洮縣馬防討破之永初三  
年鐘羌破臨洮縣永建初校尉馬賢大破鐘羌於臨洮  
延熙十七年姜維自狄道進拔河關臨洮是也後魏始  
於此置岷州領同和郡尋改臨洮郡又置龍城縣爲郡  
治隋開皇二年突厥寇蘭州總管叱列長之守臨洮爲  
所敗三年罷郡屬岷州大業三年復爲郡唐改置岷州  
天寶時爲和政郡乾元初復爲岷州今之州治卽唐州  
治也

桑城亦名桑壁休屠王石武以桑壁降于劉曜又大寧

初劉曜自隴上西擊涼州遣其將呼延晏攻涼寧羌護  
軍陰鑿於桑壁是也大興三年劉曜攻拔陳倉諸城成  
晉王保懼自秦州遷於桑城通鑑注保欲自桑城奔河  
西也城當在今狄道州西南土司境

鞏令城吐蕃所置城也宋熙寧六年王韶圖武勝使德  
順將景思立分兵自南甲趨鞏令城在今州西南二百  
五十里又有鶴城三足城皆吐蕃所築在州西南土司  
境內

長城堡州西北唐王峻敗吐蕃于此秦築長城起自臨

洮卽此

武街城晉書惠帝分狄道置武街縣前涼張駿收河南地至于狄道置武街石門侯和澠川甘松五屯護軍與後趙爲界晉永初二年石虎將王擢擊張重華襲武街卽此唐志以爲武街驛開元二年薛訥拒吐蕃於此當在今狄道州東渭源縣西

枝陽縣故城在靖遠縣西南今莊浪廳境漢屬金城郡晉廢張寔復置屬廣武郡隆安二年乞伏益州攻涼枝陽武允吾三城克之義熙三年赫連勃勃擊禿髮儁



檀至枝陽大獲而還卽此顧氏謂魏書地形志無此縣當是已廢也考水經注湟水東逕枝陽縣下逆水文有東逕枝陽故城南語則縣未嘗廢于後魏特今本魏書脫誤耳當在今莊浪廳南境也

祖厲縣故城漢屬安定後漢屬武威晉廢張軌復置仍屬武威後魏移治平涼屬隴東今會寧縣故漢祖厲縣地故城在今靖遠縣西百三十里祖厲音置賴

勇士城漢縣屬天水郡武帝置天水屬國治此後漢屬漢陽郡元初二年龐參等擊叛羌兵至勇士爲杜季貢

所敗卽此晉廢十六國春秋符秦置勇士護軍太元十年乞伏國仁自稱大單于築勇士城而居焉水經所謂子城也輿地廣記稱苑川城乞伏國仁據此後曰子城縣按苑川東西二城相去七里符登封國仁爲苑川王蓋川本勇士縣地其故城皆當在今金縣界中

鷓陰城漢縣屬安定後漢屬武威晉廢涼復置後魏始移置平涼舊城遂廢今靖遠縣西境卽鷓陰縣地後漢建康初趙冲追擊叛羌於鷓陰河又黃初二年涼州廬水胡反遣張旣討之賊拒于鷓陰口卽鷓陰河口也

西地志卷之十一  
三  
枹罕縣故城魏書地形志河州治枹罕而無枹罕縣元和郡縣志魏置枹罕鎮太和十六年改爲河州諸家地志咸以漢魏迄唐之枹罕皆卽今河州治按水經注灘水又東逕枹罕縣故城南而下文又別出枹罕城則後魏之枹罕非二漢之枹罕矣十三州志灘水在城南門前東過考今之大夏河北至州城尚遠四五里以此推之似二漢故城尚在今州治之南濱于大夏河也宋熙寧六年置枹罕縣而州治寧河縣金人仍以枹罕爲州治元復省今州西七十里有枹罕故城當卽宋人所置

而今之州則宋寧河縣治也

大夏城永和二年石虎將麻秋克金城進取大夏又攻  
枹罕不克退保大夏太和二年涼張天錫討叛將李儼  
克大夏武始二郡儼自隴西退屯枹罕又唐會昌初吐  
蕃論恐熱屯大夏川謀併鄯州時縣爲吐蕃所廢故但  
言大夏川川在大夏縣西詳見前大夏河考下

鳳林縣河州西北八十里本漢白石縣地前涼改置永  
固縣于此後魏大統十二年刺史楊寬于河南鳳林川  
置縣因川爲名儀鳳元年于河州西移安鄉縣理此又

名安鄉天寶元年改名鳳林顧氏謂貞觀十一年改安鄉者譌貞觀初曾於縣境置烏州後廢永光中隴西羌多姐旁種反遣馮奉世率任立韓昌到隴西分屯三處立爲右軍屯白石卽此又永元十年討叛羌唐迷謁者耿譚屯白石是也今考元和郡縣志鳳林縣東南至州八十里十三州志謂在狄道西北二百八十五里其東有白石山故名則當在河州西南方位與吉甫所言不合疑有譌又有鳳林關咸通中尚延心獻欵高駢收鳳林關是也

治城前涼張氏所置元嘉六年翟伯承等據罕开谷以  
畔乞伏暮末擊破之進至治城蒙遜遣子興國攻定連  
暮末逆擊於治城禽之八年赫連定滅西秦畏魏人之  
逼擁秦民自治城濟河吐谷渾王慕瓚使其弟慕利延  
等乘其半濟擊之執定以歸後魏置建昌郡以治城縣  
屬焉又析置東涇郡於此後周郡縣咸廢故城當在今  
河州西北百十里又西北有譚郊城義熙七年乞伏乾  
歸徙秦水洛城民三千戶於此築城八年徙都之尋爲  
兄子公府所弑太子熾盤執公府縵之譚郊是也

定連城呂光築元嘉三年乞伏熾盤爲赫連昌所攻白  
袍罕遷保定連六年蒙遜伐秦暮末復自袍罕遷保定  
連七年吐谷渾慕瓚襲定連不克是也城當在今河州  
東南

列渾城本名列城水經注灑水逕消銅城又東北逕列  
城東城當在今循化廳南通鑑秦王熾磐築列渾城于  
汁羅顧氏謂今河州西南百八十里今循化廳西南山  
曰達那阿林南有水東南合和爾藏必拉疑卽水經注  
之列水也

臨津城卽隋之臨津關大業五年帝自將伐吐谷渾出臨津關渡黃河至西平卽此城矣酈氏謂爲緣河津渡之處是也

鹽泉城卽鎮西軍治也開元二十六年隴右節度使杜希望將鄯州之衆奪吐蕃河橋築鹽泉城于河左置鎮西軍治元和郡縣志又以爲哥舒翰開元三年置于索恭川者開元疑天寶之誤顧氏謂天寶十三年于索恭川置天成軍鎮西或云天成之譌又訛十三載爲三年非是按紀要又云于河州西百餘里置雕窠城爲戍守



處考通鑑天寶十三載九月拔吐蕃雕窠城置振威軍則雕窠乃吐蕃城元和郡縣志振威軍在鄯州西三百

里開元中信安王禕置此非有兩振威必誤謬也通鑑會昌

三年夏六月論恐熱大舉兵擊婢婢至鎮西大風震電天火燒殺裨將十餘人即此鎮西軍

寧河城即香子城吐蕃置在河州南六十里熙寧六年

王厚拔其城遂克河州因置寧河砦于此後升縣金因

之元為寧河鎮明初復為縣尋廢又元人于唐鳳林縣

東三十里置安鄉縣取唐縣名之也或謂本吐蕃城橋

關宋賜名安鄉關元置以為縣仍舊名也明初省入州

定羌城本吐蕃阿諾城宋改定羌熙寧八年吐蕃木征圍河州王韶自熙州馳救諸將議趨河州韶曰賊圍城恃有外援耳乃直趨定羌破西番結河川族斷夏國通路進臨寧河分命偏將入南山木征知援絕拔柵去元升爲縣明初廢又其西爲木藏城亦吐蕃所置又其西有講朱城亦吐蕃所置元祐二年熙河將姚兪破鬼章於此尋復爲西蕃所據

循化城非循化廳地乃吐蕃一公城崇寧中改曰循化宋志講朱一公當標錯鑿四城舊爲西蕃所築本朝收

復改爲來遠循化安疆懷羌尋皆棄不守

新志以今廳地當之大誤

踏白城河州東北熙寧七年吐蕃首領鬼章誘知河州景思立偏將王寧會盟踏白城伏發二將俱鬥死八年王韶解河州圍還熙州以兵循西山遠踏白後燒賊廬帳木征窮蹙來降是也又歷精城河州西近西寧衛境宋治平中唃廝羅子瞎瑄居龕谷

今金縣地

瞎瑄長子木征

居河州少子瞎吳叱居銀川唃廝羅少子董瑄與其母居歷精城是也

平夷城河州西南四十餘里開元中郭知運所置守捉

所也又魚海城吐蕃所置郭子儀破袍罕十塞取魚海等五縣當在今循化廳南又有消銅城可石孤城黑城榆城俱見水經注諸城俱當在今循化廳南也

考漢之大小榆谷唐之九曲在今貴德廳西爲和碩特前頭旗南左翼中旗南右翼中旗土爾扈特南前旗及察漢諾們罕刺麻遊牧處卽析支地開元三年姚崇盧懷慎等奏頃者吐蕃以河爲境神龍中尙公主遂踰河築城置獨山九曲兩軍去積石三百里又於河上造橋今吐蕃旣叛宜毀橋拔城從之蓋卽楊

矩所與九曲之地也俱見通鑑

西域考古錄卷第二

海月堂雜著

海鹽俞浩 湛持

西寧府

管縣三 西寧 碾伯 大通

管廳三 循化 貴德 巴燕戎格廳

禹貢析支雍州之域析支卽賜支今府境西南皆古析支地也自秦漢以來羌胡所居昭帝元始元年分置金城郡今府界卽金城郡地矣後漢獻帝末年分金城爲西平郡屬涼州至晉張軌分西平置晉興郡張天錫以

二郡遼澗又分爲廣源郡呂光改西平爲西河郡南涼  
禿髮烏孤自稱武威王徙都於此傳檀遷於姑臧後又  
移治樂都爲乞伏熾磐所併後魏以西平爲鄯善鎮孝  
昌初罷鎮爲鄯州後周又置樂都郡隋初郡廢仍曰鄯  
州煬帝復改西平郡唐初復爲州儀鳳二年置都督府  
後復爲州元宗置隴右節度使統臨洮等十軍城綏和  
合州平夷三守捉使臨洮軍河源軍州西百二十里白水軍州西二百五十里安人軍置  
於星宿川振威軍州西三百里威戎軍酬三百五十里  
莫門軍洮州城內寧塞軍廓州城內積石軍廓州西百  
八十里鎮西  
軍河州城內

天寶改西平郡乾元仍爲鄯州上元初沒蕃大中收復  
五代之亂又爲西蕃所據號青唐城宋元符二年收復  
仍曰鄯州崇寧三年改爲西寧州仍建隴右節度使又  
改軍號曰賓德金因之元亦曰西寧州明改置西寧衛  
屬陝西行都司指揮使司

國初仍爲西寧鎮亦設西寧衛碾伯所雍正初年改衛  
爲府置西寧碾伯二縣後又增設大通縣巴燕戎格廳  
貴德廳循化廳隸焉

顧氏曰西寧河湟環帶山峽紆廻扼束羌番屹爲重鎮



漢武使霍去病破匈奴因斥逐諸羌不使居湟中宣帝  
時趙充國留屯金城諸羌遠遁後漢建武中馬援平先  
零諸種時議者以金城破羌之西道遠多寇欲棄之援  
因上言破羌以西城多堅牢易可依固田土肥美灌溉  
流通如令羌在湟中則爲害不休不可棄也從之其後  
馬賢龐參往往樹績於此晉室南遷張氏撫有河西亦  
能和輯氏羌保其險阻呂光嚴刑峻罰河湟離畔晉隆  
安初禿髮烏孤屯據廉川羌首梁飢攻後涼西平烏孤  
欲收之議者多以飢兵強爲疑趙振曰使羌得西平中

外震動非我利也烏孤曰飢得西平保據河山不可復制矣遂進擊飢破之於是據有嶺南之地楊統言於烏孤曰呂光衰耄諸子乖離若使浩亶廉川乘虛叠出不過二年姑臧可圍也烏孤從之後涼益困其後北涼西秦相爭逐於河湟間西秦之亡地沒於吐谷渾後魏復取之以爲秦隴藩蔽隋煬勤兵遠畧地斥四郡唐文皇平吐谷渾而地旋入於吐蕃開元中建雄鎮於州其時兵威震疊薄於海西天寶之後吐蕃乘安史之亂竊據河湟於是邠州之北鳳翔之西皆爲蕃戎之地馴至薄

皇畿犯京師其禍乃烈於東漢時之西羌及宣宗收復河湟而唐亦終不競矣宋關中戍守不越秦鳳熙寧以後始務遠畧圖河湟以制西夏乃議者謂河湟復而宋祚衰夫豈探本之論乎元起沙漠先事西域卒翦夏基遂置吐蕃宣慰司而領之以帝師西平亦其扼吭之地也明初置衛屯兵設茶馬司於此用以馴制蕃部云

湛持居士曰西寧居黃河下游爲五郡門戶南驅河曲北倚天山東控臨洮西通鮮水祁連旣宜於畜牧西海亦利於漁佃王韶言欲取西夏當先復河湟衆

古火落赤嘗大言我但以偏師牽綴西寧銳卒直搗  
臨鞏則五郡皆我囊中物也彼有人焉顧其酋不能  
用也然而明之得失可得而言也當明祖有天下之  
初以蕃俗獷悍欲衆建之以分其勢於是附近西寧  
巴沙巴哇申中申藏等十三蕃族各授官領印中納  
金牌茶馬諸番戀貢市之利且欲各保世職不敢爲  
非誠得禦戎之上策也洎武宗嗣位朝政日非達靼  
亦不刺諸部闖入河曲侵掠四衛久之遂據青海諸  
番爲所戕殺邊將圍視而不能援豈惟西寧有齒寒

之懼卽張掖武威迄無寧日而當事者方痛飲於危  
牆之下清歌於漏舟之中苟非鄭洛招蕃田樂主剿  
則西寧已爲達靼游牧之場其不爲河套之續幾希  
夫青海一區昔之西海郡也河曲卽漢之大小榆谷  
唐之九曲地也自吐谷渾以來歷唐宋元明郡地之  
不登版曹者千餘年及明之中世一變爲蒙古至明  
之季世遂爲和碩特所據蓋明自正德以後河西五  
郡始有海寇之患我

朝開國之初經畧中原西陲諸部等之羈縻其小小寇

犯無歲無之康熙初年青海諸部蠶屯祁連山縱牧  
大草灘連結準夷役屬諸番右臂旣續河西各郡爲  
之困樊提督張勇請築扁都口西水關至嘉峪關邊  
墻以限內外及十四年王輔臣之變扁都口扁都口在  
甘州東南二百五十里甘州兵赴青海必出扁都敵自青海北行必假道扁都口入嗎力幹入  
據涼州之黃城兒勞藏寇紅崖殺遊擊取道扁都口  
入犯甘州皆以達賴刺麻檄諭而罷三十五年

聖祖親征噶爾丹遣使宣諭諸部集盟於龍駒島其明  
年青海諸台吉入覲京師詔封固始汗子達什巴圖

爲和碩親王餘授貝勒貝子公等有差蓋至是青海始爲近藩五十六年各部護送裏塘達賴刺麻入藏從大兵戡定西藏詔留兵二千屯青海以備準夷及雍正元年我師平羅卜藏丹津於是令土爾扈特等五旗各自爲部不得復屬和碩特以分其勢以西寧辦事大臣蒞盟自此青海遂同內地爲不侵不畔之臣然而百餘年來以恬以處燕安起於無虞弊蠹生於悠久蒙古日以削弱番族日以強盛故西海諸部畏番人如虎狼防秋官兵昔之離番以制蒙古者今

乃衛蒙古以并番盛衰之故雖曰天意亦人事有以致之而

國家之撫馭亦張弛隨之矣

西海在西寧府西三百里十三州志西海東去西平郡二百五十里水經注曰古西僊之地也亦曰零海亦曰青海亦曰卑禾羌海亦曰鮮水亦曰允谷鹽池西海以在黃河之西古曰僊海也狄鞮曰庫克諾爾庫克謂青諾爾則積水之名也鹽池在其西南狄鞮曰達布遜諾爾達布遜謂鹽也海方數百里漢元鼎四年先零羌與匈奴通攻令居圍枹罕遣將平之始置護羌校尉羌乃去湟中依西海鹽池神禽初酒泉太守辛武賢請擊罕升之在鮮水上者趙充國請治湟中以西道橋七十所令可之鮮水左右元始四年王莽誘塞外羌獻鮮水海允谷鹽池置西海郡後漢永元中護羌校尉周鮪等擊滅畔羌西海及大小榆



谷無復羌寇從隴麋相曹鳳言復西海郡縣治屯田  
植穀後涼楊軌爲羌梁飢所敗西奔零海襲乙弗鮮  
卑而據其地隋書青海在吐谷渾中周回千餘里海  
中有小山以牝馬置此山生駒號爲龍種其西十五  
里吐谷渾侯城在焉隋伐吐谷渾得其地縱牝馬  
二千匹於川谷以求龍種無效而止貞觀八年段志  
寧出西海道被吐谷渾既敗之於庫山乃中分其軍爲  
九年大舉伐吐谷渾萬徹李亮由北道出曼頭山  
兩道李靖與薛萬均與侯君集趨南路歷破還嗔谷  
論赤水任城王道宗與侯君集趨南路歷破還嗔谷  
人斃水馬噉雪五月踰漢哭山進及烏海大破之李  
大亮敗之於蜀渾山執失思力敗之於居茹川李靖  
督諸軍追至且末西間可汗伏允在突倫川即圖倫  
磧將奔于闐契苾何力自選驍騎千人直趨突倫川  
磧中乏水將士刺馬血飲之襲破伏允牙帳斬首數  
千級獲雜畜二十餘萬伏允脫身走俘其妻子侯君  
集等由烏海至星宿川及柏海還與靖軍合遂平其  
地十二年吐蕃擊破之吐谷渾王諾曷鉢遁於青海

北龍朔二年吐蕃破吐谷渾屯青海咸亨二年薛仁貴敗績於大非川川在青海南儀鳳三年李敬元敗績於青海之上永隆元年黑齒常之敗吐蕃於良非川追破之青海二年贊婆畜牧於青海黑齒常之復掩破之萬歲通天中郭元振議以青海吐谷渾國家要地使吐蕃歸之以易四鎮十姓不果開元十四年悉諾邏掠甘州自積石軍西歸頓大非川涼州都督王君奐追及之青海西乘水而渡襲其輜重而還三十五年崔希逸敗吐蕃於青海西天寶初皇甫惟明破吐蕃大嶺軍又敗之青海五載王忠嗣與吐蕃戰於青海積石皆大破之七載哥舒翰築神威軍於青海吐蕃來攻擊敗之又築城於龍駒島時有白龍見因號應龍城明年以謫卒二千戍之冬水合吐蕃大集戍者咸沒自是以後中原多故青海爲吐蕃所有設青海節度使以鎮之大中初吐蕃內亂河湟之地復入於唐其後吐蕃旣滅族種分散無復統一宋建隆中首領尚波于獻伏羌地咸平中以六谷都首領潘羅支爲朔方節度使使防禦李繼遷是歲攻西蕃

入西涼府羅支僞降未幾集六谷諸豪及者龍族合  
擊繼遷繼遷中流矢死旣而繼遷種落陰圖羅支遂  
爲其所殺羅支弟廝鐸督代爲首領遂以爲朔方節  
度使於時西羌部屬迎唃斯羅至河州於是宗哥立  
遵與邈川溫逋奇佐之立文法因徙居宗哥城舊龍  
支縣地唐屬鄯州邈川者唐鄯州之樂州在今西寧  
東南二百里又有溪哥城者舊積石軍也宋復得以  
爲積石軍者也立遵佐唃斯羅甚有威名屬上表求  
爲贊普眞宗曰贊普戎王之號立遵方佐唃斯羅其  
可與平乃授以保順軍節度使後溫逋奇謀亂唃斯  
羅殺之而改莅青唐會元昊以兵來襲唃斯羅堅壁  
不與戰元昊渡水嘗植幟以志淺深唃斯羅潛使移  
所植及元昊衆潰趨志處溺死過半自是數以討取  
元昊而并廝鐸督之衆十餘萬回統亦以數萬歸焉  
其勢遂強於諸羌治平初卒三子皆被恩命曰瞎斡  
居龕谷曰磨壇居宗哥城曰董壇嗣爲保順軍節度  
使西蕃邈川首領熙寧中王韶復洮河二州瞎斡子  
本征降賜姓名趙思忠神宗討西夏董壇集六部族

兵十二萬分三路與大軍會拜河西節度使封武威郡王以其養子阿里骨爲肅州團練使董瑄將死名諸族首領至青唐城謂曰吾一子已死惟阿里骨母掌牟瞎連事我當以種落付阿里骨諸酋諾之旣死阿里骨遂居青唐元祐元年以爲河西節度使西蕃遜川首領二年迫其將鬼章掠洮州又進築安鄉踏白城種誼破其城生禽之阿里骨復歸欵詔瀚雪其罪及死子瞎征承襲久之國人不服迎董瑄兄子溪巴溫立之朝廷命王瞻招納瞎征歸朝乃度河攻據遜川以重兵臨之巴溪溫死子隴拶亦出降賜姓名曰趙懷德吐蕃諸首領復立隴拶之弟溪賒羅撒趙懷德還遜川溪賒羅撒與其黨謀掩殺之懷德遂奔河南事聞遣童貫將王厚等至京玉關遂拔湟州會兵宗哥川與戰敗之其酋開門出降詔更鄯州爲西寧州至靖康之變金人陷陝西六路熙河守帥乃求青唐種族以湟鄯地與之元平西域降高昌滅西夏青唐諸首領納土歸欵元仍置西寧州而青海南北兩路猶爲吐蕃所據今之十三族皆其種類也明有

天下中馬易茶諸族安土守法百年之間未有邊患  
及正德後逋寇集於青海而其患遂中河西論者常  
為西顧  
之憂云

大積石今名雪山蒙古名木素鄂拉在今青海上土爾  
扈特南前旗黃河之南阿里克土司之東今黃河自羅  
布淖爾伏流至噶達素齊老山復出為阿勒坦河東流  
穿鄂敦他拉海而東緒為札淩海又東為鄂淩海折而  
南逕蒙古爾津土司又東逕積石山南即水經所謂東  
南流入渤海又出海外南至積石山下有石門之文也  
詳見余所作大積石山考

土樓山在府西北隋志謂卽四望山也漢神爵元年起  
充國至金城渡河遣騎候四望陁中無人夜引軍上至  
落都喜曰吾知羌不能爲軍矣使發數千人守杜四望  
陁中兵豈得入哉又峽口山地極險阻爲湟鄯往來咽  
喉卽漢書之湟陁充國屯田奏言治陁以西道橋七十  
所令可至鮮水左右是也唐人嘗修閣道宋築省章城  
於此名綏遠關在府東南

拔延山府南二百里故隆化縣境與連雲山接隋大業  
五年帝大獵於拔延山長圍亘二十餘里是也

車我真山府西南六百里大業五年煬帝追吐谷渾可汗於覆轅川分命元壽南屯金山段文振北屯雪山楊義臣東屯琵琶峽張壽西屯泥嶺四面圍之伏允潛遁遣其名王詐稱伏允保車我真山是也

又曼頭山吐谷渾中最著者宋秦始六年魏主宏遣其將長孫觀西擊吐谷渾王拾寅敗之於曼頭山大業四年宇文述出西平至臨羌城進拔吐谷渾曼頭赤水二城因於赤水城置河源郡兼領赤水遠化二縣謝氏謂改曼頭城爲遠化縣也考隋志赤水管下有曼頭城又

別見遠化則改縣之說謝氏不知何據也又貞觀九年李靖部將薛孤兒敗吐谷渾於曼頭山劉昫云隋置河源郡有曼頭城城因山名也曼音萬

赤嶺府西三百二十里續通典石堡城西三十里有山土石皆赤北接大山南連雪山號曰赤嶺自鄯城縣西行二百餘里卽赤嶺也劉元鼎曰過石堡城西行數十里土石皆赤名曰赤嶺卽此後魏宋雲等奉使西域自洛陽行四千里至赤嶺乃出魏境見伽藍記亦此嶺也又儀鳳三年婁師德使吐蕃吐蕃迎之於赤嶺開元十



九年吐蕃請交馬於赤嶺互市於甘松宰相裴光庭曰  
甘松中國之阻不如許赤嶺乃聽以赤嶺爲界表石刻  
約二十二年又立碑於赤嶺分唐與吐蕃之境二十六  
年命河西隴右分道經畧吐蕃碎赤嶺碑天寶八載哥  
舒翰克吐蕃石堡城復以赤嶺爲西塞蓋中國與吐蕃  
分界處也考其地當在西寧縣西鎮海堡邊外綽羅斯  
輝特二旗境也

大小榆谷考通鑑注大小榆谷卽唐之九曲在積石軍  
西二百里宋史地理志積石軍北至西寧八十里則榆

谷當在今之貴德廳西水經注河水自河曲逕西海郡南下注引十三州志龍夷城在臨羌新縣西三百一十里王莽西海郡治此當在今青海南又東逕允川而歷大榆小榆谷北是也後漢建武中燒當羌滇良集諸種擊殺先零奪居大小榆谷章和末護羌校尉鄧訓發兵掩擊迷唐於寫谷羌乃去大小榆谷衆悉離散永元四年嵩尚代鄧訓招迷唐等復居大小榆谷迷唐遂畔寇金城塞五年校尉賈友攻迷唐於大小榆谷破走之因作河橋於逢留大河以度兵十一年迷唐降入居金城

詔將其種入還夫小榆谷迷唐以漢作河橋兵來無常  
辭不肯徙叛還賜支河曲十四年以迷唐衰息從曹鳳  
言屯田二榆永初中以羌亂罷自晉以後常爲諸羌所  
據後周逐吐谷渾復收其地煬帝築長城自榆谷以東  
禦吐谷渾也通鑑注景雲中吐蕃請九曲地都督楊矩  
奏與之吐蕃置洪濟大莫門等城又置獨山九曲兩軍  
以守其地地旣肥饒吐蕃就之畜牧因以入寇矩悔懼  
自殺開元二年宰相姚崇等奏頃者吐蕃以河爲境神  
龍中尙公主遂踰河築城又於河上造橋今吐蕃旣叛

宜毀橋拔城從之五年郭知運大破吐蕃於九曲十五年蕭嵩破吐蕃於渴波谷追拔其大莫門城焚其駱駝橋天寶二載皇甫維明攻洪濟城克之王倓又破其魚海遊奕等軍十二載哥舒翰攻洪濟莫門取之盡收九曲地奏於其地置澆河洮陽二郡及神策軍以臨洮守兼充軍使及洮陽守焉考洪濟本後周之洪濟鎮吐蕃就故城修築之也又儀鳳初於洮州城置莫門吐蕃遂加大以稱之耳通鑑注洮陽澆河二郡皆置於洮廓二州西南廓州本澆河郡天寶元載更名寧塞郡洮州西

八十里磨環川置神策軍元和邠縣志謂在洮河南岸是也又有寧邊軍在積石軍西黃河北威勝軍在積石軍西八十里宛肅亦曰宛秀軍金天軍在洪濟橋武寧軍在洪濟橋東南八十里百谷城耀武軍在州南二顯黑硤川卽水經注之黑城谿也當在今循化廳南按此諸軍皆十三載哥舒翰奏置者

落都谷舊唐書地理志浩亶縣有雜都谷卽趙充國傳之落都也永平初馬武擊燒當羌敗於落都谷是也在今碾伯縣境中又三堯谷卽漢護羌校尉傳育討羌迷

吾爲所襲殺處舊志在臨羌縣西南通鑑注在建威縣  
今在西寧縣西鎮海堡外又木乘谷漢張紆屯臨羌迷  
吾犯金城塞遣從事司馬防戰於木乘谷敗之當在今  
鎮海堡外又長寧谷卽水經注之長寧水東南流逕晉  
昌城城在今西寧縣土司境長寧川水出松山蒙古謂  
之阿爾坦阿林當今大通縣南土司境卽松山也隋大  
業中帝自拔延山入長寧谷度星嶺然後至浩亶川是  
也星嶺有吐蕃所築帶星嶺城晉析臨羌縣置長寧縣  
亦以長寧川名之後魏廢水經注西平城西北四十里

有長寧亭蓋在今縣西北北川土司境內長寧水今謂之北川河至西寧縣西北入湟水自南川至北川皆有邊牆高不過三五尺低者童子可踰也北川有守備營在新城堡東南至西寧縣八十里

紀畧曰北川營乃總堡名渡河二里爲毛

家寨東十里上馬圈堡又東五十里威遠堡皆內地也西踰大山六十里爲刺鏢參力幹住牧皆外地也東西閣門在營北十里順治戊子叛回俱以此爲遁逃藪及漢人之亡命者咸萃焉築室耕田牛種取給於麥力幹歲添巴有等差若屯田其田皆肥沃百數十里村堡相望苟有中行說輩如河套之板升其爲害豈淺鮮哉西寧之可慮者不在斯乎

牛心堆水經注湟水又東牛心川水注之牛心川水出

西南遠山東北流逕牛心堆東通鑑貞觀九年李靖敗吐谷渾於牛心堆考牛心川水出西寧縣西南土司境內今謂南川河有南川口營東至西寧縣三十里其西四十里卽大康纏又西二十里爲小康纏萬歷中巡撫田樂檄副將達雲與海夷戰於開門申中族尾夷至開門外斬級甚多復與西寧官兵犄角破之大康纏海氛頓息紀畧南川口乾河等山口俱有舊邊循牆挑壕斬斷山崖築砌石臺以備夷騎刺撒西林尤爲要害北十里卽銀塔寺寺有菩提樹俗呼千佛樹又謂之寶貝佛海夷達賴黃白吉以金銀葉裹樹每歲六月番夷全集於寺至此者由北川閣門西北由鎮海多巴西由西石峽西納川口東南由南川口寺北至鎮海營十



里鎮海營者茶馬互市之通衢也東距西寧南連銀塔  
北近多巴接北川西踰黃河通石峽蓋青海西川大通  
有夷住牧以是爲西寧門戶焉款於斯戰於斯由來久  
矣考營之初制距青海四十里卽漢西海郡故城修築  
中葉移置於此其時罕東四衛已被侵掠藩籬旣破欲  
不遷得手在昔夷勢雄張十三族無不納添巴者所謂  
隔斷羌胡曾不若折柳之可懼狂且也  
嗜甚矣不能自治也於彼又烏足責乎

巴緩三川十八堡之總名也東南連河州東北接蘭州  
西北走碾伯大河東限小文西控大通流其北延袤二  
百里平原築堡臨壑附巖則置寨俯流則甃石山巔平  
則削四壁續斷垣於山上爲城可耕可牧可守然漢土  
雜居羌回環處沿山西行直趨湟中皆人跡不到之區

也其北百三十里爲古鄯驛唐鄯城縣舊治也河湟孔

道南障雪山東連番族重岡複嶺路通兩峽自是而西

皆湟中大路蓋萬山深處也考元和郡縣志儀鳳二年

分湟水縣置北枕湟水西卽土樓山有土樓神祠紀畧三川

十八堡明副使及官所築其地逼近黃河有明於三川

之大山下闢門起鹹水溝止濬築邊壕有分水嶺東南

之水經美都溝引溉三川其嶺北之水經巴援川極大

通河焉故梨棗成林膏腴相望其地水草甚美明設宗

水監四院曰永川曰黑城曰清水曰美都三川其孽牧

土人皆李土司部人三川有遊擊西北至西寧縣二百

五十里古鄯驛爲河州西寧大道其東皆番族語言不

通非土人鮮問津焉馬營寺爲刺麻住持驛東七十里

是也西寧巴川三十里巴川堡皆土人所居治土司所

轄分水嶺之水經紐東溝米刺溝而至巴川溉田甚廣

土人自守倍於兵民漢人無居此者山高而地隘也西  
二十里曰黑山又十里為下川口又西北二十里至李  
土司所居之上川口五十里之中險阻倍常車不能方  
輒人不能成列耕墾山田高高下下引導水源無旱涸  
之虞故土人皆勤於稼穡

穡殖穀守法有古風焉  
考上川口土司明初李南哥率眾來歸使之招番討  
叛有功賜錫券虎符相傳本沙陀朱邪赤心之後今  
其所轄土人皆精銳勝兵者萬人其地南接巴川堡  
西接虎刺害北限大河東通省會高山大谷可四達  
也

老鴉城本漢破羌縣故城屬金城郡晉廢永初三年叛  
羌攻沒破羌縣城卽此東至西寧百八十里今廢為驛  
漢土雜居東接上川口西抵瞿雲寺南面湟而北負山

亦湟中設險之地也

湟水漢志臨羌西北至塞外有西王母石室仙海鹽池  
北則湟水所出鄜氏水經注湟水出塞外東逕西王母  
石室石釜西海鹽池北仙海卽青海今湟水出青海東  
北實不逕青海鹽池之北漢志北則湟水所出蓋指縣  
北言之與上西北至塞外一例非蒙上僊海鹽池也鄜  
氏引漢志偶失檢耳魏王括地志湟水一名樂都水來  
自牛心堆經四望山陽東至允吾入河湟水左右地皆  
肥美漢武開河西四郡隔絕羌與匈奴相通之路斥逐

諸羌不使居湟中地是也其後元康四年先零豪言願  
時渡湟水北逐民所不田處畜牧自後遂抵冒渡湟水  
欲結匈奴絕漢道趙充國擊平之一統志湟水今不經  
見衛城北北山之陰有蘇水連河疑卽湟水云元圖經  
湟水出祁連山下東流合浩疊河皆非是詳見第一卷  
狄道州下湟水考

浩疊河今曰大通河出青海西北山曰阿木尼厄庫阿  
林水曰烏蘭木倫必拉當安西州東境之直南自青海  
西北東流逕和碩特前左翼頭旗北又東逕和碩右翼

前旗南又東逕和碩特東上旗北又東逕大通縣南又  
東南逕碾伯縣東平番縣西又東南逕莊浪廳西南碾  
伯縣東南入湟水大通縣以下爲漢浩疊允吾二縣境  
故漢志云浩疊水出浩疊西塞外東至允吾入湟水水  
經注閤門河入塞逕敦煌酒泉張掖南蓋肅州甘州南

境邊外爲青海北境也又經西平之鮮谷塞尉故城尉故

城今不可考又合湛水逕養女北山合南流川水又東逕浩

疊縣故城南又東流注湟考元和郡縣志浩疊故城在廣武縣西南一百三十里允

吾故城在廣武縣西南一百六十里是水朱思本云浩流二縣間也當在今平番縣西南上同境

鹽水出剛丹州南剛丹山下東南流七百餘里合湟水而注於黃河大業五年伐吐谷渾至浩亶川以橋未成斬都水使者黃亘等數日橋成乃行

西寧縣

附府

本漢破羌縣地屬金城郡魏分置西都縣屬

西平郡隋罷郡屬鄯州開皇十八年改爲湟水縣唐因之舊書地志武德二年置鄯州治故樂都城似以後周樂都郡治而名也後沒於吐蕃謂之青唐城宋元符二年洮西安撫使王贍收復仍置湟水縣焉元爲西寧州治明改衛不置縣國初因之雍正中改府卽舊湟水

縣置今縣

今考元和郡縣志後漢獻帝立西平郡後魏於此置  
鄯州郡當爲州屬今本魏書地形志鄯州下缺隋唐  
鄯州治湟水縣在西平故郡東儀鳳中分湟水置鄯  
城則與故郡相接元和鄯縣志湟水縣本破羌縣地  
土樓山在縣西百三十里鄯城縣東至州一百二十  
里北枕湟水西卽土樓山以水經注土樓在西平亭  
東北五里推之則土樓正當故郡之北鄯城在東其  
地相接太平寰宇記鄯城縣西平故城在今縣西一  
百三十二里者蓋由湟水縣言之猶元和志土樓在  
鄯城之西而湟水縣下猶云在縣西一百三十里皆  
誤錄舊圖經之文未及改正也與地廣記鄯城縣唐  
沒於吐蕃皇朝收復改爲西寧州是宋之西寧州城  
爲唐鄯城縣非隋唐鄯州治州城之西卽與西平故  
城相屬今西寧府治卽宋之州城明之衛城陝西行  
都司志謂自衛城西至南迤東約八里餘乃古西平  
郡城信矣一統志衛城西有西寧廢城宋置州於



此元移今治云云然其謬不可據從來官書之謬未  
有如此大明一統志者也顧亭林所摘特北直隸數州  
縣其他未經勘定者尚不知凡幾也

安夷川水經注湟水又東安夷川水注之安夷川水發  
遠山西北流控引衆川北屈逕安夷城西北東入湟水  
此安夷城在湟水南卽故城也二漢志俱屬金城郡晉  
志屬西平郡禿髮利鹿孤鎮安夷蓋卽此城後廢其新  
安夷城自在湟水北安夷之廢地志不詳後魏所置之  
新安夷亦屬鄯州但今本地形志鄯州下缺無從考耳  
據水經注宜春水西南流至安夷城南入湟推之蓋卽

新安夷矣故城當在今碾伯縣西明西寧衛志以衛東

七十里之平戎驛當之約畧近之

紀畧平戎驛南北皆夷也南極石札巴北

盡紅崖溝南北百里皆爲緩服西寧孔道不絕如綫幸而土番雜居有守望相助之風趙充國奏壅屯田二千頃卽在此處大峽口在東小峽口在西四十里小峽卽漢湟陜道宋之省章城及緩遠關皆去此不遠控制咽喉於是乎在而皆不聞有一虜一旅之番代相戍豈以甌脫視之哉下戍驛西至西寧縣四十里西寧孤懸天末其得失每在五郡之先殷繁輻湊不但河西莫及雖秦塞猶多讓焉自漢人土人而外有黑番有回回有西夷有黃衣喇嘛而番回犛衆豈非互市之故哉城之中騷牝常以萬計四方之至回境之救不與也羽毛齒革珠玉布帛茶煙米豆之屬負輦駝載交錯道路昔人所謂舉袂成雲揮汗如雨雖帶甲五千足以控制岩壘然奸每生於防閑之日亂恒伏於不見之間則利爲之階也而西寧之最關利害者尤以西川口爲今日扼要之

地西川口者東至西寧縣五十里南至銀塔四十里北至北川口七十五里西至湟河一里踰河即多巴西石峽在西二十里西海則三百里也西川口土司西禱之所居也東西二禱所轄土民各數十萬所居爲三禱寨西寧之固我留非李初二土司而誰耶效命之賞未行苞苴之索未已其何以服土人之心哉多巴豈非內地而顛任夷之壘斷哉

碾伯縣

府東北一百二十里

舊湟水縣地或曰前涼樂都城也考

水經注湟水又東逕樂都城南東逕破羌縣故城南漢書趙充國傳夜引兵至落都卽樂都也後涼有樂都太守田瑤則都乃呂氏所置也南涼禿髮烏孤大城樂都而居之其後乞伏熾磐襲樂都梁肅以外城廣大難守

請聚國人守內城不聽城潰熾盤入樂都置涼州刺史  
鎮焉後魏置鄯州領縣缺不可考隋唐爲湟水縣地諸  
志皆以樂都爲今碾伯縣治而後漢書注輿地廣記皆  
言破羌縣故城在湟水西與水經注先逕樂都後逕破  
羌者不合當以酈注爲是二城蓋相近也

紀畧西寧在  
湟水南碾伯

在湟水北互爲形援亦黃河之襟要焉其地  
東接老鴉西連威遠南趨南林北抵勝蕃也

明置碾伯

守禦千戶所雍正中升縣

勒且嶺水經注勒且谿水出縣東南勒且谿流逕安夷  
城東而北入湟水十三州志金城安夷縣東有勒姐河

與金城河合勒姐嶺勒姐河所出也蓋漢時勒姐羌所居沮渠蒙遜敗西秦兵於浩靈熾盤遣將折斐等據勒姐嶺遜其歸蒙遜擊禽之是也姐且通讀子按勒姐谿水在今碾伯縣西南又其東有期頓鷄谷

掌吉兒壑峴碾伯縣西二十里兩山創立中通一騎西風起則峴中水六月可冰其地西趣青海北由他共石至西大通峴無居人番族之游牧者或一至焉

大通縣府西北二百四十里因大通河名縣河卽浩靈河一曰閤

門河與蘭州境內之閤門河異源而同名縣與莊浪廳

之大通堡接壤自西寧至北川營九十里而抵白塔兒  
白塔爲商胡走集之地狐貉舍利鹿麋羊羔之皮金剛  
鑽鑽鐵琅玕玉石五色氈罽多羅瑣伏香牛皮撒黑刺  
阿魏苦木吟刺各種蒲萄驢馬駒駝橐駝牛犏牛牦  
羊獐羊捆載而麇集於此又西北卽大通新縣自改莊  
浪衛爲平番縣屬之涼州而西寧復有新縣之置除兩  
地之伏莽祛百年之隱憂嚴門戶而肅堂奧一縣之設  
賢於十萬甲兵矣昔之議者謂莊浪兵宜防碾伯而西  
寧兵宜番戍古浪以防空口鎖羌誠以西寧莊浪相唇

齒自新縣設而涼莊亦有重門擊柝之警庶前議可置  
而民獲安枕矣考元和志浩疊故城在廣武縣西南一  
百三十里允吾故城在廣武縣西南一百六十里今大  
通正經流於浩疊允吾二城之間今縣亦古浩疊允吾  
二縣地也謝氏謂大通縣本宋時董璘所置之達南城  
形勢險要扼制夏境宋崇寧收復湟鄯於此築城賜名  
大通考之紀要及衛志則宋城在西寧東南屬樂川其  
東四十里接河州之通津堡則當在西寧東南之古鄯  
驛去西寧二百六十里謝氏偶失考也又考樂川卽樂

州吐蕃之邈川城是也祥符中唃斯羅自宗哥城徙居邈川元符二年宋師自河州趣邈川降之因置湟州置邈川縣爲湟州治宣和改樂州金廢其西南百四十里卽來賓城南去大河十里亦崇寧中築者也

宋志通津堡河州西

南百六十里本番境之達南堡西北至西寧之大通故城四十里

養女川水經注水發養女北山有二源皆長湍遠發南總一川逕養女山謂之養女川今青海和碩東上旗東北有水曰布庫克必拉出北山曰沙拉克圖阿林其水東南流右合一水曰沙庫克必拉出和碩特南左翼末



嶺東北山曰察罕鄂博圖阿林所謂水有二源皆長湫  
遠發也自沙拉克圖阿林至阿爾坦阿林皆重山巒亘  
當大通縣西南諸土司境北至大通河南抵西寧縣水  
經注引十三州志所謂浩靈山卽西平北山也今北川  
河東西二水至西寧縣西北相合是也

東川在碾伯縣西一百里川地寬衍水甘草美永樂中  
於此置廣牧監而築威遠堡以扞衛司故考陝西明時  
二監八苑二監者甘泉祁連也八苑者廣牧麒麟紅崖  
溫泉西寧大通永安古城也陝西六監莊浪一甘州一

西寧有其四焉煖川與三川各一而東川有其一焉川地雖廣而隘口獨多黑松峽南至西寧一百里兩崖壁立中有通道川北二十里曰爾閣隆寺莊嚴宏麗永樂中建以居青海法王者今寺中刺麻衆至二三百人左右旃帳皆黑番也閤門咫尺卽屬要荒有地方人民之責其能不加之意乎

貴德廳

府西南二百九十里

本吐谷渾澆河郡地也通典晉吐谷

渾阿豺所築水回湫曰澆城蓋置於澆河回曲處晉隆安二年秃髮烏孤拔龍耆堡梁飢單騎奔澆河旣而澆

河太守王稚以郡降於烏孤明年烏孤使其叔吐若留  
鎮澆河宋元嘉三年乞伏熾盤爲夏所侵徙其境內老  
弱畜產於澆河後魏亦爲澆河郡延興三年吐谷渾王  
拾寅寇澆河郡使長孫觀擊降之尋廢唐天寶十三載  
隴右節度使哥舒翰奏請以所開九曲池置澆河洮陽  
二郡是也新書地志澆河郡置於積石軍西當卽故澆  
河城也而杜佑以謂城在賀蘭山下謬矣考段國沙州  
記隋書經籍志宋新亭侯段國曰澆河西南一百七十里有黃沙沙  
南北一百二十里東西七十里西極大楊川沙州於是

取號焉北史吐谷渾傳部內有黃沙周廻數百里不生

草木吐谷渾阿豺自稱沙州刺史卽此水經注河水右

逕沙州北亦此沙州也晉書地理志前涼以敦煌西域

今安西州界中之沙州也元和志張駿於敦煌置沙州

蓋因鳴沙山爲名流沙卽居延澤也以西胡校尉楊宣

爲刺史後魏改爲瓜州唐武德五年改瓜州爲沙州別

於晉昌置瓜州焉此沙州自在敦煌不爲河水所逕河

水所逕之沙州諸地志並無記載今考西秦錄乞伏熾

盤以沙州刺史魏景鎮西平通鑑呼盧古等攻沙州刺

史出連處於湟河是當時西平湟河諸郡皆屬沙州卽

河水所逕之沙州又乞伏氏所移置也蓋自義熙六年  
伏乞乾歸克姚秦峽陽南安隴西諸軍日以強盛及太  
子熾盤嗣立伐吐谷渾破之俘獲五千餘口吐谷渾王  
樹洛干奔保白蘭山而死熾盤聞之喜曰此虜矯矯所  
謂有豕白獮者也今奸凶已殄境宇漸清吾無患矣熾

盤當宋元嘉時段國同時人國撰沙州記曰洮水出強  
臺山澗臺卽西傾也故洮水亦兼有深川之名以其西  
接黃沙謂之沙澗其沙周回數百里都不生草木蕩然  
黃沙望之若人委乾糶於地其東則爲洮澗自洮澗南  
北三百里中地草徧是龍鬚而無樵采鄜氏又引班志  
漢宣帝神爵二年置河關縣今本漢志無此文蓋晚簡  
也國所著記中有吐谷渾河橋有堊江源則今貴德廳  
循化廳以南諸番界直接松潘廳北境皆當時沙州地  
記又有臨洮城臨洮與枹罕西秦同屬隴西郡以記言  
之則是時北河州雖鎮枹罕而臨洮則屬沙州矣今人  
但知敦煌之沙州不知有河水所逕之沙州賴北史及  
鄜注猶可考證其治當在今貴德廳西所治之城已不  
可考詳釋鄜注似卽漢之河關縣按晉書地理志西平  
故城地當亦在今貴德廳界中也

郡領西都臨羌長寧安夷四縣元和郡縣志後漢獻帝  
分金城置西平郡後魏以爲鄯善鎮蓋在河水北界今

自貴德廳以北皆西平郡地又曰南涼禿髮烏孤以西平河南地爲澆河郡下注云有二城東西角相倚東北去西平二百二十里太平寰宇記廓州北至鄯州一百八十里達化縣廓州西三十里澆河城在達化西一百二十里則正當今貴德治矣元史地理志都實河源記

貴德州在積石州西一百五十里今之廳治蓋因元舊

治襲其名而以州爲廳也

一統志廢貴德州在積石西南元置州於此隸吐蕃等處

宣慰司至元十七年都實窮河源自崑崙還至貴德州約半月程地名必赤里始有州治官府又四五日

至積

石州

循化廳府東南三百四十里本漢白石縣地前漢屬金城後漢屬

隴西郡十三州志白石城在狄道縣西北二百八十里  
有白石山在其東因名晉廢張氏復置屬晉興郡改爲  
永固縣後魏廢李軌復置屬河州唐廢改置烏州十一  
年州廢置安郡縣仍屬河州天寶改鳳林其地有鳳林  
關咸通中尙延心獻款高駢收鳳林關元和志鳳林本  
白石縣地後魏大統十二年刺史楊寬於河南鳳林川  
置鳳林縣因以爲名儀鳳元年於河州西移安鄉縣理  
此又名安鄉天寶元年改名鳳林九域志廓州東南至

安鄉城二百八十里是也

巴燕戎格廳

府南四百里

本前涼臨津縣之白土城地晉書

地理志金城郡有白土三國志正始九年叛羌屯河關白土故城則漢末已爲故城矣顧氏謂晉省曹魏置者不知何據水經注引十三州志左南津西六十里有白土城城在大河之北爲緣河津渡處其西北有白土川因名酈注土白川水出白土城西北下東南逕白土城北又東南注於河前涼張天錫討畔將李儼於隴西使掌據向左南張統自白土卽此後涼呂光置三河郡治



白土縣乞伏熾盤攻南涼三河太守吳陰於白土克之  
後魏郡縣俱廢十三州志石城西百四十里有左南城  
河水經其南曰左南津當今巴燕戎格之東舊志云在  
白土城東六十里信矣晉書載紀張瑁從左南渡河襲  
麻秋軍蓋與白土城同爲河水津渡處也近日新志之  
無稽者如以西寧爲廣威以碾伯爲浩疊以大通爲興  
城以貴德爲湟陰以循化爲化城是也元和郡縣志米  
川縣西至廓州一百里本後魏廣威縣水經注河水又  
東北逕黃河城南又東北逕廣遠城北張猛龍頌有黃

河太守諸書無黃河郡蓋湟河郡之異文也太平寰宇  
記引周地圖志云湟河郡後魏太平眞君十六年置屬  
鄯州今本地形志鄯州下郡縣俱缺酈注稱黃河西北  
去西平二百一十七里當在今巴燕戎格西境廣遠亦  
廣威之異文也通典以石城縣當之非應從元和志爲  
是當在今循化貴德二廳閒也興城通鑑注在允吾之  
西南白土之東以今大通縣當之則謬矣又化城縣卽  
石城縣與今之循化懸殊幾三百里矣河陰之爲貴德  
尤不可解河湟諸郡縣漢以後無名河陰者惟偃伯與

浩壘方位差近耳夫地理沿革所關甚鉅攷考未徧姑置闕如可也豈可鄉壁虛造貽惑方來哉

晉興故城在礪伯縣南晉書地理志永寧中張軌表請分西平界置晉興郡蓋治浩壘張駿又分置興晉等郡徐氏謂小晉興蓋卽晉興郡治之晉興縣猶沛郡沛縣之爲小沛也後魏廢水經注引闕駟說城在允吾縣西四十里是也後又譌興晉爲晉興乞伏熾盤以王基爲晉興太守鎮浩壘隋志浩壘縣後周并入湟水卽此臨羌故城在府西二百八十里漢縣屬金城郡在故浩

鹽縣西趙充國傳西至西部都尉府卽臨羌城矣水經注羌水出湟中西南山下經護羌城東故護羌校尉治也又東北逕臨羌城西是護羌校尉常治臨羌西界也鄜注引十三州志臨羌新縣在郡西百八十里龍夷城在臨羌新縣西三百一十里故縣新縣中隔湟水相去不遠西平郡卽今府城以道里約之臨羌城東至今西寧縣幾二百里出邊外百里西去西海郡幾三百里也當在今鎮海堡邊外輝特旗之東北圖爾根察罕必拉

卽羌水也入湟水處

龍支故城府南百三十里本漢允吾縣地後魏置北金城於此西魏改龍支縣以縣西南龍支谷爲名屬涼州唐改屬鄯州儀鳳三年鄯州都督李敬元奏敗吐蕃於龍支是也後沒於西蕃號爲宗哥城宋唃羅斯相李立遵居宗哥城卽此崇寧三年王厚復湟鄯進軍宗哥川羌置陣臨宗水倚北山厚麾騎登山攻其北而親帥強弩迎射羌走分軍踰水擊之遂降其城進下青唐入宗州是也宋志宗水來自青海下流入湟水水南有宗谷口譌曰宗哥吐蕃以名其城方輿紀要譌龍支爲龍耆

考龍耆城卽龍夷城其城在青海卽河水所逕之西海郡也後漢書永元中曹鳳請收復西海郡將徒士屯龍耆水經注作龍夷城耆夷蓋聲之轉也其城當在今蒙古遊牧之地與龍支東西相去幾三百里矣顧氏最博雅偶失檢耳

湟中城亦曰小湟中通鑑注湟水兩岸之地通謂之湟中湟中城置於西平張掖間本小月氏之地因謂之小湟中後漢永元初鄧訓擊迷唐羌發湟中卒縫革爲船置於箄上以渡河掩擊迷唐大破之永初末羌豪麻奴

等復據湟中屢侵金城武威諸邊郡延光中校尉馬賢討破之建安十九年夏侯淵討宋建遣別將張郃渡河入小湟中是也當在今青海東湟水南也

廉川城晉太元二十年禿髮烏孤擊降乙勿折掘等部築廉川堡隆安二年楊軌屯廉川收集夷夏衆至萬餘既而降於烏孤烏孤使從弟洛回鎮廉川其後爲北涼所取後魏廢通鑑注廉川在湟中是也

廓州城府西南二百五十里古西羌地晉隆安由禿髮烏孤於河南地置澆河郡後周於其故城置廓州以開

廓邊境爲義隋煬復爲澆河郡武德中仍置廓州考元和郡縣志澆河有二城東西角倚東北去西平二百二十里又云積石軍在州西南百五十里儀鳳二年置西臨大澗北枕黃河卽隋澆河郡所理太平寰宇記澆河郡在達化縣西百二十里與元和志合天寶中於九曲地置澆河郡通鑑注謂郡置在積石軍西卽故澆河城也通典曰澆河城吐谷渾所築蓋置於澆河回曲處延熹中燒當結澆河大豪寇張掖段熲擊斬澆河大帥於其地遂定西羌胡氏曰澆河古西羌所居地詳繹敷說



則澆河之名見於漢而置郡則自吐谷渾始隆安中澆  
河太守王稚以澆河降於烏孤卽吐谷渾所置之城其  
後烏孤又移澆河郡於河南地耳隋書地理志廣威縣  
下云西魏置澆河郡於此後周廢河津縣下云後周澆  
河郡領澆河廣威安戎三縣隋初改置河津縣爲廓州  
治廓州下云建德五年於達化郡達化縣界澆河故城  
置廓州云云夫一志之中忽廢忽置刺謬如此千百年  
後又何所適從乎考隋志達化縣下開皇三年罷軍移  
縣入郡廓卽今縣也開皇初吐谷渾寇廓州州兵擊走

之胡氏曰澆河郡亦周逐吐谷渾以置廓州以諸志證之史文則其併省增置亦可推見厓畧阿豺始置澆河前涼時有湟河郡無澆河郡北涼西秦有湟河有澆河澆河一遷於烏孤再遷於隋廓州之治亦屢易其地蓋地屬邊方朝胡暮越得失無常此如南北朝僑郡大抵

然矣

隋開皇初河南道行臺尚書楊尚希曰竊見當今郡縣倍多於古或地無百里數縣並置或戶不滿

千二郡分領具僚已衆資費日多吏卒增倍租調歲

減民少官多十羊九牧今存要去閑併小爲大國家

則不虧粟帛選舉則易得賢良蘇威亦請廢郡從之

於是悉罷諸郡爲州以此推之則當日之弊大槪可

知矣先侍御公鐸在順治初年以秦晉豫數省之間

千里蕭條人烟斷絕建議併省州縣於徠要之地設

兵置宮以招徠民戶開荒耕種俟將來十年二十年之後生聚滋多另議添設時善其言而不能行也

河源郡府西南隋大業四年伐吐谷潭置河源郡治赤水城唐儀鳳二年復置河源郡於鄯州西百二十里管兵一萬四千馬六百五十三匹永隆初大使黑齒常之以河源衝要欲加兵戍之而轉輸險遠乃廣置烽戍七十餘所屯田五千餘頃由是戰守有備乾元初沒蕃大中初吐蕃尚恐熱謀并鄯州率兵至河州尚婢婢軍河源以拒之諸將欲戰婢婢不可諸將不從乃據河橋以待之諸將果敗婢婢收餘眾焚橋奔歸鄯州蓋與河州

接界通典在鄯州西百二十里當在鄯城縣界新志以古鄯驛謂卽唐之鄯城縣治按元和志鄯城東至州百二十里今古鄯驛在府東南二百六十里是作者東西且不知何暇論其他哉唐之鄯城縣志稱其北枕湟水今湟水東南流至俱爾灣乃北流其地在西寧府西一百二十里疑卽鄯城故城地也河源軍西六十里有臨番軍大中四年尙婢婢遣兵據臨番城拒論恐熱於白土嶺不利復遣將據羗牛峽以拒之卽此羗牛峽卽唐之宣威軍後又譌爲貓牛城宋元祐二年趙元昊攻吐

蕃猫頭城是也崇寧收復仍置宣威軍於峽口四年夏  
人合羌部逼宣威軍執知州高永年焚大通橋尋廢臨  
番西六十里爲白水軍又西南六十里至定戎軍又南  
隔澗七里卽吐蕃之石堡城矣

石堡城府西南三百里羸本吐蕃鐵仞城唐咸亨中取  
其地後復失之開元十七年信安王禕出隴西拔石堡  
城初吐蕃陷石堡城留兵據之侵擾河右禕引兵深入  
急攻拔之乃分兵據守要害令虜不得前自是河隴諸  
軍遊奕拓境千餘里更命石堡城曰振武軍宋白曰石

堡城四面懸崖數千仞石路盤曲長三四里西至赤嶺三十里今本元和記作振威軍當從元和記爲是二十九年吐蕃攻承風堡又襲攻振武蓋嘉運不能守大寶四載皇甫惟明攻之不克六載詔王忠嗣攻之忠嗣言石堡險固吐蕃舉國守之今頓兵其下非殺數萬人不能克請俟其有釁然後取之不聽遣將軍董延光將兵攻取命忠嗣分兵助之果不克八載哥舒翰復攻石堡其城三面險絕惟一徑可上吐蕃以數百人守之唐兵死者數萬僅而克之遂以赤嶺爲西塞開屯田備軍實

更以其軍爲神武軍又謂之天威軍至德初復沒於吐蕃劉元鼎謂其厓壁峭立道回屈是也又承風嶺在振武軍西七十里儀鳳三年李敬元敗於青海還頓承風嶺阻泥溝自固賊屯兵高岡以壓之別將黑齒常之引軍襲擊其營賊敗遁去開元二十九年吐蕃攻承風堡又襲攻振武軍卽此宋白曰廓州至故吐谷渾界承風嶺百九十里蓋在積石軍東北五十里也

伏俟城在青海西今爲蒙古游牧地本吐谷渾國都也北史吐谷渾傳夸呂始稱可汗居伏俟城後周建德五

年春遣太子贇伐吐谷渾至伏俟城而還隋大業五年  
伐吐谷渾別將劉權至青海乘勝追奔至伏俟城因置  
西海郡統縣二曰宣德曰威定貞觀八年李靖帥諸軍  
次伏俟城又其西曼頭山北曰樹惇城亦吐谷渾舊都  
也犬戎樹惇所居因名西魏末突厥假道涼州以襲吐  
谷渾宇文泰使涼州刺史史寧隨之至番禾吐谷渾覺  
之奔南山史寧曰樹惇賀真二城吐谷渾之巢穴也拔  
其根本餘衆自散遂與突厥分道趨之突厥從北道寧  
從南道大破之與突厥會於青海唐天寶九載關西遊



奕使王難得擊吐蕃克五橋拔樹敦城以難得爲白水軍使樹敦城近白水軍也白水軍在西寧西北二百三十里與安人軍犄角安人在西寧正西二百四十里開元二十九年吐蕃寇安人軍渾崖峯騎將臧希液破却之又西百里羸爲威戎軍續通典威戎軍城在星宿川西東至州三百五十里星宿川卽星宿海也其西有烏海柏海十道圖大非川在青海南烏海星宿海柏海並在其西互相灌注貞觀八年李靖敗吐谷渾於大非川威亨初薛仁貴爲邏婆道行軍總管與郭待封討吐蕃

至大非川將趣烏海以烏海險遠議留輜重於大非川  
嶺上爲兩柵以守之待封不從仁貴前行破吐蕃於河  
口進屯烏海以俟待封待封將輜重徐進爲吐蕃所敗  
仁貴還屯大非川吐蕃就擊之死傷畧盡又開元十四  
年吐蕃大將悉諾邏寇大斗拔谷進攻甘州焚掠而去  
王君奐度其兵疲勒兵躡其後會大雪虜凍死者甚衆  
自積石軍西歸君奐先遣人間道入虜境燒道旁草悉  
諾邏至大非川欲休士馬而野草皆盡馬死過半君奐  
及之於青海之西乘冰而度悉諾邏已去破其後軍獲

其輜重羊馬萬計而還通鑑注曰河口積石河也自唐鄯州鄯城縣西行三百餘里卽大非川矣烏海在河源郡漢哭山西李靖等伐吐谷渾歷破邏真谷追及其王伏允於烏海大破之吐蕃使臣仲琮曰吐蕃居寒露之下物產寡薄烏海之際盛夏積雪暑暍冬裘隨水草以牧是也通典吐蕃國出鄯城五百里過烏海暮春之月山有積雪地有冷瘴令人氣急不甚爲害新唐書破邏真谷去烏海二千餘里謬矣貞觀十五年江夏王道宗持節送文成公主吐蕃贊普親迎於柏海蓋自積石西

南歷星宿川烏海柏海已深入吐蕃北境矣

罕東衛在西寧西北三百里羸青海東北洪武中其酋  
鎖南吉刺思入貢詔置罕東衛以其酋爲指揮僉事給  
金牌歲以馬易茶互市衛無城郭官室以氊帳爲廬逐  
水草遊牧俗與蒙古同與曲先安定阿端等三衛輔車  
相依各守分地至正德時亦不剌襲據青海罕東遂遭  
蹂躪相率內徙西寧或沿邊流爲生番爲降夷衛遂爲  
甌脫矣至罕東左衛爲罕東部人奄章初與種族不相  
能率其部避地甘州界中朝廷姑息許其住牧及沙州

衛全部內徙奄有其地成化中奄章之孫只克畏土魯番之逼請立衛如罕東例以扞西陲部議以哈密旣亡沙州更無人統領勢必爲土魯番所併將不可復制而西鄙益危乃允所請於沙州故衛置罕東左衛蓋二衛同族其地則相距幾二千里許諸書不能考辨謗以二衛爲一卽留心邊事如邱濬淹博如楊慎亦不能部居別白邊荒考據難言之矣

顧氏紀要亦謗以二衛爲一衛也

曲先衛在

西寧西北三百三十里直罕東衛北大通河南元設曲

先答林元帥府元初忽必烈將兵擊大理自曲先臆兒

而南卽此洪武時其酋入貢命設曲先衛以酋長爲指揮後遭朶兒只巴之亂併入安定居阿真川永樂初復置衛移置藥王窪地洪熙時以部人散卽思劫殺朝使懼討遠遁宣德初天子赦其罪招使復業者四萬二千帳正德中北部阿爾禿斯亦不刺入青海諸部爲所掠逃徙窮荒或竄入哈密土魯番海孛沃土遂讓之蒙古矣

安定衛在西寧西南四百里曲先之西南也本名撒里畏兀兒廣袤千里水草甚美元封哈忽失里爲武威郡

王遷揚州樂戶數族賜之久之其人同於夷俗惟養犬豕以自別明初哈忽失里後人烟帖木兒封寧王者入貢因遣官厚賜其王慰籍之分其境內爲四部曰阿端曰阿真曰帖里曰若先凡屬蒙古皆爲阿端阿真以別於樂戶明年以故元印綬金銀字牌來上請置衛從之改封烟帖木兒爲安定王置安定阿端二衛以其部酋沙刺等爲指揮千百戶各有差十年王爲沙刺所弑番將朶兒只巴與之爭權相軋大肆殺掠遁入沙漠陝西都司以兵入定其亂二十九年乃從肅王請復立衛官

其酋長五十八人爲指揮千百戶以王之孫亦攀丹襲  
王賜印誥還治其地洪熙初指揮使散哥與曲先部散  
卽思劫朝使都指揮李英討之窮追至大積石山敗其  
衆斬級二千餘其後北部據西海四出剽畧安定阿端  
首當其衝部衆散亡幾盡衛遂空虛樂戶之後爲若先  
爲帖里分地寬而人戶衆及避夷患二族俱徙入西寧  
近邊阿端衛在西寧之南五百里其先蓋韃靼別部與  
安定之人同屬烟帖木兒者也明初款塞來朝分阿端  
阿真二部其後置衛合阿真爲一中馬互市同之三衛



正德以後日以削弱不知所終

西域考古錄卷第三

海月堂雜著

海鹽俞浩 湛持

涼州府

管縣五 武威 鎮番 永昌 古浪 平番

管廳一 莊浪

禹貢雍州西境秦時月氏所居至漢爲匈奴及烏孫所破乃西踰蔥嶺過大宛擊大夏而臣之匈奴使休屠王及渾邪王居其地漢使驃騎將軍霍去病擊破之得休屠王祭天金人單于怒其爲漢所殺虜數萬人欲召誅

之昆邪休屠恐謀降漢漢使驃騎將軍迎之昆邪王殺  
休屠王并將其衆降漢凡四萬餘人遂空其地始築令  
居以西初置酒泉張掖武威分置敦煌金城郡謂之河  
西五郡改州之雍州爲涼州五郡皆屬焉地勢西北邪  
出在南山之閒隔絕西羌西域於時號爲斷匈奴右臂  
漢末涼州多事以五郡隔遠自來別立州乃以五郡爲  
雍州稱復禹貢之九州曹魏仍分置涼州領河西五郡  
晉惠帝以張軌爲涼州刺史持節護羌校尉會永嘉亂  
離因保據涼州是爲前涼至張天錫爲苻堅所滅後十

餘年呂光據爲後涼至呂隆爲姚興所滅及沮渠蒙遜

起兵據張掖是爲北涼至沮渠茂虔爲後魏所滅及太

武改州鎮置四軍戍孝文帝和中復爲涼州領武威等

十郡二十縣周置總管府大業初爲武威郡廢總管隋

末陷於李軌唐武德二年討平之改爲涼州置西河節

度使備羌胡統赤水軍

元和郡縣志在涼州城內管兵三萬三千馬一萬三千匹本赤

烏鎮有青赤泉名焉軍之大者莫如赤水幅員五千一

百八十里前拒吐蕃北臨突厥又有大斗軍涼州西二

百里本是赤水軍守提開元十六年改爲大斗軍因大

斗拔谷爲名也又建康軍證聖元年尚書王孝傑開鎮

周廻以甘肅兩州中間濶遠頻被賊鈔遂於甘州西二

百里置此軍東去理所七百餘里也後倣此寧寇軍甘

州東北十餘里天寶二載置又玉門軍肅州西二百餘里武德中楊恭仁置東去理所一千一百餘里又墨離軍瓜州西北一千里東去理所一千四百餘里又新泉軍會州西北二百里大足初郭元振置西去理所四百里也又豆盧軍沙州城內以當匈奴要路山川廻澗神能初置豆盧軍以鎮之去理所一千七百餘里又白亭軍涼州西北三百里張掖守捉涼州西二百里所五百里交城守捉涼州西二百里

天寶元年改爲武威軍乾元元年復爲涼州廣德二年陷於西蕃李吉甫云州城本匈奴所築漢置爲縣城不方有頭尾兩翅名爲鳥城南北七里東南三里地有龍形亦名卧龍城大中初吐蕃國亂於是唐鳳翔涇原靈武邠寧山南諸節度奏復諸州河隴高年千餘人入見

闕下天子爲御延喜樓賜冠帶爭解辯易服五年沙州防禦使張義潮奉瓜沙伊肅甘等十一州地圖以獻以沙州爲歸義軍以義潮爲節度使咸通三年義潮以涼州來歸後爲回鶻所據後唐長興中復來屬仍置歸義軍於此顯德以後入於西蕃尋爲夏人所奪元升爲西涼府俄仍爲州屬永昌路明以爲涼州衛

本朝因之雍正初改衛爲府置武威縣爲府治升鎮番衛永昌衛古浪所爲縣以莊浪衛爲平番縣并設莊浪一廳以彈壓番回焉

涼州隴右之神棊天府微獨五郡之鎡基三秦之鎖鑰而已寶融言河西殷富帶河爲固張掖屬國精兵萬騎一旦緩急杜絕河津足以自守此遺種處也其後張士彥祖其智以求涼州遂霸西戎長安謠曰秦川中血沒腕惟有涼州倚柱觀當是時祕書監繆世徵少府摯虞夜觀星象曰天下方亂避難之所惟涼州耳張士彥殆其人乎魏太武已滅沮渠氏勅太子晃曰姑臧城東西二門外湧泉合於城北其大如河自餘溝渠流入漠中其閒乃無燥地唐之全盛西河節度隔斷吐蕃突厥統

赤水大斗建康寧寇玉門墨離豆盧新泉八軍張掖交  
城白亭三守捉屯涼肅瓜沙會五州之境治涼都管兵  
七萬三千人馬萬八千八百匹歐陽公謂唐盛時河西  
隴右三十三州涼州最大土沃物繁而人富樂班固稱  
涼州之畜爲天下饒故唐置八監於涼牧馬至三十萬  
匹之多自漢唐以來涼州之富庶可知乃宋人棄之等  
於玉斧以外之郡縣至使西夏得之藉其物力抗衡中  
國者三百年然而夏人棄武威而都興州故元人取河  
西而不能救卒以滅亡蓋涼爲五郡適中之地便於策



應是亦論古者所當知也

湛持居士曰涼州南界平番北倚亦不刺山西控剛

丹東趣中衛左蘭靖而右甘肅而祁連而背沙漠

高居

海使于閩記自靈州過黃河三十里始涉沙入党項  
界曰細腰沙神樹沙至三公沙宿月氏都督牙帳自  
此沙行四百餘里至黑堡沙又廣寧登沙嶺沙嶺  
党項牙也渡白亭海乃至涼州蓋自靈州西出涼州  
白亭海爲必經之道白亭海在涼州東北按涼州西  
南有五澗谷水流入海子水色潔白故名又名小澗  
端海

子

他郡皆臂指涼州則河西之心腹也典午之初涼州  
爲樹機能所據晉武每懷西顧之憂臨朝而歎曰孰

能爲我討此賊以通涼州於是馬隆請行卒平河隴涼之自守不綦重歟當故明時嘗患大松山之寇洎築新邊而寇警始稀

國初諸部祝囊與麥力幹最爲雄桀麥力幹本住西寧之北川口其後漸次據大通河蔓延至於黃城見自順治八年洪水開市而諸部遂入牧大草灘蓋自永昌而西至於石峽口或地僻或墻卑或閘門或水樁虜皆於此出入雖有永昌高古之犄角不能闌其出

入絕其畋牧也

康熙八年始設副將一員於永昌游擊一員於高古城守備一員於新城

以防禦東北二面是年冬復於大馬巡視甘肅給事  
營馬營墩各設守備一員以扼其西中張登選疏曰自洪水開市以來黃城兒大草灘數  
百里中牧馬如雲羶帳鱗次蓋由水泉堡一帶墻垣  
卑缺虜之在賀蘭山大草灘者來往如入無人之境  
遂使酸茨河白石厓昌寧湖千餘里之沃壤爲寇甌  
脫外險盡失此甘肅邊患所以相尋而無已時也今  
宜選擇良將多備火器乘其無備直擣大黃山巢穴  
一舉而廓清之然後因舊邊之險分地修繕以固我  
圉查涼南以臧南祁連爲障皆高山深谷不利騎乘

虜之大舉必在黃城蓋其地勢平行長驅馳突於此最易謂宜大建城堡增設將領分屯戍兵於白石崖扁都口西水關諸口令數百里間刁斗相聞烽火相望虜又焉得入乎此皆卑之無甚高論猶憚而不爲其何以禦心腹之患卽不然而塞外早寒草枯木落之際火攻非下策也奈何不早爲之所而徒委之承昌高古哉議者謾謂草盡則走今大草灘之草豈可盡乎况豺狼之性不可測哉其言頗盡當日利害其規制尤多可采惟劾張勇癱瘓宜罷斥未免意氣從

事言之過當後張勇復請增設甘肅西寧駐防兵四千五百餘名及十三年滇黔之變蒙古諸部乘隙內犯雖以達賴刺麻之言而止而其盤踞黃城見及大草灘則如故也

陝督莫洛上言張勇前討逆回爲流矢所中右足不良於行然於軍務猶

堪經理況其久鎮西邊蒙番誓服正宜資其威名綏定巖疆於是

旨慰留考有明於河西偏重張掖不審涼之形勢可以四

面策應故也當丁國棟之變亂者四起雖旋踵卽平亦後事之鑒也今涼州旣改置大郡而諸部亦就我戎索縻我好爵永爲不侵不畔之臣然安不忘危

高宗皇帝之諭曰夫兵可百年不用不可一日無備兵法有曰無恃其不來恃我有以備之然則有邊疆之責者其可不鑒前代之失而爲今日戶牖綢繆之計哉

明萬歷中得松山之地說者謂自索橋而上直接鎮番增築保障廣布耕屯則賀蘭以西皆爲內境而黃河之險敵不敢與我共將莊涼蘭靖以迄固原之間皆可安枕而卧矣此真上策惜當時未有能用者

天梯山州南八十里山路崎嶇旋折而上故以名之十六國春秋晉太興初涼州童謠曰蛇利砲蛇利礮公頭墜地而不覺時張寔自恃險遠頗驕京兆人劉宏客居

天梯第五山以左道惑衆寔左右皆事之帳下闔涉牙門趙邛宏鄉人也宏謂之曰天與我神靈應王涼州涉邛信之陰與寔左右謀殺寔而奉宏寔弟茂知之密使牙門史初殺宏涉邛不知也以其夜弑寔寔被弑茂誅涉邛及黨與數百人赦其境內北史魏主燾將討沮渠收犍命公卿議之李順之徒皆曰姑臧城南天梯山上冬有積雪深一丈至春夏消液下流成川引以灌溉彼聞軍至決此渠口水不通流則致渴乏去城百里之內赤地無草不任久停車馬崔浩曰漢書地理志稱涼州

之畜爲天下饒若無水草何以畜牧又漢人爲居終不於無水草之地築城郭立郡縣也又雪之消液裁能斂塵何得通渠引漕灌溉數百萬頃乎李順等復曰吾曹目見何可共辯浩曰汝曹受人金錢欲爲之辭謂我目不見便可欺也於是遂討平之多饒水草如浩所言

臧南山州南百二十里上多積雪亦名雪山按一統志姑臧界有第五山清泉茂林懸厓石室自昔爲隱士所居考第五山卽天梯山劉宏以左道惑衆之處元和郡縣志天梯山在縣南二十五里臧南山在縣南一百三



十里與一統志不合方輿紀要亦承一統志二者未知

孰是俟再考

按臧寓在府南八十里

青巖山下有湫甚廣人觸之立有風霆暴至如代州五臺龍池之驗耳見寰宇記

石驢山州西南志稱在姑臧西南長寧川西北載記張寔討曹祛於晉昌自姑臧西踰石驢又禿髮儁檀爲沮渠蒙遜所敗其將折掘其鎮據石驢以畔是也

西山州西二十里中有蓮花峯亭亭高聳

紀畧南把截營北至涼州

三十里祁連之北南山之南西山之間中有大路所謂夾道也迤西隘口有六曰黑溝曰龍灘曰石牌溝

曰藏經腦曰牛心山曰匹溝坪迤南隘口有七日天  
池溝口曰白水口曰冰溝榨曰石嘴榨曰倘哥兒曰  
札力麻阿博曰牛心官濠十三隘口皆近堡而遼州  
城者堡西南五十里曰西把截營堡在西山口山谷  
可通黃城其路寬衍爲阿蘭口口內有田田南有寺  
名雲莊寺在堡西南二十里皆刺麻居住寺南曰黑  
溝口水磨

口藏經口

洪池嶺在州東南晉太元初梁熙敗涼掌據於洪池嶺  
隆安二年羌酋梁飢攻西平禿髮烏孤欲救之左司馬  
趙振曰呂氏尙強洪池以北未可冀也嶺南五郡庶幾  
可取烏孤擊飢大敗之遂取嶺南五郡嶺南謂洪池嶺  
以南也五郡廣武西平樂都湟河澆河也唐志涼州有

洪池府又姑臧有二嶺南曰洪池西曰剛丹嶺後涼楊  
穎曰今疆宇曰蹇崎嶇二嶺之間是也自剛丹嶺以西  
謂之嶺西張掖酒泉建康晉昌皆嶺西郡也

可落岷州東南隋開皇二年突厥寇蘭州涼州總管賀  
樓子榦敗之於可落岷是也通鑑注云山無草木曰岷  
文章澤在州東三十里前秦苻堅遣將軍苟萇毛盛伐  
涼造機械衝車於此因名

武興鹽池眉黛鹽池並在縣界百姓咸取給焉

按一統志衛南

三十里有三壩白鹽池衛東四十里有小池東五十  
里有新中沙白鹽池衛西二百二十里有鴛鴦白鹽

池又有小監  
池俱產鹽

瀦野澤州東北三百里一名都野澤亦曰休屠澤又名  
涼澤禹貢原隰底績至於瀦野是也漢志注休屠澤在  
武威縣東北古文以爲瀦楚其上承武始澤晉元興初  
禿髮儁檀攻後涼至昌松徙涼澤段冢民五百戶而還  
武始亦曰武始大澤晉永和十年涼張祚之亂宋琨起  
兵武始大澤以攻姑臧卽此

靈泉池十六國春秋太興中張茂築靈鈞臺於端門內  
廣輪八十餘堵基高九仞又鑿靈泉池張立觀五年有

大鳥青白色舒翼二丈餘集於靈泉池後涼呂光太安  
三年宴羣寮於靈泉池是也

五澗谷水經注五澗水出姑臧城東西北流注馬城河  
晉義熙二年姚興以姑臧授禿髮檀儻檀軍於五澗  
遂入姑臧是也又有五澗在洪池嶺南沮渠鄯善伐西  
秦敗於五澗又遣沮渠成都耀兵嶺南遂屯五澗爲西  
秦將出連虔所敗者當在今西寧界中也

武威縣附府武威本漢縣在今縣西北二漢皆屬武威郡

晉省入姑臧王隱晉書涼州城有龍形一名卧龍城南

北七里東西二里本匈奴蓋臧城後人語訛爲姑臧焉

按臧藏古  
文通用

張氏有國時復增築四城廂各千步并舊爲

五城張駿又於城南築五殿四面各依方色四時遞居  
之其中又起謙光殿宮門南曰端門東曰青角門中城  
之門曰廣夏門北曰洪範南曰涼風東曰青陽又東城  
亦曰講武城北城亦曰玄武固隆安初郭磨作亂以二  
苑之衆焚洪範門不克及呂纂作亂踰北城攻廣夏門  
其弟宏率東苑之衆斧洪範門又禿髮儁置龔姑臧目  
氏憑城自固儁置酒朱明門耀兵青陽門掠八千餘

戶而去後姚興以姑臧授儻檀入自涼風門敦煌雜錄  
姑臧城內有沮渠蒙遜所造七級木浮屠因號曰七級  
城又檀道鸞築土爲城若盤龍狀四隅有頭尾兩翅一  
曰鳥城也新唐書武威大城之中小城有七舊城匈奴  
所築張氏增築其四餘二城又後人所築也其東西廂  
城亦曰東西苑城至德二載河西兵馬使蓋庭倫與武  
威九姓商胡安門物等作亂殺節度使周泌七城破據  
其五度支判官崔稱等以二城堅守討平之宋至道二  
年丁惟清知西涼府上言涼州周廻二千里東界源州

南界雪山吐谷渾西界甘州党項北界吐蕃州城周四十五里是涼州之壯麗宋初尚未大改也今府城因明衛城之舊周十一里不過四分之一耳東北三里有姑臧舊城遺址未知是否

奄公山縣南又有倘哥兒山東山乾溝山

赤彌干川在縣西五十里與縣東南百五十里之黃羊川俱分流灌漑民田利益甚溥攷赤彌干川寰宇記謂之吐彌干川鮮卑語謂髓爲吐彌干言此川土地肥美如髓也蓋向爲羌胡游牧之地



紅泉縣東五十里水色微紅其東北紅水砦亦以泉得名

三岔溝縣東南百里明土達滿四居三岔溝土人謂之滿家營四本名俊明初分徙降鹵於此成化中據石城作亂討平之卽此

胡阮縣西八十里載記晉隆安五年禿髮儁檀攻後涼耀兵姑臧盛胡阮卽此義熙六年沮渠蒙遜圍姑臧儁檀遣司隸校尉敬歸及子佗爲質於蒙遜以請和歸主胡阮逃還舊志唐置甘泉關於胡阮是也

楊塢縣西五十里記載太元十一年前涼張大豫攻呂光進逼姑臧保據楊塢是也

七里澗在縣西七里

劉林臺縣治西北五里本名寶融臺相傳爲融所築明初百戶劉林與寇戰死其下因易今名又縣治北有前涼張駿所築靈鈞臺其遺址尚存髣彿焉

鎮番縣府北百九十里本漢武威郡地後漢因之晉仍屬武威隋唐爲涼州地宋沒於西夏元置小河灘城

明初改置鎮番衛

本朝因之雍正中升衛爲縣仍隸涼州府

今之縣記畧以爲休屠縣地涼州府志以爲唐白亭軍以諸書圖志考之俱非是按元和郡縣志姑臧縣下休屠縣城在縣北六十里漢縣也今縣在府北微東百九十里又云白亭軍涼州西北三百里白亭軍本因白亭海爲名今海在鎮番東北百八十里是海尚在軍北七十里也漢志休屠縣注莽曰晏然都尉治熊水障北部都尉治休屠城姑臧縣注南山谷水所出北至武威入海行七百九十里今五澗谷水自

涼州西北流經麗澤而東入白亭海麗澤卽休屠澤也武威縣注休屠澤在東北古文以爲豬豷澤今休屠澤在鎮番縣東北蒼松縣注南山松陝水所出北至揅次入海莽曰射楚是漢揅次亦在涼州之北也張氏置武興郡以處流人魏書地形志謂郡領晏然休屠馬城三縣晏然卽休屠別名王莽所改而馬人寰宇記謂祖厲城一名馬城蓋武威郡前漢領縣十後漢領縣十四則有鷓陰祖厲纘美左騎千人官三國志黃初二年涼州盧水胡反遣張旣討之賊逆拒

既於鷓陰口

通鑑注鷓陰河口也李賢曰涼州姑臧縣東南有鷓陰縣故城

既揚聲

軍從鷓陰乃於金城渡河潛繇且次間道出武威賊

以爲神引還顯美既擊平之且次卽搆次之省文一

統志以莊浪衛北之三眼井堡爲濟由搆次之間道

三眼井爲靖遠縣分界靖遠雜有祖厲縣之地以此

推之則今之鎮番縣并有武威休屠搆次祖厲四五

縣之地而非休屠一縣可概若白亭軍本統於涼州

區區一城尤不可以盡鎮番之境白亭海今土人謂

之小濶端海子以爲卽蘇武牧羝之北海彼中白北

聲混有此附會蘇之牧羊處通典在居延海者近是  
按縣地斗出磧中實爲西陲之要地顧氏謂其南蔽  
姑臧西援張掖翼帶河右控臨絕塞自古爲戎馬之  
場不其信與

蘇武山縣東三十里傳爲牧羴之處附會不足考  
來伏山縣西八十里山勢脊高首俛近縣漸卑因名  
黑山縣南六十里因山築堡地皆沙磧鎮番斗出黑山  
其甬道也明制騎步百五十名今惟戍卒二十名  
小河縣南十五里水自五澗谷來

黑河縣西四里卽張掖河自甘東北流經縣境

永昌縣府西北百六十里本漢武威郡地蓋卽漢之番禾縣地故城在今縣西二十里屬張掖郡晉改屬武威

後涼呂光置番禾郡或云沮渠蒙遜所置魏太武平涼

罷郡置鎮西魏曰番禾郡

突厥假道以襲吐谷渾卽此

隋改爲縣唐

因之天寶初改天寶縣

按舊唐書三載以縣境天寶山出醴泉改縣曰天寶今縣治卽

天寶縣地考後魏地形志有番禾郡領彰縣及焉支縣蓋後魏曾于縣置張掖郡等廢後置番禾郡耳隋開皇併力乾安寧廣城彰焉支五縣入番禾而改後周番禾鎮爲縣據此後魏已復爲郡至後周改鎮隋又改爲縣焉又考太平寰宇記云前涼張軌時有五色鳥來集固築鸞鳥城以美之後魏武帝改爲神鳥

城蓋以漢鸞鳥縣附會之也後又云唐神龍二年於漢鸞鳥故城置嘉麟縣此其前後矛盾當由雜錄書傳失於去留故也按元和郡縣志嘉麟縣本漢宣威縣治前涼張軌於此置武興郡呂光改置嘉麟縣後廢萬歲通天元年重置又曰張天錫於漢鸞鳥縣故城置武興縣後廢唐武德三年又於涼州城內置神烏縣與姑臧縣分治姑臧治東神烏治西貞觀元年廢總章元年復置涼州劇郡宜兩縣分治焉紀要謂漢故城在永昌衛西南者近是大抵今之永昌并有前代六七縣惟鸞鳥故地當與今武威縣分有之也後書建光初護羌校尉馬賢自金城令居追叛羌於鸞鳥永康初段熲擊破西羌於鸞鳥此鸞鳥之僅見史文者按嘉麟縣在州西北七十里鸞鳥故縣今府西北三十里有鸞鳥口又有鸞鳥山故城當在其地矣

宋初爲西涼府地

時爲西番所據

景德中沒於西夏

元初仍屬西涼府至元十五年置永昌路明初改置永



昌衛

本朝因之雍正初升衛為縣屬涼州府

按永昌南面祁連祁連山亦曰雲山北倚金川即金昌城

在縣北西趣大黃山在縣西東近昌寧湖在縣東內

則大草灘外則黃城兒外惟蹇占口可入內則隨地

可通大草灘至永昌大路則由水泉水磨川故西之

新城新城堡在縣南之四壩四壩堡縣西南之北古

城北古城在縣猶有禦人於國門之外者況乎荒涼

如酸茨河者乎又況野馬川白石崖之遼遠三角城

脫歡山之斗絕者乎夫東備則西寡南備則北寡無所不備則無所不寡明自中葉以來議邊防者此數語足以概之永昌襟山帶水戰守有資苟得其人縱橫四出勝算在我豈僅防禦而已哉

金山縣北二里麗水出焉唐有麗水府置於昌松縣城中太平寰宇記烏逆水今名麗水源出昌松縣南金山下引漢書地理志逆水出允吾縣云云又按之水經注上言湟水東逕允街矣下言逆水出允吾縣之參街谷東南流逕街亭城南考允吾縣漢縣在湟水南何得越

允街令居諸縣而有逆水源考之寔字記所引亦同思  
之不得其故後讀前書地志而知其誤蓋允吾允街地  
既相近王莽改縣並曰脩遠漢志遂錯入允吾之下後  
人據書證書輒以誤改漢代未有廣武縣今平番西南  
迤北以至縣西北皆當爲漢時允街縣地參街參字疑  
亦允街允字之誤寔字記又稱允街故城在昌松縣東  
南城臨麗水一名麗水城按其城地勢極險卽沮渠蒙  
遜增築以爲防戍之所迄今尚堅完如新興地廣記亦  
言在昌松東南此卽街亭故城而二書皆以爲允街故

城也十六國春秋隆安初沮渠蒙遜攻後涼臨松郡拔之屯據金山又義熙十三年沮渠蒙遜遣其將襲烏啼部大破之烏啼部蓋在金山後舊唐書地理志山本屬剛丹魏氏春秋及五代志亦俱言剛丹縣有金山蓋盤亘于番和剛丹之間也

青松山縣南八十里一名大黃山又名瑞獸山一山而連跨數邑也考大黃山東西百里南北百二十餘里連山之支幹也山產大黃剖之有錦紋方亞於雅州所出又多松柏望之蔚然故有大黃青松之名山之四麓卽

大草灘水草茂美冠於河西順治康熙閒北部據山爲  
巢穴縱牧於大草灘雖以張勇之威名不能驅而遠之  
也

白嶺山在縣西南山頂冬夏積雪望之皚如皓如寒氣  
異於諸處深冬人跡旣絕鳥飛不下又有鸞鳥山白嶺  
諸山與涼州南山連亘不絕土人亦曰雪山

天寶山在縣西天寶三載三月山出醴泉并石花民取  
以爲麪貧者賴之乃改番和縣爲天寶以彰瑞貺是也  
西嶺縣西七十五里一名剛丹嶺唐書地理志姑臧有

二嶺南曰洪池西曰剛丹楊穎所謂崎嶇二嶺間也嶺有定羌廟祀關壯繆廟後土屋兩楹則戍卒棲宿地其地前逼大黃山右跨大草灘後倚邊垣絕無民居蓋地苦寒六月衣裘又沙磧不可耕也康熙六年青海諸部欲擁衆越邊而北甘涼兩郡兵交阻之相持一月兵卒不解一日我兵方對陣詢詰譯者往來之時偶甘卒發一礮轟若雷擊虜馬驚而奔潰我兵乘勢逐之虜出人意崩若巨牆自相蹂躪死者甚衆世所傳定羌廟奇捷也蓋虜謂我不敢敗盟懈而無備致於自潰非我能勝

之也

水磨川縣西南二十里一名雲川源出鸞鳥山之平羌  
腦兒都山水勢洶激可轉水磨因名川有堡水踰堡  
北出塞占而入昌寧湖東爲永昌孔道北入山谷十五  
里爲毛卜刺堡堡在山谷北距長城長城在北五里南環

北山永昌北門之鎖鑰焉閣門而北直趣昌寧湖可達  
鎮番堡當南北之極衝循牆而東南攀援崖壁六十里  
而至永昌矣

昌寧湖在縣北一百里湖境廣袤幾及百里水甘冽清

澗水中魚大小畢見春深秋淺匝岸皆小洲楊柳蒹葭  
鳧鷖鷗鷺如趙北燕南明萬厯初年朔部青把都入據  
其地與大松山青海諸部互爲聲援時時入寇甘涼二  
十六年巡撫田樂統諸郡擊敗之青把都狼狽遁出塞  
永昌之人始獲息肩且有芻蕘雉兔之利焉康熙二十  
年及二十三年麥力幹兩擁其衆屯詹詹口欲越邊而  
北謂甘寧湖水甘涼宜於養病云

脫歡山在縣北四百里爲諸部游牧地以其羈屬於我  
故雖往來無定部也其山在平沙大漠中多喬松風起



若濤聲秋冬雪壓摧折聲聞數十里中國人非盛夏避暑罕有至者其東百里有浚稽山直鎮番縣之北漢之趙破奴敗績於此李陵亦遇匈奴與此所謂古戰場也今山麓西有茂草有水曰米哈王速華言肉汁水美如肉汁焉或謂地多野獸故云豈陵谷變遷古今有不同耶又有魚海子在浚稽東南海周廻數十里不及居延遠甚然地名最著多見於唐人詩中海岸有山山麓有草明定西伯蔣貴出魚海偵虜追躡之及於石城遂大破之卽此今虜之游牧部落無定也

蹇占口渠縣東南三十里渠水源出雪山而流合水磨川分爲九渠土人藉以溉田蓋南山連絡不斷間有平坡卽爲山口惟蹇占忽然中斷由口而南逶迤曲折皆民居小堡自口至黃城至酸茨河非邊堡亦非內地然爲涼之患者悉由之其入內地舍蹇占口無他徑竇故也

溫宿川縣西卽恩宿川晉太元初秦將苟萇等伐涼至河西遣別將馬暉等西至恩宿川邀張天錫走路期會姑臧暉等行澤中值水失期處也

煖泉縣西南三十五里有二穴湧出四時嘗煖亦溫泉也泉水東北流入水磨川

酸茨河在縣南百五十里湧出祁連流入大通河蓋河之小派冰融則泛溢百十里故甘涼閒皆有酸茨河之名惟此河可耕可牧本爲番族游牧地自青海爲北部所據番族遠徙此地遂爲虜占踞矣其地在大草灘之南九十里由濫泥打班至涼州二百八十里由討來川嶺至莊浪三百五十里南至青海八百里至西寧四百餘里

古浪縣府東南百二十里本漢武威郡地唐爲涼州地

元爲古浪廵檢司屬永昌路明正統初置古浪守禦千

戶所按元和郡縣志昌松縣西北至州百二十里本漢蒼松縣也與今古浪縣方位道里皆合疑今之縣

治卽唐昌松縣治矣

皇朝仍明之舊亦設古浪所雍正初升爲縣屬涼州府縣

境廣袤四五百里東距扒沙西連武威南界湟中北抵

煖泉考其地卽唐之和戎城也郭元振所築史稱拓境

千五百里而後涼州乃可守者也按其地勢西南不二

里卽南山城東北十步爲舊邊前連在西五十里石碛

天險扼以雄關城堅而人勇足以自守夫涼州隘狹自和戎築而境始開拓明姚兵備於古浪西三十里築西川堡所引川渠溉田萬畝夫廣野膏腴利於樹藝兵番交錯得良吏以撫循之則區區百里豈徒爲涼之孔道而已哉

東西山山在縣左右爲番族察貢族小宛冲族温古六族年錯族住牧

冰溝縣東十里

西黃羊川縣西四十里開渠引水自東而北灌漑縣境

其地有張義堡土壤寬平山環而隘明制於其北百里之靖邊驛其西百里之上古堡三方犄角屯兵守戍慮亦深矣崇禎十六年遊擊唐虞際剿腔巴叛番平其禍亂卽此

古浪河在縣南流遶關城所之得名因此

平番縣府南三百三十里

莊浪廳府東南三百七十里本漢武威郡地隋屬涼州唐亦爲涼州地宋沒於西夏於此置洪州元改置莊浪縣屬永昌路明置衛屬涼州我

朝因之設莊浪所雍正初年改營為平番縣仍設莊浪  
一廳以彈壓番回焉

今按衛境紀畧以為漢之允吾縣前涼之廣武郡考元  
和郡縣志廣武本漢枝陽縣則衛境乃漢枝陽縣地自  
五涼以至隋唐并省沿革混淆多詳考其地蓋有允  
街令居等縣地又不獨枝陽已也允街令居枝陽允吾  
皆金城郡屬顧氏輒謂武威所屬疎矣縣境東距黃河  
黃河在東二百二十里  
南泛大通  
大通河在南  
里渡河即蘭州府城  
西界烏稍  
嶺  
嶺在西一百  
北倚新邊  
新邊明萬曆中  
築在北二百里  
山多而土瘠兵

民而外土司十萬人熟番三千戶扼大河而阻賀蘭實  
河西之肘腋亦甘涼之門戶也至若車騎絡繹羌回交  
錯則又諸部之都會九逵之走集也凡甘肅遼中安西  
之趣河東者舍莊  
浪無  
他途

淇持居士曰漢武開四郡以來後代有事河西率由  
湟中故蘭莊爲散地有明考道理之徑直通四郡自  
蘭州而渡黃河故莊浪重而衛置焉其時官必備俊  
又卒必選驍銳漢民居中土兵處外又外而熟番生  
番鱗次櫛比其四境之外古城在南射斗在西南臨



河水北倚新邊東通蘭靖西趣河湟延袤千里星使之所往來羌回之所走集豈非河右一都會哉成化以後朔部之內侵者數歲一至未嘗敢於稅駕也乃隆慶以來俺荅受封可敦效順我之互市但欲羈縻之塞外耳奈何貪皮馬之細而忘久遠之圖往事勿懲私與交易夫大松山垣籞未設之先特內地一甌脫耳至是而數百里之地遂爲賓覓等酋王庭矣扼吭拊背久假不歸及其東市西剽道路以日河東西震驚岌岌乎殆哉或謂正德嘉靖閒亦不刺之據青

海火洛赤之在河西其勢不數倍於賓兔等乎不知

青海在湟河西南莊浪在湟河東北故彼時莊浪獨

安者右臂尚斷也及其據松山則南北通而右臂續

此招彼引大肆猖狂豈惟莊浪危於纍卵卽河西五

郡亦旦夕莫保苟非籌邊之老臣專意一剿雖欲築

邊以固我圉何可得也蓋莊浪爲河隴咽喉苟阻大

通之津當鎮羌之道而塞二嶺之險則湟涼甘肅求

一綫之通而不可得矣後之爲河隴謀久安計者烏

可不早籌之乎

五邊考萬厯初朔部賓兔等盤踞大松山時出侵掠內地日削僅存一綫

二十六年巡撫田樂謀之督臣李沐專主剿乃檄副將達雲督率各鎮官兵爲進討計先克昌寧湖之青把都次破青海之永邵卜其時阿赤兔及宰桑等在大小松山乃令甘肅鎮兵由泗水堡入莊浪之兵由黃羊川入河東之兵由蘭州靖虜以入虜亦悉甲以待於是各路架入又伏精騎於岔口互相牽制而甘肅官兵直搗扒沙莊浪之兵直搗魚溝大敗虜阿赤兔與賓兔僅以一身遁去於是松山悉平克復其地建堡築城屯戍相望乃割蘆塘等處屬固原紅水河三眼井等處屬臨洮阿壩嶺大靖城土門兒等處屬甘肅自靖遠衛界黃河索橋起至土門山共長四百里而蘭靖莊浪千四百里之衝邊始安第蘆塘三眼井等處土疎易圯時費脩葺若按初年舊地自鎮番直接寧夏中衛通樹長邊則外鑰尤壯矣蓋棄地猶六七百

里云

大松山縣東百二十里山多老松又有小松山在縣東

北百二十里議邊防者咸以二山控帶西陲尤爲縣境要地

蒲萄山縣西北百三十里與雪山相距大通河所經也石佛山縣東北三十里上鑄大小佛像相傳唐時物又縣東一里有東山

南山在縣南又名天山又曰雪山濶千餘里其高稱是連亘數郡界美水豐草尤宜畜牧故蔥嶺以東無高於此山者亦出赤鹿足短而形大如牛肉重千斤按漢志蒼峪縣註南山峪陝水所出蓋南山起自羌中連延西

平金城之界東出秦雍至於終南皆曰南山是也

分水嶺縣西百五十里嶺嶠有泉分流南爲莊浪河北爲古浪河其北又有平嶺嘉靖中總兵姜奭禦敵於分水嶺敗之遂北至平嶺虜大集奭乃伏兵於嶺南岔口佯退以誘之因合擊大破之卽此

洪源谷縣西唐聖曆二年吐蕃將論贊婆來降使其衆守洪源谷又久視元年吐蕃將麴莽布支寇涼州昌松縣入洪源谷隴右諸軍大使唐休璟擊敗之按唐貞觀十七年有瑞石產昌松縣界洪池谷疑卽洪源谷也

卓子山在縣西北山頂平如几席故以爲名自山麓至山腰蜿蜒十餘里山上先密上下二族住牧有先密寺永樂中勅建者規制極壯麗飲食起居猶番也特不畜妻子衣黃衣耳先密番僧甚衆分爲上下二族所謂上先密下先密皆寺之族類也崇禎十六年諸番作亂三月十一日副總兵魯允昌從鎮羌堡進剿先密等番誅之幾無噍類寺在鎮羌堡東南四十里今之住牧皆由西寧分來者

平山在縣西南叢山之中忽見平陽草豐水甘孳牧爲

最番族蘇東奔往牧於此

黑山嶺在平山南十五里番族舊草曰佳牧於此

烏稍嶺府東南百八十里地皆沙磧按記畧云渡河而西北爲烏稍嶺在安遠堡東五里通志以爲在堡西者誤矣嶺不甚高東西長二十餘里地荒涼黑番每於此狙掠行路以爲畏途自東嶺至安遠三十里又有鐵沙嶺香鑪山野狐嶺石門峽駱駝峴散岔山光草嶺人頭峴白石頭紅壑峴泉子嶺牛心山討來川嶺皆爲莊浪南面之要塞爲羌虜出入之徑前明俱戍以重兵今雖

奉裁然有地方之責者要不能以域外視之也

大通河縣西南百二十里逕莊浪廳西南縣城西有大

通橋跨其上又逕碾伯縣東南入湟水

紀要謂大通河北流過衛城又

北入於沙漠不知何據而云

莊浪河出縣北東南流逕莊浪廳西南入河疑卽漢志

之逆水也

野狐川在縣境岔口西沙金溝後尤爲縣邊遠地

記略云沙

金溝在岔口西北二百七十里自岔口西北三里爲土魯干又十五里爲石門峽又十五里爲青土坡又

十七里爲野蔥溝又二十里爲濫泥溝又二十里爲駱駝山又三十里爲散岔山又十五里爲光草嶺又



二十里爲思加羊又二十五里爲新河壩又三十里  
爲捏耳朶又四十里爲沙金溝又十五里爲野狐川  
他喇都川縣東南通遠堡南三十五里川地廣衍土壤  
靖不可耕番族寫爾素住牧於此時出剽畧遠近患之  
其北二十里爲排路溝溝生芨萁草河東西取以編席  
爲利頗廣有明於此設兵十三名馬十三疋今裁去番  
族蟬樂住牧於此

裴家川莊浪分界處河西平原之地卽謂之川不關水  
之有無也其地有堡爲戍守要地土瘠沙淤水利不通  
遠引大靖之香溝水以資人畜之用不能溉及田畝也

又東四十里曰阿壩營其地猶之不毛也惟堡迤南有水泉二處疏通水槽可引入堡內水空在西十里虜每從此入犯其邊外有水泉更北有黑石山水草甘茂爲所必爭之地其地爲莊浪要地不以不毛而輕棄之也

按記畧云阿壩北二十五里爲雙井堡南四十里爲藍塘屬靖虜衛西四十里爲裴家川蘆葦往來循新邊行百九十里由雙井百三十里所謂捷徑也東四十里爲下紅水自半松山之後始於下紅水築堡焉其南七十里卽大松山其西北邊外二十里爲黑石山東北百六十里爲營盤水俗訛爲銀盤者也由營盤五十里至黃沙坡又二十里小風口又十里大風口又三十里拜等口又三十里壘石口又三十里黃峽口又五十里賀蘭山按今自寧夏之中衛縣永安墩口經長流營盤兩水頭直達紅水或三眼井成坦途矣驛站旣設商旅通行

盧塘一路惟私商避稅者三眼井在紅水東四十里地  
近新邊最為荒遠其南由狼溝口而至涉井堡路極崎  
嶇通蘭州之孔道也考莊浪北邊自裴家川之關莊起  
東至三眼井界靖遠縣之蘆塘營止皆長城凡四堡百  
九十里自三眼井至蘭州凡三百八十里路僻山荒行  
者憚之顧氏誘以川爲水妄謂川水東北流綿亘於靖  
遠衛及寧夏中衛  
之境不其誕乎

按莊浪平番境內有莊浪河出分水嶺之南其灌溉  
田畝官私溝渠多不勝書如青寺河渠瓦窰渠特其  
著者大抵皆引大通河之水耳

顯美故城在府西北漢縣屬張掖郡後漢改屬武威晉  
因之載記隆安五年禿髮儁檀攻後涼昌松太守孟禕

于顯美是也後魏廢

武興故城州西北載記晉永寧中張軌以秦雍流人置  
武興郡魏收志武興郡領晏然馬城休屠三縣水經注  
所謂姑臧城西有馬城東城卽漢休屠縣是矣故城當  
在府東北爲涼州之邊故二漢互屬二郡也隆安三年  
姚興遣姚碩德攻呂隆於姑臧以降將姜紀爲武威太  
守屯據晏然唐武德八年陸伽佗寇武興其時武興久  
廢當卽故城也

金呂城卽金昌城其故城在今永昌縣北二十里所謂

金川也馬隆討樹機能以八陣圖作偏箱車且戰且行  
奇謀開發至武威之金川依金呂山築城因山以名城  
城成夷不敢犯其山有鳥形似雀見人卽以紫啄石自  
圖其形以示人

高古城卽後魏之焉支縣屬番禾郡隋省入番禾縣故  
城在今永昌縣東九十里明爲戍守要地天啟中堡設  
守備焉順治中奉裁僅戍兵三十名及北部入據大草  
灘復於堡設游擊焉其地南距雪山北近水泉東接永  
昌西趣阿博自堡而西爲大草灘又五十里而至大阿

博則甘涼之分界也

永寧故城在今永昌縣之西百二十里後魏置永寧縣  
爲西郡治西魏廢西郡改爲弱水縣後周復曰永寧隋  
省入番和縣明於故城築堡屯兵與西之寧遠堡東之  
蔡旗堡相犄角逼近邊垣環以卑岡風沙不揚易於保

聚以三堡介在昌寧湖之間故防禦尤嚴

堡北去長城二十里邊外

水頭有梧桐樹地方距堡北二百四十里堡兵更番偵  
探以取先往之藏木簽爲信明制設兵五百五十名有  
把總一員記畧云寧遠堡北出邊外七十里爲沙觜九  
十里至鎮番衛昌寧湖距堡北四十里近湖有破古城  
蔡旗堡東去永寧三十里其南二十里爲三岔堡三堡  
河水自五澗谷北流至東北滙沙河又北流至三岔堡

合爲一繞蔡旗堡而北流至鎮番之西南折而東北流入白亭海蔡旗堡當涼州鎮番之交爲南北應援要衝明制兵二百二十名馬百五十匹守備一員統馬三岔堡爲涼州孔道州西北四十里有三岔驛記要謂蔡旗堡至三岔堡六十里者誤矣

蒼松故城元和郡縣志昌松縣西北至州百二十里蒼松故城在縣東北十里則當在府東南百一十里十六國春秋呂光麟嘉四年以郭麐言讖改爲昌松縣兼立東張掖郡後魏改置昌松郡後周廢郡仍爲昌松縣隋改縣爲永平後以重名復曰昌松

方輿記要以永平爲永世似誤太平

寰宇記昌松州東南二百二十里證之諸書非是晉載

記張天錫擊李儼自將屯蒼松是也舊書武德三年薛  
舉遣將掌仲興與李軌戰於昌松爲所破沒今考其方  
位道里似卽今古浪縣地魏書地形志漢口縣屬昌松  
郡謂之冒松漢口並爲險要後涼姚弋襄禿髮儁檀於  
姑臧自金城濟河進至漢口卽此縣蓋在磧中疑爲張  
氏所置也

允街故城當在今莊浪廳西南漢神爵二年置

允音後  
鉛

漢明帝初滇吾羌寇隴西敗太守劉盱於允街又延熹  
四年勒姐羌圍允街段熲擊破之是也街亭故城當在



今平番縣西北通典允街城臨麗水亦名麗水城街亭  
城沮渠蒙遜所築地勢險隘按周地圖云允街城地極  
險阻沮渠蒙遜增築以爲防守之所此卽通典所本而  
分屬允街街亭太平寰宇記亦引其語而合之今考沮  
渠所脩乃允街故城杜佑言城臨麗水者街亭故城也  
逆水樂史謂卽麗水記畧非之而不能確指在何地據  
水經注推之今之莊浪河出平番縣北東南流繞莊浪  
廳西而南當卽逆水然入河不入湟或古今有變遷也  
餘詳前金山下

街亭城顧氏謂後涼所築考諸志乘又無明文按前漢天水郡第二縣曰街泉

後漢永平十七年更天水爲漢陽郡第四縣畧陽有街泉亭下注街水故縣省以此知街亭城卽是前漢街泉故城矣其名亦見於陳壽志中又隆安初禿髮烏孤自廣武取後涼金城呂光遣將竇苻萑之戰於街亭大敗通鑑注金城北有街亭城胡氏蓋亦未考之訛也又按水經注湟水又東逕允吾縣北爲鄭伯津與澗水合澗水出令居縣西北塞外南流逕其縣故城西又南逕永登亭西歷黑石谷南流注鄭伯津令居縣故城董氏謂在平番縣西北土司境內永登亭卽永登縣故城漢晉時廢縣卽爲亭猶宋元以廢縣爲堡古謂亭障今謂堡寨其實一也黑石谷當卽今莊浪下紅水新邊外二十里之黑石山記畧所謂邊外有大水泉蓋指可川之水卽所謂澗水矣記畧謂可川在涼州東南卽大通河者誤大通河卽浩登水逕莊浪廳西南由碾伯縣東南入湟水記畧謂入黃河者亦誤也今可川出古浪西南東南流逕平番縣西又南逕莊浪廳東南入湟可川在今府東南百八十里安遠驛南二十里爲熟番所住牧

安遠驛為涼莊分界地驛之夫役皆番之男婦也其地四境皆山土瘠多雹止產磨燕蔬穀皆不植也

長最城故城當在府南蘭州府河北十六國春秋晉永和三年石虎將麻秋等濟河擊張重華遂城長最涼將謝艾軍神烏敗後趙兵進擊麻秋秋遁歸金城隆安初後涼呂光擊乞伏乾歸軍於長最遣其子纂攻金城拔之是也按寶字記謂太武平涼改鸞鳥為神鳥不知前於此張氏時已有神鳥之名其非後魏所改明甚涼州府志以永昌為鸞鳥蒼松嘉麟三縣地夫永昌在府西北惟嘉麟差近然去永昌猶九十里蒼松即古浪縣在

府東南百二十里鸞鳥縣雖不能確指何地今府西北三十里有鸞鳥口又有鸞鳥山在其西南漢縣以此名者則故城亦必相近永昌之非鸞鳥蒼松明甚若唐之神鳥又與姑臧同城策宇記謂置於鸞鳥故城者亦誤也

振武故城在今平番縣西十六國春秋晉咸和二年劉胤敗韓璞於沃干嶺追奔濟河至令居進據振武河西大駭永和二年麻秋等攻涼金城金城降趙涼將謝艾引兵出振武擊破之是也通鑑注振武姑臧城南廣武

西北亦在今平番縣南近莊浪廳治也

黃城兒因山爲名或曰王城之訛也在府西南二百三十里連山疊嶂之中地勢忽然開朗城置於兩山間險

固異常元永昌王濶端藩封地蒙古諺之幹耳朶城宮

殿塋墓迄今遺址猶存在前代謂卽茗藿戍焉南北朝

時其名最著

十六國春秋隆安初後涼三河太守沮渠翹弟以呂光猜忌謂其兄羅仇曰苦勒兵

西平出茗藿畜臂一呼涼州不足定也義熙七年禿髮傳檄自樂都伐北涼五道俱進至番和茗藿掠五千餘戶而還九年沮渠蒙遜自姑臧

西如茗藿遣兵襲卑和等部是也

地土饒沃於屯

牧爲宜西北至永昌一百二十里涼莊有事此其肘腋

地也有明宿重兵於此故永古之間得安枕也當吳逆  
蠢動時虜乘隙闖入於此駐牧久假不歸當事累議驅  
除不果虜遂視爲帶礪矣今雖羈屬於我甘心臣僕豈  
可無意外之防哉

三角城本有明之來遠城也在府南二百四十里西去  
甘州白石厓三百里東去莊浪之鎮羌堡三百七十里  
皆山也東南去西寧北川營三百一十里則阻於大通  
河也其城三面環山因山爲垣形勢險峻有若天然故  
曰三角永樂中以處降番俾爲我之藩籬及青海爲北

部所踞四出侵剽番衆移徙惟置空城順治初遂爲麥  
力幹所據其地平川曠莽延袤幾二百里土最饒沃以  
耕以牧號稱樂土順治八年叛回漏網者四百餘人麥  
力幹使居此城專事屯收人善於開渠故自甲午乙  
未以後麥力幹一部最爲雄張及滇楚多事諸部益以  
生心西陲所以日棘也有遠馭之畧者亦宜深戒於覆  
轍也

考涼南邊堡凡十二

曰安遠堡有驛在府南百八十里涼莊之分界也又西三十里

曰黑松堡又西三十里曰古浪所卽今縣治也又西四十里曰張義堡又西北百二十里曰南把截營又

西南五十里曰西把截營又西五十里曰炭山堡又西南六十里曰蹇占口又南九十里曰黃城峴又南八十里曰酸茨河又西六十里曰新城堡又西四十里曰高古城自安遠至此五百二十里黃城酸茨河向爲塞外

涼北邊堡凡十二

曰定羌廟在府西二百五十五里又東二十五里曰水泉堡又東五

十里曰水磨川又北十五里曰毛不刺堡又南六十里曰永昌衛今爲縣治也又東北八十里曰寧遠堡又東南一百里曰永寧堡又東三十里爲蔡旗堡又北六十里曰黑山堡又北六十里曰鎮番衛卽今縣治也又南百六十里曰高溝堡又東九十里曰泗水堡又東三十里曰土門堡又東南八十里曰大靖營自定羌廟至此共八百八十里其鎮番之民堡不與也

又涼州北邊近疆自西北接甘州界起以至東北接



寧夏界止曰言寧湖曰脫歡山浚稽山曰魚海白亭  
海曰扒里扒沙亦名大沙子山西去鎮番縣可四百  
里東去寧夏中衛可三百里明伏羌伯毛忠卽其地  
人也控扼涼夏屏藩莊靖爲州要地明制抽調寧夏  
兵於此更番按伏及其久也以爲孤遠而撤之邊益  
縮而夷益近矣至北境外夷之壤地所接有隘口七  
十三處然夷欲入寇不在鎮番卽在水泉堡蓋寇鎮  
番以拊涼之背寇水泉以通南北之途涼之可慮無  
踰於水泉堡也其他卽有侵擾不過偶然耳其初意

固不在此也已若涼南境外合七十隘口率皆鳥道  
懸崖其大舉必在黃城蓋以其寬衍四達隨在可長  
驅也



西域考古錄卷第四

海月堂雜著

海鹽俞浩 湛持

甘州府

管縣二 張掖 刪丹

禹貢雍州之域書謂導弱水至於合黎餘波入於流沙是也六國至秦月氏所居漢書西域傳月氏本居祁連敦煌開霍去病傳濟居延遂臻小月氏攻祁連卽路從此也故武帝開之斷匈奴右臂自張其掖因以爲名晉初屬張軌後涼末段業亦嘗據之後爲沮渠蒙遜所殺

據其地號北涼後又還理姑臧魏太武平之以爲張掖  
軍太和中改爲郡大統十二年分涼州以居張掖之地  
爲西涼州廢帝二年更名甘州因州東甘峻山爲名或  
言地多甘草故名隋煬罷州爲郡唐平李軌復置甘州  
天寶復爲郡乾元元年復爲甘州尋沒蕃大中初內屬  
五代之亂陷于羌戎宋天聖以後爲西夏所據元滅夏  
置甘肅路總管府至元十八年置甘肅等處行中書省  
治此以控河西諸郡明洪武二十四年置甘肅等衛二  
十六年置陝西行都指揮使司領衛十二守禦千戶所

三

本朝因之雍正初年改衛爲府升刪丹衛爲縣又置張掖縣爲府治焉

甘州襟帶河湟跨越邊塞天下多事恒爲羣雄所睥睨故竇融求爲張掖屬國都尉卒保有五郡挈以歸漢張軌祖其故智遂有涼土保境息民復以兵威懾服西域雄長一隅幾七十年梁熙圖據涼州而違楊翰之言終爲呂光所制禿髮沮渠李暠之徒後先角立分裂其地亦皆一再傳而亡豈非以山川阨塞負隅易固哉陳子

昂言涼州歲食六萬斛甘州所積四十萬斛觀其山川  
誠河西咽喉地廣粟多戶止三千勝兵者少屯田廣野  
倉庾豐衍瓜肅以西皆仰其餽一旬不往士已枵飢是  
河西之命係于甘州矣且其四十餘屯

按六典甘  
州十九屯水泉

良沃不待天時歲取二十萬斛但人力寡乏未盡墾發  
今甘州積粟萬計兵少不足以制賊若吐蕃大入則河  
西何以守宜益屯兵外得以防盜內得以營農其後吐  
蕃世爲邊患如所料云昔人言屯修于甘四郡半給屯  
修于甘涼四郡粗給屯修於四郡則內地稱甍矣夫耕

屯之政罔牧之設舊章具在可勿講與

湛持居士曰劉歆言孝武表河曲列四郡開玉門通西域以斷匈奴右臂隔絕南羌月氏單于失援由是遠遁而幕南無王庭蓋自漢至唐欲隔絕羌胡交關之路必以通西域爲事明棄哈密而守嘉峪則甘州遂偏重矣甘州南北相距寬者百數十里隘者僅十餘里如築甬道中通一綫以接聲援而資饋餉耳然於四郡獨居其中譬陣之有中堅磨之有樞紐我之所重者甘州而虜之所怨者亦甘州虜之在南者欲



北在北者欲南徙以一州之南北阻截橫貫其中使彼不得長驅直入廼必循牆而走自東自西動須旬月則甘州之偏重豈一朝一夕之故哉當小王子大舉入寇時其酋阿禿欲分兵徑取甘州小王子不聽及敗而悔之彼固未嘗一日忘甘州也考有明之制坐鎮甘州者不獨行都司而已文有巡撫武有總兵舉一代之名臣宿將胥出於此屯兵至三萬餘人其重如此至順治以後裁減什之六七各衛所僅有萬人當事以海鷗視敵於是開市洪水而虜遂入牧于

大草灘矣苟非鄂齊圖之破滅阿拉善之款關喀余喀之內亂

聖祖之親征噶爾丹之天亡則四郡能保爲我有耶其不爲吐蕃之續者幾希

大斗拔谷山府東三百里隋書大業五年秋七月

按本

紀在六月通鑑在七月

車駕東還經大斗拔谷山路險隘魚貫

而出風雪晦冥文武饑餒沾濕夜久不逮前營士卒凍死者大半馬驢什八九後宮妃主或狼狽相失與軍士雜宿山間又有大斗城卽新唐書志赤水守捉

本名赤烏鎮有赤烏泉西魏時置戍於此唐因置赤

水軍開元中改大斗軍因大斗拔谷爲名哥舒翰爲

大斗軍副使卽此

通典赤水軍在涼州城內所謂幅

爲大斗因移軍于城內而仍存其舊名所謂管兵三

萬三千者也若大斗軍管兵七千五百人後人多說

以大斗爲

赤水也唐書武德初西突厥闕度設爲李軌所敗

竄於達斗拔谷尋爲軌所滅貞觀八年李靖討吐谷

渾還上遣使勞軍於大斗拔谷又開元十四年吐蕃

自大斗拔谷攻甘州焚掠而去是也

合黎山俗名要塗山在府西北二百里禹貢導弱水至

於合黎卽此括地志合黎山亦名闌門山晉隆安五年

沮渠蒙遜欲圖段業約其兄男成同祭闌門山又名羌

谷廣志肅州會川縣之東北有合黎山

紀要山在西北四十里與元和

志不合按山延長三百里

廿之四十里其峽口也

人祖山府東北四十里其山不毛其東北五里爲人祖

山谷口戍守處也

祁連山在府西南二百里張掖酒泉二界東西二百里

南北百里本名天由匈奴呼爲祁連也漢元狩元年霍

去病出隴西擊匈奴至祁連斬首三萬三百級西河舊

事云祁連山上有松柏五木美水茂草山中冬溫夏涼  
宜放牧牛羊充肥乳酪美好夏瀉酪不用器物刈草著  
其上不解散作酥特好一斛得酥酪斗餘又有仙樹人  
行山中飢渴者食之卽飽不得持去平居時亦不能見  
故匈奴歌曰奪我祁連山使我六畜不蕃息是也今自  
張掖以西其大山多以祁連名

臨松山一名青松山又名丹霞山山岩有神驥足跡亦  
謂之馬蹄山在郡南百二十八里前涼于此置郡十六  
國春秋晉元嘉元年張掖臨松山有石如張掖字後掖

字漸滅張字分明又有文曰初祚天下四方安萬年

故望山有神每祀之時但聞音聲不覩其形

甘峻山一名紺峻山郡東北四十五里其山出青鵲鷹  
稱爲奇絕常充貢獻距山丹衛三十里中有泉味甘冽

州以是得名

紀要在西南八十里蓋其山勢  
所踞綿亘甚遠故有不同者

弱水在郡北三十二里禹貢導弱水至於合黎淮南子  
弱水源出窮石山曾氏曰弱水出於窮谷通釋弱水出  
吐谷渾界窮石山自甘州刪丹縣西至合黎山與張掖  
河合其水力不勝芥然可以皮船渡環合黎山東北入

居延澤

居延澤郡東北千里亦稱居延海亦曰北海古之流沙澤也古所謂其沙風吹則流行也蘓武牧羶處或云卽在此地

張掖縣附府本漢槃得縣屬張掖郡本匈奴槃得王居因以爲名晉改名永平開皇又改酒泉縣大業二年改爲張掖縣取漢郡以名縣也唐因之州郡皆治此元省舊唐書地志後魏置張掖軍孝文改爲張掖郡及縣是張掖縣不始于隋也又通典張掖縣西北有漢張掖郡故城雍正初復置張掖縣

雪山在縣南百里多材箭竿

榆木山縣東南百里山爲明時安置沙州衛夷于此土人呼爲黃韃子所謂黃番也山勢延袤寬廣其名不一牛毛山青鞵搭皆是也折而南五十曰紅崖堡其北三十里曰煖泉堡爲州之襟要四面皆山中有拜浪河爲堡地灌溉甘州南邊自大阿博起西至紅崖凡堡十有五共六百五十里也

張掖河縣西十里流經合黎山下弱水入焉水經注張水歷紺峻山南與張掖河合一名鮮水亦謂之合黎水



又名羌谷水自吐谷渾界流入按一統志張掖河源出  
擺大川經祁連山西出合黎北流入亦集乃界河西岸  
有泉數十處俱生蘆葦飼秣資焉

黑水縣西十五里卽張掖河之異名或卽其支流也從  
縣西南山谷中流經州城有黑河橋跨之其下流仍合  
張掖河明正德中土魯番貢使真帖木兒因哈密事朝  
命羈管甘州嘉靖初釋令回國謂甘州城南黑河可以  
引灌州城遂導其首入犯甘州爲官軍所敗方遁

今考黑河源出祁連擺大川卽擺通河北流逕龍首

堡至甘州西南弱水入焉又西流至肅州鎮夷所又北流出塞至于合黎餘波入于流沙是也禹貢雍州厥田上上在河西諸郡惟甘州足以當之唐郭元振令甘州刺史李漢通開置屯田盡水陸之利舊粟麥斛至數千及是一縑糴數十斛軍糧支數年今之上龍首堡首受黑水之溉土爲最沃明自楊博脩築木龍壩廢田悉成良畝乃展築張欽城以徠耕民所謂下龍首也上龍首本劉果城改築以近龍潭故以名城蓋明初所遷東南大戶皆自築城以居卽以姓名

名城西北邊諸城堡大率如此也龍首二堡當其皆  
自請募兵防戍其爲富庶可知渡河至高臺縣中間  
有甘峻梨園二堡甘之北邊自九壩四壩平川仙姑  
板橋新城瓦窰而至人宗山口卽人祖山也沿山而  
東爲觀音山口爲灰溝口東南卽刪丹縣矣又東爲  
新河堡爲石硤口而北邊盡矣凡四百八十里爲堡  
十有三皆長城山險然而州之地勢頗卑黑河在其  
南每至夏秋汎濫建瓴之勢其患豈特沉窳產蛙而  
已使無老君壩老君渠九四等壩爲之隄堰甘且不

得享豐穰之樂而有胥溺之苦矣今甘州之稻米凡涼州莊浪西寧車載駝負且以給數郡之食惟五穀之外別無瑰異之物故民有賤糶之苦而使兼并之徒坐享其利苟司牧者能法劉晏以劑其盈虛是所望於今之君子耳

千金渠漢志注千金渠西至樂涇入澤中亦謂之鯨得渠按樂涇卽高臺千金渠今已無知其處或以陽化渠當之恐非是大抵州自東至西其渠以百十計雖長短不同其爲灌溉則一也

鹽池在縣北九百三十里其鹽潔白甘美隨月虧盈周

廻一百步

山丹縣府東百二十里本漢舊縣屬張掖郡按焉支山一名刪丹山故以名縣山在縣南五十里漢興平二年分置西郡以刪丹屬焉晉時分置蘭池萬歲仙提三縣隨又省三縣入刪丹唐因之屬甘州西夏置甘肅軍于此元爲山丹州明改爲衛雍正初改縣屬甘州府

焉支山今在縣南百二十里東西百餘里南北二十里西河舊事曰水草美與祁連同匈奴失焉支山歌曰失我焉支山使我婦女無顏色是也隨書大業五年伐吐

谷渾還出張掖至焉支山高昌伊吾及西域二十七國  
皆謁于道左唐哥舒翰嘗建神祠于山麓又名刪丹山  
亦曰刪丹嶺考刪丹卽山丹草名詩顏如渥丹其花紅  
紫甚鮮妍取汁漬帛亦可造粉畫家用之  
婦女以之傅面顏色光悅山出此  
草故匈奴有此歌仁恕堂筆記

平頂山縣西北三十里連亘于甘界山有馬蹄寺永樂  
中賜名普觀寺山石有似馬蹄因以名之石洞有七石  
門有二十洞中大小佛像鐫勒甚多寺有刺麻二三百  
人番族持酥油赴寺者不絕謂之熬廣茶也考平頂山  
卽青松山

一統志分爲

二山本誤

三木樓山在縣東北塞外通鑑永平十六年分遣耿秉秦彭出張掖居延塞伐北匈奴絕幕六百里擊匈奴匈奴林王於三木樓山建初八年北匈奴三木樓山部落歛五原塞降蓋匈奴保聚處也

大柳谷在縣南二十里曹魏青龍三年張掖柳谷水溢寶石負圖立於川西時以爲典午之識又晉泰始二年張掖太守焦勝言氐池縣大柳谷口水溢有元石之瑞隨志張掖縣有大柳谷按今黑河中石色如玉剖之有五色文理或作山水禽魚之狀亦其類也

沮渠川在縣南或謂卽廬水也北史沮渠蒙遜世居張掖臨松廬水卽此川也唐武德八年涼州將安脩仁破叛人睦迦陀于沮渠川是也

按三國志張旣傳討廬水胡卽沮渠氏祖矣

赤柳澗在縣西二百里與肅州接境又赤泉在廢氐池縣北禿髮儁伐沮渠蒙遜至赤泉而還又窮泉在吐谷渾境禿髮儁與蒙遜戰于窮泉大敗而還是也

南草湖在縣南周廻九里又西草湖在西十里周廻七里皆漑田澗水之處

昭武故城漢縣晉避諱改臨澤舊城在府西北唐書西



城傳康安曹石米大尋戍地史世謂九姓皆氏昭武以  
祖居昭武城故也則昭武亦月氏地也  
屋蘭故城在府東北漢縣後廢于張氏

氏池故城在府東漢縣沮渠蒙遜自西安襲段業至氏  
池進逼侯塢業軍皆潰舊志侯塢在氏池西去張掖百  
里安西郡在其東呂光所置段業既取安西蒙遜求爲  
其郡太守遂擊業而代之

侯官城府北與居延接張掖屬國別領五城侯官左騎  
千人司馬官千人官也

祁連城府西北百九十里本張祚之漢陽縣以守牧地者元覲改祁連郡唐開元中杜賓客敗吐蕃于祁連城下通鑑注城在祁連山有是也

臨松故城府東南張天錫置郡呂光置中田護軍鎮臨松後魏領縣二安平和平後改臨松縣以二縣省入後周并三縣入張掖五代志臨松縣有臨松山

建康城張駿置建康郡屬涼州後魏廢唐王孝傑置建康軍蓼泉守捉元和郡縣志證聖元年尙書王孝傑開鎮周廻以甘肅兩州中間濶遠頻被賊鈔遂于甘州西

二百里置此軍兵五千三百人馬五百匹蓼泉十六國  
春秋沮渠蒙遜追敗西涼李歆于鮮支湖城建康置戍  
而還宋永初二年歆東襲蒙遜大敗于懷城勒兵復戰  
于蓼城爲蒙遜所殺新唐書志祁連山北有建康軍軍  
西北二十里有蓼泉守捉城

居延城在府西北千二百里漢縣屬張掖郡郡都尉治  
此元狩置屬國都尉治焉其東北有居延澤亦曰居延  
海古文以爲流沙太初三年使路博德築遮虜障于居  
延澤上是也漢書元狩二年夏霍去病公孫敖出北地

二千餘里過居延太初二年夏路博德築居延天漢二  
年夏詔李陵出遮虜障陵將兵出居延北千餘里後漢  
志注郡都尉治居延永平十六年耿秉等出張掖居延  
塞擊北匈奴安帝時改置張掖居延屬國別領居延一  
城獻帝興平二年武威太守張雅奏立爲西海郡晉因  
之仍領居延一縣後廢後魏正光二年柔然國亂其王  
阿那瓌婆羅門相繼來降涼州刺史袁翻請並存之分  
統其民脩西海故城以處婆羅門且曰西海在酒泉北  
去高車所居金山千餘里實北寇往來之衝要土地沃

循大宜耕稼其北卽鄰大磧野獸所聚也魏主從之所  
謂西海卽居延矣括地志漢居延故城在今張掖縣東  
北千五百三十里有遮鹵障通典居延城亦曰居延塞  
按文選通考顏師古謂居延蓋匈奴中地名張掖所  
置縣以安處所獲居延之人而名其說非也河西之  
未入漢也霍去病欲攻小月氏則先望居延而濟乃  
至天山李陵欲陟單于庭必先自居延北出乃至浚  
稽則知居延之出匈奴乃其要路也漢旣全得月支  
之地立爲四郡則居延又爲酒泉要路故築塞其上

以扼其來名以遮鹵可見其實也通典既於張掖著  
居延塞又於酒泉著遮鹵障者甘州之西卽肅州之  
東寇之來路亘乎兩州之間故障塞之設亦亘兩郡  
李陵之軍自遮虜障北出亦望遮虜障南人可見寇  
路出入無不由此也居延塞卽遮虜障元志甘州北  
千五百里有漢西海郡居延故城夏人嘗立威福軍  
於此元至元二十三年立亦集乃路總管府城東北  
有大澤西北俱接沙磧明初馮勝拔肅州進至掃林  
山取亦集乃路是也攷王莽之西海郡卽今青海後

漢改爲西平郡者也此西海郡後漢季年所置今人  
往往以居延海爲青海雖以王昶之博亦不能辨豈  
不可怪

受降城在居延東北此漢受降城也其東爲漢五原縣  
界漢武太初元年遣因杆將軍公孫敖築塞外受降城  
天漢二年詔李陵出遼虜障至東浚稽山南龍勒水上  
徘徊觀望卽無所見還抵受降城休士昭帝元鳳初匈  
奴遣騎屯受降城以備漢二年匈奴復遣騎屯受降城  
甘露三年呼韓邪單于入朝旣遣歸請留居幕南光祿

塞有急保受降城是也後魏太平真君九年伐柔然至受降城無所見因積糧於城內置戍而還

石城在居延北明正統初蒙古阿魯台爲脫歡所敗死其部落阿台及朶兒只伯竄據亦集乃路屢犯甘涼詔邊帥任禮進勦破之於石城復追破之梧桐林至黑泉而還別將趙安等又破之于刀力溝遂出塞千餘里寇衆幾盡

日勒城在山丹東南漢縣屬張掖郡元鳳三年匈奴分三隊入寇日勒屋蘭番和皆敗去漢志注縣有澤索谷



郡都尉治此澤讀鐸後漢因之獻帝分置西郡治曰勒  
縣晉亦爲西郡治志云自姑臧西北出張掖其間有大  
嶺度嶺而西西郡當其要嶺謂剗丹嶺也隆安二年後  
涼段業據建康使沮渠蒙遜攻克西郡於是晉昌敦煌  
諸郡皆降後魏改置永寧縣爲西郡治西魏郡廢又改  
縣曰弱水後周復省入刪丹又有金山縣在縣東後周  
置屬甘州尋廢

萬歲城山丹縣東南晉置縣屬西郡南涼禿髮利鹿孤  
遣將襲沮渠蒙遜至萬歲臨松是也宋白謂隨煬始并

萬歲縣入刪丹又焉支城亦在縣東南後魏置屬番禾郡隋省入番禾

寧寇城在山丹縣北唐志渡張掖河西北行出合黎山峽口旁河東壩屈曲東北行千里有寧寇軍初曰同城守捉屬刪丹縣武后初同羅僕固等部叛劉敬同討破之於居延海救僑置安北都護府于同城以納降者卽守捉城也天寶二載改爲寧寇軍通典張掖郡北界旁張掖河屈曲過同城鎮至峽口烽總三百七十八里又寧寇軍東北卽居延海云胡氏云寧寇軍在涼州東北

千餘里

均石戍爲張掖西郡分界處義熙三年禿髮儁檀自姑臧伐沮渠蒙遜與戰於均石大破之遂克西郡當在今山丹嶺西

人祖山口府東四十五里亦曰人宗山口又府西南有大小磁窰山又西南有甘峻山口俱戍守要處又有通遠山口在府南八十里又十里順化口又十里宣政陽化和寧諸口又十里大慕化小慕化及洪水等口皆通祁連山之要口

沙河堡府西八十里又西有甘浚高臺二堡又小滿堡  
黑城堡皆在其南爲甘之襟要設官軍防守國初屬於  
左衛者

長樂堡府西北又有平川胙支平原堡皆向屬中衛者  
東南有大滿鎮平鎮南撫夷等堡皆向屬右衛者今俱  
爲官軍戍守要處

柳樹堡府西又府東南四十里有古城東樂三堡向屬  
甘州前衛者也又板橋堡在府西北二百里向屬後衛  
者

鞏筆驛府西南開元十五年回紇部人護輸襲殺河西  
節度使王君奭於此

仁壽驛府東南十里西城驛在府西四十里又西四十  
里卽沙河堡又西四十里卽撫夷驛又西四十里卽肅  
州之高臺縣治矣

紅鹽城山丹縣北五百里池產紅鹽所謂桃花鹽也又  
居延海旁有池產白鹽皎潔如水晶取之不竭也

紅寺山口山丹縣北二十五里志云衛南百里有靜寧  
山和寧山無虞山寧番山四口又石峽口在右衛東八

十里兩峰相對下有石井有堡有驛東四十里接永昌縣之水泉兒驛

新河堡山丹東四十里明正德中張鵬敗寇於新河北山坡卽此其東卽石峽堡也又有永興堡在東南又東南有煖泉堡大黃堡又有洪水山洪水店堡又靖安堡寧遠堡俱爲縣境要口今俱有戍兵防守

赤亭山丹西北開元八年突厥噉欲谷破拔悉密于北庭還出赤亭掠涼州羊馬唐兵邀之於刪丹爲所敗卽此唐志刪丹縣有赤亭



西域考古錄卷第五

海月堂  
雜著

海鹽俞浩  
湛持

肅州

管縣一 高臺

禹貢雍州之域古西戎地也六國時月氏居焉後爲匈奴所逐奔逃西徙匈奴得其地使休屠昆邪王分守之武帝元狩二年昆邪王殺休屠王并將其衆降漢以其地爲武威酒泉郡以隔絕匈奴與羌通之路以城下有泉其味若酒故名酒泉晉屬張軌後呂光復據有之後



魏道武天興三年晉昌太守唐瑤移檄六郡推武昭王  
李嵩爲大都督涼公領秦涼二州牧自敦煌遷都於此  
號西涼後爲沮渠蒙遜所據魏太武平沮渠氏以爲酒  
泉軍屬敦煌鎮孝昌中改鎮立瓜州復置酒泉郡開皇  
三年罷郡立酒泉鎮所領縣並屬甘州仁壽初以境宇  
遼遠分甘州福祿縣置肅州唐武德初河右底定仍爲  
肅州八年置都督府督瓜肅沙三州貞觀罷都督府尋  
廢玉門縣天寶元載改酒泉郡乾元仍爲肅州按福祿  
本漢縣西河舊事云福祿城因謝艾重築

艾封福祿伯

大歷

元年陷於西蕃宋沒於西夏元爲肅州路明改肅州衛  
國初因之雍正初改衛爲州升甘州之高臺所爲縣以  
隸於州甘肅邊自金城至嘉峪長千六百里西控西域  
南迫羌戎北當要衢而肅州地居絕塞孤懸天末三面  
受敵且其土皆鹼鹵不宜種殖民地瘠民貧形勢與西寧  
相同以視西寧之富庶有不可同年而語者矣

湛持居士曰甘肅漢之涼州不屬司隸蓋自開五郡  
以通西域號爲斷匈奴右臂歷代遂爲重鎮光武中  
興竇融舉河西歸國隗囂卒以滅亡董卓之亂繼以

李郭炎祚燔焉晉氏五胡雲擾華雄疊乘涼土淪胥  
宇文以關中抗高氏實資武威天水之力唐文皇平  
李軌逐吐谷渾滅高昌拓地至北庭元宗席數世之  
資威行萬里置守捉於蔥嶺泊乎祿山之亂肅宗以  
靈武一旅恢復舊物及吐蕃乘隙奪據隴右戎馬牧  
邠岐之郊終唐之世遂以不振拓拔奄有數郡以韓  
范二公二十年之經營不能使元昊北面入朝其風  
俗剛果人習弓矢而涼州之畜爲天下饒河水填淤  
利於耕菑得其地足以生聚教訓養民致賢故每以

區區而抗衡上國明文皇封建忠順撫集諸羌然棄受降而守東勝後又棄東勝而事固原於是寇據河套外失其險延綏之受兵無異於宋閒嘗論之蓋自新秦荒塞內地之烽烟旣迫哈密棄捐關門之扁鑰全踈馴至牛種不謀輓輸無術以懸釜之時有操戈之便不待智者而知其不可以終日矣

聖朝皇靈遠暢瓜沙久爲內地迨

純皇帝平定準夷自陽關以至蔥嶺以疆以索數萬里自古不臣之地悉入版圖於是甘涼南北咸成樂土

休哉美乎三五以來所未有者矣

崑崙山在州西南八十里周穆王見西王母卽此山十六國春秋後魏昭成帝建國十七年前涼張駿酒泉太守馬岌上書言酒泉南山卽崑崙之體也昔周穆王謁西王母樂而忘歸卽謂此山有石室玉堂珠璣鏤飾煥若神宮剗丹西河名曰弱水禹貢崑崙在臨羌之西卽此明矣宜立西王母祠以裨朝廷無疆之福駿從之洞庭山在州西七十里四面懸絕人不能上遙望燄燄

如鑄銅色山中出金

元和郡縣圖志

崆同山在州東南六十里黃帝西見廣成子於崆同漢

武帝行幸雍祠五時遂登崆同山並爲此山也

按九州記要涼

州天山黃帝授金液神丹於此近空同頂有魏太武塔焉

九龍山在州南百里周地圖云昔有神人坐張掖西方

山上西射酒泉郡西金山之白神射得九籌盡此山上

遂成九龍因以爲名

通典酒泉郡有九龍山是也

鴻鷺山穆天子傳云天子循黑水至於碧玉之山謂此也今鴻鷺所棲得名

西侯山在州西北塞外趙充國傳出酒泉塞千八百餘

里至西侯山是也

黑山在州北屹立沙漠中黑水經其下爲北面之形勝  
按黑山在州北百八十里起鎮夷所之北二十  
五里盡於大鉢和寺之東二里又名紫塞山也

嘉峪山州西六十里山之西麓卽嘉峪關一名玉石山  
一名碧玉山穆天子傳至碧玉之山卽此

觀音山州東南百里因山有觀音寺而名其西曰紅山  
寒水石山疏黃山因山出寒水石疏黃得名觀音山口  
內有楚壩橋其橋非木非石因山木爲水漂浮紛紜交  
積而成水從下流人馬行其上遂爲往來谿徑有堡在

山口曰永安亦曰觀音堡其南八十里曰天生橋者南面重山討來川源出雪山東流至此入地伏流不數步而出形如橋梁可通人馬天造地設故曰天生焉堡西南百九十里爲重岡峽峽窄而斗絕騎不能過必下馬牽行魚貫而度爲一州設險之地寇犯肅南必經此硤一人守之敵雖萬人不復能過也

今按重岡峽在州東南百八十里南路之

保障也

文殊山州南三十里志所謂小西天一名小雷音寺有禪室三百處唐初所建元太子納達識有碑記在焉



山爲洞營爲刺麻所居有明時守臣曾斬斷文殊口築嘉峪長城然總不若堅守文殊口內之小峽蓋峽路峭絕人馬難行趙奢所謂鼠鬪穴中將勇者勝也其西南百餘里有爛泥山地勢沮洳亦險要也

牌樓山州西南百里又有松山一名松打班又小雪打班皆祁連之支也又九九山在州東南百五十里可通西寧山勢險峻重岡複嶺人馬難行惟私商避稅閒一問道焉

白亭海在州東北四十里一名會水以衆水所會故曰

會水以北有白亭故曰白亭海方俗之閔河北得水便名爲河塞外有水便名爲海十三州志云白亭海衆羌之水所會也漢會水縣以此得名

鹽池在縣東北八十里周廻百姓仰給焉

呼蠶水一名潛水亦名羌谷俗謂福祿河西南自吐谷渾界流入漢書地志呼蠶水出南羌中東北至會水入羌谷是也

討來河州北百里源出雪山東流三百里入於鎮夷所之黑河

黑水在州西北十五里自沙漠中南流經黑山下又南合於白水通典卽禹貢之黑水也出張掖郡西北境之雞山南流至敦煌郡經三危山云

白水在州西南二十里源出州北山谷中黑水流合焉紅水在州東南三十里源出祁連山谷中西流會於白水入西寧青海

金河州西卽酒泉河味如醇酒郡以得名者也高居誨使于闐記從甘州而西始涉沙磧又西北行五百里至肅州渡金河西百里出天門關云唐人有金河戍

速魯川在州南草打班西祁連山支派不勝數各山之  
水皆匯爲討來速魯山陽爲速魯川遠在徼外計里無  
可考也

卯來泉在州東南七十里其地有堡堡外爲黑番伯刺  
宛冲族佳牧有番僧爲之長自此而西更無番族蓋番  
皆依於中華西卽塞外也

紅泉在昆崙山下其土赤而泉亦濁赤澄之使清味特  
甘美

兀魯乃湖在鎮夷之北湖水清淺易涸湖岸皆楊木多

莎草

高臺縣在州南二百七十里本漢張掖郡地唐爲建康軍地明正統中始置高臺守禦所於此以其地形高亢控扼番戎要地城周四里惟南面一門 國初因明之

舊仍爲高臺所雍正初以地當衝要升爲縣改隸肅州今爲肅南扼要之地

一統志謂卽漢之表氏縣考之圖志諸書皆無確據恐涉附會今不

從之

白城山縣西北百里爲甘肅二境接界處按五邊考嘉靖末嘉峪關屬部白羔刺等族因哈密失守徙居肅州

之白城山元志白城子在黑水河西卽此

狼心山縣東北明正統中王驥與總兵蔣貴討韃且約至狼心山舉火爲應卽此

黑河縣西百五十餘里有黑水渡卽古張掖河也流經碓口入居延海河北四里卽鎮夷所城焉州志其地有永豐等渠二十分流溉田其東百里有黑泉堡

紅城渠縣西北三十五里又豐稔渠在東南三十五里縣境凡渠三十二皆爲分溉境內之田

福祿縣廢城本漢樂涇縣

兩漢屬酒泉郡張氏分屬建康郡

唐武德二

年於此置福祿縣取漢舊名也

按十六國春秋隆安初沮渠蒙遜起兵臨松其

從兄男成亦聚眾數千屯樂涪進攻建康推太守段業為涼州牧是也義熙初西涼李嵩以張體順為建康太

守鎮樂涪後周廢

樂涪入福祿縣

酒泉縣故城卽肅州衛治漢福祿縣也通典縣有古長城漢遮鹵障也隋廢郡置縣為肅州治大業初州縣俱省義寧元年復置唐因之仍為州治

綏彌城在州西漢縣屬酒泉郡後漢改曰安彌魏晉因之晉太元十年呂光將彭晃等與梁熙子梁胤戰於安彌破之禽梁胤又義熙二年沮渠蒙遜襲西涼至安珍

卽安彌也後魏廢

會水縣州東北漢縣屬酒泉郡闕駟曰衆水所會故曰會水縣有堰水障爲北部都尉治東部障爲東部都尉

治後漢因之

按卽元和郡縣志在州東北四十里之白亭海是也

乾齊縣在州西北漢縣屬酒泉郡有西部障西部都尉治也晉改屬敦煌郡與會水縣同廢

涼寧郡後涼所置在州東北十六國春秋隆安五年沮渠蒙遜所部酒泉涼寧二郡叛降於西涼北魏志涼寧郡領園池貢澤二縣西魏廢唐於其故城置威遠守捉



故城在今州東北金塔寺之北

威虜城在衛東北又有毛目城在鎮夷所北百五十里  
威遠衛之屬地也其地膏腴人戶最盛今高臺縣丞移  
駐其地

威遠廢衛在州東北三百八十里鎮夷所北二百五十  
里金塔寺北二百三十五里明於唐威遠守捉城置衛  
後以失悞秋表有韓杭二官懼罪遂訛言朝廷將盡逐  
威遠人以女子入教坊於是軍民俱叛逃於西域之魯  
迷衣巾皆反服以示不爲明民也所樹招降旗今尚峙

立其三又有平朔城在鎮北二百四十里亦衛之屬城也民皆相率遠遁今其礎磨屋址猶有存者平朔城小而堅郭外教場廣袤至二百畝今皆爲番族游牧之所矣

鎮夷所在州東北百三十里故張掖縣地明洪武末置於黑河之北後爲河水衝決天順初移治於此其地東抵高臺西接酒泉南拒番戎北鄰蒙古廣袤二三百里爲戍守之地今有都司駐其地亦肅北之襟要云其東馬營堡亦有官軍戍守

扇馬城在州西二百三十里嘉峪關外有二水貫城西流夷人來往必宿於此明時安插土魯番降人牙蘭部於此

金塔寺自肅州東北四十五里至下古城堡北出五十

里而至金塔寺堡堡相近者有魏城及魏里城又鉢和

寺明以寺外閒地給哈密人屯牧是也

又有小鉢和寺亦巨剎也考金

佛寺堡在州東南九十里金塔寺堡在州東北距關五十里南北遠近相去不啻風馬牛方輿紀要以金佛卽

金塔併二爲一謬甚

嘉峪關州西七十里在嘉峪山西明初收河西地西抵

玉門北至沙漠而以嘉峪爲巨防蓋卽古之玉石障玉石障卽遮虜障之別名四面平川關在坡上坡下有九眼泉冬不凍夏不涸飲萬馬而不竭因有水而置關因置關而建樓因建樓而築城起邕來之南而止於野麻灣之北城築於嘉靖中肅州西面保障無過於此者

攷明嘉靖中大學士翟鑿閱邊至關始建議築長城南北迤邐約長百十餘里板築堅固錐不可入虜數穴之不能穿而罷迄今三百年屹立如山則當日綜理之微密可知自正嘉以後西陲多事關外咫尺一

民非臣尺地非土則在當日恃此關以爲保障者真  
不啻長城之倚矣

遮虜障在州北二百四十里史記漢武命強弩都尉路  
博德築遮虜障於居延澤上按城起居延經狼心山而  
西直至哈密北山曲折逶迤無一定之道由張掖武威  
出師西征此爲要道攷漢之用兵其出入每在居延至  
元以居延爲亦集乃路當時往來山丹之路居民旅邸  
盛於甘肅故脩築一如漢時雖元史不載而見之蘓天  
爵文集尤斑斑可考也故當日有新長城之稱一統志

竟以元築長城以阻絕西夷防其寇掠云云不知元時吐蕃西域皆建郡縣內外一家非若前明視關外爲絕域者也今考九州要記及十三州記見之太平寰宇記者皆稱玉石障爲漢之遮虜障一統志不足辨也已元和

郡縣志隋鎮將楊元於其地得銅弩牙箭鏃

按肅州形勢鎮夷尤爲扼要又其人戶富庶爲一州之冠一統志謂永樂二十九年馬溥始於其地築馬營天順閒始置千戶所殊爲乖謬鎮夷之置在洪武二十九年至天順初爲黑河衝潰始移置今城蓋邊

墻從黑河墘起繞城直接甘郡而東所謂羌谷天城者四面山崖聳削狀若石城黑河經此而人石峽口又北流出塞石峽去鎮夷七里其口若斧劈黑水從此出鎮夷二門皆有吊橋河西惟甘州產稻肅惟鎮夷有之水沃土膏故戶蕃而人富其西北二十里爲黑山二十五里爲分水嶺五十里爲鷓頭山其東北三十里爲合黎山山自此起環甘州之北而盡於石峽口其北五十里爲兀魯乃湖一百五十里毛目城二百五十里威虜城其東百四十里爲千人壩而鎮

夷當犄角之地屹爲要會豈非以地利之得乎

考肅州南邊堡自清水堡而西至於嘉峪關凡七所二百七十里其卯來泉而東皆山卯來泉而西則長城也

清水堡

在甘州紅崖西五十里

金佛堡

清水堡西五十里

永安堡

金佛堡西

十里紅山莊

永安堡西十里

文殊口

紅山莊西四十里

卯來泉

文殊口西南七

十里嘉峪關

卯來泉北四十里

肅州北邊堡自野麻灣而東至於焉支堡依長城山濠凡十堡三百二十里金塔則出於外而不與也

野麻灣堡

嘉峪關東北五十里

新城堡

野麻堡西十里

西山口

新城西三十里



下古城 西山口東三十里 金塔寺堡 下古城北五十里 臨水堡 金塔寺南

六十雙井堡 臨水堡東六十里 鹽池驛 雙井東四十里 深溝堡 鹽池東四十里

十鎮夷所 深溝北三十里 砂盤堡 鎮夷所東二十五里 焉支堡 砂盤堡東二十里

五里

肅州近疆 自肅州東南接甘州界起迤而西折而東至於甘州之西北界止

后灰關 在州東南清水堡之東 黃草壩 高臺縣之西南 訶來川 州南 速魯

川州 州南 卯來泉 州西 駙馬城 嘉峪關外 赤金蒙古衛 關西舊玉門縣

之南 駙馬城西 玉門縣故城 八十里 晉昌縣故城 關西南舊瓜州之東

申都魯 赤金衛之東北 黑城 州北 威魯城 金塔寺之北 北大路 州北 威

遠城金塔寺之北 毛目城鎮夷所之北 平朔城鎮夷所之北 兀魯乃

湖鎮夷所之北 接甘 遮虜障

右肅州西南北三面邊內外番夷壤地附諸隘口合

二十九

九九山口西北至州 黃草壩山口西北至州 榆林壩

山口西北至州 乾壩山口西北至州 觀音山口西北至州

七十重岡硤西北至州 紅山口西北至州 寒水石山口

西北至州 琉黃山口東北至州 文殊山口東北至州

黑山口東南至州 二榆林泉山口東南至州 鹽溝口

東南至州 臨水合河口 南至州 四 山 口 子 西 南 至 州 七 十 里

大口子 西至州 紅口子 西 南 至 州 分 水 嶺 口 東 南 至 鎮 夷 所 六 十 里

二十里 孫官兒口 南 至 鎮 夷 兔 兒 口 南 至 鎮 夷 石 圈 兒 五 里 所 三 十 里

口溝 西 至 鎮 夷 乾 柴 溝 口 西 至 鎮 夷 石 壩 溝 口 西 至 鎮 夷 所 十 里

五牛頭溝口 西 至 鎮 夷 黑 山 溝 口 西 至 鎮 夷 千 人 壩 里 所 十 五 里

西 至 鎮 夷 所 毛 目 頭 墩 口 西 至 鎮 夷 所 右 皆 州 南 北 百 四 十 里 一 百 九 十 里

之要塞南面皆山最爲險峻良可無虞西則長城之

外石山天險惟北面地脉斥鹵旣無扞蔽彌望平川

無谿山之阻長驅而入豈區區隘口能禦之乎且自

嘉峪以北蒙古而外雜種氏羌難以悉數州之可憂者在此不在彼也故全錄五邊圖說畧於此聊比於老馬之先云爾

考太平寰宇記州之四至八到今錄之如左所以重邊防而識襟帶他郡可畧而畧非有一定之例焉

東南至東京四千一百八十里至長安二千九百里  
西京三千七百六十里至甘州四百二十里

南至吐蕃界二百里  
雪嶺二百五十里

西至瓜州五百二十六里

北至回紇界伏谷泉三百里又至葭蘆戍五百里

東南到甘州界赤柳澗三百里

西南到瓜州

三百四十里

界安樂烽三百四十里

東北到甘州張掖縣鹽池烽二百三十二里

西域考古錄卷第六

海月堂  
雜著

海鹽俞浩 湛持

安西州

管縣二 敦煌 玉門

禹貢雍州之地古西戎地漢武始置酒泉郡元鼎六年  
分酒泉置敦煌郡後漢因之至晉又分二郡以置晉昌  
郡通典符堅徙江淮流人萬餘戶於敦煌又徙中州不  
闢田疇人七千餘戶涼武昭王遂以南人置會稽郡中  
州人置廣夏郡

按樂史寰宇記引此  
說以江淮爲江漢

後周初并入晉昌

郡武帝又改晉昌為永興按周初廢郡以新鄉延興二縣并入會稽為會稽縣隸晉

昌郡隋改為玉門縣隋初罷郡立瓜州煬帝廢之并其地以為敦

煌郡武德二年仍改立瓜州五年改沙州又於後周承

興郡別置瓜州元和志按隋瓜州即今沙州也李吉甫此注當云隋初則明白矣又置

總管府寰宇記此下有領西沙瓜三州之文或疑武德時尚無西州不知沙州在唐初曰西沙州後置

西州始去西字惟三州訛天寶初改晉昌郡乾元初復曰瓜州大曆

十一年沒蕃大中五年沙州人張義潮以州來降詔以

義潮為沙州防禦使通鑑五年春正月壬戌天德軍奏攝沙州刺史張義潮遣使來降義

潮沙州人也時吐蕃大亂義潮陰結豪傑謀自拔歸唐

一旦率眾被甲謀於州門唐人皆應之吐蕃守將驚走

義潮遂攝州事奉表來降發兵畧定其旁瓜伊西甘肅蘭鄯河岷廓

十州遣其兄義澤奉十一州圖籍入見於是河湟之地盡入於唐十一月置歸義軍以義潮爲節度使十一州觀察使又以義潮判官曹義金爲歸義軍長史五代之亂羈屬而已周顯德二年沙州留後曹元忠遣使進方物詔以元忠爲節度使以知瓜州軍事曹元恭爲瓜州團練使仍各鑄印以賜之宋眞宗初沙州曹賢順入貢授歸義節度使尋附於契丹冊爲敦煌郡王仁宗時爲西夏所據元初置沙州尋爲沙州路明洪武二十四年



元裔阿魯哥失里內附永樂三年置沙州衛正統以後困於瓦剌因徙部屬於內地衛遂廢雍正六年西陲用兵始修瓜沙二城爲屯田計至乾隆二十一年旣平準夷始於瓜州舊城置安西府置淵泉縣以爲府治復於府東三百里置玉門縣於府南三百里置敦煌縣二十九年改安西府爲直隸州省淵泉縣入之仍以敦煌玉門屬焉

考元和郡縣圖志及寰宇記常樂縣東至州百五十里本漢廣至縣地屬敦煌郡魏分廣至縣置亶耒縣

以漢志宜禾都尉治昆崙障爲名十六國春秋涼武

昭王分敦煌之涼興烏澤晉昌之宜禾

按宜禾魏屬敦煌晉屬晉

昌也三縣置涼興郡後魏明帝改置常樂郡後周初并

廣至冥安淵泉入涼興縣爲常樂郡治隋廢郡於三危山東置常樂鎮唐武德五年改置常樂縣屬瓜州

開元十五年吐蕃陷瓜州悉銳攻常樂縣令賈師順

拒却之

寰宇記漢廣至故城在今縣西北恒以大石棧之稍開卽風暴便至殺人

按元和

志州境東南至肅州四百八十里寰宇記東南至肅州界首三百四十里今以今安西州至關五百九十

里推之今州蓋常樂縣地也

通典後魏正光嘗於宜禾縣置會稽郡此與符

堅徙江淮人戶西涼置郡之說自相矛盾按晉元康五年分沙頭縣置會稽縣屬晉昌郡沙頭本漢縣後魏志亦云郡在玉門縣界李嵩因晉縣而改置郡與符堅事無涉殆杜佑之附會耳蓋舊鎮城

在今布隆吉爾雍正元年會於彼建築郡城周六里有餘距今安西新城百六十五里今牆垣僅存有都司千總等武職馬步兵四百五十七名所謂布隆吉爾營者乃唐之晉昌縣瓜州治之故城也

湛持居士曰左氏稱允姓之戎居於瓜州今其地瓜最有名師古漢書注狐入瓜中食之首尾不出今尙

有之十三州志瓜州之戎爲月氏所逐秦并六國築  
長城西不過臨洮則秦未有此地自漢武始開之也  
其地山川瑰異代生偉人三明之外載之史書難更  
僕數應劭所謂敦大煌威者無慙斯名漢書耆舊記  
曰國當乾位地列良墟水有懸泉之神山有鳴沙之  
異川無蛇虺澤無兕虎華戎所支一都會也豈不信  
而可徵與故敦煌一郡二漢以來久爲冠帶之域明  
文皇旣建赤金沙州復置哈密以爲屬國左右羌戎  
延袤萬里設兵置戍事非得已中葉以後河套淪陷

哈密又廢鳴鏑於馳關外遂爲絕域一民尺土非復  
我有使遺民不沾三化者二百年誰業國成至于斯  
極夫明之建重鎮於甘肅以北拒蒙古南扞諸番俾  
不得相合此卽漢武創立四郡隔絕羌胡之意又建  
西寧等四衛土官與漢人參治令之世守且多置茶  
課司番人得以馬易茶而部族之長亦許其歲時朝  
貢自通名號於天子彼勢旣見分又動以利不敢爲  
惡卽小有蠢動邊將以偏師制之應時底定自邊臣  
失防北寇得以越境闌入與番族交通西陲遂多事

然究其時之所患終在寇而不在番故議者終以明  
祖制馭爲善也宋元徽二年柔然寇魏敦煌尙書奏  
敦煌僻遠介居南北強寇之間恐不能自固請內徙  
就涼州韓秀以爲敦煌隔闕西北二虜使不得相通  
今徙就涼州不惟有蹙國之名且姑臧去敦煌千有  
餘里防邏甚難二虜必有交通覬覦之志若騷動涼  
州則關中不得安枕矣夫魏之與明今昔不同而情  
事無異魏不棄敦煌而明棄諸衛魏猶有人而明則  
無人也已方且援光武之閉關謝西域以證哈密之

不必復封王瓊且借此以傾彭澤矣夫以交趾之大  
藩當時宰相以漢元之棄珠厓爲口實至使秦漢以  
來千餘年中國郡縣之地不得與南海桂林等六郡  
同爲衣冠禮樂之區豈非當國諸臣之罪哉交趾且  
如此又何論乎哈密若後來嚴嵩借河套以殺夏言

曾銑引漢武隋煬之窮兵遠畧爲戒以文其奸欺是

又三楊之罪人矣

交趾乃秦漢以來中國一郡之地至五代爲土豪所據宋興不能有

其地然不過一道節度使耳及南宋孝宗封之以王  
始自爲一國明祖平定其地設交趾布政使領十衛  
二千戶所十三府四十一州二百八縣其後議尊謙  
猶以復交趾爲武功當日宰相不能使其君撤回中

官以絕禍源令張輔往鎮如沐英之例以威遠俗徒以漢棄珠厓爲口實使祖宗憐風沐雨之土地子孫視之爲不甚可惜棄之如敝屣然肉食之輩白面書生其可與之論天下事哉

敦煌縣在州西南三百里古三危地左傳允姓之戎居于瓜州注云在今敦煌是也流沙之地黑水所經書舜竄三苗於三危三危旣宅其後子孫爲羌戎代有其地范宣子數戎子駒支曰秦人迫逐乃祖吾離于瓜州卽此按寰宇記引左傳我先君惠公有不腆之田與汝剖分祗食之卽此地也云云是以晉地爲瓜州矣豈不謬乎漢初亦爲月支匈奴地武帝逐匈奴屬酒泉郡後置敦煌郡治敦煌縣後漢西域副校尉居於敦煌又有中



部都尉治步廣侯官宜禾都尉治昆侖障卽昆侖塞而  
玉門陽關亦皆都尉治晉書地理志前涼以敦煌西域  
都護等三郡三營爲沙州是也永和十年張祚置商州  
仍治敦煌後魏天興三年涼武昭立於敦煌以子讓爲  
郡守後又分敦煌晉昌置涼興郡仍治涼興縣焉按劉  
焯實錄晉安帝隆安元年五月涼州牧李暠徵服出城  
逢一虎在道遂因化爲人暠呼暠爲西涼君暠因誇弧  
待之又暠呼暠曰汝無疑也暠知其異乃投弓矢於地  
虎又仍前謂暠曰敦煌空虛不是福地君之子孫王於  
西涼不如遷徙酒泉言訖乃失未幾暠  
乃移都酒泉建國號曰西涼因神告焉後爲且渠氏所  
并魏平茂虔因而不改明帝改瓜州並治敦煌郡隋開

皇初郡罷仍爲沙州大業初復以州爲敦煌郡并瓜州  
入敦煌郡唐武德初廢郡置西沙州貞觀平高昌置西  
州乃去西字仍曰沙州天寶改敦煌郡乾元復故尋沒  
蕃大中初收復詳見安西州下五代之亂曹氏保有其  
地景祐以後陷於西夏元滅夏以爲沙州路明初內附  
至永樂初始立沙州衛正統十一年徙內地衛遂廢焉  
成化中罕東族人只克者其先奄章與種族不相能率  
所部避之沙州境朝廷許其耕牧歲納馬於肅州後漸  
強及沙州衛困卽來全部內徙地爲奄章所據至是畏

土魯番之逼欲自爲一衛以與之抗上言請如罕東赤金例立衛賜印捍禦西陲部臣以哈密旣亡諸衛移徙倘沙州更無人統理勢必爲土魯番所并而西鄙益危宜如所請於沙州故城置罕東左衛以只克爲指揮使統治沙州從之宏治七年指揮王永上言哈密久爲土魯番竊據今罕東左衛居哈密之南三日程野也克力居哈密東北二日程是皆層齒之地利害共之去歲土魯番脅只克歸附不從殺野也克力頭目其部人咸思報怨宜旌勞之令二部并力合攻永除厥害以寇攻寇

國之利也朝議不能從其後屢爲安定部人及土魯番  
瓦剌所侵掠其人畜不能自存叩關乞援正德中竟徙  
肅州塞內惟部人帖木哥土巴者仍留沙州服屬於土  
魯番會土魯番酋徵求苛急二人怨率其部族五千餘  
人來歸而沙州終爲土魯番所有萬厯以後瓦剌強盛  
侵擾諸部土魯番漸爲殘破於是相率逃散沙州僅有  
空城雍正初年西征厄魯特以沙州當南北襟要之地  
繕築土城周三里有餘留兵戍守防護屯田乾隆七年  
增築護城周五六里卽今縣治焉

玉門縣州東三百里距嘉峪關二百九十里本漢舊縣

也屬酒泉郡十三州志玉門縣置長三百里石門周匝

山間徑纔二十里衆泉流入延興

顧氏引此作衆流北入延興海漢罷

玉門關屯戍徙其人於此故曰玉門縣後魏明帝改爲

玉門郡周武帝省人會川縣隋爲玉門縣唐因之

按元和志

開元中玉門縣爲吐蕃所陷因於縣城置玉門軍天寶

十四載哥舒翰奏廢軍重置縣又考西河節度使管下

玉門軍在肅州西二百餘里武德中楊恭仁置管兵千

人馬六百疋考玉門縣東去肅州二百二十里是玉門

縣卽玉門軍二志所載亦同本紀十五年吐蕃攻陷瓜

州進攻玉門軍通鑑十五年九月吐蕃大將悉諾邏恭

祿及獨龍莽布支攻陷瓜州執刺史田元獻及西河節

度使王君奭之父進攻玉門軍縱所虜僧使歸涼州謂

君彘曰將軍常以忠孝許國何不一戰君彘登城西望而泣竟不敢出兵莽布支別攻常樂縣令賈師順率衆拒守及瓜州陷悉諾邏悉兵會攻之旬餘日吐蕃力盡不能克使人說降之不從吐蕃曰明府旣不降直斂城中財相贈吾當退師順請脫士卒衣悉諾邏知無財乃引去毀瓜州城師順遽開門收器械備守備虜果復遣精騎還覘之知城中有備乃去及王君彘爲回紇護輪所殺河隴震駭乃以朔方節度使蕭嵩爲西河節度副大使又奏引裴寬爲判官以建康軍使張守珪爲瓜州刺史帥餘衆築故城板榦裁立吐蕃猝至城中相顧失色莫有門志守珪曰彼衆我寡又瘡夷之餘不可以矢刃相持當以奇計取勝乃於城上置酒作樂虜其有備不敢攻而退守珪縱兵擊之虜敗走守珪乃復城市收合流散皆復舊業朝廷嘉其功以瓜州爲都督府以守珪爲都督悉諾邏威名甚盛蕭嵩縱反聞於吐蕃云與中國通謀贊普召而誅之吐蕃由是少衰云云及按本紀無哥舒翰奏廢玉門軍恐吉甫謫書五代之今不從之并錄吐蕃入寇玉門軍始末於此

亂遂廢

按石晉高居誨使子闕記自肅州西渡金河百

里出天門關又西百里出玉門關按自肅州至

玉門二百里亦乾隆二十一年悉平準回兩部之亂乃

卽玉門縣矣  
於舊瓜州之地置安西府以淵泉縣爲府治仍於舊玉門縣之境置玉門縣蓋取漢唐之舊以名縣焉

雪山在州南二百里積雪夏不消東南九十里南連吐

谷渾界

按元和志雪山在晉昌縣南百六十里今雪山在安西州城南三百餘里東連終南太乙西極

昆侖蔥嶺綿亘不絕莫見首尾冬夏雪積不消北山俱係青黑沙石不生草木

鳴沙山在敦煌縣南七里一名沙角山又名神沙山辛

氏三秦記云河西有沙角山峯嶸危峻逾於石山其沙

巖糲色黃有如乾糝又山之陽有一泉名曰沙井綿歷  
今古沙不填之人欲登峯必步下入穴卽有鼓角之音  
震動人足河西舊事云沙州天氣晴朗卽沙鳴聞於城  
內人游沙山結侶少或未曾游卽生怖懼莫敢前其沙  
或隨人足而墮經宿輒還山上高居誨云瓜州南十里  
有鳴沙山冬夏殷殷有聲如雷卽禹貢之流沙也按沙  
名以流沙而得周保定初改敦  
煌爲鳴沙縣卽以山名縣也  
三危山在敦煌縣東南二十里其山三峯峻絕俗名曰  
升雨山書窺三苗於三危禹貢導黑水至於三危宋元



嘉二十二年魏主燾遣軍擊吐谷渾別將杜豐引軍追擊度三危至雪山擒慕利延兒子被襄等卽此孔氏曰三危山俗亦曰卑羽山山海經三危之山青鳥居之三青鳥主爲西王母取食者別自棲息於此山也

按寰宇記引段

國沙州記不知段之沙州在吐谷渾中河水所逕與此不同

羊膊山今名鷹膀山在州西多巖石少樹木甚似魯郡鄒山山北行三十里遠眺觀瞻百里但見山嶺巉巖無尺木寸草

北塞山在州西河西舊事云漢遣貳師將軍伐大宛得

天馬馬感西風思歸遂頓羈絆驤首而馳晨發京城食時至敦煌北塞山嘶鳴而去因名其處爲候馬亭今晉昌及大武谷馬蹄石上有踉蹌之跡尙存

金山在玉門縣東六十里出金九州記要山有赤彈木堪爲漆用

獨登山玉門縣北十里其山出鹽鮮白甘美有異常鹽取充貢獻

石油河在玉門縣東南百八十里漢志引博物記延壽縣南有山石出泉水大如筥簾注地爲溝其水有肥如

百城才一錄卷之二  
二  
煮肉泊漿兼永永如不凝膏然之極明不可食縣中人  
謂之石漆元和郡縣志石脂水在縣東泉有蒂如肥肉  
然之極明水上有黑脂人以草漉取用塗鴟夷酒囊及  
膏車周武帝宣政中突厥圍酒泉取此脂然火焚其攻  
具得水愈明酒泉賴以獲濟寰宇記石漆延壽城中有  
山出泉注地其水肥如牛汁然之如油極明但不可食  
此方人謂石漆得水則愈熾也俞方穀特健藥齋隨筆  
沙州玉門縣出一種石漆如外國猛火油之類但不常  
有今土人得之者亦少其出處謂之石油河暑伏之時

久不雨則見味極臭惡或以其損目故不貴焉

玉石障十三州記延壽縣在郡西金山在其東至玉石

障亦是漢之遮虜障也

按今嘉峪關長城本漢遮虜障遺址

王母檇蒲山山有鹽池在州西南

懸泉水一名神泉在州東四百里龍勒山腹涼州異物志漢貳師將軍李廣利伐大宛還士衆渴乏廣利乃引佩刀刺山飛泉湧出萬衆賴以獲濟今有祠宇甚嚴郡侯歲時必謁焉

龍勒山卽漢龍勒縣之山也括地志在龍勒縣南百六

十五里縣以此得名一統志在廢沙州東百二十里山有神泉大旱不竭貳師將軍遺跡在焉

白龍堆在壽昌廢縣西漢書班注敦煌正西關外有白龍堆沙西域傳樓蘭國最在東垂近漢當白龍堆乏水草又元始中車師後王國有新道出五船北通玉門關往來差近戊己校尉徐普欲開以省道里半避白龍堆之阨考漢書匈奴傳注孟康曰龍堆形如土龍身無頭有尾高大者二三丈卑者丈餘皆東北向相似也在西域中魏收魏書鄯善北卽白龍堆班固西域傳贊曰且

通西域近有龍堆遠則蔥嶺按其地卽今所謂噶順也沙磧千里都無水草是也皇甫謐郡國志所引亦卽班注也

三隴河西舊事云流沙磧也在玉門關外有三斷石極大俗謂之三隴云西域流沙卽今之戈壁出玉門卽度流沙南行至樓蘭北行至高昌且末國內有流沙數百里吐谷渾境有流沙千里內之張掖居延今靈州平番甘州高臺沙磧甚多嘉峪以外固無論矣通典必指定在敦煌郡西八十里無乃不通按水經注河水又東注

於泐澤卽經所謂蒲昌海也水積鄯善之東北龍城之西南龍城地廣千里皆爲鹽而剛堅行人所經畜產皆布羶卧之掘發其下大鹽方如巨枕以次相累類霧起雲浮寡見星日少禽多鬼西接鄯善東連三沙爲海之北隘矣故蒲昌亦有鹽澤之稱也蒲昌海今日羅布淖爾蒙古語謂淖爾爲海當今土魯番廳之東南五百里今據此注推之則羅布淖爾鄯善在其西南龍城在其東北西域之山國水經注所謂墨山國亦在龍城界也考三國志注引魏畧玉門關西出發都護并回三隴沙

北頭蓋三隴沙卽三沙矣亦卽白龍堆之類今按噶順沙積綿亘千里則凡龍堆三沙皆在其中矣十六國春秋符堅遣呂光伐西域行越流沙三百餘里又且渠無諱謀度流沙遣其弟安周擊鄯善旣而無諱西就安周士卒經流沙渴死者大半北史魏主肅遣使者王恩生使西域度流沙爲柔然所獲遂不能達其後遣使者詣西域常詔河西王牧犍發導護送出流沙後遣將萬度歸伐鄯善至敦煌以輕騎度流沙襲鄯善下之又云從武威西北有捷路度沙積千餘里四面茫然無有蹊徑



欲往者不準記唯以人畜骸骨及野駝糞爲驗路中或  
聞歌哭之聲行人尋之多致失亡蓋魑魅罔兩也故商  
旅往來多取伊吾路云而且末國流沙風起如山移往  
往傷人今闕展東之三間房十三間房布榦臺皆然彼  
中所謂風戈壁又不僅乏水草而已

渥洼水在龍勒故城境卽龍勒水也漢元鼎中南陽新  
野人暴利長遭刑屯田於此水邊見羣野馬來飲中有

奇者乃收得以獻帝以馬從水中出乃作天馬歌

按本紀元

鼎四年秋馬生渥洼水中李斐注曰南陽新野有暴利  
長當武帝時遭刑屯田敦煌界數於此水旁見羣野馬

中有奇異者與凡馬來飲此水利長先作土人持勒鞞於水旁後馬玩習久之代土人持勒鞞收得其馬獻之欲神異此馬云從水中出蘇林曰注音塞曲之塞師古曰渥音渥注音於佳反並未言卽龍勒水也漢志龍勒縣下注氏置水出南羌中東北入澤溉民田亦未言卽渥注水也一統志沙州界有渥注水漢時天馬生此水中顧氏所云未知何據俟再攷

蒲奴水顧氏言在龍勒水南漢商邱成敗匈奴處按本紀征和三年匈奴入五原酒泉殺兩都尉三月遣貳師將軍廣利將七萬人出五原御史大夫商邱成二萬人出西河重合侯馬通四萬人出酒泉或至浚稽山與虜戰多斬首匈奴傳御史大夫軍至追斜還無所見還匈奴使大將與李陵將三萬餘騎追漢軍至浚稽山合轉戰九日漢兵陷陣却敵殺傷虜甚衆至蒲奴水虜不利還去以此推之蒲奴水當在浚稽山北遮虜障南也

崑崙塞漢地志廣至縣下注宜禾都尉治崑崙障蓋卽  
崑崙塞矣後書永平十七年竇固等出敦煌崑崙塞擊  
西域破白山寇於蒲類海上又延光二年張璠議以酒  
泉屬國吏士二千餘人築崑崙塞先擊北匈奴呼衍王  
後漢書注卽崑崙障也當在今安西州西寰宇記白水  
有崑崙障在其陽

冥水李吉甫云自吐谷渾界流入大澤東西二百六十  
里南北六十里豐水草漢志冥安縣注南籍端水出南  
羌中西北入其澤漑良田應劭曰冥水出北入其澤按

今敦煌縣境內惟党河源遠流長分濬永豐普利等十渠溉田至十二萬畝當卽真水也

月牙泉一名沙井在今燉煌縣城外十餘里形如偃月深不四五尺味極甘冽四圍流沙廣漠之中從無填淤古稱陽關之西有不滿之沙井是也

疎勒河在安西州西源出祁連山北流爲昌馬湖在玉門縣南百二十里流至縣北三十里之塔爾灣城折而西逕橋灣以達安西爲疎勒河亦作娑又作蘇西域聞見錄卽七十一光祿之新疆紀畧謂州西疑卽疎勒故國跡雖莫考

西域傳卷之六

今其河猶呼疏勒焉是以龜茲屬國在上温宿亭在漢陽郡

為龜茲國温宿國也疎勒今之喀什噶爾去陽關四千

八百七十里之遠而遽以河名之偶同疑為故國豈作

者并漢書尚未一涉獵耶雖然不足怪也以鄯道元之

淹博而以耿恭傳之疎勒城為疏勒國餘子又何責乎

赤金蒙古衛今為赤金堡在玉門縣東百十里東去嘉

峪關百八十里西去敦煌縣七百里方輿紀要云東至肅州界四百

三十里西至沙州界百八十里本兩漢玉門縣地屬酒

沙州即今敦煌縣所云大誤

泉郡唐屬肅州元為沙州路明永樂初元故丞相苦木

子塔力尼率所部來歸詔於赤金峽建赤金蒙古所以

塔力尼爲千戶尋升爲衛

塔力尼之孫阿速以隨征功晉秩至都督世襲升所爲衛

天順以後爲土魯番殘破正德八年奪其甲去己而土魯番入寇肅州赤金當其衝益遭蹂躪部衆不能自存內徙肅之南山遂空其地尙有沙州衛罕東左衛俱詳見敦煌縣下

豆盧軍沙州城內以當突厥要路山川廻澗神龍初置豆盧軍以鎮之管兵四千五百人馬百匹去理所千七

百餘里

玉門關陽關漢志在龍勒縣故都尉治也漢書西域傳  
阨以玉門陽關孟康曰二關皆在敦煌西界史記正義  
引括地志云陽關在壽昌縣西六里玉門關在縣西北  
百十八里輿地廣記玉門關在壽昌縣西北歐陽忞引  
括地志亦同通典云陽關之北爲玉門關元和郡縣志  
晉昌縣下玉門關在縣東二十步晉昌爲瓜州治在今  
安西城東故高居誨云肅州渡金河百里出天門關又  
西百里出玉門關又西至瓜州沙州又西渡都鄉河出  
陽關蓋唐移玉門關於晉昌縣以高記推之益可證矣

肅州志云敦煌縣西南百五十餘里有廢陽關是也

考

平寰宇記壽昌縣沙州西南一百五十里下云陽關在縣西六里以居玉門關南故曰陽關又按元裝西域志云塞上無驛亭又無山嶺止以火爲識玉門關外有五烽舊葺烽其一也又有壺盧河上狹下廣迴波甚急不可測上置玉門關卽西域襟喉也考壺盧河今曰窟窿河在安西城東百三十里雙塔堡之東堡去州城百二十里河又去堡十里也舊名札噶爾烏珠發源土壺盧溝下流經雙塔堡流入疏勒河河形上小下大深不可測牲畜誤入卽不能出土人亦呼壺盧河其形勢與西域志正合據此則唐初玉門關已在晉昌矣予以今安西州爲唐之常樂縣治僅以道里之數推之初無確證或謂與徐氏西域志補注不合者蓋補注以唐之晉昌在今安西州西南也今以大唐西域志證之則唐之晉昌實在今之雙塔堡距今州東百二十里也徐氏未考大唐西域志又未及核其道里遠近之數致有此誤此亦偶不檢勘耳所著究爲精審以較祁頴士西域釋地



大不  
侔矣

效穀縣師古日本漁澤障也桑欽說孝武元封六年濟南崔不意爲漁澤尉教力田以勤效得穀因立爲縣名西涼李嵩初令效穀以衆推戴據有敦煌城當在今州西南敦煌之北也

淵泉後漢作拼泉師古引十三州志地多泉水故以爲名後周縣省入玉門乾隆二十一年置安西府并置淵泉縣與府同治二十九年改府爲州省縣入焉漢故城在州東南又壽昌縣本漢龍勒地後魏改爲壽昌取縣

界壽昌澤爲名故城今敦煌縣西南百五十里

按澤卽龍勒水

大同城在瓜州西南近西平郡地景雲中吐蕃所置開元十七年瓜州都督張守珪擊吐蕃大同軍大破之是也

墨離軍瓜州西北一千里管兵五千人馬四百匹東去理所千四百里天寶五載王忠嗣討吐蕃於墨離軍獲其全部而還

合河戍在今州東北二百里神龍元年置

苦峪城今玉門縣西五十里明以安置沙州衛部族於

此

瓜州四至八到今按元和郡縣圖志附以寰宇記以備

考證

東南至肅州界四百八十里

寰宇記至肅州界三百四十里

西至沙州三百里

寰宇記至沙州二百八十里至豹門守捉四百五十里至伊州九百

里

南至大雪山二百四十里

寰宇記至雪山二百三十里至西鄉鎮百八十里

沙州

東至瓜州三百里

寰宇記至瓜州二百八十里東南至瓜州界三百五十里

西至石城鎮千五百里吐蕃界三百里

寰宇記西至南郡廢壽昌縣界

二百九

十里

北至伊州七百里

寰宇記至故鹽泉成三百三十六里

寰宇記南至壽昌縣中界五十里以破石亭爲界去鄯

善國千五百里 至故南口烽三百五十里烽以南卽

吐谷渾界

西北至河倉烽二百四十二里與壽昌縣分界

東北至伊州界三百八十六里

考伊州在沙州西北東北當是西北之誤



西域考古錄卷第七

海月堂  
雜著

海鹽俞浩  
湛持

鎮西府

管縣二 宜禾 奇台

廳二 哈密 土魯番

鎮西府本名巴里坤準部舊牧地也自

聖祖三駕出塞噶爾丹走死沙漠來自巴里坤西至伊犁數千里悉空虛無人因策妄那布坦獻噶爾丹之尸且素尚恭順乃捐阿爾太山以西及伊犁地與之俾生

聚旣而恃其地廣兵強漸以驕設吞併四部自立爲罕  
按杜爾伯特分牧額爾齊斯河外爲所屬至是逐土爾  
扈特阿玉奇投入鄂羅斯復娶和碩特拉藏之姊而贊  
其子丹衷於伊犁旣而殺之潛師入藏襲殺拉藏王並  
掩殺鄂齊圖於青海和碩特子孫惟達什巴圖與台吉  
八人尚存蓋噶爾丹與策妄兩世窺伺青海皆處於中  
國不能得志及  
聖祖親征達什巴圖與八台吉偕來入覲乃以達什巴  
圖爲親王餘授貝子貝勒公有差及是衛藏雖破而青  
海之和碩特部  
族則如故也 康熙六十年收復衛藏擁立達賴六十

一年進軍烏魯木齊阻三嶺之險未犁其庭策妄懼而  
乞和刺麻哲卜尊丹巴代爲請罪因遣使宣諭之許以  
更始而罷兵焉俄而誘青海王羅卜藏丹津使脅諸台

吉同畔郡王額爾得尼親王察罕丹津等不從奔河州  
詔納之邊內雍正元年冬十月以年羹堯爲撫遠大將  
軍岳鍾琪爲奮威將軍討之復勅富寧安等分屯吐魯  
番噶斯淖兒以斷準夷救兵十二月諸貝勒公台吉咸  
殺賊來歸降其脅從十餘萬人二年春二月岳鍾琪以  
五千銳卒破賊於烏蘭大呼兒羅卜藏丹津逃奔準噶  
爾俘其母弟暨逆黨頭目斬馘八千降者數萬駝馬牛  
羊器械無算自出師至凱還凡兩月而青海平自是準  
夷不敢犯邊乃罷西師惟於哈密土魯番巴里坤留兵



屯田此巴里坤屯田之始也

按羅卜藏丹津達什巴圖之子也巴圖克襲父爵親

王陰覲復先人業與準夷通策妄今其脇諸蒙古特以  
子公等使之奉羅卜律丹為達賴渾台吉據唐古特以  
制青海不從者以兵恠之青海有大刺麻曰察汗諾們  
汗自藏中分住塔爾寺羌胡信服丹津揆之以叛於是  
遠近風靡牧放之番族耕地之蒙古數十萬同時騷動  
犯西亭掠牧廠西隄悉震乃命川陝督年羹堯駐西寧  
岳鍾琪以四川提督由松潘進剿大將軍分兵永昌布  
隆吉以防內侵扼黃勝關及巴塘等處以防其入藏之  
路復遣諸將分攻鎮南申中南川北川西川歸德等堡  
潰其羽黨移察汗丹津二部於蘭州先是上遣侍臣  
往諭為所執至是懼而歸之請罪不許十一月各蒙古  
王公台吉皆殺賊來歸岳將軍沿途剿撫有潘下等番  
為賊阻道者滅之有哈齊等番為賊俘者撫而慰之有  
果密等番盜監馬聚大石山喊鎗者擊殺之自松潘行  
至西寧五千餘里烽烟肅清青海為之奪氣既見大將  
軍卽出兵征爾格弄寺刺麻於華里山山險甚其下五

堡環峙軍到寂然遣騎搜之堡內伏賊齊起三分其軍  
奪山殺賊賊敗走追至一山有高樓賊伏其中發矢石  
命健兒二十人密攜引火木梯從兩旁進而躬率大隊  
迎戰戰方鏖樓上烟起天大風箴光灼照賊累累然焦  
爛墜矣是役也破賊二萬止選鋒三千也還營謀進兵  
時大將軍欲由甘州西寧松潘布隆吉四路出師岳將  
軍曰青海賊無慮十餘萬若深入而應此失彼此危道  
也今春草未生賊必不謂我能往若選驍銳五千馬倍  
之出不意搗其巢穴必可成功奏上  
世宗壯之命嵩任岳岳以二月出師道中見野獸羣奔  
曰前有放卡賊急麾兵進殲其百騎又戮其守哈達河  
賊二千人自是賊偵探皆絕於是銜枚夜進凡行百有  
六十里且將黎明已抵賊帳尙未起馬無銜勒見大  
軍至不知所爲遂驚潰羅卜藏丹津衣婦人衣騎白駝  
遁官兵窮追日行三百里至一處旣然紅柳蔽天目  
不能遠望夷人曰此桑駝海也乃返桑駝海者青海與  
西藏交界在河源西七百餘里當木魯河之北玉樹土  
司之西斥鹵不毛蓋我兵沿河源西南追而賊則已於

噶爾遜河橫越戈壁北投準夷矣考康熙五十五年秋七月待衛阿齊圖奏言策亥那布坦兵窺青海必由察罕烏蘆若往西藏必由察罕羅託此兩處設兵則噶斯口以內不能飛越矣再自噶斯淖兒過達小遜戈壁有地名噶順可進色爾騰海地方此處亦當設兵云云其年十月策妄兵果由噶順汎界山後執青海台吉丹濟布去亦卽此路也噶順卽噶爾遜之轉也魏源氏謂年羹堯四路出兵之說雖泛而布隆吉河正當賊走噶順必由之路必成禽矣噶爾遜河在布隆吉河之南其下游至墩煌城外爲黨河越戈壁二百里至色爾騰海色爾騰海卽龍勒水亦卽壽昌澤在敦煌西二百里過此與回疆接其西卽羅布淖兒與桑駱海南北相距千里也及後戡定伊犁於乾隆二十八年設鎮西府於巴里坤並宜禾縣爲府治又於其西靖寧城置奇台縣焉考巴里坤本曰巴爾庫勒華言虎足言山形如虎足也自巴

里坤至烏魯木齊皆漢書山北六國地又爲匈奴南將  
軍及呼衍王分地其地南界哈密北鄰喀爾喀西界迪  
化州爲南北兩路扼吭之地故自康熙以來卽以重兵  
更番守之及平準噶爾設鎮守巴里坤領隊大臣一員  
鎮守古城領隊大臣一員鎮守巴里坤總兵官一員整  
飭巴里坤分廵糧儲兵備道一員攜眷滿兵一千駐劄  
會寧城綠營兵三千駐劄鎮西府城府西六百六十里  
爲木壘河城駐守備一員綠營馬步兵三百名雍正年  
間寧遠大將軍岳鍾琪駐大兵於此副將軍張廣泗奏

言準夷專恃騎我兵制敵必騎步兼用而岳鍾琪主用  
車非溝塹沙磧所宜且木壘界兩山中形如釜底牧廠  
運道所在受敵請移於西南之濶舍圖嶺旋復奏移回  
巴里坤奪鍾琪職拘兵部木壘西百八十里爲古城駐  
游擊一員馬步兵四百一名其滿兵駐乎遠城二城相  
比望似孤懸而爲扼要之處城西六十里爲濟木薩之  
愷安城有阜康縣縣丞移治於此城北里許有唐北庭  
都護府城舊址按紀昀闕微草堂雜著槐西雜志吉木薩有唐北庭都護府故城則李衛公所築也周四十里皆以土壘壘成每壘厚一尺濶一尺五六寸長二尺七八寸舊瓦亦廣尺餘長一尺五六寸城

中一寺已圮盡石佛自腰已下陷入土猶高七八尺鐵  
鐘一高出人頭四圍皆有銘鏤端模糊一字不可辨識  
惟刮視字稜相其波磔似是八分書耳城中皆黑煤掘  
一二尺乃見土額魯特云此城昔以火攻陷四面砲臺  
卽攻城時所築其爲何代何人則不能言之蓋在準噶  
爾前矣城東南山岡上小城一座與大城若相犄角額  
魯特云以此一城阻礙攻之不克乃以砲攻也庚寅冬  
烏魯木齊提督標增設後營予與永兵備慶奉檄籌畫  
駐兵地萬山叢雜議數日未定予謂永君曰李衛公相  
度地形定勝我輩其所建城必要害扼盜曷因之乎永  
以爲然議乃定卽今古城營也舊名破城大學士溫改  
曰古城其城望似孤懸然山中千蹊萬徑其出也必過  
城下信古人眞不可及也今按古城與滿營之乎遠城  
二城相比漢城築於三十五年滿城築於三十九年徐  
氏松亦以爲李德裕所築之北庭都護府考古城西八  
十里爲濟木薩城唐之舊城在城外里許今之古城卽  
紀氏所謂山岡上小城也按金滿卽金蒲本日後庭長  
安二年改爲金蒲因漢之金滿城相似而詭也唐志貞

觀十四年置庭州轄縣四曰後庭蒲類輪臺海西元和  
志惟載三縣無海西一縣又鎮城七日俱六惡落神仙  
沙鉢爾類那遮敵泉又軍四曰瀚海天山伊吾清海又  
堡曰特羅堡子武后長安二年始改置北庭都護府開  
元二十一年又改爲北庭節度使據碑記出於阜康縣  
土中是當日庭州在阜康亦不在薩木濟也金滿庭州  
同治其去薩木濟相距二百四十里考贊皇歷官亦未  
到北庭且自安史亂後河湟十一州悉陷入吐蕃當武  
宗之世回鶻與吐蕃雖已衰弱然距大中收復之歲十  
年至宣宗立而贊皇即謫戍州何由能到北庭或者庭  
州當太宗之世爲李靖所築李靖亦封衛公故千百年  
來傳說不衰但新舊二書皆無此說則終於附會無稽  
而已矣卽如同鶴五城見之宋元之史此城當在五城  
中之一元太祖十四年初征西域其秋卽取訛答刺城  
卽今之吐魯番明年春取五城又克蒲華城五月克尋  
思干城兵威之加無堅不破亦未有攻數月不下之城  
至元五年世祖親討王於北庭大敗其兵海都遠遁  
追至阿力麻里不及而還此城以火攻者或當是世

祖討海都之時乎元初北庭及今日庫車烏什皆名別  
失八里瓜沙哈密土魯番皆曰阿母河俱立爲行省其  
後和林亦立行省曰嶺北是也考庭州四縣其距州遠  
者無百里其鎮城中如鹹泉一鎮在東北二百餘里皆  
當回鶻來路所以備之也蓋今之阿爾太山卽唐之金  
山三番斗絕爲西北諸山之首其北支循額爾齊斯河  
入鄂羅斯界其南支一則橫絕大漠一則東走杭愛山  
爲回鶻牙帳卽元之和林今之喀爾喀賽音諾顏部故  
唐之郝遮鎮及特羅堡子皆在北庭東北以防回鶻至  
於薩木濟之城據唐志推之或係處月處密所建之城  
但無可考證矣又按唐志自西州西北八十里至交河  
縣又北八十里爲龍泉館有驛倉其北入谷一百三十  
里經柳谷度磴沙嶺一百六十里經石會戍至北庭節  
度使所管瀚海軍西州至庭州四百五十里瀚海軍庭  
州同城也元劉郁西使記云自和林出兀孫中西北行  
二百里地漸高入站經瀚海地極高寒雖暑酷暑不消  
山石皆松文西南七日過瀚海軍行三百里地漸下有  
河澗數里曰昏木輦夏漲以舟渡又三日過龍骨河復



西北行與別失八里南以直近五百里據此則元時尚稱爲瀚海軍也

奇台縣府西七百三十里其城曰靖寧本曰奇台廳乾隆二十八年始改縣屬鎮西府距烏魯木齊之鞏寧城五百五十里蓋自巴里坤至鞏寧城千二百八十里向爲準夷休士馬治弓矢之地沙蹟居其十六可屯田者城堡凡十有三曰鎮西宜禾曰木壘河曰奇台縣曰古城曰薩木濟曰保惠城曰時和堡曰育昌堡曰惠來堡曰阜康縣曰輯懷城曰屢豐堡曰惠來堡地旣苦寒五月尙飛雪霰數十年來人戶之生聚旣多天時之炎涼

亦變二麥穀糜漸可成熟且地多野牲有白磨菇爲珍  
物其地之松樹皆千百年之物蓋匈奴高車突厥逐水  
草以穹廬爲室故斧斤不入得全其天而此地爲東西  
襟要之區雖不及鞏寧之繁華富庶亦塞外之樂土焉  
蒲類海亦名婆悉厥海在府城西八十里周廻二百里  
水凝碧深不可測渟而不流水味鹹不可食通典亦曰  
蒲澤海後書永和六年竇固等破匈奴呼衍王於天山  
進至蒲類海十七年復出昆侖塞擊西域破白山戎於  
蒲類海上永元三年北單于衰弱將數千衆至蒲類海

欵塞又魏書永平初高車王彌俄突與柔然戰於蒲類海不勝西走三百餘里旣而還擊柔然殺其可汗佗汗於蒲類海北是也漢有蒲類國唐有蒲類縣皆以蒲類海得名按五邊紀略及方輿紀要率以蒲類海與蒲昌海混淆不分謂蒲昌卽蒲類者諸書皆然西域聞見錄雖分蒲昌蒲類爲二又譌以蒲昌卽星宿海知考證誠非易事也

按漢敦煌太守裴岑碑向在海上今移城北關壯繆廟中碑文完好而范書失載紀氏謂是碑屯軍墜地

得之土中文字渾奧必非後人所能假託今錄其文  
於此

維漢永和二年八月敦煌太守裴岑將部卒五千人  
誅呼衍王等斬馘部衆克敵全師除西河之畔蠲四  
郡之害邊境又安誠威武無二建辭以志萬世凡字  
五十八又南山有唐平高昌紀功碑封之以甄相傳  
揚者必有風雪之異或云蒲類海有冷龍城中不鳴  
夜礮違之則震動冷龍天必奇寒

西陲記略蒲類海每於春秋晴爽之時杲日初昇海

中雲起忽依山而成市變幻莫可名狀蓋蒼冥與元  
氣呼吸神化不測佛經所云龍王能興種種雷電雲  
雨於本宮不動不搖山海幽深容有此理和琳謂關  
外平沙無垠凌晨時有蒼黃二氣漫空撲地而來土

人謂之沙市見所著詩集注內

紀昀始亥聽之載吉  
木薩臺軍言嘗逐雉

入深山中見懸崖之上似有人立越澗往視去地不  
四五丈一人衣紫善色面及手足皆黑毛茸茸長寸  
許一女子甚姣麗作蒙古裝惟跣足不韠衣則綠普  
也方對坐其炙肉旁侍黑毛人四五皆如小兒身  
不著寸縷見人嘻笑其語非蒙古非厄魯特非同部  
非西番啁嘶如鳥不可辨觀其情狀知非妖物乃跪  
拜之忽擲下一物於崖下乃熟野驪肉半肘也又拜  
謝之皆搖手乃攜以歸足三四日食再與收馬者往

跡之不復見矣

意其山神與

巴里坤南山老松大可百圍高皆數百尋掘出茯苓  
有大如甕者皮厚一尺取以爲末市中作僞者雜入  
茶湯賣之隣媪老病日買茶而飲久之病如失轉輒  
突詰於是知松皮之功帥府取以鍊膏醫院參定性  
味治十二症大要治血尤宜於女性  
熱用者但可以分計耳見西陲記略

天山按寰宇記伊州所載四至八到伊州東北至時羅  
漫山二百四十里其山北有大川入回紇界馬行三十  
日無里數又云伊州西北至時羅漫山百四十六里其  
山北有大川連大磧入金山哥羅祿佳處西河舊事云  
天山最高冬夏常雪故曰白山匈奴謂之天山過之皆

下馬拜在蒲類海東百里唐書地理志天山在伊吾北  
去蒲類海百里又交河縣下交河水源出縣北天山又  
云自西州西南有南平安昌兩城百二十里至天山西  
南入谷寰宇記天山一名白山今名折羅漫山在伊吾  
縣北百二十里考西州在伊州西南七百五十里而皆  
與天山接前書天漢三年李廣利出酒泉擊匈奴右賢  
王於天山征和二年遣馬通等分道出酒泉至天山匈  
奴傳重合侯兵道車師北至天山後書永平十五年議  
伐北匈奴耿秉請先擊白山得伊吾破車師通使烏孫

諸國以斷匈奴右臂明年遣竇固等分道出酒泉塞破  
匈奴呼衍王於天山追至蒲類海留吏士屯伊吾廬城  
明年復出玉門擊西域遂破北山降車師又前書西域  
傳卑陸國王治天山乾當國師古乾音干劉氏以國爲  
谷之誤晉灼注天山近蒲類國去長安八千餘里顏師  
古注卽祁連山又注竇固傳卽折羅漫山在西州交河  
縣東北又班超傳注天山去蒲類海百里合觀諸說天  
山東南與哈密接西北與吐魯番近今考哈密之距巴  
里坤三百餘里自西而北有徑多戈壁天山在哈密之



北故寰宇記謂西北至天山百四十餘里山北有大川連大磧入金山也吐魯番北行卽金娑嶺蓋天山之繇亘於東西之間不得以一地定其所在也故重合侯之至天山先道車師耿秉之欲通烏孫必先擊白山此其明證一尋校而已可知乃徐氏松泥於焉支山卽祁連山之說則二山實在甘州而非今之博圖羅山又疑酈注大山謂天山之誤尤謬今水經注中每言隔大山者非一處豈皆天山之誤文哉考烏貪訾離卑陸前後國郁立師蒲類前後國東西且彌劫國狐胡凡此十國皆居

山谷爲車師匈奴故地傳中明言與匈奴接者二國與烏孫接者一國其蒲類且彌當在今鎮西府境內可知狐胡治柳谷去交河近且數十里然至焉耆猶七百七十里其非哈喇沙爾城北之博圖羅山又可證矣夫計十國之人戶不過二千而單桓以三十戶爲一國聚落之小不敵今之一回村此亦何名爲國而記述之耶

金山在鎮西府西北亦曰金娑嶺唐置戍守處曰金嶺城永徽二年西突厥寇庭州陷金嶺城顯慶二年蘇定方討西突厥至金山北先擊破其處木昆部是也開元

中以西州爲金山都督府亦以山名亦曰金娑山西突

厥別部處月居金娑山之陽蒲類海之東有大磧名沙

陀因自號沙陀

按永徽三年梁建方等大破處月朱邪孤注於牢山擒之五年以處月部置金

滿州屬北庭都護府尋廢胡氏曰地與輪臺縣相近也開元中沙陀金山入貢卽

李克用之先也貞元中沙陀六十餘帳居北庭附於回

鶻苦其侵掠六年降於吐蕃元和三年復避吐蕃之逼

自金山轉戰而東詣靈州歸朝唐書地理志自交河縣

北行八十里入谷又百三十里經柳谷度金沙嶺又百

六十里至庭州宋史地理志歷交河西凡六日至金嶺口

又兩日至漢家塞又五日上金嶺過嶺卽多雨雪亦曰  
小雪山也又唐志牢山亦曰賭蒲東北距烏德隄山馬  
行十五日梁建方破處月部於此是也考烏德隄山謂  
之東金山以阿爾太山爲西金山也東金山今之杭愛  
山回鶻建牙地突厥之先起於阿爾太山山形如兜鍪  
突厥語謂兜牟爲突厥也隋書突厥西部阿波寢強東  
距都斤西越金山龜茲鐵勒伊吾及西域諸戎悉附之  
所云金山卽阿爾太山也顧氏方輿紀要乃以金娑山  
當之踈矣

哈密廳本漢伊吾盧地古稱昆吾之戎周穆王伐西戎  
昆吾獻赤刀後轉爲伊吾周衰戎狄雜居涇渭之北伊  
吾之地入於匈奴及漢築令居以西列四郡據兩關始  
與匈奴爭伊吾地明帝永平十六年取伊吾盧地置宜  
禾都尉以爲屯田兵鎮之所未爲郡縣復爲匈奴所據  
自建武至於孝和三通三絕至順帝時以伊吾膏腴之  
地旁近西域匈奴資之以爲鈔暴開設屯田如故事置  
伊吾司馬一人至魏立伊吾縣晉置伊吾都尉並寄理  
敦煌北界非唐之伊州也西魏及周鄯善人來居  
時鄯善爲

吐谷渾所破  
故寄居伊吾

隋大業六年伊吾設獻其地

時西突厥據之遣其党爲

也設立以爲郡唐貞觀四年雜胡款塞內附因置西伊州

及置西州又去西字爲伊州領縣曰伊吾納職柔遠三縣天寶元載改伊吾郡乾元復爲州後沒蕃大中五年收復五代至宋堃爲曹氏所守亦爲小月氏種人所居其後土豪陳姓據其地以附於契丹元太祖取其地以封忽納失里爲威武王居此後又改封肅王傳至安克帖木兒元亡至永樂元年遣使入貢明年設哈密衛改封安克帖木兒爲忠順王其部落有回回畏吾兒哈刺

灰三種皆領以都督使統其人哈密居諸衛之西爲西域襟喉重地屏蔽中華凡諸國入貢必使哈密譯其文乃發以故特重其事權及安克帖木兒卒以兒子托克托爲忠順王旣立沉湎不恤國事未幾暴卒乃封推勒特穆爾以嗣守哈密數傳至布拉噶無子王母權主國事久之以王母甥都督哈商攝國事吐魯番阿里自稱蘇勒坦破哈密虜王母及金印去留其妹夫伊蘭守之哈商逃入苦峪城朝命都督同知李文討之至布隆吉爾城阿里集衆抗拒文不敢進罷還旣而哈商糾率罕

東赤金之衆夜襲哈密伊蘭遁進復入城進哈商爲左都督宏治元年從國人請襲封忠順王土魯番酋阿哈瑪特怒曰哈商非忠順裔安得封詐而殺之四年王母死獻還金印以哈密來歸會曲先安定王入貢詭稱善巴爲忠順裔乃以善巴爲王以哈商弟恩克保刺爲都督同知輔之阿哈瑪特復乘閒攻殺恩克保刺而執善巴及金印去留四百騎據之八年肅州撫夷指揮楊耆言罕東有捷路通哈密襲之必克宜詔罕東爲前鋒我兵繼之於是撫臣許進奉詔使河西別將彭清以三千



騎往既而罕東兵不至循大路行乏水草及入哈密伊  
爾遁去拔脅從八百餘人及善巴妻女以還乃絕其通  
貢始許善巴還及卒子巴雅爾嗣潘霍不道部衆欲殺  
之懼而奔入土魯番哈密遂爲番酋莽忽爾所據廷議  
以彭澤爲督許以便宜從事乃令通事挾僧以往未得  
要領遽以莽忽爾悔禍願歸城印奏上卽召澤還莽忽  
爾益驕寇肅州爲副使陳九疇所敗而城印終不還其  
後唐澤請上專固自治上然其言置哈密於不問是自  
終爲土魯番所據西陲籍以息肩而朝廷猶令比歲一

貢異於諸番迄萬曆以後入貢不絕而非忠順王之苗裔矣

本朝定鼎與闢展土魯番同時內附遂爲臣僕康熙時準噶爾強盛與我爭哈密之地部族流逆迨大兵進討回部長額貝都拉懇乞內徙詔許暫移肅州居住三傳至額敏始歸哈密後封貝子雍正五年以哈密爲南北兩路錢糧總滙之地築新城一里有竒以爲貯餉之地迄今額設通判一員耑理地方詞訟外凡庫貯倉支官俸兵精年班伯克路費腳價紙劄農具一切報銷無

不歸其經理又巡檢一員綠旗副將以下十七員哈密  
辦事大臣一員協理大臣一員馬步兵八百二十四名  
城西五里爲哈密回城轄回城六曰哈密曰素們哈爾  
輝曰阿思塔納曰托克齊曰拉卜楚克曰喀刺都伯所  
有回戶皆其阿拉巴圖當額魯特數十年入寇之衝以  
故貧苦不能自存今之生聚蕃滋皆

歷聖所卵翼而生成者也

湛持居士曰哈密唐之伊州爲南北兩路扼要之區  
當明初文皇之封忠順也拔之俘虜之中授之王爵

賜之金印予之哈密令其世世守爲我西藩誠以地當扼要欲其迎護朝使統率諸蕃世世子孫爲國屏蔽也而其王皆庸懦不才又其種落不相統屬易以離心又地處瓦剌土番之間值明之中葉聲靈不足以振遠當局諸臣不知集思廣益以紓主憂顧借封疆爲報復之具王瓊之傾彭澤何異張聰之陷廷和小人快一己之私怨而不顧人家國固一邱之貉也乃霍韜之言曰哈密三立三絕其王爲賊用民盡流亡借思更立他種強則入寇弱則從賊難保其爲不

侵不畔之臣立之無益徒令番酋挾爲奸利乞勅王  
瓊爲國忠謀力求善後之策以通番納貢爲權宜足  
食固圉爲久計封疆幸甚韜雖張桂之黨然策哈密  
可爲達變深識之士夫明自正德以來邊防日壞自  
楊翁議襲哈密彭清以三千騎出塞之後數十年中  
無敢以一騎踰關而西者使土魯番縱橫坐大殘滅  
與國圍視而無可奈何廟堂之上尙得爲有人乎哉  
哈密唐貞觀四年置伊州今錄李吉甫及樂史所紀參  
之唐宋地理志附之於此以見當日疆域沿革之畧

州境

東西一千十五里  
南北四百九十里

寰宇記三

四至八到

東南至長安四千四百三十里  
千三百里

東南至洛京五千一百六十里

西南至西州七百三十里 寰宇記七百五

十里

正南至沙州七百里 寰宇記微東取稍竿

館路至沙州七百里

東南取莫賀磧路至瓜州九百里 寰宇記

至沙州沙磧無行路馬道至瓜州郡界不知

遠近

東北至時羅漫山二百四十里其山北復有

大川入回紇界馬行三十口無里數

西北至時羅漫山一百四十六里其山北有

大川連大磧入金山哥羅祿住處

北至伊吾軍三百里卽北戎界

按伊吾軍景龍四年置於伊州西北三百里  
甘露川管兵三千人馬三百疋在理所東南  
五百里以刺史為使

唐天寶戶三千四百六十七

土產 胡桐律 陰牙角

風俗 州之分野上應白虎之宿金氣堅剛

人事慷慨

貢賦 開元貢 刀 陰牙角

伊吾縣下 郭下 本後漢伊吾屯貞觀四年置

天山一名白山一名時羅漫山在州北百二十里春  
夏有雪出好米及金鐵匈奴謂之天山

鹹池海在縣南二百里

柔遠縣

下西北至州  
二百四十里

縣東有隋時柔遠鎮因以爲

名兼置守捉

天山在縣北二十里

柳谷水有東西二源出縣東北天山南流十五里合

納職縣

下東北至州  
一百二十里

其城鄯善人所立胡謂鄯善

爲納職因名縣焉後漢宜禾都尉置於此



俱密山在縣北百四十里

繞山多良田漢將趙充國所屯也俗名婆悉厥海陸  
鹽池在州南六十里

按哈密本匈奴地漢明帝始取其地置宜禾都尉以屯  
田東觀漢紀永平六年竇固破匈奴呼衍王子天山留  
兵屯伊吾盧建初二年罷伊吾盧屯兵匈奴復遣兵守  
其地永元二年竇憲遣副校尉閭鞞擊北匈奴之守伊  
吾者復取其地四年中郎將任尙屯伊吾永初元年復  
罷伊吾盧屯田吏士元初六年以西域附北匈奴共爲

邊患敦煌太守曹宗奏遣行長史索班復屯伊吾旣而  
爲北匈奴及車師後王所攻沒永建四年以伊吾膏腴  
地尙近西域匈奴資之爲鈔暴乃復開設屯田置伊吾  
司馬和平初北匈奴呼衍王攻伊吾屯城詔敦煌太守  
馬達將兵救之至蒲類海寇引去其後復爲西域所據  
晉呂光擊西域還楊翰言於涼州刺史梁熙伊吾關亦  
可拒蓋其時符秦置關於此也宋景平初沮渠蒙遜所  
置晉昌太守唐契奔伊吾臣於柔然以契爲伊吾王元  
嘉十九年自伊吾擁衆西趨高昌柔然追擊殺之後魏

興光二年遣尉眷擊伊吾克其外城大獲而還太和十二年柔然伊吾戍主高羔子以城附魏因置伊吾郡二十一年魏議割伊吾地五百里居高昌王馬儒之衆旣而不果其後爲鄯善所據隋大業四年薛世雄出玉門擊伊吾世雄引軍度磧伊吾大懼請降世雄築城於漢故伊吾城東留軍戍之而還五年伊吾吐屯設獻西域地數千里因置西海等郡貞觀四年突厥亡伊吾城主入朝舉其屬七城降因置西伊州後改曰伊州開元中置天山軍於州城內高居誨記伊吾土人名胡盧磧無

水多雪劉昫舊書云伊吾南去玉門關八百里今驛路  
東南至瓜州九百里與元和志東南取莫賀磧路同若  
陽關在壽昌縣城外二里非玉門關移置可比正南磧  
東至陽關五百五十里耳今乃云東去陽關二千七百  
三十里是陽關移置於涼州之東矣乃新書復踵其謬  
此真不可解者也又通典納職縣爲漢宜禾都尉舊治  
宋史謂城在大患鬼魅磧之東南鬼魅磧卽唐莫賀延  
磧今尋檢乾隆四十年哈密所進戶部冊內有云查得  
城北至西北三開房起至東北下莫艾河源小堡一帶

有大山一座名係天山迤透巴里坤南麓南湖迤南一帶有一大沙戈壁甚遠並未走過不知里數福應聲明云云一統志天山在北百二十里與通典伊州西北至折羅漫山百四十六里東北至折羅漫山二百四十里合所稱大戈壁正在山之東南蓋卽莫賀延磧矣土魯番在哈密西南七百三十里今旣改設台站故其路較唐時遠五百七十里以避大患鬼魅之險蓋戈壁之長亦與天山相埒也

畏吾兒河一統志在衛東百三十里沿河沙柳彌望當

卽今沁城河

合羅川一統志在衛東南唐回鶻公主嘗居此城址尚

存相近有湯泉按今溫泉紅山子南二十里有泉一源

從南山麓流出時伏時見當卽是也

按通鑑初黠戛斯既破回鶻得太和

公主自謂李陵之後與唐同姓遣達干十人奉公主歸於唐回鶻烏介可汗引兵邀擊達干盡殺之質公主南度磧屯天德軍境上天德軍境北至磧口三百里太和公主之居伊州或卽此時事也俟再考

甘露川伊州西北三百里景龍四年置伊吾軍於此按

今烏拉慶有舊城址周四里餘當卽伊吾軍故城也

娘子泉在畏吾兒河東土人呼爲可敦卜刺

駱駝泉在下莫艾東七十里

馬駿山一統志衛東南相近有望鄉嶺上有石龕有李陵題字處

柳谷一統志在衛北二百里漢書狐胡國王治柳谷唐書貞觀十四年侯君集伐高昌自磧口進至柳谷又進至田地城卽此又元和八年回鶻發兵度磧南自柳谷西擊吐蕃當在今吐魯番廣安城西北百里一統志所云衛北二百里大謬

刺木城一統志在衛西哈密舊恃此城爲固宏治九年

土魯番襲破哈密留其黨守刺木城哈密頭目結瓦刺部人襲殺之四夷考刺木城爲哈密要地自土魯番入哈密其往來未有不經刺木者卒棄而不守安得不敗乎馬文升謂哈密十一城其刺木及哈刺皆要害也當卽今之頭堡三堡也

五船道在今小南路有小山五長各半里許頂上平而首尾截立即五船也多戈壁通古城漢書西域傳元始中車師後王國有新道出五船北通玉門關往來差近戊巳校尉徐普欲開以省道里半避白龍堆之阨卽此



紀昀閱微草堂雜著西域之果蒲萄莫盛於土魯番  
瓜莫盛於哈密蒲萄京師貴綠者取其色耳實則綠  
色乃微熟不能甚甘漸熟則黃再熟則紅熟十分則  
紫甘亦十分矣此福松岩額駙名福增格怡府壻也  
鎮闡展時爲予言瓜則充貢品者眞出哈密饒增之  
瓜皆金塔寺產然貢品亦祇熟至六分有奇途間封  
閉包束瓜氣自相蒸鬱至京可熟至八分如以熟八  
九分者貯運則蒸而霉爛矣予嘗問哈密國王蘓來  
滿京師園戶以種子種殖者一年形味叢存二年味  
已改惟形粗近三年則形味俱變豈地氣不同與蘓  
來滿曰此地土煖泉甘而無雨故瓜味濃厚種於內  
地因應少減然亦養子不得法如今年瓜子明年  
種之雖此地味亦不美得氣薄也其法當以灰培瓜  
子時於不濕不燥之空倉三五年後乃可用年愈久  
則愈佳得氣足也若培至十四五年者國王之圃乃  
有之民間不能待亦不能久而不壞也其語似爲近  
理然其灰培之法必有節度亦必有宜忌  
恐中國以意爲之亦未必能如所說耳

又云哈密屯軍多牧馬西北深山中屯弁或往考牧  
中途恒憇一民家主翁或具瓜果意恭謹久漸款洽  
然竊怪其無隣無里不圃不農寂歷空山作何生計  
一日偶詰其故翁無詞自解云竇蛻形之狐問狐喜  
近人何以僻處狐多聚族何以獨居曰修道必世外  
幽棲始精神堅定如往來城市則嗜欲曰生難以煉  
形服氣不免於媚人采補攝取外丹倘所害過多終  
干天律至往來墟墓種類太繁則踪跡彰明易招弋  
獵尤非遠害之方故均不爲也屯弁喜其樸誠亦不  
猜懼約爲兄弟翁亦欣然因出便旋循牆環視翁笑  
曰凡變形之狐其室皆幻蛻形之狐其室皆眞老夫  
尸解以來久歸人道此焚葺茅伐木手自經營公母  
疑其如海市也他日再往屯軍告月明之夕不睹人  
形而石壁時現二人形高丈餘疑爲鬼物欲改牧  
場屯弁以問此翁曰此所謂木石之怪夔罔雨也山  
川精氣翕合而生其始如泡露久而漸如烟霧久而  
凝聚成形尚空虛無質故月下惟見其影再百餘年  
則氣足而有質矣二物吾亦嘗見之不爲人善無庸

避也後屯弁洩其事狐遂徙去惟二影今尚存焉此  
哈密徐守備所說外擬同屯弁往觀以往返須數日  
尚赤  
暇也

### 土魯番廳

本漢車師國之高昌壁也後漢和帝天元三年班超定  
西域以超爲都護復置戍已校尉治車師前部高昌壁  
按魏收云昔漢武遣兵西征師旅頓敝其中尤困者因  
住焉以其地勢高敞人物昌盛因名高昌晉成帝咸和  
中張駿置高昌郡後魏太武中涼州人闕爽自爲高昌  
太守眞君中爽爲沮渠無諱所襲奪據之無諱死弟安

周代立爲柔然所并立爽子伯周爲王高昌之稱王自此始也太和初伯周死子義咸立歲餘爲從兄首歸所殺自立爲高昌王五年阿伏至羅殺首歸以敦煌人孟明爲王太和二十年孟明爲國人所殺立馬儒爲王以麴嘉爲長史遣使內附高昌人戀土不願東遷相與殺王而立麴嘉嘉世爲西州大族寬和得衆國以大治時焉耆爲挹怛所破請王於嘉嘉以次子爲焉耆王嘉卒子堅嗣立堅卒子伯雅立隋以宇文氏王波爲華容公主妻之伯雅卒子文泰立遣使貢獻後漸驕謾貞觀十

四年詔兵部尚書侯君集統薛萬鈞牛進達等總兵討之會文泰病死子智盛新立八月君集進軍破之下其

城二十二獲戶八千列其地爲西州并置西安都護以

統之按唐書武德二年伯雅卒文泰嗣立七年獻拂菻

狗自此始貞觀中貢元狐賜其妻宇文氏花鏤一具因

貢玉盤求爲帝女遂改封長樂公主賜國姓貞觀十三

年太宗謂其使曰高昌數年來朝貢脫畧無人臣禮國

中署置官號準我公僚稱臣於人豈得如此日者使人

至彼文泰云鷹飛於天姪竄於蒿猫遊於堂鼠安於室

各得其所豈不活哉又西域使臣欲來者文泰悉拘留

之又遣使謂薛延陀曰旣自稱好惡而不誅善者何勸

須拜謁其使事人闕禮離間隣好惡而不誅善者何勸

明年當發兵以擊爾時薛延陀亦表請爲軍嚮道以擊

高昌乃命侯君集爲交河道大總管率左屯衛大將薛

萬均薩孤吳仁副之契苾何力爲葱山道副大總管武  
衛將軍牛進達爲行軍總管副之及突厥契苾之衆步  
騎數萬以擊之先是支秦謂所親曰吾往者入朝見秦  
隴之北城邑蕭條非復有隋之比設今伐我兵多則糧  
運不給若發三萬以下吾能制之加以磧路艱險自然  
疲頓我以逸待勞坐收其敝何足爲憂也及聞師臨磧  
口惶駭計無所出發病而死其子智盛方立而大軍攻  
拔田地城進逼其都智盛窮蹙請降君集分兵掠地下  
其三郡五縣二十一城戶八千口三萬七千七百其界  
東西八百里南北五百里先是其國有童謠云高昌兵  
馬如霜雪漢家兵馬如日月日月照雪霜回首自消亡  
文秦使捕初唱者不能得麴氏傳五世百三十四年而  
滅按唐書以爲九世者宋祁之誤初立五縣後省其一開元中以爲金

山都護府天寶元載爲交河郡乾元復故尋河湟諸郡  
陷於吐蕃惟北庭安西西州猶爲唐守貞元六年北庭

安西俱沒蕃獨西州固守久之始陷咸通初收復隸歸

義節度使至宋景德猶稱西州後爲畏吾兒國元史稱

亦都護者高昌國主之號先世居畏吾兒地

元史云地有和林山

二水出焉一夕有神光降樹間樹生瘻若懷妊狀越九  
月瘻裂得嬰兒五土人收養之其幼者君其地傳三十  
餘世至玉倫的斤與唐相攻唐以金蓮公主妻之罷兵  
通好唐使善相地者言其強盛以國中福山故以計壞  
其山國王卽卒後數傳皆早卒乃遷交州卽火州也統  
別失八里之地北至阿朮河南接酒泉東臨元敦甲石  
哈西抵西番居是者凡九百七十餘載傳至巴爾出阿  
兒忒臣於契丹以少僧監其國聞元太祖兵至遂殺少  
僧以金寶元太祖立之四年己巳春與蔑里乞國人戰  
來降云云

於嶺河遣使來告尋貢珍寶方物辛巳春太祖居怯綠

運河

張德輝記謂之翁陸連河西游記曰陸局河亦曰臚胸河今謂之克魯倫河自肯特山發源南流折

而東

北行亦都護來朝使尚公主序於諸子從征西夏回回

皆有功卒子玉古倫的斤嗣鎮火州至元中世祖命其子火赤哈的斤嗣爲亦都護海都之亂民皆逃散撫循其衆使之復業後入朝尚主還鎮火州屯田於州南哈密力之地

卽哈密急讀之則曰哈密

爲北軍所害子紐林的斤詣關

請師以復父讐詔以太宗女孫尚之吐蕃之亂以本部

軍鎮守民賴以安武宗時賜金印仁宗封爲高昌王別

以金印賜之自是王印行諸內郡亦都護印行諸畏吾



兜之地卒子帖木兜補花嗣至治中領甘肅軍仍治其

部天歷中拜左丞相以其弟錢吉爲高昌王

今考元史所載高昌

王事跡尋檢前史竟同虛撰據稱居高昌九百七十餘載自太祖己巳上溯季漢後帝延熙元年戊午方得年九百七十其時高昌屬車師前王卽如康熙中土魯番入貢表稱一千八十年載之王士禎池北偶談蓋在康熙壬子士禎謂其紀年始於隋之開皇九年有國之久而不知隋時之高昌爲麴氏也考唐一代外蕃之尚主者西突厥薛延陀皆許而未嫁惟吐谷渾吐蕃同統得尚主若蘇祿若奚若契丹皆以他姓女封主下降如金河公主燕郡公主東光公主固安公主是也旣無交州之地并無金蓮之主以正史而同之小說不知何以修史者刺繆至此後讀十道圖記及元朝典故編年考十道圖記排衙川亦曰計羅川東北至前涼武成郡故城百六十里素和貴叛吐谷渾以其族降吐蕃吐蕃贊普盡以吐谷渾降人配之使居排衙川後訛曰素和川

也典故編年考畏兀國本吐番宰相世居貴和川訛爲畏吾川其實非同紇人但音相近耳宋將王韶取西寧畏兀主畏遁絜其部族移居瓜沙間其後文之交河城降於契丹以爲交河郡王乃知其爲吐谷渾之族素和貴之裔所謂尚唐公主者卽吐谷渾諾曷鉢之尚宏化公主也的斤卽乙斤之轉亦由素和之爲貴和爲畏吾畏兀也蓋元史成書太促紕繆尤多其重複予盾固所不免而地名忽夷忽夏甚以回鶻之國號而直稱回回棄雅馴而從俗音我於宋濂王禕不能不任其咎也又考通典云瓜州西至伊州界吐魯番兎山四百五十里然則土魯番者以山爲國名如樓蘭之以岑蘭海得名也或以爲土魯卽都護之轉而番字則明所加如西番南番生熟番之類說按柳城土魯番元時皆屬亦可通俟博雅者考之可也

火州卽哈密且然明初火州入貢史不絕書成化以後爲土魯番所并始不見於實錄元平西域如焉耆龜茲

和闐諸國俱爲諸王駙馬分封之地畏吾主以功臣而有駙馬之親保有舊邦世讚其美宜矣若柳城土魯番或係子姓或爲部族元明兩史無可徵信柳城萬戶正統初猶入貢後亦并入土魯番土魯番萬戶永樂初歲遣使來貢後始以其部長爲都督指揮等官宣德初其酋長率妻子來朝請留京入侍從之後竟卒於京師蓋在成化以前其事中國最爲恭順其後侵掠隣部據哈密寇沙瓜求爲西域諸國都護朝廷不許於是禍中哈密無歲不被兵矣夫土魯番雖強不敵中國一郡之大

乃背負大恩侵我與國自當聲罪討之搗其巢穴滅其種類始足以雪中國之恥持危繼絕之道在共主所宜然也乃人主旣無賞罰而大臣惟務姑息坐視其弱肉

強食而不問羈縻諸國何恃以無恐哉

按明史永樂中土魯番酋長爲

別失八里酋所逐上遣使諭別失八里酋長而擢土魯番酋爲都督送之歸國留兵戍之故其酋德中國親率妻子部族入朝願留待衛正德中遣中使伴送土魯番使臣閣臣劉吉言今秋無故召番人大內看奕師子大賚御品今又寵其使臣遣中使伴送此何理哉是時武宗幸豹房令土魯番使臣寫亦虎仙從駕至武宗之崩楊廷和以遺詔誅之人以夫天之所廢孰能興之哈比李光弼之誅皇甫恂也

密三立三絕此天亡也苟於諸夷中求其雄傑能守哈

密者昇以金印輯和諸番爲我藩維斯亦可矣必求忠順之裔立之多見其固也當日如牙蘭者以得罪其主率所部來附倘用霍韜之言卽以金印昇牙蘭使之世守哈密彼必感恩而思竭力如果立功許以世襲則雖失忠順而猶得哈密也惜乎其不能用也

按土魯番爲車師

本名姑師

前王庭當漢出西域北道故

與匈奴爭之尤力征和四年遣馬通將四萬騎擊匈奴道過車師北今巴里坤至廸化州路復遣開陵侯將樓蘭等六國兵圍之得其王民衆而還昭帝時匈

奴田車師本始二年遣趙充國等五將軍擊匈奴車  
師田者驚去地節二年侍郎鄭吉校尉司馬熹田渠  
犁積穀至秋收穀發城郭諸國兵萬餘人田士千五  
百人共擊車師交河城破之王尚在其北石城中

隋書

高昌北有赤石山北七十里有貪汗山城在山中  
疊石爲之鄭吉傳攻破車師兜訾城當卽此傳之石  
城也唐志赤石山石多赤色因名山在貪汗山西七  
十里又鐵勒傳大業初處羅可汗擊鐵勒諸部厚稅  
歛其物由是一時反畔拒處羅遂立俟利發俟斤契  
苾歌楞爲易勿真莫何可汗居貪汗山又薛延陀傳  
部落中分在鬱督軍山者東屬始畢在貪汗山者西  
屬統葉護隋書貪汗可汗素睦於阿波沙鉢畧奪其  
衆而廢之此皆以山名爲號走匈奴求救兵不及發  
也鬱督軍山今日阿爾太山

還因擊匈奴東蒲類王畧其人民以降旋聞匈奴將  
攻之輕騎奔烏孫漢乃召其故太子軍就之在焉者  
者立之盡徙其民於渠犂與匈奴絕其後漢置戍已

校尉屯田車師地

通鑑元康二年以車師地與匈奴

地也徐氏松謂當并徙還前王後部之建亦此時矣

至元始中校尉徐普欲開

五船新道以避白龍堆之阨召後王使證之後王姑  
句不肯馳出高昌壁降匈奴王莽篡漢之二年遣右  
伯甄豐出西域後王置離以國貧恐不能備給使謀  
入匈奴校尉刁護以聞於都護但欽械置離送埒婁

城爲欽所殺其兄狐蘭支舉國亡入匈奴史陳良與  
終帶共畔殺刁護并子男四人脅吏士二千餘人降  
於匈奴而焉耆亦叛殺都護但欽天鳳三年五威將  
王駿與都護李崇校尉郭欽出西域焉耆使人詐降  
而伏兵襲殺駿郭欽將兵後至焉耆兵未還乃殺  
其老弱而還莽封欽爲刻胡子李崇收餘士還保龜  
茲莽被誅崇亦沒於西域世祖建武中車師遣子入  
侍帝遣還之永平十六年明帝遣將征匈奴取伊吾  
廬車師前後王內附西域絕六十五載乃復通焉十



七年竇固等破白水賊於蒲類海上進擊車師固以  
後王道遠山谷深士卒寒苦欲攻前王耿秉謂先攻  
後王前王自服遂引兵北入後王震怖迎降前王亦  
歸命遂定車師十八年車師畔圍校尉酒泉太守段  
彭大破之於交河城永元二年竇憲大破匈奴復取  
伊吾前後王各遣子入侍賜印綬三年班超定西域  
拜都護居龜茲復置戊己校尉領兵五百人居前部  
高昌壁又置戊部侯居後部侯城相去五百里八年  
後王涿鞬反擊前王尉卑大九年長史王林討斬之

立其弟農奇爲王其後西域頻反圍攻都護任尚段  
禧詔罷都護匈奴乃與諸國共爲寇敦煌太守曹宗  
上遣行長史索班招撫之鄯善與前王皆內附匈奴  
復與後部攻沒班等鄯善求救於曹宗請出兵以擊  
匈奴報索班之恥鄧太后不許但令羈縻而已其後  
北虜連與車師入寇朝廷不能禁乃以班勇爲長史  
屯柳中遂平車師自建武至延光西域三絕三通先  
是永寧元年後王軍就叛殺後部司馬延光四年班  
勇破斬之永建元年勇率後王農奇子加特奴及八

滑等擊呼衍王破之加特奴爲後王八滑爲後部親  
漢侯陽嘉三年車師後部司馬率加特奴等掩擊匈  
奴于闐吾陸谷斬數百級獲單於母季母及婦女數  
百人牛羊十餘萬頭車千兩兵器什物甚衆四年呼  
衍王攻後部破之燉煌發兵救不及桓帝元嘉元年  
呼衍王寇伊吾司馬毛愷遣吏兵與戰於蒲類海東  
沒五百人遂攻伊吾屯城敦煌太守馬達將吏士四  
千人救之至蒲類海呼衍王引去永興元年後王阿  
羅多畔攻圍屯田且固城後部侯炭遮背之降漢阿

羅多迫急亡走匈奴中敦煌太守宋亮上立軍就質  
子卑君爲王後阿羅多還自匈奴中復與卑君爭國  
戊校尉閻詳慮引北虜爲亂乃開誠許復爲王乃詣  
詳降於是立以爲王仍將卑君還敦煌以後部二百  
帳別屬役之食其稅漢末中國大亂西域復絕晉咸  
康初張駿遣兵伐西域與諸國入貢於涼太元七年  
前部入朝符堅請爲鄉導以伐西域因使呂光等將  
兵伐破西域後魏太延初入朝魏尋以大帥車伊洛  
爲前部王眞君九年與魏軍擊焉耆以其子歆守城

一四  
十一  
年  
沮  
渠  
安  
周  
自  
高  
昌  
襲  
克  
其  
城  
歇  
走  
保  
焉  
耆  
自  
是  
屬  
於  
高  
昌  
矣

按今土魯番爲回部世居之地康熙末避準夷之擾徙居魯克沁之地雍正九年遣兵護送遷其衆於瓜州乾隆二十八年遷居故土封其長以郡王世爵其城爲高昌之安樂城故治城周三里有奇賜名廣安所屬回莊其大者曰喀喇和卓曰魯克沁曰闢展曰託克遜

考通典高昌壘壘有八城其實本中國人故以爲稱其地東至伊州七百五十里西至焉耆鎮守軍七百十里

北至北庭都護府四百五里南三百六十里至荒過山  
又千餘里至吐蕃界東南至金沙州千四百里南經少  
海又渡磧至伊州千三百里西北至輪臺縣五百四十  
里北至金沙嶺至北庭節度瀚海軍五百里南至樓蘭  
國千二百里并沙磧難行東北至伊州八百四十里按  
李延壽北史高昌國有四十六鎮二十二城東西八百  
里南北五百里墾田九百餘頃今自廳東南六十里爲  
舊後庭縣地與西州同治廳東百四里爲舊柳中縣地  
廳東北二百四十里爲舊蒲昌縣地廳西二十里爲舊

交河縣地廳西九十里爲舊天山縣本車師後王庭爲孫之東境也

前庭縣廳東六十里本名高昌縣天寶元載改西州爲高昌郡縣爲郡治所元爲火州高昌王鎮其地明爲火州萬戶所漢之高昌壁戊己校尉領田卒五百屯此晉以後爲高昌太守理所亦曰田地城亦曰田城西北至高昌國都城八十里地卑下暑熱山色赤日光照之如火俗有火焰山之名今城已圯盡惟回民千戶居此耕

種

今爲哈刺和卓回莊

柳中縣西至土魯番廳一百四里今名魯克沁本漢故城永平十七年戊己校尉關寵屯此十八年北匈奴與車師以兵圍柳中城建初元年酒泉太守段彭等兵會柳中延光二年西域長史班勇出屯柳中通鑑注柳中在車師中最爲膏腴宜桑麻五穀故漢常與匈奴爭以制西域唐因漢故城置柳中縣自宋以後訛爲柳陳又訛魯城元爲亦都護地屬火州明設萬戶所於此成化後并入土魯番祁氏西墮要畧以闡展爲柳中大誤裴矩西域圖記自高昌東南去瓜州千三百里怛沙積乏



水草入難行四面茫茫道路不可準記惟以六畜骸骨及駝馬糞爲標驗以知道路若大雪卽不得行兼有魑魅以是商賈往來多取伊吾路按縣東南九十里有大沙海行經大沙海之東又東南度磧入伊州界卽伊吾路也

柳中縣當驛路程極險固按柳中通典稱舊田地城也

蒲昌縣廳東北二百四十里今名喀喇巴爾噶遜亦曰嘉德城土魯番至廸化州驛路或以蒲昌本名金蒲卽今阜康縣不知西庭二州皆有金蒲之名考之唐志及通典則西州之蒲昌本貞觀之金蒲長安二年改蒲昌

庭州之後庭本貞觀之蒲昌長安二年改金蒲寶應元年又改後庭者也故今之阜康卽唐之金蒲亦卽唐之

北庭都護府與金蒲同治者蓋二縣南北相距猶二百

餘里也

考唐書地理志西州蒲昌縣本東鎮故城也

交河城廳西二十里唐書地理志交河縣有交河水源出縣北天山今廳西二十里雅兒湖有城曰雅兒城亦曰厓兒城城僅周廻七里城北三里許有山谷一谷出四泉流逕城東一谷出五泉流逕城西至城南三十里入沙而伏通典交河源出天山水交流繞斷崖下土

一七二二 金史卷一百一十一

人名交河城為屋兒城也祁氏以托克遜為交河城非是

天山縣廳西九十里蓋在今布幹台之西托克遜之東唐書貞觀十五年西州刺史郭孝恪以西突厥寇伊州自烏骨邀擊敗之西突厥復圍天山孝恪擊走之乘勝進拔其處月部城追奔至邊索山降處密之眾而歸顧氏紀要以天山縣即天山軍誤按通典天山縣麴氏之始昌縣故城也天山軍在西州城內開元二年置管兵五千人馬五百

疋隸北庭節度使以刺史為帥

天山在廳東北按祁連有南北之分此爲北祁連也通  
典所云祁連自張掖以西至於庭州皆周遍者蓋統南  
北言之耳今按巴里坤城東百五十里舊稱南山打坂  
今日松樹塘深岩峭壁盤道縈紆古松遍生山谷閒其  
最大者根在千仞澗底枝幹亭茗直出山脊尚高二三  
十丈皮厚者二尺有餘取一片可以爲床紀氏雜錄中  
云嘗見一山家卽樹孔施門窗以梯上下入之儼然一  
屋其嶺之北尤斗絕螺旋而上三十餘里始登顛頂上  
建漢前將軍廟最著靈異廟西小峰頂有唐左屯衛將

軍姜行本平高昌勒石之文卽志所謂澗石圖嶺譯言

碑嶺也砌以甃石不使人搦遷之風雪立至屢試不爽

今附其文於左云大唐左屯衛將軍姜行本勒石之紀

文凡十五字書於碑額文曰交河道行軍總管上柱國

缺派薩孤吳仁領右軍十五萬交河道行軍總管左

衛將軍上柱國縣開國公牛進達領十五萬昔匈奴

奴不滅竇將軍勅燕然之功闕越清馬伏波樹銅柱

之烈然則振英風於絕域申壯猷於殊方莫不騰聲實

於當時播芳名於亘古者矣大唐德合二儀道符五

帝握金鏡以朝萬國調玉燭以御兆人濟濟冠裳煌煌  
禮樂車書一軌扶桑之國俱同治化遐沾濼記之鄉咸  
暨苑天山而池瀚海內北戶以幽都莫不解髮辦於  
葉街改左衽於高昌國者乃是西漢屯田之壁遺  
兵之所趨文泰其苗裔也項因室多難羣雄競馳中  
原乏主邊隅遂隔爰屆我朝於至今靡遺自  
皇威遠被稽來庭雖沐仁風情懷首鼠杜遐方之職

貢阻重譯之歸心肆豺狼之宵臆逞蟲螿之毒螫忘德  
聚兵盜無已望上慈彼蒼生申茲弔伐詔使持節光  
祿大夫吏部尚書上柱國陳國公侯君集交河道行軍  
大總管左屯衛大將軍上柱國通川縣開國男姜行  
本爰整三軍張行天罰但妖氛未殄將軍遲七縱之  
威百雉乍闕英奇伸九攻之器以通川公深謀開出妙  
思縱橫命彼前軍營造攻具乃統沙州刺史上柱國望  
都縣開國侯劉德敏右監門中郎將上柱國淮安縣開  
國公衛智錫左屯衛中郎將上柱國富陽縣開國伯屈  
突昉左武侯中郎將李海崖前開州刺史時德術右監  
門府長史王進威等焚率曉雄鼓行而進以貞觀十四  
年五月十日師次伊吾時羅漫山北登里緝所未盈旬  
克成奇功伐木則山林殫咤叱則川路盤薄衝梯壘  
立百雉冰碎弩機一發千石雲飛墨翟之拒無施公輸  
之妙詎比大總管運籌帷幄繼以中軍鐵騎巨原野金  
鼓動天地高旗蔽日月長戟籌雲霧自秦漢出師未有  
如斯之盛也班定遠之通西域故烈罕存鄭都護之定  
車師空聞前史雄圖代著彼獨何人勒石紀功傳諸不

朽其詞於赫大唐受天命化齊得化功無極竟荒服  
獨阻夷居不定乃拜將軍珍茲泉境六詩勤思翠維馳  
力陣開龍騰營窳蝨測劍麗星光旂明日色揚旌塞外  
振威西極峩峩峻嶺渺渺平原塞雲噴結胡風晝昏天  
山作鎮長紀國恩銘功讚德視茲玉門大唐  
貞觀十四年歲次庚子閏六月丁卯朔 立

靈山在廳西北百里穹隆繇巨石皆黑紋如毛髮又有

白石脆不任把握山多靈異 國朝楊尚書應琚有火

州靈山記 火州安樂城西北百里外有靈山在焉四面

石雲沉電射騎馬驚嘶入山步行十數里雙崖門立石  
色鬚黑皴畫細若毫髮上有古松下有流泉松皆伸爪  
穿水拂浪而上泉則上湧尺餘觸石雷奔而下步山顛  
有石厓供小佛像五前有池墮物潔然水紋作羊角止  
旋歷久乃息厓側白石累累成堆光澤如玉握之應一  
碎豈不屑爲世用耶再折而東羣峰堵環長溪帶繞石

笋劍拔人立高下巨細竒形異態不可名狀每夕星月  
明朗有白鶴數百連翼而至各立一石侵曙相向而鳴  
聲振碧谷山僧遊客以此別昏曉如鷄鳴云山中草木  
叢茂皆從石隙中生多不知名鱗介羽毛之物不易見  
見必竒特異於凡物大都非塵世也酒泉文殊山僧羅  
卜藏言之不去口年八十餘三至靈山眸子炯然龐眉  
兒齒現壽者相嘗語予曰我居酒泉三十年  
而靈山之妙日盤一車輪其愛慕也如此

### 巴里坤南山新修運道記丁棻撰

雍正十有一年歲在癸丑大將軍統西路兵之次年也  
兵部員外郎阿炳安承大將軍指修南山運道成先是  
大將軍以總制籌餉於酒泉輪轆相接至南山而隔閼  
必紆道以達於軍八月以往冰雪載塗則積之哈密以  
俟春輸僕夫苦之大將軍久屬意焉積諸地圖詢之與  
人率未敢輕議更張壬子既受

天子命統軍巴里坤輪轆南山時雪深於人不能以措  
足大將軍曰從者且爾謂執御者何於是相度其上下



有成算矣既至軍周爰諮之得阿子之說相脗合俾復  
審而肩其事峻者平之曲者直之圯者築之隘者擴之  
釀之渠以洩其衝駕之梁以濟其險凡數十盤而後上  
周之以廻闌固之以巨木不匝月而役畢易峻坂爲康  
莊矣伊犂犂臂耳大軍傾其巢不難滅此朝食而  
聖天子勿忍也姑駐師以待之因壘而降可句日計何  
鑿山以慮餉爲况聞拙速未覩巧外然而速以拙孰若  
巧以速乎天作高山若輪臺若陽關夔固以爲險而據  
之也我朝發而夕至者屢矣魚遊釜中生其餘幾儲我  
餼糧緩爾須臾

皇帝之仁如天也禽獸猶知儀舞矧以人而怙終於生  
成外乎己卯春二月準夷遷使謝罪辭極恭順願歲歲  
貢如舊例僉曰此固九夷八

蠻之通道也哉宜識之石

### 饋餉修路碣

皇威震疊底定西首整厥虎旅駐於伊州啟拓疆宇騰  
聲遐陬鹿盧飛輓駕馬服牛地靈助順荒積泉流惟山

磊珂輪蹄是憂聿來善人攘剔平修王道坦坦振古長  
留雍正十有三年三月監運使者爲善人揚可祿立石  
於星  
星峽

闕展

闕展在廳東南二百二十里考會典乾隆二年定土魯  
番來朝廩給遣官編造旗隊置管旗章京佐領驍騎校  
如哈密例二十年班第上言土魯番頭目爲前元之裔  
現居喀刺沙爾請遣歸仍轄舊屬及歸朝授一等台吉  
隸正白旗蒙古都統嗣以額敏和卓從征著績累受郡  
王之爵蓋元太祖平定西域以其地分封子姓而仍監

之以達魯花赤土魯番太祖第二子赤合台之封國也  
明初入貢內附後爲別失八里所奪奔訴於朝太宗遣  
使諭別失八里而遣兵護送還國其後漸強并火州柳  
中天山蒲昌爲一控弦數萬侵據哈密寇涼瓜沙甘肅  
閒者無寧歲其後稍以衰弱萬歷以後遂爲亦力把力  
所并順治十年土魯番叩關請貢十一年再貢所謂表  
署蘓勒坦賽伊特罕稱一千八十三年者十二年入貢  
并獻內地民人百五十人實只十五人又表署葉爾羌  
酋阿布都刺汗肅州總兵張勇詰其不盡歸內地民人

及署名前後互異之故其使臣克拜告曰哈密土魯番  
葉爾羌長皆昆弟其父曰阿都拉漢居葉爾羌卒已外  
有子九人長卽阿布都刺漢今居葉爾羌次卽阿布勒  
漢居士魯番先卒今之蘊勒坦賽伊特漢卽其弟也又  
次曰巴拜漢居哈密以得罪天朝爲葉爾羌酋長所禁  
以阿布勒漢之子代之次馬哈默特坦居哈刺沙爾次沙爾  
漢居庫車次早亡次伊思馬業勒漢居阿克蘊次伊卜  
刺伊木居和闐前由土魯番貢故署其名今以葉爾羌  
爲諸昆之長故表稱其長名本歸百五十人爲準噶爾

巴圖爾輝台吉所掠存者十五人今謹以獻請卽納貢  
轉奏可也蓋明末亦力把力又爲葉爾羌酋長所并而  
以諸子分治其地也又康熙二十五年葉爾羌貢表稱  
臣成吉思漢裔承蘊資璫漢業則在康熙中西域猶爲  
蒙古之裔未爲回首所有迨準噶爾攻破諸城之後而  
瑪墨特以天方行教向爲蒙古諸城所信服如近日刺  
麻然準夷用之藉以稅歛諸部而和卓墨之父忽謀背  
準夷而自立爲汗遂爲準夷所誘執歸伊犁蓋各城蒙  
古汗爲準夷所滅非回教所逐及乾隆時戡定準部惟

存土魯番酋莽蘓爾及哈密酋伊薩克而哈密與土魯番已久失其故土播遷隣境向非天威震疊蕩平準夷則二酋與庫車和闐諸城之蒙古均無遺種處矣考外藩王公功績表傳載

世祖上諭吐魯番乃元成吉汗次子察哈岱受封之地察哈岱卽元史之察合台也并載葉爾羌和闐阿克蘓庫車諸汗貢表蓋回部之爲蒙古後裔昭昭也乃撰西域圖志者謂成吉思爲回回之鼻祖偶與元太祖同號踏壁虛造可謂匪夷所思其意不過欲實回部二字遂

穿鑿至此是欺天下人皆不讀書也而後可此與達賴刺麻之蒙古源流代人捏造祖宗名字同一笑柄也闕展或曰皮禪前代未見其名祁氏以爲柳中固誤若魏氏以爲樓蘭則更謬矣總之此地爲土魯番一回莊因其地當孔道爲南路險要故築城設官必欲指爲前代何城何地而實之多見其鑿而已矣

附樓蘭故城考

董氏以爲卽宋之大  
患鬼魅磧者近是

樓蘭又名鄯善在土魯番東南千餘里通典西州南至櫻蘭國千二百里叅沙磧難行漢書樓蘭西北至車師

千八百九十里水經注河水又東注於湖澤卽經所謂蒲昌海也水積鄯善之東北又曰澤在樓蘭國北扞泥城其俗謂之東故城漢書樓蘭國最在東垂近漢當白龍堆乏水草魏書鄯善北卽白龍堆又曰國中有伊循城其地肥美水經注河水逕伊循城蓋爲注賓河所經故地肥美按蒲昌海今日羅布淖爾蒙古語淖爾爲海當今土魯番東南五百里周廻四五百里停而不流天山以南蔥嶺以東之水皆會於塔里木河以瀦於此自此伏流至今敦煌縣之南廢壽昌縣陽關西南四百五



千里之巴顏哈刺山麓約行千五百餘里而伏流始出  
鄯善國在淖爾之西南也蓋蒲昌海南北相距四五百  
里故土魯番至鄯善遠至千二百里矣近人所作番域  
錄天山閒話西陲記聞皆疑鄯善在漢爲最著名之國  
今日未有確知其地者或謂名號更易夷夏不同者而  
番域錄謂在青海蒙古游牧中者陳氏又譌以鄯州爲  
鄯善此皆求其地而不得遂有此紛紜之說也今考鄯  
善爲魏將萬度歸所擊破其王眞達降於魏魏以其臣  
韓達爲鄯善假王鎮其地賦役其民比之郡縣拓拔氏

之亂沒於吐谷渾隋初又爲西突厥所有大業中吐屯設以其地獻於隋乃置鄯善郡領顯美濟遠二縣唐於故鄯善且末二郡置石城播仙等鎮今按漢書出西域有兩道從鄯善旁南山北波河西行至莎車爲南道魏書出自西域本有二道後更爲四出自玉門渡流沙西行二千里至鄯善爲一道隋書其南道從鄯善于闐朱俱波喝槃陀度葱嶺唐書地理志一路自沙州壽昌縣至陽關故城又西至蒲昌海南岸又西自石城鎮播仙鎮至于闐漢時兩道皆在今天山南山北爲匈奴故也

隋唐則突厥內附故增山北一道漢隋之南道今不置  
驛今之驛道則自哈密土魯番喀刺沙爾庫車阿克蘇  
至葉爾羌乃折而東南至和闐是卽漢之北道隋之中  
道而今日之南道也蓋歷元明至於今日無由漢之南  
道者矣考之五代史高居誨使于闐記從陽關涉鹹磧  
渡陷河至于闐皆出今大戈壁中又大唐西域記元奘  
稱于闐東行入大流沙人畜昏迷屢有喪亡行四百里  
至覩貨邏故國國外空曠城皆荒蕪又六百餘里至折  
摩默那故國卽且末地域郭歸然人烟斷絕復東北千

餘里至樓蘭是唐時已爲無人之境今自和闐以東塔里木河之南西藏北山之北東至青海西北境數千里中大率皆戈壁也不但漢書所載南道諸國如樓蘭且末精絕小宛皆在今大戈壁中卽唐代諸鎮城郭相望無不淪於沙磧蓋吐谷渾與突厥俱爲行國惟逐水草不居城郭千百年來風沙相搏故道盡漚而跡者不考時勢欲於今日驛道中求兩漢之故蹟何異刻舟求劍乎

按法顯佛國記敦煌有塞東西可入十里南北四十

里又云流沙中多有惡鬼熱風過則皆死無一全者  
上無飛鳥下無走獸偏望極目欲求度處則莫知所  
擬惟以死人枯骨爲標幟耳行十有七日計可千五  
百里得到鄯善國其地崎嶇薄瘠俗人衣服粗與漢  
同但以氍毹爲異復西北行十五日到烏夷國直進  
西南行路中無居民涉行艱險所經之苦人理莫比  
在道一月五日得到于闐又按洛陽伽藍記宋雲向  
西域取經云初發京師西行四十日至赤嶺卽國之  
西疆也皇魏關防正在於此赤嶺者不生草木因以

爲名其山有鳥鼠同穴異種同類鳥雄鼠雌其爲陰陽卽所謂鳥鼠同穴發赤嶺西行二十三日渡流沙至吐谷渾國路中甚寒多饑風雪飛沙走礫舉目皆滿惟吐谷渾城左右煖於餘處其國有文字况同魏風俗政治多爲夷法從吐谷渾西行三千五百里至鄯善城其城自立王爲吐谷渾所吞今城內主是吐谷渾王第二息寧西將軍總部落三千以禦西胡從鄯善西行千六百四十里至左末城按卽且末國也城中居民百餘家土地無雨決水種麥不知用牛耒耜而田

城中圖佛與菩薩乃無胡貌訪言老云是呂光使胡所作從左末城西行一千二百七十五里至末城末城菊花果似洛陽惟土屋平頭爲異也從末城西行

二十二里至捍慶城卽漢之扞彌國之轉南十五里有一大寺

三百餘衆僧云魏書吐谷渾傳地兼鄯善且末且末

西北方流沙數百里夏日有熱風爲行旅之患風之

所至唯老駝豫知之卽鳴而聚立埋其口鼻於沙中

人每以爲候亦卽將羶擁蔽鼻口其風迅駛斯須過

盡若不防者必至危斃是卽通精絕之路樓蘭地本

沙鹵少水草寄田仰穀旁國惟伊循城地肥可屯田  
水經注敦煌索勸字彥義有才畧刺史毛燮表行貳  
師將軍將酒泉敦煌兵千人至樓蘭屯田起白屋召  
鄯善焉耆龜茲三國兵各千橫斷注賓河河斷之日  
水奮勢激波凌冒隄勸厲聲曰至尊建節河隄不溢  
王霸精誠呼沱不流水德神明古今一也勸躬禱祀  
水猶未減乃列陣被杖鼓譟謹叫且刺且射大戰三  
日水乃迴減灌浸沃衍胡人稱神大田三年積粟百  
萬威服外國此伊循屯田之故事也考唐書稱隋末



大亂磧路遂閉朝貢皆由高昌貞觀初突騎交

焉支王名

請開大磧路以便行旅帝許之高昌怒攻陷焉支五城所云磧路卽漢之南道矣又唐書地理志于闐東三百里有達德力河又東七百里有精絕城故國河之東爲汗彌王居達德力城汗彌卽拘彌亦曰扞彌又曰寧彌皆一聲之轉也志又稱自播仙鎮西五百里至于闐之東蘭城有東蘭守捉又西三百里至于闐國城考諸鎮城置於貞觀之末蓋已在元奘東歸之後今之噶順沙磧自吐魯番至哈密東南至羅布

淖兒南岸以暨喀刺沙爾東西縣亘千數百里若吐  
魯番之齊克塔木臺以東闕展之下梧桐窩皆沙鹹  
無水草裴矩西域圖記謂之鹽水顏師古云敦煌西  
北皆有惡磧沙鹹中不生草木水又鹹苦謂之鹽水  
史記所謂鹽水中數敗是也高居誨使于闐記自伊  
吾廬而西至大屯城又西涉鹽磧無水掘地得濕沙  
人貯之甕以止渴又西乃渡陷河必伐檉柳以置水  
中乃渡不然則陷因曰陷河又有風戈壁者大風起  
則行者人馬相失今之三間房布幹台十三間房大

風起不可行蒙古語謂之舒爾漢椿園氏回疆風  
土記風戈壁闕屢最多凡風起皆自西北來先有聲  
如地震瞬息風起屋頂多被掀去石子如斗如卵者  
滿空飛舞千斤重載必須十輛八輛聯絡一處方免  
無事若經吹倒則車上之物登被衝散并空車驟焉  
亦吹去無踪獨行之人畜往往有吹至數百里外者  
其風春夏最多秋冬絕少山皆綠石多匾長之形擊  
之作磬聲山上沙石爲風簸揚散漫成堆突兀怪惡  
不成山形每晨起視南北兩山開朗是日必無風如

青霧漫漫山色模糊則有大風必不可行相傳山有  
風穴故也宋王延德使高昌記瀚海中沙深二三丈  
不長五穀沙中有草名登相其子若稗子土人收之  
以食其鬼谷口一帶有避風驛蓋地有風暴往往人  
馬爲所吹去云北史高昌有白鹽其形如玉唐書高  
昌出白鹽如玉可爲枕常以充貢又出赤鹽味甚美  
此卽金樓子所謂玉華鹽洞徹如水晶是也

北史高昌有草名羊刺其上生蜜

南史高昌國有草實如繭中絲爲細纏名曰白疊取

以爲希李時珍本草謂棉花宋末始入江南

遼史國語解稱補犀千歲蛇角明會典作骨篤犀出

哈密衛

紀昀鋪夏錄左傳言深山大澤實生龍蛇小

軍屯嘗入谷追亡羊見大蛇巨如柱盤於高岡之上  
向日晒鱗周身五色爛然如堆錦繡頂一角長尺許  
有翠雉飛過張口吸之相距四五丈皆翻然而落如  
矢投壺心知羊爲所吞矣乘其未見循澗逃歸恐怖  
幾失魂魄軍吏駟圖麟因言此蛇至毒而其角能解  
毒卽所謂吸毒石也見此蛇者攜雄黃數斤於上風  
燒之卽委頓不能動取其角鋸成塊癩疽初起時以  
一塊著瘡頂卽如磁石吸鐵相粘不脫待毒氣吸出  
乃自落置人乳中浸出其毒仍可再用毒輕者乳變  
綠稍重者青黧極重者黑紫乳變黑紫者吸四五次  
乃可盡餘一二次愈矣余記從兄懋園家有吸毒石  
治癩疽頗驗其質非木非石至是乃知爲蛇角也按

此卽骨

篤犀

又云唐太宗三藏聖教序風災鬼難之域似卽今關  
展土魯番之地其地沙磧中獨行之人往往聞呼姓  
名一應則隨去不復返土人云偶或有之予未見也  
又有風穴在南山其大如井風不時從中出每出則  
數十里外先聞波濤聲一二刻風乃至所橫徑之路  
澗不過三四里可急行而避不及則衆車以巨繩  
連綴爲一尚鼓動顛簸如大江浪涌之舟或一車獨  
遇則人馬輻重皆輕若落葉飄然不知所往矣風皆  
自南而北數日又自北而南若呼吸之往返也予在  
烏魯木齊接闕展移文云軍校雷廷於某日人馬皆  
風吹過嶺北有無踪跡又昌吉通判通報某日午刻  
有一人自天而下乃特納格爾遣犯徐吉爲風吹至  
俄特納格爾縣丞報徐吉是日逃走計其時刻自己  
正午初已飛騰二百餘里此在彼不爲怪在他處則  
異聞矣徐吉云被吹時如醉如夢身旋轉如車輪目  
不能開耳如萬鼓亂鳴口鼻如有物擁蔽氣不得出

努力良久始能一呼吸耳按莊子稱大塊噫氣其名曰風氣無所不之不應有穴蓋氣所偶聚因成斯異猶火氣偶聚於巴蜀遂爲火井水脉偶聚於于閩遂爲河源

且末河隋書地理志且末郡有且末水薩昆澤又唐志度且末河五百里至播仙鎮古且末國故城也按此卽水經注之阿耨達大水今已無北行入河之水當在蒲昌海西南大戈壁中

黑山今名丁谷山中有唐時古寺及諸碑刻按歐陽圭齋高昌僕氏家傳云高昌者今哈刺和綽也和綽本漢言高昌高之音近和昌之音近綽遂爲和綽也哈刺黑

也其地有黑山也所言高昌最詳今名哈刺和卓卽元明之火州其地炎熱異常麴文泰所謂暑風如燒寒風如刀者也東南一帶沙山絕無草木曰光照射尤不可耐惟土田沃衍所產西瓜蒲萄最佳而瓜類尤多其東有連木沁池一小回村也水極清澈其南卽戈壁野牛野馬百十成羣其沙磧中堆阜曲折其下皆鼠之墳壤也

按高昌城鎮見之史者有白棘城橫截城高寧城白刃城今不能考其在何處矣





西域考古錄卷第八

海月堂  
雜著

海鹽俞浩 湛持

廸化州

管縣三 昌吉 阜康 綏來

州地本曰烏魯木齊譯言好圍場爲準噶爾遊牧地二漢爲車師後王國兼有山北六國及烏孫地唐爲西突厥之浮圖城及處月處密之地貞觀十四年伐高昌西突厥遣其葉護阿史那賀魯屯兵於浮圖城與高昌相影響及高昌平西突厥懼二十年率衆內附乃置庭州

於浮圖城領後庭蒲類輪臺三縣後爲黠戛所攻掠蕭  
 條荒廢顯慶中重修置以來濟爲刺史治完葺焉諸州  
 所管諸蕃奉勅皆爲置州府以其大首領爲都督刺史  
 司馬又置參將一人知表疏等事其俗帳居隨逐水草  
 帳門皆東向開門嚮慕皇風也其漢戶皆龍朔以後流  
 移人長安二年改置北庭都護府按三十六蕃開元二  
 十一年改置北庭節度使都管兵二萬人馬五千  
 匹衣賜四十八萬匹段以防  
 制突騎施堅昆黠戛西北去突騎施三千餘里北去堅  
 昆七千里東去黠戛一千七百里  
 管瀚海軍北庭都護府城中長安二年初置燭龍軍三  
 年郭元振改爲瀚海軍開元中蓋嘉運重加

修築管兵一萬二千  
天山軍在  
西州城內開元二年置

人馬四千二百匹焉  
管兵五千人馬五百匹在

理南五  
伊吾軍伊州西北三百里甘露川景龍四年置

百里  
管兵三千人馬三百匹在理所東南五

里後又改清海鎮置清海軍在府西七百里又有六鎮

俱六鎮在州西二百四十里

當碎葉路

憑落鎮在州西三百七十里

神仙鎮在州南五十里

當西州路

沙鉢鎮在州西五十里

當碎葉路

蒲類鎮在州北五十里蒲類縣之西

當突騎施路

郝遮鎮在東北五十八里

當迴鶻路

正統二十一年金

鹹泉鎮在東北二百里

當廻鶻路

特羅堡子在蒲類縣東北二百餘里四面有積置堡子處周廻二十里有好水草卽往廻鶻之東路

又有十六蕃州

鹽泊州都督府

陰山州都督府

鹽祿州都督府

大漠州都督府

輪臺州都督府

金滿州都督府

玄池州 哥係州 咽麪州 金附州 孤野州

西鹽州 東鹽州 叱勒州 伽瑟州 憑洛州

考十六蕃州雜種羌胡部落寄治北庭都護府界內  
於無州郡戶口隨水草畜牧而已

攷唐書地理志自納職縣西經獨泉東華西華駝泉  
渡芟箕水過神泉三百九十里至赤亭守捉與伊西路合別  
經達匪草堆百九十里至赤亭守捉與伊西路合別  
自羅護守捉西北上乏驢嶺百二十里至赤谷又經  
谷口經長泉龍泉百八十里至獨山守捉又經蒲類  
百六十里至北庭府有瀚海軍本燭龍軍西七百里  
有清海軍本清海鎮南有神仙鎮自庭州西鹽城西  
六十里有沙鉢城守捉有憑洛守捉又八十里有耶  
勒城守捉又八十里有俱六城守捉至輪臺縣又百  
五十里有張堡城守捉又渡里移建得河七十里有

鳥宰守捉又渡白楊河七十里。有清鎮軍城。又渡葉  
葉河七十里。有葉河守捉。又渡黑水七十里。至黑水  
守捉。又七十里。至東林守捉。又七十里。至西林守捉。  
又經黃草泊大漠小磧。渡石漆河。踰車嶺。至弓月城。  
過思渾河。磧失名。城渡伊麗河。一名帝帝河。至碎  
葉界。又西行千里。至碎葉城。水皆北流。入夷播海。

上元以後吐蕃侵擾河西隴右。多爲竊據。惟安西北庭  
猶爲唐守。興元之初。發吐蕃兵以討朱泚。許酬以伊西  
北庭之地。吐蕃至邠州。陰持兩端。尋會渾瑊軍破武功。  
大掠而去。取京之後。吐蕃以前約求地上。欲與之。李泌  
曰。安西北庭控制西域五十七國。及十姓突厥。又分吐  
蕃之勢。使不得并兵東侵。奈何拱手與之。且兩鎮之人

勢孤地遠爲國家守邊二十年一旦棄之與人彼必深  
怨中國他日從吐蕃入寇如報私讐矣吐蕃本無功何  
前約之有乃止貞元中沒蕃咸通七年復歸唐尋遭五  
代之亂地爲雜種所據宋初尚遣使入貢所謂回鶻五  
城元太祖得其地爲海都分地後以畔爲世祖所敗復  
取其地以隸畏吾兒後又改置尚書省於別失八里以  
北庭隸之明爲土魯番瓦剌所分據其後土魯番衰弱  
此爲瓦剌之東境瓦剌者衛拉之轉也乾隆二十年旣  
平準噶爾屯田各城至三十一年始於紅山嘴之下創



築新城

賜名廸化其南郭連接舊城卽二十一年諸軍所築土城以爲駐劄之所也三十七年復於廸化城西八里築城

賜名鞏寧爲都統建牙之所城周九里有奇各門名額皆以滿蒙漢回四體書之而廸化爲州縣治事之所綠營兵駐焉按庭州在今廸化州城東百十二里特納格爾今阜康縣治

東南至上都五千二百七  
十里

寰宇記至長安五千二  
百五十六里

東南至東都六千一百三十里

西京六千八百七十六里

東南至伊州九百七十里

東至西州五百里

西南至焉耆鎮一千一百里

西至碎葉二千二百二

十里

北至堅昆衛帳約四千里

東北至迴鶻衛帳約三千里

西北至突騎施三千一百

八十里

天寶戶二千二百二十六戶

今州距京師八千六百里

由土魯番軍臺至嘉峪關三

千三百里

由巴里坤營汎至嘉峪關二千八百里

東北

距古城四百里

又東距鎮西府巴里坤千餘里

至伊州界六百八十里

西州界四百五十里

焉耆鎮八百七十里

碎葉突騎施庭三千六

百八十里

堅昆牙帳同

迴鶻牙帳同

至迴鶻界

千七百里

庫爾喀刺烏蘇八百餘里東北至科布多西北通塔爾  
巴哈臺南阻大山西南距喀刺沙爾千三百餘里距土  
魯番五百里西至伊犁千九百二十里今考之會典烏  
魯木齊初設迪化寧遠二廳嗣於三十八年設立州縣  
都統一員部頒銀印駐鞏寧城滿營領隊大臣一員協  
領六防禦二十四驍騎校二十四筆帖式二領催兵丁  
三千三百七十六名喀刺烏蘇辦事大臣一員駐慶綏  
城印房糧餉駝馬司員各一筆帖式共十一營務協領  
一鎮廸兵巡道一員駐迪化城提督一部頒銀印駐迪

化城總理提標四營焚瑪納斯吉木薩喀刺烏蘇精河  
鞏寧城守喀刺巴爾噶遜營及巴里坤綠營事務中軍  
參將一守備千總等員十二馬步兵九百四十四名廸  
化城守都司一守備千總等員十三馬步兵九百九十  
四名鞏寧城守都司一千總外委四馬步兵三百四名  
州境沃野千里山川瑰異泉甘草肥足資羣牧齊克達  
巴以北有古碑一通言其地之險遠文字剝蝕不辨何  
代所樹城西沙岡一帶下產石炭最旺城東南卽博克  
達山三峯入雲崔嵬刻削初日照之雪光晃朗如銀色

世界自是亘古不消之雪也山中霧跡尤多故俗以霧  
山呼之今

賜名福壽之山所產野牲最肥膾而雉尤爲珍美城外  
紅山嘴舊有廟屋兩椽故人呼廸化爲紅廟兒也地本  
高寒自戡定以來置兵鎮列屯田設官師立郡縣生聚  
旣盛氣候漸和商貨輻湊至於奇伎巧工優伶歌舞之  
輩無所不有數十年來凡草木畜產五穀果菜食飲宮  
室市列金銀錢貨之屬皆與內地之蘇揚同而薪米之  
豐賤雖楚蜀不及也異哉變窮荒絕域爲欲界仙都是

非

大聖人鼓舞之神仁德同天地烏能如此之捷哉

昌吉縣本日寧邊屯城乾隆三十八年置縣隸迪化州  
州西九十八里爲唐時俱六鎮地又西九十里卽呼圖

壁廵檢司治一曰景化城呼圖壁譯言有鬼也

烏魯木齊提標

左營遊擊一員守備一千總二把總四經制外委六馬  
步兵九百四十三名提標右營都司一駐呼圖壁守備  
一千總二把總四經制外委  
六馬步兵九百四十三名

阜康縣本阜康屯城一曰特納格斯三十八年置縣隸

迪化州州東百十二里唐時爲金蒲縣治卽北庭都護

府也又西二百五十里地名吉木薩本豐安屯城設縣

丞一駐劄其地

參將一員駐保惠城與縣城毗連守備一千總二把總四經制外委八馬步兵

九百九名

綏來縣本康吉屯城一曰瑪納斯四十五年置縣隸迪

化州州西三百三十八里與綏寧城南北相對中設靖

遠關一名陽巴爾噶遜唐爲憑落鎮憑落州地

副將一員駐縣

城左營都司一守備一千總二把總四經制外委四馬

步兵八百右營都司一駐綏寧城守備一千總二把總

三經制外委六馬步兵七百七十九名

今考綏來縣爲唐烏宰守捉城地距憑洛城七十里

按後國王治務塗谷後書云自高昌壁北通後部金滿

城五百里卽今阜康縣地唐之北庭節度使也貞觀平  
高昌以其地爲西州以可汗浮圖城爲庭州浮圖卽務  
塗之轉音班勇傳後部有金且谷西域傳有且固城耿  
恭傳有疏勒城俱當在金滿城左右也

耿恭傳永平十七年始置西域都護戊己校尉乃以  
恭爲戊校尉屯後王郿金蒲城謁者關寵爲己校尉  
屯前王柳中城屯各置數百人恭至部移檄烏孫示  
漢威德大昆彌已下皆歡喜遣使獻名馬及奉宣帝  
時所賜公主博具願遣子入侍恭乃發使賫金帛迎  
其侍子明年三月北單于遣左鹿蠡王二萬騎擊車  
師殺後王安得而攻金蒲恭乘城搏戰以毒藥矢射  
之虜中矢者視創皆沸遂大驚衆相謂曰漢兵神真  
可畏也遂解去恭以疏勒城旁有澗水可固五月乃  
引兵據之七月匈奴復來攻城擁絕澗水恭於城中



穿井十五丈不得水吏士渴乏笮馬糞汁而飲之恭  
仰歎曰聞昔貳師將軍拔佩刀刺山飛泉湧出今漢  
德神明豈有窮哉乃整衣服向井再拜爲吏士禱有  
頃水泉奔出衆皆稱萬歲乃令吏士揚水以示虜虜  
出不意以爲神明遂引去時北虜亦圍關寵於柳中  
會顯宗崩救兵不至車師復畔與匈奴共攻恭恭厲  
士衆擊走之後王夫人先世漢人常私以虜情告恭  
又給以糧餉數月食盡窮困乃煮鎧弩食其筋革恭  
與士推誠同死生故皆無二心而稍稍死亡餘數十  
人單于知恭已困遣使招恭曰若降者當封爲白屋  
王妻以女子恭乃誘其使上城手擊殺之衆諸城上  
虜官屬望見號哭而去單于大怒更益兵圍恭不能  
下初關寵上書求救時肅宗新卽位乃遣征西將軍  
耿秉屯酒泉行太守事遣秦彭與謁者王蒙皇甫援  
發張掖酒泉敦煌三郡及鄯善兵合七千人建初元  
年正月會柳中擊車師攻交河城斬首三千八百級  
獲生口三千餘人駝驢馬牛羊三萬七千頭北虜驚  
走車師復降會關寵已歿蒙等聞之便欲引還先是

恭遣范羌至敦煌迎兵士寒服羌因隨王蒙軍俱出  
塞羌固請迎恭諸將不敢前乃分兵二千人與羌從  
山北迎恭遇大雪丈餘軍僅能至城中夜聞兵馬聲  
以爲虜來大驚羌乃進呼曰我范羌也漢遣軍迎校  
尉耳城中皆稱萬歲開門共相持涕泣明日遂相俱  
歸虜兵追之且戰且行吏士素饑困發疎勒時尚有  
二十六人隨路死沒三月至玉門惟餘十三人衣履  
穿決形容枯槁中郎將鄭衆爲恭已下洗沐易衣冠  
及至洛陽拜爲騎都尉以恭司馬石修爲洛陽市丞  
張封爲雍營司馬軍吏范羌爲共丞餘九人皆補羽  
林胡氏曰疏勒國去西域長史所五千里後部去長  
史所居五百里此後部之疎勒城也鄯氏水經注誤  
以此爲疎勒國後人踵其說而不知其謬西域聞見  
錄復以安西之疎勒河爲疎勒國故地是何異捫篇  
而爲  
曰哉

唐之庭州管三縣惟金蒲與州同治蒲類縣唐書地理

志在州東北八十里當在阜康縣東迺化州東百九十二里西陲記畧巴里坤南山雍正十一年新修盤道數十折衛以闌楯下臨巴爾庫勒淖爾譯言蒲類海後書耿夔傳北單于弟左鹿蠡王於除鞬自立爲單于衆八部二萬餘人來居蒲類海上遣使款塞是漢時爲匈奴南境蓋縣與海相距千二百里陳氏不考之記籍謂蒲類縣以近在蒲類海得名不知漢之蒲類國與唐之蒲類縣皆不近蒲類海者也輪臺縣唐志與通典元和志俱云州西四十二里今本寰宇記以爲四百二十里譌漢書輪臺史記作侖頭錢氏謂臺頭聲近是也顏

師古注輪臺國名渠犂臣瓚注西域胡國名蓋小國漢滅之以置屯田而輪臺前爲李廣利所屠其地皆濱河填淤肥美魏收謂輪臺南三百里有大河是也按輪臺卽今之玉古爾回城與唐之輪臺縣置在今迪化州東七十里者南北相去二千里乃通典謂輪臺渠犂今皆在交河北庭界內何也顧氏方輿記要引漢書鄭吉言車師去渠犂千餘里閒以河山漢兵在渠犂者勢不能相殺則已明渠犂不在庭州乃下又引杜佑之言何其謬也今玉古爾西距庫車三百二十里爲漢之輪臺而

人率言在烏魯木齊則皆因唐輪臺縣而誤焉

清海軍卽清海鎮府西七百里咸通七年歸義節度使張義潮奏克西州北庭輪臺清海等處卽此

沙鉢鎮本曰莫賀城庭州西四百里曰西鹽州又西六十里有莫賀城貞觀初西突厥阿史那賀魯居多羅斯水南至西州千五百里二十年内附授瑤池都督處之庭州莫賀城及後畔唐平之改爲沙鉢城守捉取沙鉢可汗名以名焉

今考地志自庭州西延城西六十里爲沙鉢城云四百里疑樂史之誤

金附州漢書車師旁小金附國隨漢軍後盜車師車師

自請擊破金附卽此按今吐魯番有勝金口爲金附國  
故址

金滿州都督府永徽五年詔以處月部置金滿州開元  
中升都督府

可敦城在庭州東北宋宣和六年契丹耶律大石自雲  
中夾山西走至可敦城駐於北庭都護府會西鄙七州  
十八部諭以興復又假道回鶻西行萬里至尋思干敗  
西域諸國兵回回國來降又西行至起兒漫稱帝靖康  
二年大石引兵東還行三十日得善地遂都之號虎思

幹耳朶今伊犁是也詳見下第十卷中

摩那渡在庭州隋開皇三年行軍總管李晃破突厥于  
摩那渡口今瑪納斯河是也

西亭碑文

烏魯木齊去伊犁千九百餘里爲新疆諸路咽喉重地  
自版章歸附

欽命大臣統屯防兵旋置糧務官司始有戶作城邑請

於

上賜名迪化城州治仿此厥後開營制駐眷兵復築城  
於此爲迪化新城今通稱二城爲漢城以鞏寧城爲滿

城云我

皇上威德誕敷八荒在宥西域卽序南定回疆北通哈  
薩克一帶貢道而土爾扈特部落人等歸誠內屬又不  
下數萬戶若塔爾巴哈台若烏什喀什噶爾諸回城設  
防增戍威倚伊犁八旗駐防兵爲重乾隆三十有六年

冬

皇上允廷臣請移內地駐防滿兵於烏魯木齊巴里坤與伊犁爲犄角時議烏魯木齊分駐涼莊兵三千乃別築城爲駐防所卜於迪化之西北十里許曰吉越明年壬辰予奉命以參贊大臣統軍務荒度土功爰董所司各恭乃事鳩工則奏調近邊各營鎮兵千數百名教之版築增之廩餼而兵不疲庀材則伐木於山開冶於礦輦載以官之車馬牛而不擾迄一年城周九里三分里之一徑三里許城內恭建萬壽亭

關帝廟如制都統署一領隊副都統署一理事通判署一協領六佐領以下官四倍自協鎮以下官兵房屋皆如額其它公廨賓館義學庫藏衙街市井悉治是役也計費帑金十萬有奇糧萬二千石奏上

皇上察其勞廉而工鉅也不下所司議悉准銷且命嗣後新疆工程奏銷著爲令特恩也乃錫城名曰鞏寧門曰承曦曰宜穡曰軌同曰樞正自軍機處題額備滿漢託特回部四體書謹刊懸城之上方是時新疆底定垂二十年土地闢戶口蕃新附之民益衆自烏魯木



齊以東始改糧務官司置郡縣改巴里坤同知爲鎮西府改迪化同知爲迪化直隸州州郡各率其所屬隸兵備道率其屬隸都統其自道以下舊治迪化者悉移治鞏寧與都統同城於是都統之任益重而鞏寧遂爲滿漢官兵吏羣聚而持事之所轄軒之使冠帶之倫出於其途者莫不於是觀政焉今之稱鞏寧者從其朔也城工竣於癸巳今五載矣屬欲執筆爲之記顧以部勒公務未遑也惟祇遵

聖天子命名之義曰三復焉其在書曰民惟邦本本固邦寧撫茲城者必將以民暑爲基址以治行爲墉垣以訓練爲扞衛以忠信爲金湯然後可以聯三邊之門戶壯八表之規模而弼億萬年之平成於勿替也是以夙夜兢兢恒若不克副皇極敷言之萬一茲乃詳譯厥旨用自勗勉因并建城之顛末而詳悉之以告後之君子是爲記長白索

諾木策凌撰文

靈山天池疏鑿水渠碑記

籌邊之務莫重於屯政而屯政之要莫先乎水利周禮

司徒經土地而井牧遂入辨上中下地一夫有遂十夫  
有溝百夫有洫千夫有澮萬夫有川莫不因高卑之宜  
驅自然之勢以收利於水其爲農計者綦詳矣厥後西  
門起鄴鄭國行秦白公鑿渠李冰溉蜀皆此意也若夫  
鄭吉渠犁充國湟河班勇屯柳中常之田河源擴雄邊  
而儲積貯尤於水利爲急阜康濟木薩二邑爲庭州舊  
壤戊校昔屯其地平莽其土沃衍最宜禾黍乃邑人因  
水利不克曠爲牧野予心惜之舊歲巡閱伊吾道出是  
地爰飭邑令相度水源知阜康之陽霧山屏列峰勢出  
沒雲霧中上有天池在焉俗傳此水爲蛟龍窟穴雪電  
冰封莫窮所自人有欲探其勝者至山麓輒爲風雨所  
阻余聞而領之擬將親登峯崖致辨香分其一派溉

我千頃議者多以風雨爲解不知

聖天子奄有萬方懷柔百神凡名山大川有能潤澤民  
物者必秩而祭之予承簡命出鎮北庭宣布德威周  
詢民瘼山霧有知必有以默相之振潛起蟄敷解澤於  
窮荒豈降雲出雨之精能久秘而不洩也必不然矣爰  
飭騎從自南山口取道而入溪流曲折山逕縈紆林木

交蔭蔚然深秀穿岩越壑盤旋於松雲翥鬱之間不減  
 羣叢百折也再登再憩漸就平岡聞水聲潺湲噴薄於  
 斷崖之上小龍潭也潭水深碧其源勿長雖然流細力  
 微亦足以沾溉近郭從此越崇嶺數層始臻絕頂見神  
 池浩淼如天鏡浮空沃日蕩雲洵造物之奧區也於時  
 天風徐來暑雨初收曾無所謂阻人登覽者用齋宿告  
 虔默申頌禱指畫形勢刻日鳩工畚鍤雲興依山鑿澗  
 一落千丈飛瀑與銀河爭流更爲設壩以防其墮建閘  
 以遏其衝宣洩隨時功成不日此其順軌之速非霧旣  
 默乎而能若是乎由是濬畎澮限畛涂以豬以蓄以防  
 以溝水利之興一本乎周禮并邑成田之制若漢唐之  
 備邊則可不足論矣從此安置屯兵編排雁戶有年有  
 榦有黍多稔甌脫之區化爲沃壤謹繪是圖說上呈  
 睿覽以仰副  
 皇上撫惠邊氓無遠勿屆之至意是役也渠深七丈三  
 尺視小龍潭之灌注則十倍而贏焉渠工告成凡五越  
 月協領經度其事邑宰董之佐之而某且端委以告長  
 民者善保厥成俾屯工永享萬年之樂利是所望焉爰

勒石而  
爲之記

庫爾喀刺烏蘇

喀刺烏蘇譯言黑水也城築於乾隆三十一年

賜名慶綏周廻三里有奇東至烏魯木齊八百三十里  
有領隊大臣駐劄按黑水古黑婁國其地所產人物烏  
獸草木無不黑色唐史補北庭西北沙陀州有黑河深  
可駕舟其水往往泛濫蕩室廬縮原野由是西北之禾  
稼盡因地荒而不可治居民亦遠徙用避墊溺之患其  
吏於北庭者皆先備牲酎望祀於河澗然後敢視事不

則淫霖連月或大水激射圯城邑則里中民盡魚其族也開元中南陽張崧奉詔都護於北庭挈符印至境上且召郊迎吏詢其事或曰黑河中有孽龍嗜羔特大癘故徃徃漂浪涌水以怵郡人望祀河濱焉崧曰我知之久矣卽命展日致牢醴布几筵密召左右驍果執弓矢以俟於側崧率寮案班於河上峩冠簪笏整折鞠躬俄頃有龍長百尺自波騰躍而出欻然升岸目煜煜火光射人離人數十步崧潛令發矢以俟旣而逡巡及於几筵身驟縮小僅可丈餘尚未及食崧引滿先發於是衆

矢齊發龍勢不能施而摧龍旣斃里中父老競來觀之  
歡聲震動崧喜已除民害遂表而獻焉土嘉其果毅有  
爲詔斷其舌函以賜崧手勅褒獎至今稱爲龍舌張氏  
元史耶律希亮傳希亮匿黑水沙陀中卽此又云自沙  
州北川與兄弟徒步負任不火食者數月冬陟雪山至  
北庭都護府二年至昌八里城夏踰馬納思抵葉密里  
城宗室潛邸湯沐邑也馬納斯今綏來縣也

博克達山州東南二百里三峯入雲山巔有大龍潭周  
四十里山麓有小龍潭周十餘里土人稱爲海子山南

七个達坂爲山之最高處路通土魯番爲軍臺孔道凡  
七上下計四十餘里按卽唐書地理志西州交河縣北  
行經柳谷度金娑嶺至北庭卽此

### 福壽山

上所賜名也州南一里許本名霧應山每山上雲起冬  
必雪夏必雨人率以爲候今建塔於上焉

紅山城東三里山皆赤土建玉皇廟以赤土墜壁故俗  
呼州城爲紅廟子

奇刺圖魯山在州西烏闌烏蘇臺之南二百里

按庫克  
河源出

此山

哈什山在慶綏城西南其山陽爲伊犁哈什河之源

烏魯木齊河本名阿勒塔齊水出南山會紅山溪北流入葦蕩河東爲提督所駐地西爲都統所駐之鞏寧城相距凡七里

溫泉州東二十里泉上有亭覆之旁建龍王祠焉

昌吉河州西九十里流逕昌吉縣城之東又有洛克倫河州西百餘里流逕昌吉縣之西

昌吉河卽頭屯河與洛克倫河皆自南趨

北以夾

縣治



呼圖壁河州西百八十里流逕呼圖壁之東

塔西河圖古里克河俱州西二百餘里

瑪納斯河亦曰摩那河州西三百二十里流逕綏來縣城西距縣十里水極深澗中產細鱗白魚味最鮮腴庫爾濟勒河州東四十里又有察罕果爾河其流相合特納格爾河州東百餘里流逕阜康縣城西

鹽池有大小二池小鹽池在州南二十里周二里許一在昂吉爾圖淖爾臺之前周八十餘里

吉木薩河在孚遠城西流經城東至保惠城城西南十

數里有千佛洞洞口有梵刹爲乾隆甲午年所建殿宇宏壯像設莊嚴住持僧本內地人相傳其僧久病目一日入山樵忽迷路目不見物遙聞有人語曰此閒泉水能愈疾可往洗也卽聞耳畔水聲潺湲因匍匐至水邊掬而洗之覺清涼沁骨目已明亮因悟語者非人也方覓歸路歛見石洞半露形如半月覘之內有臥佛金容如新其餘銅像自尺許至三五寸甚夥不知何代所鑄也其僧感佛神應遂爲僧住此募修四方檀施雲集遂成大刹其銅佛瓔珞七寶慈相具足曾以九尊入貢云

濟爾噶朗河在慶綏城西南二十年將軍兆惠駐師於

此又有奎屯河博爾古河皆在西南

按三河上游皆產金

蓮花池在慶綏城西二里許一小邱阜特起如釜形中有池水極清冷深數丈四時不減每夏白蓮自水中挺出花朵稍小香氣濃郁聞遠近榦長至一二丈亦可異也

鹽海在精河城西北一日喀刺塔拉額可西柯淖爾

紀昀灤陽消夏錄俞提督金鼈言嘗夜行關展戈壁中戈壁者碎沙亂石不生水草之地卽瀚海也還見一物似人非人其高幾一丈追之甚急彎弧中其胷踣而復起再射之始仆就視乃一大蝎虎竟能人立

而行異哉 又云昌吉叛亂之時捕獲逆黨皆戮於  
廸化城西樹林中樹林綿亘數十里俗謂之樹窩前  
戊子八月也後林中有黑氣數團往來倏忽夜行者  
遇之輒迷余謂此凶悖之魄聚爲妖厲猶蛇虺雖死  
餘毒尚染於草木不足怪也凡陰邪之氣遇陽剛之  
氣則消遣數軍士於月夜伏銃擊之應手散滅 又  
曰烏魯木齊關帝祠有一馬市賈所施以供神者也  
嘗自嚙草山林中不歸阜樾每至朔望祭神必昧爽  
先立祠門外屹如泥塑所立之地不失尺寸遇月小  
建其來亦不失期祭畢仍莫知所往余謂道士先引  
至祠外神其說耳庚寅二月朔余到祠稍早實見其  
由雪蹟緩步而來弭耳竟立祠門外雪中絕無人跡  
是奇矣 又曰烏魯木齊譯言好圍場也余在是地  
時有筆帖式名烏魯木齊計其命名之日在乎定西  
域前二十餘年自言初生時父夢其祖語曰爾所生  
子當名烏魯木齊併指畫其字以示覺而不省爲何  
語然夢甚了了姑以名之不意今果至此意將終此  
乎後遷印房主事果卒於官計其自從征至卒始終

未嘗離是地事皆前定豈不信夫烏君又言有廩養  
曰巴拉從征時遇賊每力戰後流矢貫左頰鏃出於  
右耳之後猶奮刀斫一賊與之俱仆後因事至孤穆  
第夢巴拉拜謁衣冠修整頗不類賤役夢中忘其已  
死問向在何處今將何往對差遣過此偶遇主人一  
展積戀耳問何以得官曰忠孝節義上帝所重凡爲  
國捐生者雖下至僕隸生前苟無過惡幽冥必與一  
職原有過惡者亦消除前罪向人道轉生如今爲博  
克達山神部將秩如驍騎校也問何往曰昌吉何事  
曰賚有文牒不能知也霍然而醒語音猶似在耳時  
戊子六月至八月十六日而有昌吉變亂之事鬼神  
蓋不敢預洩云 昌吉築城時掘土至五尺有餘得  
紅紵絲繡花女鞋一製作精緻尙未全朽余烏魯木  
齊雜詩曰築城掘土土深深邪許相呼萬杵音怪事  
一聲齊注目半鈎新月蘚花侵詠此事也入土至五  
尺至近亦須數十年何以不壞額魯特女子不纏足  
何以得作弓彎樣僅三寸許此必有其故今不得知  
矣 又曰烏魯木齊深山中牧馬者恒見小人高尺

許男女老幼一一皆備遇紅柳吐花時輒折柳盤爲  
小圈著頂上作隊躍舞音呦呦如度曲或行至帳房  
竊食爲人所掩則跪泣繫之則不食而死縱之初不  
敢遠行行數步輒回顧或追叱之仍跪泣去人稍遠  
度不能追始驚潤越山去然其巢穴棲止處終不可  
得此物非木魅亦非山妖蓋焦饒之屬不知其名以  
形似小兒而喜戴紅柳因呼曰紅柳娃邱縣丞文錦  
因巡視牧廠曾得其一腊以歸細似之其鬚眉毛髮  
與人無二知山海經所謂蜉人鑿然有之有極小必  
有極大列子所謂龍伯之國亦必鑿然有之考紅  
柳卽檉也開花淡紅色極可愛俗名紅柳也文曰  
塞外有雪蓮生崇山積雪中狀如今之洋菊名以蓮  
耳其生必雙雄者差大雌者小然不丛生亦不同根  
相去必一二丈見其一再覓其一無不得者蓋如兔  
絲茯苓一氣所化氣相屬也凡望見此花默往采之  
則獲如指以相告則縮入雪中杳無痕跡卽鬪雪求  
亦不可獲草木有知理不可解土人曰山神惜之其  
或然與此花生極寒之地而性熱二氣有偏勝無偏

絕積陰外凝則純陽內結坎卦以一陽陷二陰之中  
剝復二卦以一陽居五陰之上下是其象也然浸酒  
為補劑多血熱妄行或用合媚藥其禍尤烈蓋天地  
之陰陽均調萬物乃生人身之陰陽均調百脉乃和  
故素問曰亢則害承乃制易道扶陽而乾之土九亦  
戒以亢龍有悔也雪蓮之功不補患亦此理矣 又  
曰德郎中亨夏日散步烏魯木齊城外因至秀野亭  
納涼坐稍久忽聞大聲語曰君可歸吾將宴客狼狽  
奔回告予曰吾其將死乎乃白晝見鬼余曰無故見  
鬼自非佳事若到鬼窟見鬼猶到人家見人爾何足  
怪焉其亭在城西深林萬木參天仰不見日旅觀之  
浮屠者罪人之伏法者皆在是地往往能為變怪云  
烏魯木齊把總蔡良棟言此地初定時嘗巡瞭至  
南山深處日色薄暮似見隔澗有人影疑為瑪哈沁  
伏叢莽中密偵之見一人戎裝坐磐石上數卒侍立  
貌皆稱獍其語稍遠不可辨惟見指揮一卒白石洞  
中呼六女子出姣麗白皙所衣皆繒綵各反縛其手  
敲轂俛首以次引至坐者前禡下裳伏地鞭之流血

號呼悽慘聲徹林谷鞭訖逕去六女戰慄跪送望不見影乃嗚咽歸洞其地一射可及而澗深崖陡無路可通乃使弓力强者攢射對崖一樹有兩矢著樹上用以爲識明日迂回數十里尋至其處則洞口塵封秉炬而入曲折約深四丈許絕無人蹤不知昨所遇者何神其所鞭者又何物生平所見奇事此爲第一考太平廣記載老僧見天神追捕飛天野又正是一好女蔡所見似卽其類歟又曰庫爾喀刺烏蘇臺軍李印嘗隨都司劉德行山中見懸崖老松貫一矢莫測所由晚宿郵舍印乃言昔過是地遙見一騎飛馳而來疑爲瑪哈沁伏深草伺之漸近則一物似人非人據馬上馬乃野馬也知爲怪發一矢中之喻然如鐘聲化黑烟去野馬亦驚逸今此矢在樹知爲木妖也問頃見之何不言曰射時彼原未見我彼既有霧恐門之或報復故寧然也其機警類多此一日塔爾巴哈臺押連冠滿苔爾至命印接解以鐵扭手又以鐵鍊從馬腹橫鎖其足時已病奄奄僅一息與之食亦不甚咽在馬上每欲倒擲下賴繫足得不墮但



慮其死不慮其逃也至戈壁兩馬相怵又作欲墮狀  
印舉手引之突挺然而起以柎擊印墮馬下卽旋轡  
馳入戈壁去戈壁東北連科布多北路定邊副將軍  
所屬綿亘數百里古無人跡竟莫能追知知其病者  
僞也參將岳濟坐是獲重譴印亦長枷旣而伊犁復  
捕得滿荅爾蓋額魯特來降者賞賚最厚滿荅爾貪  
餌而出因就擒問其何以敢再至則曰我罪至重諒  
必不料我來我隨衆而來亦必不疑其中有我其所  
計畫良是而不虞識其項上箭瘢也以印之巧密而  
卒爲術愚以滿荅爾之深險而卒以詐敗日以心門  
誠不知其所窮然任智終遇其敵未有千慮而不一  
失者則定理也烏魯木齊多野牛似常牛而高大  
千百爲羣角利如矛稍其行以強壯者居前弱小者  
居後自前擊之則馳突奮觸銃砲不能禦雖百練健  
卒不能成列合圍也自後掠之則絕不反顧中推一  
最巨者如蠶之有王隨之行止常有一爲首者失足  
落深澗羣牛俱隨之投入重疊磴焉又有野驃野馬  
亦作隊行而不似野牛之悍暴見人輒奔其狀真驃

眞馬也惟被以鞍勒則伏不能起然時有帶鞍花者  
又有蹄嵌踏鐵者或曰山神之所乘莫測其故久而  
知爲家畜騾馬逸入山中久而化爲野物與之同羣  
耳騾肉肥脆可食馬則未見食之者又有野羊者卽  
漢書西域傳所謂羵羊也食之與常羊無異又有野  
猪猛鷲亞於野牛毛革至堅鎗矢弗能入其牙銛於  
利刃馬足觸之皆中斷吉木薩山中有老猪其巨如  
牛人近之輒被傷常率其族數百夜出暴禾稼參額  
額爾黑圖牽七犬入山獵猝與遇七犬立爲所啖復  
厲齒向人鞭馬狂奔得免予擬橫木爲柵伏巨砲其  
中伺其出擊之或曰倘擊不中則其牙拔柵如拉朽  
柵中人危矣予乃止又有野駝止一峯壽之極脆美  
杜甫麗人行所謂紫駝之峯出翠釜當卽指  
此今人以雙峯之駝爲八珍之一失其實矣  
紀昀續消夏錄曰戊子昌吉之亂先未有萌也屯官  
以八月十五日犒諸流人置酒山坡男女雜坐屯官  
醉後逼諸流人婦使唱歌遂頃刻激變戕殺屯官劫  
軍裝庫據其城十六日曉報至烏魯木齊大學士温

公促聚兵時班兵散在諸屯城中僅一百四十七人  
然皆百揀勁卒視賊蔑如也溫公率之卽行至紅山  
口守備劉德叩馬曰此去昌吉九十里我馳一日至  
城下是彼逸而我勞彼坐守而我仰攻非百餘人所  
能辦也且此去昌吉皆平原瑪納斯河雖稍濶然處  
處策馬可渡無險可扼所可扼者此山口一綫路耳  
賊得城必不株守其勢當卽來公莫如駐兵於此借  
陞崖爲遮蔽賊不知多寡俟其至而扼險下擊是反  
攻爲守反勞爲逸賊可破也溫公從之及賊將至德  
左執紅旗右執利刃令於衆曰望其塵氣雖不過干  
人然皆亡命之徒必以死鬥亦不易當幸所乘皆屯  
馬未經戰陣受鎗必反走爾等各擊鎗屈一膝跪但  
伏而擊馬馬逸則人亂矣又令曰望影鳴鎗則鎗不  
及賊火藥先盡賊至反無可擊爾等視我旗動乃許  
鳴鎗敢先鳴者必手刃之俄而賊衆鎗爭發碎旬動  
地德曰此皆虛發無能爲也迨鎗九擊前隊一人傷  
德曰彼鎗及我我鎗必及彼矣舉旗一揮衆旌齊發  
賊馬果皆橫逸自相衝擊我兵譟而乘之賊遂殲矣

温公歎曰劉德狀貌如村翁而臨陣鎮定乃爾參將都司徒善應對趨險耳故是役以劉德首功然捷報不能屢述曲折今詳著之庶不湮沒焉由烏魯木齊至昌吉南界天山無路可上北界葦湖連天無際淤泥深丈入者輒滅頂賊之敗也不西還據昌吉而南北橫奔悉入絕地以爲惶懼迷脊也後執俘訊之皆曰驚潰之時本欲西走忽見關帝立馬雲中斷其去路故不得已而奔行冀或匿免也神之威靈乃及於二萬里外而國家之福祚又能致神助於二萬里外蝟蜂蟪斧潢池盜弄何爲哉昌吉未亂以前通判赫爾喜奉檄調至烏魯木齊核檢倉庫及聞城陷憤不欲生請於温公曰屯官激叛其反未必本心願單騎迎賊於中途諭以利害如其縛獻渠魁可勿勞征討如其梟獍成羣不肯反正則必手刃其帥不與俱生温公阻之不可竟素韃馳去直入賊中以大義再三開導賊皆曰公是好官此無與公事事已至此勢不可回遂擁至路旁置之去知事不濟乃掣刀奮力殺數賊格鬥而死當時公論惜之曰屯官非其所屬

流人非其所治無所謂徇縱也釁起一時非預謀不  
軌無所謂失察也奉調他出身不在署無所謂守禦  
不堅與棄城逃遁也所劫者軍裝庫營弁所掌無所  
謂疎防也於理於法皆可以無死而終執城存與存  
城亡與亡之一言甘以身殉推是志也雖爲常山睢  
陽可矣故於其柩歸罔不哭奠而於屯官之殘骸歸  
無焚一陌紙錢者按屯官爲賊以鐵劊自踵寸寸劊  
至頂亂定後始擷拾之  
又曰田丈耕野統兵駐巴爾庫爾時卽巴里坤坤字  
以吹唇聲讀之卽庫爾之合聲軍士鑿井得一鏡製  
作精妙銘字非隸非八分隸卽今之楷書八分卽今  
所謂隸也似景龍鐘銘惟土蝕所剝損出丈甚寶惜  
之常以自隨歿於廣西戎幕時以授予姊婿田香谷  
傳至香谷之孫忽失所在後有戈氏得之以還田氏  
昨歲欲製爲鏡屏寄京乞余考定余付翁檢討樹培  
推尋銘文知爲唐物予爲鐫其釋文於屏跌而題三  
詩於屏背曰會逐瓊車出玉門中唐銘字半猶存幾  
回反覆分明看恐有崇徽舊手痕黃鵠無由返故鄉

空留鸞鏡沒沙場誰知土蝕千年後又照將軍鬢上  
霜夜鏡隨錄載戚信岳公鍾琪西征時有裨將得古  
鏡岳公求之不得其人遂遭禍正與田丈同時同地  
疑卽此鏡傳訛也按崇徽公主下嫁迴紇本僕回懷  
恩女也歐陽文忠亦有詠崇徽手痕紀公二絕頗有  
關係故錄無論岳公正人必不以一鏡陷人於罪而  
丹陽賀黃公詩亦有此訛口實流爲丹青亦好奇之  
故也

又曰烏魯木齊農家多就水灌田就田起屋故不能  
比閭而居往往有自築數椽四無隣舍如杜工部詩  
所謂一家村者且人無徭役地無丈量納三十畝之  
稅卽可坐耕數百畝之產故深岩窮谷此類尤多有  
吉木薩軍士入山行獵望見一家門戶堅閉院中似  
有十餘馬鞍轡悉具度必瑪哈沁噪而圍之瑪哈沁  
見勢衆棄鍋帳突圍去衆憚其死鬥亦遂不追入門  
見骸骨狼藉寂無一人惟隱隱有泣聲尋視見幼童  
約十三四裸體懸窗牖上解縛問之曰瑪哈沁四日  
前來父兄與鬥不勝卽一家怵縛率一日牽二人至

山谿洗濯曳歸其鬻割炙食男婦七八人怵盡矣今  
 日臨行洗濯我畢將就食中一人搖手止之雖不解  
 厄魯特語觀其指畫似欲支解為數段各携於馬上  
 為懼幸兵至棄去今得更生泣絮絮不止憫其孤苦  
 引歸營中姑使執雜役童子因言其家尚有物埋害  
 中營弁使導往發掘之則銀幣衣物甚多細詢童子  
 乃知其父兄怵劫盜其行劫必於驛路近山處瞭見  
 一二車孤行前後十里內無援者突起殺其人即以  
 車載尸入深山至不能通則合手以巨斧碎之與尸  
 及襖被怵投於絕澗惟以馬馱貨去再至馬不能通  
 則又投羈繼於絕澗縱馬任其所之共負之由鳥道  
 歸計去行劫處數百里矣歸而窖藏一兩年乃使人  
 偽為商販繞道至關展諸處賣於市故多年無覺者  
 而不虞瑪哈沁之滅其門也童子以幼免連坐後亦  
 牧馬墜崖死遂無遺種此事予在軍幕所經理以盜  
 已死遂置不論由今思之此盜蹤跡詭秘猝不易緝  
 乃有瑪哈沁來以報其慘殺之罪瑪哈沁食人無厭  
 乃留一童子以明其召禍之由此中似有神理非偶

然也盜姓名久忘惟童子墜崖時所司牒報記名秋  
兒云

田侯松巖言幼時居易州之神石莊偶與童輩嬉戲  
馬廐中見煮豆之鍋凸起鐵泡十數於形狹而長童  
輩以石破其一中有蟲長半寸餘形如柳蠹色微紅  
惟四短足與其首皆作黑色而油然有光取出猶能  
動因一一破視一泡一蟲狀皆如一又言頭等侍衛  
常君青乾隆癸酉戍守西域卓帳南山之下山半有  
飛瀑二丈餘其泉甚甘會冬月冰結取水於河其水  
湍悍而性冷食之病人不得已仍鑿瀑泉之冰水竅  
甫通卽有無數冰丸隨而漏出形皆如嫩攪破之中  
有白蟲如蠶口與足則深紅殆所謂冰蠶者歟此與  
鐵中之蟲鍛而不死真可謂異聞矣然天地之氣一  
動一靜互爲其根極陽之內必伏陰極陰之內必伏  
陽八卦之對待坎以二陰包一陽離以二陽包一陰  
六十四卦之對待陽極於乾卽一陰生下而爲姤陰  
極於坤卽一陽生下而爲復其靜也伏斯歛歛斯鬱  
焉其動也鬱斯蒸蒸斯化焉至於化則生生不已矣



特冲和之氣其生有常偏勝之氣其生不測冲和之氣無地不生偏勝之氣或生或不生耳故沸鼎炎煽寒泉涸結其中皆可以生蟲崔豹古今注載火鼠生炎洲火中續其毛爲布入火不然今洋船多有之先兄晴湖蓄數尺予嘗試之又神異經載冰鼠生北海冰中穴冰而居嚼冰而食歲久大如象冰破卽死歐羅巴人曾見謝梅莊前輩成烏里雅蘇臺亦曾見之是獸且生於火與冰矣其事似異實則常理也按康熙五十四年

聖祖嘗諭大學士曰書冊所載有似乎荒謬而竟實有其事者如東方朔記北方有層冰千尺今年鄂羅斯來朝云其地去北極二十度以上名爲冰海又從前有書吏三人偏傳西邊異獸圖部議重罪朕從寬免死令其往覓是獸後將軍祁里德來自軍前奏云果有是獸目在乳旁口在臍旁廵哨侍衛等皆見之蒙古名其獸曰鄂布又有飛者名曰積布是卽山海經之刑天無首以乳爲目以臍爲口也故將書吏釋還又神異經云北方層冰之下有鼠重千斤名爲鼯鼠

穿地而行見日月光卽死今鄂羅斯北海地有鼠如象穴地而行見風日卽斃其骨類象牙土人以製盃櫟梳篦朕親見其器方信爲實又紀的載阿文勤公會言喀爾沁貝勒獵於深山中遇一騎飛馳至無首而以乳爲目臍爲口不知其爲何部落者亦鄂布之類也

消夏錄云予在烏魯木齊軍吏具文牒數十紙捧筆請判曰凡客死於此者其棺歸籍例給牒否則魂不得入關以行於冥司故不用朱判其印亦以墨余視其文鄙誕殊甚啓將軍除其例越旬日余所居牆外飄飄有聲越數日聲至窗外時月明如晝自起尋視實無一人同事觀御史成曰公所持理正雖將軍不能奪也然鬼哭實共聞盍試一給之姑閒執讖慝之口儻鬼哭如故則公益有詞矣勉從其議是夜寂然又軍吏宋吉祿在印房忽眩仆久而蘇云見其母至俄臺軍以官牒呈啟視則哈密報吉祿之母來視子卒於途也天下事何所不有儒生論其常耳予嘗作烏魯木齊雜詩云白草颼颼接冷雲關山疆界是誰

分幽魂來往隨官牒原鬼昌黎竟未聞即記此也

又云方桂烏魯木齊流人子也言嘗牧馬山中一馬忽逸去躡蹤往覓隔嶺聞嘶聲甚厲尋聲至一幽谷見數物似人似獸周身鱗皴斑駁如古松髮蓬蓬如羽葆目睛突出色純白如嵌二鷄卵共按馬生齒其肉牧人多攜銃自防桂故頑劣因升樹放銃物悉入深林去馬已半軀被啖矣後不再見不知爲何物也又云巴里坤關展烏魯木齊諸山皆多狐然未聞有崇人者大抵自突厥回鶻以來即以弋獵爲事今日則投荒者屯戍者開墾者出塞覓食者搜巖剔穴狐恒見創夷不能老壽故不能久而爲魅蠱

余在京師傳言有飛蟲夜傷人然未見蟲徒以圖相示而已余至西域乃知所圖卽闕展之八蜡蟲此蟲乘炎熾之氣而生見人飛逐以水噴之則輒而伏或嘓不及爲所中急嚙茜草根傳瘡則瘥否則毒氣貫心死烏魯木齊多茜草山南闕展諸屯每以官牒移取爲刈穫者備此蟲云回疆風土紀云八蜡蟲新疆

在在有之形類蜘蛛色褐而圓八爪微紅紫口口有  
四歧齒鐵有聲偏身黃綠爲章通明如蠶生濕地溝  
渠及人家多年土壁中大者如雞卵小者如核桃每  
大風則出穴逐風而行入人室行如飛怒則入足聳  
立逐人或落人身上不可觸動動則噬人最爲惡毒  
輕則取其蟲碎之尚無大害若吐白絲於創口或噬  
人後走向水中呼吸則是人必死矣死必通身潰爛  
或用茜草搗汁敷之究之能生者百無一二也考元  
劉郁西使記有蟲如蛛毒中人則煩渴飲水立死惟  
過飲葡萄酒醉吐則解金烏古孫使元行記云回紇  
國有惡蟲如蜘蛛蝨人必號而死明史西域傳惟賽  
蘭城有此蟲亦不載解毒之藥南懷仁坤輿圖記亦  
載是蟲并圖其形色湛綠正如將熟之蠶云其毒  
者雖不死每年必發發必風狂若中瘳狗毒者據此  
數說是西域處處有此蟲特毒有輕重不齊耳  
紀昀姑妄聽之云烏魯木齊牧廠一夕大風雨馬驚  
逸者數十匹追尋無跡七八日後乃自哈密山中出  
知爲烏魯木齊馬者馬有火烙印故也是地距牧廠

美

二十餘程何以不十日卽至知穹谷幽巖人迹未到之處別有捷徑矣大學士溫公遣臺軍數輩裹糧往探皆糧盡空返終不得路或曰臺軍憚路遠在近山逗留旬日詭云已往或曰臺軍憚伐山開路勞又憚移臺般運費故諱不言或曰自哈密關展至迪化州人烟相接村落市廛郵傳館舍如內地又沙平如掌改而山行則路旣崎嶇地亦荒僻事事皆不適故不願或曰道塗旣減大半則臺軍之額驛馬之數以及一切轉運之費皆應減大半於官吏頗皆有損故陰掣其肘是皆不可知然七八日得馬之事終不可解或又爲之說曰失馬譴重司牧者以牢醴禱山神驅之故馬速出非別有路然神能驅之行何不驅之返乎又辛卯春予自烏魯木齊歸至巴里坤老僕咸寧據鞍睡大霧中與衆相失誤循野馬蹄迹入亂山中迷不得出惘惘然信馬行越十餘日忽得路出山則哈密境矣其事與馬之出哈密者頗同一理也

西域考古錄卷第九

海月堂  
雜著

海鹽俞浩 湛持

伊犁惠遠城

管城八

綏定

惠遠城北三十里  
地名烏哈爾里

塔爾奇城

惠遠城西

北三十里  
以山名城

廣仁

惠遠城西北八十里地名烏克博羅克土人名大草蘆灘

瞻德

惠遠城西北七十里地名察罕烏蘇一名清水河

拱宸

惠遠城西北百二十

里地名霍爾果斯河有巡檢司

熙春

惠遠城東八十里地名巴彥岱土名樂子

惠寧

惠遠城東北七十里地名巴彥岱有巡檢司

寧遠

惠遠城東南九十里地名

固爾札河  
回城也

伊犁古名伊列伊咧伊麗皆一聲之轉也名始見於漢書陳湯傳曰北擊伊列西取安息通鑑注云伊列漢西域故國也近康居北祁氏西域釋地云伊犁源於庫爾喀刺烏蘇之喀什山陽其地在伊犁東北千里西北流合空格斯河逕惠遠城南又西北至哈薩喀界入於巴勒喀什淖爾淖爾者海子也東西長八百里南北百數十里海中有三山環海子三十里皆戈壁也今考之歷代史及諸圖志開元十道圖志邱長春西遊記則伊犁之河實不僅此其上源則發於今哈刺沙爾西北之納

刺特大嶺地名鹿圈泉水從地湧出如鏡如星流爲昌  
曼河河水東北流至庫爾喀刺烏蘇所謂黑水城也濟  
爾刺閉河敦木達河奎屯河博勒古河入焉河水又西  
折而北合精河河水又西北流逕寧遠回城固爾札河  
入焉又西北流逕惠遠城南又西逕塔爾奇城諸泉水  
從北來注之又西北流空格斯河東南來入之又察罕  
烏蘇阿里瑪圖河與之合從此西流分爲二派東派北  
流合庫庫車集河又北流入巴爾喀什淖爾其西派遶  
阿勒坦鄂拉

譯言金山也

其南流入諾渾淖爾其北合固爾



板阿林圖河又北合喀什格倫河又北入巴爾喀什淖爾考伊犁河佛典謂之帝帝河自東南以趨西北橫亘伊犁境中四五千里所匯之水圖志可名者凡九十九條祁氏以喀什空格斯二河當之毋乃踈乎唐西突厥十姓之地多在龜茲之北白山之西其鼠尼施處半部爲鷹娑都督府在今烏什之鷹落山唐志自弓月城過思渾川執失密城渡伊麗河至碎葉界按執失密亦曰拔悉密

突厥傳拔悉密臨突厥牙帳暇欲谷曰此衆去家千里必將死戰未可擊也不如以兵躡之去北庭二百里分兵由閒道先掩北庭因縱擊盡虜其男女而還蓋在今迪化州界內唐西突厥分

兩國皆以伊麗河爲界以烏蘇曷山西爲北庭雖合水  
北爲南庭自焉支西北七日行得南庭北八日行得北  
庭北庭當在今黑水城界南庭當在今康吉城界蓋哈  
刺沙爾與喀拉烏蘇南北相對馬行可八日也是唐時  
北庭都護與碎葉鎮城亦以伊犁河爲界也所指伊麗  
河卽今之昌曼河又可知矣至烏孫舊治赤谷城見漢  
書西域傳神爵中國分爲二大昆彌仍治赤谷後魏書  
亦云居赤谷城後西徙蔥嶺中是烏孫國在山南之證  
今阿克蘇城北鹽山土色純赤當卽烏孫之赤谷城也

陳湯傳鄧支擊烏孫深入至赤谷城又云烏孫不敢追  
西邊空虛不居者且千里是蕃內地在康居境內四千  
餘里徐氏謂烏孫之境西自捐毒之北東迄焉耆之北  
旁白山之陽亘三千五百里其東則車師是與匈奴接  
又漢書西域傳云與諸翎侯懼去居北山中按此卽今  
八達坂冰嶺以東至博羅圖山卽天山以在烏孫北故  
曰北山此亦足見烏孫在山南之證温宿傳北至烏孫  
赤谷六百一十里是今阿克蘇至烏孫王庭僅六百餘  
里也水經注水道始墨西北歷赤沙山東南流逕姑墨

國西赤沙山卽赤谷也今之鹽山是矣姑墨西北正溫  
宿之北後魏書溫宿在姑默西北今阿克蘇城至滴水  
崖二百八十里漢書龜茲北與烏孫西與姑墨接後魏  
書龜茲都城在白山南百七十里故叢白山陽卽烏孫  
界水經注龜茲西去姑墨六百七十里唐三藏西域記  
龜茲西行六百餘里經小積至跋祿伽國是姑墨之北  
山爲烏孫地卽今之拜城姑墨傳云出銅鐵雌黃今滴  
水崖有上下銅廠而庫車北山又名丁谷山出礪砂則  
赤沙山所歷繇亘矣唐志又云出安西府拓厥關渡白

馬河四百餘里至撥換城撥換城卽姑墨故國也又西北二百里至大石城大石城卽温宿唐又謂之温肅州又西北經勃達嶺傍熱海行熱海者元時名亦切湯兒按白山洞穴中多温泉熱海亦爲硫沙所蒸嚴冬不冰西北行千四百餘里至碎

葉城蓋今之伊犁由善塔斯嶺西南行千五百里至冰嶺之麓是今之八達坂由西北則至昔之碎葉鎮城由東北則至今之伊犁惠遠城也撥換城在唐時最爲表著蓋自安西至碎葉疎勒于闐爲四鎮要道貞觀中阿史那社爾拔龜茲都城其王保撥換城咸亨元年吐蕃

隋撥換遂取四鎮景龍初突騎施入寇分道出安西撥  
換敗唐兵於計舒河口計舒卽塔里木河通典謂之計  
戍水亦曰黃河開元六年蘇祿謀取四鎮圍撥換城十  
載高仙芝討小勃律自安西過撥換城入握瑟德城握  
瑟德卽據史德城通典自撥換西南四百里至據史德  
城自據史德五百八十里至疏勒是也唐會要撥汗那  
國首長突厥人其國人皆烏孫種顏師古注烏孫於西  
域諸戎其形最異今之胡人青眼赤須狀類彌猴者本  
其種也通典謂撥汗那婦人不飾鉛粉以青黛塗眼此

可證其爲烏孫種類乃顯慶中以鎔汗那爲悅般都督府何耶悅般本北匈奴部落後漢章帝時爲竇憲所敗又數爲南匈奴攻擊北單于遠遁其遺部留居蒲類海上後稍西徙後魏太和中與蠕蠕連兵爲蠕蠕所滅其地悉入於柔然蓋其國當在今伊犁東南蓋亦與龜茲接界北魏書悅般傳可考也蓋伊犁在漢初其東北境爲匈奴東南境爲車師六國及後王之庭西北爲康居西南爲塞地塞王破於月氏南越縣度號尉賓塞種分散如捐毒休循皆各自爲國其故地則月氏居之烏孫

本與月氏同居祁連敦煌間烏孫爲月氏所破奪其地  
人民亡走子昆莫新生傳父抱持以歸匈奴而月氏亦  
爲匈奴所破西走塞地及昆莫長擊走月氏以報父怨  
月氏西徙臣大夏烏孫始居其地故烏孫有塞種有月  
氏種云是烏孫之於伊犁不過今日西南一隅卽唐之  
西突厥庭西二州外亦多在西南境內也

按西突厥代居金山

今名阿爾  
泰山

工於鐵作金山形如

兜牟俗呼兜牟爲突厥因以爲號

後魏及北史云西  
魏初其酋土門始

大常求昏於蠕蠕阿那瓌詬辱之曰爾我鍛奴何敢  
然土門怒攻蠕蠕被之阿那瓌自殺遂悉有其地自



立爲可汗土門子木杆可汗代立有奇表面廣一尺色甚赤眼若琉璃性暴而智西破厭達東走契丹威服塞外時蠕蠕主鄧叔子以亡國之餘歸命西魏木杆請於宇文泰使人殺鄧叔子以下三千餘人於青門外土門有弟玷厥號達頭可汗庭於焉耆以西北域諸國皆歸之隋初木杆子阿波小可汗與大可汗沙鉢累有隙西奔達頭治兵相攻突厥自是分爲西北兩部沙鉢累死弟處羅侯可汗會阿波可汗歸於其後分西北兩突厥隋大業中處羅可汗始庭於烏孫故地立二小可汗一居石國北以制諸胡一居鷹娑山以賦城郭諸國時煬帝征吐谷渾召處羅不至會小可汗射匱遣使求昏射匱者達頭之孫帝持桃竹白羽箭謂使者曰射匱有好心我將立爲大可汗令發兵誅處羅然後爲昏宜急速如箭也射匱喜攻處羅破之處羅東奔保時羅漫山帝使裴矩將其母向氏左右往喻之處羅遂

入朝大業末射匱始開土宇東至玉門西臨西海始與

北突厥爲敵建廷於龜茲之三彌山弟統葉護代立

北并鐵勒西拒波斯南接罽賓據烏孫舊地移廷於

石國北之千泉

按唐志雙湖都督府去千泉二百里西域傳素葉城四百里至千泉地延

袤可二百里南卽雪山三垂平陸多泉因名爲可汗避暑庭其中羣鹿飾鈴鐸可狎也

通典碎葉川長千餘里東頭有熱海西頭怛羅斯城唐

志素葉城二百里至雙河又二百里至千泉又西南二

百數十里至白水城原隰膏腴其南五十里斂赤城沃

野宜稻多蒲萄又二百里爲石國蓋千泉在石國之北

五百里也考杜環行程記云出龜茲西北千餘里得勃  
達嶺其南抵中國其北通柘枝西南至葱嶺二千里爲  
渴盤陁國水南流者經疎勒入中國北流者經胡中人  
西海由勃達嶺度雪海春夏常雨雪西北行千餘里得  
細葉川川長千里有素葉城比國也素葉卽細葉亦曰  
碎葉今名爲圖斯庫爾河亦曰吹河又名垂河自善塔  
斯嶺迤邐西南至塔什漢邊界自圖斯庫爾北岸旁吹  
河西北五百餘里俱爲各旗屯田折而南千餘里流出  
布魯特界勃達嶺今日八達坂一曰穆素爾達巴罕譯

言冰嶺也三藏西域記云凌山葱嶺北原也嶺南北長  
百里東西數十里純冰結成人行其間險滑萬狀中有  
雪海惟羊腸一縱通人行路若遇風雪迷失道鮮能脫  
者山有神獸非狼非狐躡其踪而進乃無差繆又有一  
鷹如鵬色青白迷路者但尋其鳴聲方向前行卽得出  
路矣岔口鳥卽產於此處唐之俱毗羅城卽今之賽刺  
木城阿悉言城卽今之拜城據史德城一名握瑟德城  
卽今之永寧城自此渡塔勒迦河踰巴勒渾大山至特  
木勒圖海子南岸此海岸沙可以熬鐵特木勒華言鐵

圖華言有也亦產大魚長八九尺又有魚骨軟而口在  
頤下莫能識者海子三垂平陸豈卽干泉耶又沿岸東  
行三百里爲善塔斯嶺葱嶺之分支上多野葱其西北  
卽吹河亦曰垂河所謂碎葉水也元明事類記要稱大  
雲寺尋碑記耶律文正撰尙有題名記鑄金山石壁其  
地爲唐碎葉城四鎮之一零韃遺燬彷彿可見有鐵鐘  
一爲景雲年中所鑄亦大雲寺舊物有四十八橋亦鎮  
城古蹟也云云考阿勒坦鄂拉卽金山在今伊犁惠遠  
城西北四百里徐氏謂四十八橋在果子溝者非是果

子溝今城東百里卽塔爾奇山大軍定伊犁時由博羅山越嶺而入峻險如關路通一綫惟容一騎行爲果子溝林木茂密境極幽異特非長春湛如倡和鶻詠地耳考伊犁山川在祀典山則曰格登山卽侍衛阿玉錫等以二十二人破達瓦齊萬人降其騎六千五百處上有御製格登山紀功銘勒石山顛在城西南百里一曰厄陵哈畢爾罕山乾隆二十二年兆惠等再定伊犁由此進兵山在城東北四百里一曰洪郭勒鄂拉又北洪郭勒淖爾華語鈴澤也城東北三十里一曰阿勒坦鄂拉

華語金山也在城西北四百里一曰塔勒奇山大軍定  
伊犁由此越嶺而入一曰阿布勒刺山將軍班第參贊  
鄂容安徇節有廟在山之東距城東二百十里大川一  
曰伊犁河曰阿里嗎圖河曰喀什河曰空格斯河曰撒  
瑪勒河曰車集河曰奎屯河曰賽刺木淖爾卽入池城  
東北二百里曰察罕烏蘇曰霍爾果斯河一在城西北  
八十里一在  
城西北百  
二十里 又有不在祀典之特木勒克河格根河哈勒  
奇刺河察陵河皆在西南卡倫之外爲碎葉之上游焉

至是西域諸國王俱授額利發名號

按額利發爲突厥官號之貴者

并遣吐屯一人監統之督其征賦唐興屢次入貢

武德

初貢條支巨卵貞觀初獻

萬釘寶鈿金帶馬五千匹後爲從父莫賀咄所弑其

子肆葉護立爲下所攻走死康居國人迎立大度可

汗貞觀十一年弟唃利失代立分國爲十部部授一

箭以左廂五咄陸部置五啜居碎葉水東右廂五弩

失畢部置五俟斤

啜與俟斤突厥官之尊者

居碎葉水西通稱十

姓

十姓者一曰處木昆二曰胡祿屋三曰攝舍提四曰突騎施五曰鼠尼施謂之五咄陸一曰阿悉結

二曰哥舒三曰拔幹瞰四曰阿舒虛五曰阿悉結孰泥謂之五弩失畢姓之下或綴以官或以名其例不

一其處月處密拔失密車簿卽車鼻咽

麴葛邏祿等部俱不在十姓之內也 旣而西部又



立欲谷設爲大可汗中分其地伊列以西屬欲谷以

東屬唃唹利失十三年其下亂作唃唹利失奔鏐汗那死

鏐汗那元魏之破洛那居西鞞西城在真珠河北有

大城六小城百顯慶初以爲休循州漢書休循國王

治烏飛谷在葱嶺南大宛東南水經注河水西逕休

循國葱嶺之西水皆西流是休循在葱嶺外也大唐

西域記葱嶺者據南瞻部洲中南接大雪山北至熱

池干泉西至活國東至烏繳郭義恭廣志曰休循國

居葱嶺其山多大葱鏐汗那開元中助乎吐火

仙改其國爲寧遠當今西布魯特游牧地也 右部

立其子庭於雖合水北謂之南廷雖合水今之瑪納

斯河在綏來縣城西三百二十里先是高昌與西突

厥相結約有急相助故唃唹利失遣其葉護屯兵可汗

浮屠城

浮屠城卽漢車師後王廷之務塗谷訛爲浮屠

爲麴文泰聲援至是

侯君集滅高昌可汗懼而西走葉護以城降唐詔以

爲庭州卽北庭都護府并置屬縣今阜康縣境卽其

故地後欲谷浸強使石國吐屯擊之禽以歸殺而并

其地又滅吐火羅留子爲王鎮之寇伊州又以處月

處密兵圍天山軍安西都護西州刺史郭孝恪將兵

自烏骨邀擊敗之解天山圍乘勝進拔處月俟斤所

居城

後以其地置金滿州抄陀州復於金娑嶺置金嶺城元和郡縣志西州北至金娑嶺至北庭都

護五百里爲今土魯番廳至烏魯木齊要道雍正八年準夷襲庫舍爾嶺九年圍魯克沁四旬不下復以

本梯三百攻哈喇和卓十一年修巴里坤盤道數十折衛以闌橋又修托克遜土城及根忒克運道至哈刺巴勒孫共長二百八

十里軍民莫不便之

追奔至過索山降處密之衆

而歸按退索山據謝氏云卽靈山也欲谷擊康居道過米國襲破之

唐西域志米國康居之分國亦名彌末距康國北百里顯慶中以其國爲南謚州所謂康居九姓皆以昭

武爲

虜獲甚多不以分其將孰泥啜奪取之斬以徇

衆怒爲胡祿屋部所攻狼狽不敢歸將赴吐火羅未

至左右盡亡去乃入可賀敦城因復取白水城以居

在石國東北

於是西部訴於唐立莫賀咄子爲乙毗

二百五十里射匱可汗先是欲谷時以阿史那賀魯爲葉護居多

羅斯川直西州北千五百里統處月處密多邏祿哥

娑失畢五部之衆爲乙毗所迫帥所部數千帳內屬

詔處之庭州莫賀城

在庭州西延城西六十里其二後滅賀魯爲沙鉢羅守捉

十三年置瑤池都督府隸安西以賀魯爲之招集離

散部衆漸盛會太宗崩乘喪謀取西庭二州庭州刺

史駱宏義以聞遣使撫之因遣子啞運入宿衛尋遣

歸說其父擁衆西走擊破乙毗之衆併其地自號沙

鉢羅可汗建牙邪羅斯川

邪羅斯川在雙河西二百里卽千泉也與多羅斯川

東西相距二千餘里諸家多譌爲一地也

十姓及處月處密諸部與西域

諸國皆歸之乃以其子爲葉護是時其地東至突厥  
西雷熒海南疏勒北瀚海

按水經注葱嶺之上河源潛發其嶺分爲二水一水西  
逕休循國南又逕難兜國北又西逕罽賓國北又西逕  
月氏國南又西逕安息國南與蠃羅跋禰同注雷熒海  
董氏謂葱嶺以西水不爲中國河廊注因葱嶺之源連  
類及之也今葱嶺之水西流者盤曲山中其西北入達  
里岡阿鄂謨者川流較近與安息入海之文不合惟考  
巴達克山部落南有水出雅布塔爾西流東南合額爾

古一源又西流東南合達里木一源皆出西南葱嶺中  
三水合而西流逕科克倫回部南又西逕瞻伊斯巴余  
回城南又西逕哈扎勒巴什紅帽回部南南合一水西  
北流又南合一大水又西北逕布哈爾部落西南又北  
流入騰吉斯鄂謨是卽雷鵞海其海周圍數千里蓋其  
時安息諸國服屬於西突厥故其西境至此也又按漢  
書西域傳捐毒西上葱嶺卽休循難兜西至無雷北與  
休循西與大月氏接屬賓東北至難兜西北與大月氏  
接大月氏西至安息南與屬賓接安息北與康居接更

以鄜注推之之則今之巴達克山依循爲其北境難尅  
爲其南境痕都斯坦北境爲屬賓科克倫諸部落爲大  
月氏布哈爾諸部落爲安息也西域傳大月氏都媯水  
北安息亦臨媯水其卽葱嶺西流之水歟惟魄羅跋諦  
水無可考證耳

永徽元年入寇庭州攻陷金嶺城

在今巴刺勒噶順臺東五十里

蒲

類縣

元和郡縣志南至州十八里當今鞏寧城東九十里

殺掠數千人二年詔

以梁建方契苾何力爲弓月道

弓月城瀕伊麗河在今庫爾喀刺烏蘇西

行軍總管發秦成岐雍府兵三萬人回紇五萬騎討

之駱宏義上言兵本討賀魯而處月處密等亦各欲  
自免請寬處月處密等罪發其騎及乙昆之兵賈  
一月食急趣之大軍往泐落河上爲之景助此以夷  
狄攻豺狼也天子然其奏佐建方經畧之按馮洛河  
在鞏寧城西二百里唐  
爲馮洛鎮隸庭州都護

冬處月朱耶孤注殺使臣與賀魯相結據牢山按謝氏戎

幕隨筆祁連山漢曰白山亦曰天山今之博克達山  
及庫舍圖嶺皆是也其橫亘南北巴里坤烏魯木齊  
在山陰哈密土魯番在山陽土魯番之靈山其南幹  
也亦名土番山唐書突厥謂髮爲葛索土番卽葛索  
之轉亦曰過郭考恪邀擊突厥於烏骨追奔至過  
索山烏骨卽烏克克嶺在今小南路漢之五轍道也  
過索山卽土番山亦名靈山山石色黑有紋如毛髮  
遠望分明秋輒語髮爲土番亦稱羌髮氏之爲吐蕃  
也貪汗山北有石城山亦曰赤石山又曰牢山爲今  
烏魯木齊之紅山唐書地理志亦曰瞻瀛卽浮屠務



塗之譌按牢山與唐志堅昆部落  
之牢山劔水名同地異顧氏說誤

按新舊五代史皆以沙陀爲同羅僕骨人其始祖爲拔  
野古貞觀中破突厥分同羅僕骨於北庭之磧置沙陀  
府以拔野古爲都督子孫相傳數世故其後因號沙陀  
云然考之北史及隋唐諸傳其說皆非也夷狄無姓氏  
同羅僕骨拔野古者鐵勒諸部族之三部落也以鐵勒  
爲突厥其譌一以拔野古爲人名其譌二唐以處月地  
爲金滿州以處月世居金娑山取漢書北通後部金滿  
城以爲州名其後子孫或自稱金山沙陀今以金滿爲

沙陀其譌三唐平薛延陀鐵勒諸部內附以同羅爲龜  
林僕骨爲金微拔野古爲幽陵以其酋長爲都督此貞

觀二十年事今以爲破突厥其譌四也

唐考之鐵勒及  
唐魏紇傳云回

紇之先匈奴高車部也或曰敷勒訛爲鐵勒其部曰袁  
紇卽回紇曰薛延陀曰契苾羽曰都播曰骨利幹曰多  
覽葛曰僕骨卽僕固曰同羅曰渾曰思結曰斛薛曰奚  
結曰阿跌曰白霽凡十五種尚有結骨俱羅勃契敝卽  
拔悉蜜三索咽菴卽咽面鞠亦曰滅諸部十五部本屬  
薛延陀貞觀二十年旣平延陀太宗幸靈州遣使招諭  
諸部皆喜車駕至涇陽十一姓各遣使人貢稱薛延陀  
不事大國不能與奴等爲主自取敗死奴等各有所地  
不從延陀去歸命天子願賜矜憐乞置官司養育奴等  
上大喜詔宴其使賜酋長璽書九月上自涇州至靈州  
諸部相繼詣靈州者數千人咸云願得天至尊爲奴等  
天可汗子孫孫常爲天至尊奴死無所恨上爲詩序

其事曰雪恥酬百王除凶報千古勒石靈州十二月廻  
紇俟利發吐迷度僕骨俟利發哥濫拔延拔野古俟利  
發屈利失同羅俟利發時健啜多濫葛俟斤末思結箇  
長鳥碎及渾斛薛奚結阿跌契苾白濬皆來朝賜宴於  
芳蘭殿二十一年春正月詔以迴紇部爲瀚海府僕骨  
爲金微府多濫葛爲燕然府拔野古爲幽陵府同羅爲  
龜林府思結爲廬山府渾爲臯蘭州斛薛爲高關州奚  
結爲雞鹿州阿跌爲雞田州契苾爲榆溪州思結別部  
爲蹄林州白濬爲寘顏州各以其酋爲都督刺史各賜  
金銀繒帛錦袍敕勒大喜捧戴歡呼拜舞宛轉塵中及  
還宴設十部樂而遣之諸酋奏稱臣等旣爲唐民往來  
天至尊所如詣父母請於迴紇以南突厥以北開一道  
謂之參天可汗道置六十八驛各有馬及酒肉以供過  
使歲供貂皮以充租賦仍請能屬文一人使爲表疏於  
是北荒悉平其後諸部之官於朝而以功名顯如僕固  
懷恩李光顏輩光顏本阿跌部人賜姓李氏而渾氏父  
子尤忠於唐至天寶初迴紇裴羅始滅突厥而居其故  
地建牙於烏德健山今之杭愛山也自至德以後中國

多故廻紇破有拔悉密葛邏祿二部每戰二客部常爲  
先鋒拓地愈廣東極室韋西距金山南控大漠盡得古  
匈奴地遂與吐蕃相抗肅宗借其兵以收兩京元和初  
入朝始以寧尼至京師摩尼者可汗與其國者也其法  
曰晏食水飲茹葷屏淫醮是卽回教之祖也今之天主  
教唐謂景教從波斯國及吐火羅國來蓋二教皆自唐  
之中葉始入中國當時旣立大秦寺復立摩尼寺時廻  
紇請改國名曰回鶻自元和至武宗朝不數十年竟爲  
黠戛斯所滅其國人至收摩尼書像焚之於道異端之  
害人國夷狄且然况中國乎然其教卒不能去蔓延中  
土迄於今千有餘年以黠德那爲祖國僞造天方古史  
以實之而不知自晉以後史書所載至爲明晰又可証  
乎

永徽三年春建方等大破孤注於牢山禽斬之斬級  
九千時欲谷死於吐火羅其子自號眞珠葉護與失

畢部擊賀魯破之五年以程知節爲葱山道行軍大

摠管討賀魯八月與哥邏祿處月二部戰破之榆幕

谷

在金嶺城東  
今阜康縣境

副摠管周智度攻突騎施處木昆於

咽城

未詳  
其地

斬首三萬級十二月知節引軍至鷹凌川

在今烏  
什境中

遇賊二萬騎別部鼠尼施以二萬騎繼至前

軍蘇定方帥五百騎馳擊之賊大潰追奔二十里殺

獲千五百人獲馬器械無算副摠管王文度害其功

矯稱別得旨委其節制收軍不許深入士卒跨馬被

甲結陣終日不勝疲頓馬多死定方請囚文度飛表

以聞知節不從至怛篤城

當在今疎勒境

有羣胡歸附者文

度盡殺之分其資財獨定方不取師旋文度以矯詔

坐死知節減死免官顯慶元年以葛邏祿部分置玄

池陰山大漠三都督府

葛邏祿本突厥諸族在北庭西北金山之西跨僕固振水

包多怛嶺與車鼻部接有三族唐以爲陰山大漠元池三都督府後又分大漠置金附州後稍南徙號三

姓葉護庭州以西諸戎畏之處烏德犍山者臣於回紇在金山北庭者徙居十姓故地盡有碎葉城怛羅

斯城遂與

回紇爭強

考葛邏祿卽哥邏祿唐會要踰金娑嶺卽其地北與車鼻接車鼻亦曰車簿突厥之族代爲小可汗牙於金山

北千里蓋卽今撻拉巴哈台也唐會要稱其西有哥邏祿北有點戛斯是也永徽初置狼山都督府於營督軍山卽今阿爾泰山以統其衆狼山取狼居胥語也考哥邏祿之玄池府在綏靖城大漠卽接沙陀部金附州今勝金口也陰山在輪臺縣東今阜康縣西境見元邱長春西遊記西突厥傳稱哥邏祿部之在烏德健山者臣於回紇回紇建牙卽在烏德健山卽今喀爾喀旂內之杭愛山蒙古語馬鞍爲杭愛山形似之也元爲乃蠻王庭太祖滅乃蠻徙都之卽和林也距阿爾泰山千餘里爲歷來漠北諸部建牙

之所也

二年以蘇定方爲伊麗道行軍總管帥燕然都護任

雅相副蕭嗣業瀚海都督回紇婆闐等討賀魯以阿

史那彌射與步眞爲安撫大使分出金山道

此指金娑嶺而

言定方以精騎至曳咥河賀魯與其婿胡祿屋闕啜

等二萬餘騎來拒定方令步卒據原攢稍外注自以

騎陣於北虜三犯原上軍不動定方縱騎乘之虜大

潰俘斬萬餘殺大會二百餘人賀魯輕騎奔竄渡伊

麗河溺死無算定方命嗣業婆闐趣斜羅斯川自與



大軍踵後會大雪二丈餘軍中請須霽定方曰今零  
晦風烈虜謂我不能進必休息士馬亟追可及省日  
兼功上策也遂晝夜踰雪行收所過士馬至雙河與  
彌射步眞合時彌射已被其據柵軍降處月諸部軍  
飽氣張距虜牙二百里布陣而行徑至其牙帳賀魯  
與其徒將獵掩擊之俘數萬獲器械鼓纛賀魯跳免  
定方追至碎葉水盡奪其衆賀魯與子唃運將奔鼠  
裘設至石國之蘇咄城齎寶入城且市馬城主伊溫  
達干詐將酒食出迎遂拘而執之會嗣業兵至以賀

魯還西域遂平

石國一名柘枝又曰赭時漢故康居小王竊匿城地東北與西突厥接西

南行五百里至康國有葉殺水出石西南流入中國

謂之真珠河亦曰質河按唐志赤山城西三十里渡

真珠河赤山今之鹽山去阿克蘇城六百里又石國

傳云石東南千里有障捍者山四環之西千里距堵

刺瑟那東臨素葉水水出葱嶺北原色濁西北流入

大磧無水草五百餘里卽康也又龜茲傳云姑墨城

西三百里度石磧至凌山葱嶺北原也素葉水卽細

葉川卽碎葉城北水亦曰碎葉川以此推碎葉川水

源於今之冰嶺今烏什之胡什奇河亦出冰嶺但東

流又阿克蘇之渾巴什河在城西五十里源出冰嶺

又踰嶺南行八十里至塔木台河流浩瀚皆冰山湧

出之水然皆東流入羅布淖爾惟葱嶺西界之水盤

曲嶺中滙爲圖斯庫爾者當卽所謂碎葉水也真珠

河當卽水經之姑墨川水經云姑墨川水導姑墨西

北歷赤沙山東南流是也蓋石之南北長千里有餘  
今其南境在布魯特游牧界北境入於哈薩克也大

唐西域記云：赫時國周千餘里，西臨葉河，東○按：柘提西、陝、南北，長在漢時當爲康居、極北境焉。卽簽罕

詔以彌射爲昆陵都護，押五咄陸步眞爲濠池都護。

押五弩失畢仍據部落，降者準其大小授官，分授五

咄陸爲都督，隸北庭都護府。攷通典及唐會要諸府州部但有分地無州縣

戶口隨地畜牧，今以諸書考之，所謂嗛鹿乃、盟昆之

訖，其分地在今伊犁東北，接塔拉巴哈台之沁達關

山，訖延都督府在今庫爾喀喇烏蘇之西，西北接雙

河都督，西南接絮山都督，其正南至烏什之地爲鷹

凌都督，鹽泊都督府當今精河城西北，其地有鹽海

與鹽泊州接，尚有陰山大漠輪臺、金滿、鹽祿五都督

焉。四年，彌射斬眞珠葉護於雙河，時鐵勒思結部叛，疎

勒朱俱波渴盤陁三國同反攻於闐破之蘇定方討

之軍業葉水

今喀什沙拉之著勒土斯河至納刺特嶺河也

思結保馬頭川

卽著勒土斯川

定方以精騎三千馳一日夜及之思結戰敗

懼而降龍朔二年發昆陵濠池二部兵討龜茲摠管

蘇海政殺彌射

步眞素怨彌射誣其謀反海政不能察矯稱敕以帛賜彌射及諸酋長至

則悉收斬之

其部下鼠尼施拔塞幹兩部畔走追討平之

軍還至踈勒南弓月部引吐蕃兵至海政不敢戰以

軍資賂吐蕃得還

按胡氏云自弓月城過思渾川度伊列河方至碎葉界方與記要云

在焉耆西北又引唐書地理志在庭州西千里踰車嶺至弓月城又撥換城卽姑墨城也南臨思渾河乃

西北渡撥換河中河距思渾河百二十里至小石城  
又二十里至於闐境之胡盧河又六十里至大石城  
卽溫肅州又云自撥換西南渡思渾河一百八十里  
和平舖也又經達蘇城百二十里至謁者館又六十  
里至據史德城龜茲境也一日蔚頭州在赤河北岸  
孤石山蔚頭城漢尉頭國也漢書西域傳尉頭國王  
治尉頭谷卽白山之谷南與踈勒接山道不通西至  
捐券千三百一十四里徑道馬行二日徑道者山徑  
之道也今自烏什至喀什噶爾驛程二千二百二十  
里而沿烏蘭烏蘇徑路凡六百餘里殆卽徑道也唐  
志渡赤河經岐山三百四十里至葭蘆館又經達漫  
城百四十里至踈勒赤河當卽烏蘭烏蘇又漢書西  
域傳溫宿東通姑墨二百七十里姑墨南至闐馬  
行十五口今阿克蘇城距烏什城與漢書溫宿西至  
尉頭三百里里數畧同自滴水厓經阿忸巴特臺折  
而西南行至阿克蘇城南有道通和闐此卽馬行十  
五日之道思渾河當卽今之木拉特河弓月城當漸  
木拉特河或以謂瀕伊犁河者非是范氏云在焉者

西北及在庭州西千里者特以梁建方等討賀魯爲  
弓月道行軍摠管故有此臆揣觀弓月部屬攻於闐  
及疎勒與吐蕃相結可知。又按徐氏謂弓月城在  
其地在今阿克蘇東北也。喀刺烏蘇西首亦非。

自彌射被害諸部離心弓月乃思結咸叛定方旣平  
思結惟弓月頻攻於闐麟德元年詔西州與安西共  
擊弓月以救於闐時步眞亦死十姓無主阿史那都  
支與李遮旬者以其餘衆附吐蕃邊患愈棘咸亨元  
年夏吐蕃連陷西域十八州襲龜茲撥換城以兵戍  
之朝議罷四鎮以都支爲延旬都督以安集五咄陸  
之衆旣而弓月南結吐蕃北招咽麤攻降疎勒乃詔

蕭嗣業徵兵討之大軍未至弓月懼與疎勒同入朝

上赦其罪遣歸上元初都支與吐蕃連和侵逼安西

上以問廷臣尙書裴行儉請以便宜取之乃命行儉

往執都支與遮旬以歸以王方翼檢校安西都護討

平車鼻及咽麴諸部唐書西突厥傳及裴儉王方翼傳云朝議將討都支行儉曰吐

蕃爲寇豈可復事西方今波斯王卒共子方爲質於

我宜遣送歸國道過二虜以便宜取之可不血刃禽

也從之以行儉爲冊立波斯王兼安撫大食使以肅

州刺史王方翼爲副仍令檢校安西都護初行儉嘗

爲西州刺史及奉使過州悉召其豪傑子弟千餘人

自隨且揚言天時方熱須涼乃西上都支規知不爲

備行儉徐召四鎮諸胡酋長謂曰昔在西州縱獵甚

樂今欲尋舊賞誰當從者諸胡爭請從行得萬人賜

爲政獵校勒部伍數日遂倍道西進去都支牙十餘里先遣都支所親問其安否外示閑服似非討襲績使促召相見都支先與遮爾約以秋中拒唐猝聞軍至計無所出帥其子弟上謁遂禽之傳其契箭悉召諸部酋長執送碎葉城簡其精騎追掩遮爾并禽以歸因留方翼重築碎葉城立四面爲十二門皆屈曲作隱伏出沒之狀五旬而畢羣胡競來觀之因獻方物至是車簿率十姓反圍弓月城方翼引軍救之破虜衆於伊麗水斬首千餘級俄而三姓咽剋與車簿合兵來拒戰於熱海流矢貫方翼臂以佩刀截之左右不及知時所將胡兵謀執方翼以應車簿方翼知之悉召其酋長會議佯出軍資賜之以次引出斬之會大風又振金鼓以亂其聲誅七十餘人其徒莫之覺旣而分遣裨將襲擊車簿咽剋大破之禽其酋長三百人西

域遂定

按弓月城介在疎勒於闐之間控帶二鎮與撥換皆爲



西域要害通典安西都護距白山十姓突厥三百里時方翼自碎葉鎮城引兵救弓月史稱其初次葛水時暴漲沉玉以禱師涉而渡無一失陷者七月至葉河無舟而冰一夕合時以爲神葛水今無考按伊麗橫亘東西銅鉛二厥南抵厄魯特上三旗界皆河之上流秋夏水漲率不可渡故鄂卜圖特木里克雅巴鄂爾三處卡倫皆夏秋水漲卽撤葛河疑亦在此自此而西南渡河又西南渡碎葉川而至熱海通典稱碎葉川東頭有熱海是也今考寰宇記云從撥換西北二百里至大石城阿

克蘇又西北經拔達嶺即今水嶺傍熱海西按今此路不設又

西北至碎葉城約一千四百里又從撥換正南渡思渾河始至弓月城疑弓月城在今拜之西北白山下即唐之車嶺也紀要譌以爲瀕伊麗河也咽麵爲鐵勒三姓非突厥種其部在德疑海亦曰極疑海蓋以蔥嶺得名其水從葱嶺流出匯於海子今伊西洱庫爾淖爾疑卽是也車簿亦稱車鼻突騎施之別種卽黑姓突厥也其部在雪海東北二部皆與踈勒鎮城接界者也

西突厥十姓自垂拱以後爲北突厥侵掠散亡畧盡

武后以彌射子元慶爲昆陵都護步眞子斛瑟羅爲  
濛池都護使撫存十姓旣而元慶爲酷吏所陷死惟  
斛瑟羅收碎葉以西餘部六七萬衆徙居內地會西  
州都督唐休璟請復四鎮乃以王孝傑爲武威道行  
軍總管將兵擊吐蕃長壽元年冬十月孝傑大破吐  
蕃復取四鎮唐書王孝傑傳孝傑初從劉審禮沒蕃  
贊普見而泣曰貌類吾父厚禮之得歸  
人在吐蕃知其虛實至詔仍置安西都護府於龜茲  
是遂破吐蕃而取四鎮  
發兵戍之延載元年孝傑破吐蕃勃論贊刃西突厥  
可汗倭子等於冷泉又敗之大嶺谷

冷泉及大嶺谷  
皆在今西寧府

斬獲三萬餘人碎葉鎮守大使韓思忠又破西突

厥泥孰俟斤等萬餘人萬歲通天元年吐蕃遣使請

和親太后遣胄曹參軍郭元振往察其宜

時唐兵新敗於素羅

汗山吐蕃將論欽陵請罷安西四鎮戍兵求分十姓突厥之地元振使還上言四鎮十姓吐蕃之所欲而青海吐谷渾亦我之要地也今宜報之曰四鎮十姓本無用於中國遣兵戍之欲以鎮撫西域分吐蕃之勢使不得并力東侵也今若無東侵之志當歸我吐谷渾諸部及青海之地則五俟斤部亦當以歸吐蕃此則足以塞欽陵之口而亦未與之絕也且四鎮十姓款附日久割而棄之非所以御四夷也

聖曆

二年突騎施烏質勒遣子入見遣侍御史解琬安撫

烏質勒及十姓部落久視元年以斛瑟羅爲平西軍

大摠管鎮碎葉時阿悉結簿露叛詔田揚名與封思

業討之揚名引斛瑟羅之衆攻其城不克九月簿露

詐降誘而斬之

按阿悉結爲五弩失畢之一簿露其名也

突騎施酋長烏

質勒本隸斛瑟羅善撫其下諸部歸之斛瑟羅不能

制乃徙餘部內附既入朝烏質勒悉并其地徙其帳

於碎葉城中宗初郭元振爲安西大都護詣烏質勒

牙帳議軍事天大風雪元振立帳前與語久之雪深

元振不移足烏質勒年老不勝寒會罷而卒其子娑

葛將攻之元振入哭甚哀遂待元振如初景龍元年

春以娑葛襲嗚鹿都督懷德王

通鑑初娑葛既代烏質勒統衆父時故將

闕啜忠節不服相攻擊忠節不能支金山道行軍摠管郭元振奏追忠節入朝行至播仙鎮經畧使周以梯說之令發安西兵及引吐蕃以擊娑葛求阿史那獻爲可汗以招十姓使郭虔瓘發拔汗那兵以自助厚賂宰相宗楚客請留不行忠節然其言遣間使賂宰相如周以梯策元振聞其謀上疏以爲吐蕃求十姓四鎮之地而未獲今忠節直欲爲吐蕃鄉導恐四鎮之禍自此始使吐蕃得志忠節在其掌握若破娑葛有功請分於闐疏勒不知以何理抑之又其所部諸蠻及婆羅門等方不服若借唐兵助討又不知以何詞拒之又阿史那獻父元慶叔父僕羅兄俊子及斛瑟羅懷道等皆可汗子孫也往者唐及吐蕃徧曾立之以爲可汗欲以招撫十姓皆不能致雖可汗舊種終不親附况又疏遠於其父兄乎若使忠節兵力自能誘脅十姓則不必求立可汗子孫也楚客不從遣馮嘉賓持節安撫忠節呂守素處置四鎮以將軍

牛師獎爲安西副都護兼徵吐蕃以討娑葛娑葛遣使獻馬在京師聞共謀馳還報娑葛於是娑葛發五千騎出安西五千騎出撥換五千騎出焉耆五千騎出疎勒入寇元振在疎勒柵於河口不敢出忠節逆嘉賓於計舒河口娑葛遣兵襲之生擒忠節殺嘉賓禽呂守素於僻城縛於驛柱丹而殺之牛師獎與突騎施娑葛戰於火燒城兵敗沒遂陷安西斷四鎮路上表求宗楚客頭楚客奏以周以悌代郭元振統衆徵元振入朝以阿史那獻爲十姓可汗置軍於焉耆以討娑葛娑葛遣元振書稱我與唐初無惡但讐關啜宗尚書受金枉破奴部落馮中丞牛都護相繼而來奴豈得坐而待死又聞史獻欲來徒擾軍州恐未有寧日乞大使商量處置元振奏娑葛書楚客怒奏言元振有異圖召將罪之元振使其子鴻道具奏其狀乞留定西土周以悌竟坐流白州復以元振代以悌赦娑葛罪冊爲十四姓可汗

考一統志火燒城在莊浪衛南岔口堡北十六里又按

秦邊紀畧及西寧圖說俱云火燒城在岔口北鎮羌堡東切近曹家鋪爲黑番朵卜藏族住牧地記畧稱其地爲莊浪控扼諸番之地有守備駐城番之羊馬犏牛騾牛充斥道路設塘兵十二名馬十二匹較故明時裁十之二耳攷其地北通準噶爾與大通河相距甚近渡河卽青海諸部遊牧不能域以封疆之限也今攷之名臣奏疏元振疏稱牛師獎以甘涼兵閒道趣鄯州吐蕃兵未至師獎已全軍覆沒是兵未嘗至安西史稱婆葛已陷安西以兵斷四鎮道數道入寇是師獎未至西寧卽



遇婆葛兵而敗績也顧氏方輿紀要臆揣之而云火燒城在龜茲城西北大謬又唐書地理志渡且末河五百里至播仙鎮故且末國城也又云自焉耆西五十里過鐵門關又西二百七十里至龍泉守捉又六十里至東夷僻守捉又七十里至西夷僻守捉是卽所謂僻城也記要謂播仙城在龜茲北亦誤又謂城與計舒河俱在龜茲界者俱謬

景雲二年以阿史那獻爲十姓安撫使先天元年冬沙陀金山遣使入貢沙陀卽處月姓朱邪氏

按朱邪孤注從

賀魯戰於牢山爲契苾何力所斬自永徽二年至此始再見其後至元和中有朱邪盡忠與子執宜見於中國始以朱邪爲姓至孫又賜姓李氏

開元二年二月默啜兵圍北庭

城都護郭虔瓘擊破之殺默啜子同俄特勒三月西突厥十姓酋長都擔叛據碎葉鎮磧西節度使阿史

那獻擒斬都擔克其城降其部落二萬餘帳突厥十

姓胡祿屋等諸部詣北庭降遣散騎常侍解琬詣北

庭宣慰降者隨便宜區處

是歲突騎施可汗娑葛之弟遮弩恨所分部落少叛

入默啜請爲鄉導以伐之默啜擊敗娑葛虜之而還謂遮弩曰汝畔其兄何有於我遂并殺之時默啜屢破葛邏祿胡祿屋鼠尼施等三姓救北庭都護湯嘉惠與葛邏祿胡祿屋等相應安西都護呂休璟與鼠

尼施等相應與十姓大首領及定邊道大總管史獻互相救援高麗莫支離文簡默啜之婿也與跌跌都督思秦等亦自突厥帥衆來降九姓思結都督磨散等來降詔悉除官遣還以郭虔瓘爲

安西大都護兼四鎮經畧大使

虔瓘請募關中兵萬人詣安西討擊皆給

遞馱及熟食將作大匠韋湊疏諫不從先是御史張時姚崇亦以瓘策爲不然旣而卒無功

孝崧奉使還陳磧西利害請往察其形勢上許之拔

汗那者古烏孫也內附歲久吐蕃與大食共立阿了

達爲王發兵攻之拔汗那王兵敗奔安西求救孝崧

謂都護呂休璟曰不救則無以號令西域遂帥旁側

戎落兵萬餘人出龜茲西數千里下數百城長驅而

進攻阿了達於連城躬擐甲冑督士卒急攻自己至  
酉屠其三城俘斬千餘級阿了達與數騎逃入山谷  
孝松傳檄諸國威振西域大食康居大宛罽賓等八  
國皆遣使請降時娑葛已死其將蘓祿善綏撫十姓  
歸之有衆二十萬自立爲會長遣使入見以爲金方  
道經畧大使四年夏拔曳固斬默啜首來獻時大武  
軍子將郝靈荃奉使在突厥以其首歸之默啜北擊拔曳固大  
破之於獨樂水持勝輕歸不爲備遇拔曳固迸卒頡  
頞畧自柳林突出斬之以其首與郝靈佺與偕詣關  
懸其首於藁街拔曳固同紇同羅嚮僕固五部皆來  
降置於大武軍北默啜死國人立骨咄祿之子右賢

王默棘運是爲毗伽可汗國人謂之小殺也默啜自  
則天世爲中國想傾天下之力不能克靈荃得其首  
自謂不世功宋璟爲相逾年始授郎將靈荃慟哭而  
死按默啜之死乃拔曳固之力靈荃因人以爲功酬  
以郎將賞過其實唐史以璟抑其功賞殊不然也時  
鐵勒九姓降戶多處河曲并州長史王駿上言謂此  
屬徒以國喪亂歸我若彼安寧必復叛去今置之河  
曲往往不受軍州約束與兵剽畧與北虜聲問往來  
乃是畜養此屬使爲閒謀虜騎南牧必爲內應宜徒  
之內地及聞小殺立果畔命朔方大總管薛訥發兵  
追討王駿引并州兵西濟河追擊大破之於黑山呼  
延谷先是降戶之叛單于副都護張知運不設備與  
之戰於青剛嶺爲所禽至是虜敗  
釋之而去上以其喪師斬以徇  
時突騎施蘇祿部

衆浸彊陰有窺邊之志五年五月安西副大都護湯  
嘉惠奏蘇祿引大食吐蕃謀取四鎮圍撥換及大石

城已發三姓葛邏祿與阿史那獻擊之

七年春俱密王那羅延康王烏勒伽安王篤薩波提皆上表言爲大食所侵掠乞兵救援八年夏遣使賜

烏長王骨咄王俱位王冊命三國皆在大食之西大

食欲誘之叛唐三國不從故褒之

按烏長卽烏菴卽北天竺又曰烏茶

骨咄在鑊沙之東或曰阿咄羅俱位亦曰商彌在大雪山勃律河北地寒冬窟室三國皆近唐不在大食西此冬突厥寇甘涼敗河西節度楊敬述掠契苾部

誤

落而去

先是王峻奏請西發拔悉密東發奚契丹期以秋掩毗伽牙帳於稽落水上毗伽聞之懼

敵欲谷曰拔悉密在北庭與奚契丹相去絕遠勢不相及惟拔悉密輕而好利得王峻約必先至峻與張

嘉貞不相悅奏請多不相應必不敢出兵峻兵不出  
拔悉密獨至逼突厥牙帳不見朔方兵懼而引退毗  
伽欲擊之噉欲谷曰此屬去家千里將死戰未可擊  
也不如以兵躡之去北庭二百里分兵間道先圍北  
庭因縱擊大破之拔悉密趨北庭不得入遂爲突厥  
所虜噉欲谷引兵還出赤亭掠涼州羊馬楊敬述出  
兵邀之大敗毘伽由是十年吐蕃圍小勃律王沒謹  
大振盡有默啜之衆

忙求救於北庭節度使張孝崧曰勃律唐之西門勃  
律亡則西域皆爲吐蕃矣孝崧乃遣疏勒副使張思  
禮將蕃漢步騎四千救之晝夜倍道與勃律兵合擊  
吐蕃大破之斬獲數萬復其九城

唐書大勃律亦曰布露直吐蕃西與小勃律接西隣北

天竺烏婁地役屬吐蕃小勃律其東少南三千里距吐蕃贊普牙西八百里屬烏婁東南三百里大勃律正南五百里个失密北五百里當護密之娑勒城王居孽多城城臨娑夷水其西山巔有大城曰伽羅布又烏婁傳

曰東距勃律六百里考高仙芝討小勃律自安西過撥

換城入握瑟德城

卽據史德城今之烏什城也

經疎勒登葱嶺涉播

密川共八百里頓特勒滿川

唐書五識匿東五百里距葱嶺守捉所南三百里屬

護密西北五百里抵俱密有大谷五酋長自爲治播密川四谷稍不用王號令俗皆窟室

分軍爲三

疎勒趙崇玘自北谷道

卽五谷之一也

撥換賈崇瓘自赤佛道



仙芝自護密道約會於吐蕃連雲堡

唐書護密北魏之鉢和橫千六百里

縱狹僅四五里城北臨烏澗河地當四鎮入吐火羅道故役屬吐蕃連雲堡本護密地吐蕃築堡戍之

攻破連雲堡又進三日至坦駒嶺下峻阪四十餘里行

四日前至阿弩越城城主迎降遂入小勃律都城

開元中吐

蕃奪小勃律九城阿弩越城亦其一也

按北魏宋雲西域取經記程稱八月下旬由渴盤陁行

至九月中旬入鉢和國十月初入歙達國十一月初入

波斯國稱其國境甚狹七日行過與唐書波斯傳不合

而道里遠近迥絕或波斯在北魏尚未併有安息諸國

時國甚貧小也唐書稱商彌地大二千里東北踰山七  
百里至波謎羅川東西千里南北百里春夏雨雪與宋  
雲稱波斯國有水昔日甚淺後山崩絕流變爲二池毒  
龍居之冬夏暴雨積雪行人艱難之言相脗合豈北魏  
之波斯卽唐之波謎羅川耶又云十一月中旬入賒彌  
國唐書稱賒彌卽商彌在大雪山勃律河北常助小勃  
律爲中國候又云劫國居葱嶺中西及南距賒彌西北  
猷達也又越底延卽縛底野西北千里至賒彌小勃律  
南爲个失密北當護密之婁勒城吐蕃常謂小勃律曰

我非謀忝國假道攻四鎮爾又考个失密一曰伽濕彌  
羅北距小勃律五百里大唐西域記謂之婆羅吸摩補  
羅絲地四千里山周其外土沃北大雪山卽東女也唐  
書云王治撥邏勿羅布邏城與西域記同開元初來朝  
且言有國以來並臣天可汗受調發國有象馬步三種  
兵臣身與中天竺王扼吐蕃五大道禁出入戰輒勝有  
如天可汗兵至勃律者雖衆二十萬能輸糧以助考開  
元中破平朱俱波渴盤陁置葱嶺守捉所爲安西極邊  
戍其西五百里卽五識匿由此而南三百里卽護密由

護密道吐火羅入商彌過河而南卽至小勃律高仙芝  
自疎勒入葱嶺宋雲自於闐入葱嶺故微有不同个失  
密今之克什米爾諸書以爲痕都斯坦者訛也按唐書  
皮山西境有凍凌山鑿冰乃可度今其山在克什米爾  
之東北境過此卽痕都斯坦疑皮山并入克什米爾唐  
書所云在於闐西南七百里疑尚有譌文也蓋護密當  
四鎮入吐火羅孔道而小勃律又爲吐蕃入護密孔道  
此吐蕃之所欲得四鎮十姓也得四鎮十姓則與吐谷  
渾及青海合東西南北惟所欲之故肅代以後其禍益

烈也按葉氏外譯存考渴槃陁距疏勒五百里今白喀什噶爾至入達克山六百里據此則渴槃陁似在今內地與八達克山分界也又大唐西域記出吐火羅境經尸棄尼商彌東北踰山越谷行七百里至波謎羅川東西千餘里南北百餘里狹隘之處不逾十里據兩雪山間故寒風淒勁春夏飛雪地僻多沙石播植不滋空荒無人跡川中有大龍池東西三百里南北五十里據大慈嶺內地最高西派一大流西至達摩鐵悉帝東界與縛芻河合而西流東派一大流東北至佉沙國界與徒多河合而東流故此已右水皆西流已左水皆東流池水色青黑味甘美自此東南行五百餘里至渴槃陁按大龍池今日哈刺淖爾華言黑海也魏氏以爲卽官軍追霍集占未至巴達克山沿海鏖戰之地是其地爲內外交界之地蓋本朝西界約畧與唐同也今考波謎羅川卽播當川

尸棄尼卽五識匿也

西域考古錄卷第十

海月堂  
禠著

海鹽俞浩  
湛持甫

伊犁惠遠城下  
哈薩克部落考

塔爾巴哈臺

綏靖城

十二年以杜暹爲安西副大都護  
磧西節度使

暹嘗因按

事至矣騎施饋之金受而埋之幕下出境移牒令取  
之虜大驚度磧追之不及及安西都護闕上知其清  
慎遂有是命先是史懷道女爲交河公主嫁突騎  
施可汗蘓祿公主遣牙官以馬千匹詣安西互市使  
者宣公主教暹怒曰阿史那女何敢宣教於我杖其  
使者留不遣馬經雪死盡蘇祿大怒發兵寇四鎮會

遲入朝趙願貞代爲都護嬰城自守人畜積儲爲所掠安西僅存聞遲入相始引退旣而引吐蕃圍安西爲願貞所破其明年安西兵復敗吐蕃於曲子城

二十六年突騎施酋長莫賀達干襲殺其可汗蘇祿

大憐官都摩支立其子骨啜爲吐火仙可汗收餘衆

與達干相攻磧西節度使蓋嘉運以聞上命招集衆

騎施拔汗那以西諸國初蘇祿攻職所得以分諸部衆衆爲用及尚公主突厥吐

蕃又各妻以女用度浸廣由是不以分晚年病風一

手孿縮其部落又分黃姓黑姓互相乖阻都摩支初

與達干連謀旣而背之立吐火仙據碎葉鎮城與黑姓可汗爾微特勒相結連兵拒唐

蓋嘉運攻碎葉城吐火仙出戰敗走禽之於賀邏嶺

分遣疏勒鎮守使夫蒙靈晉與拔汗那王潛兵入怛  
羅斯城禽爾微特勒悉收散髮之民數萬以與拔汗  
那王處木昆鼠尼施弓月諸部先隸蕪祿者皆帥衆  
內附請徙居安西管內詔以阿史那昕爲十姓可汗  
達干聞之怒曰首誅蕪祿我之謀也今立史昕何以  
賞我帥諸部叛乃以爲小可汗使統突騎施之衆達  
干始降復以兵納史昕於突騎施至俱蘭城爲達干  
所殺河西節度使夫蒙靈晉討斬之請立黑姓骨咄  
祿昆伽爲十姓可汗冊都摩支爲三姓葉護是年突



厥內亂拔悉密回紇葛邏祿三部攻殺其可汗推拔  
悉密爲可汗回紇葛邏祿自爲左右葉護共攻殺突  
厥所立烏蘇可汗俄而回紇葛邏祿復共攻拔悉密  
可汗殺之回紇骨力裴羅自立爲毗伽闕可汗遣使  
言狀冊爲懷仁可汗立牙帳於烏德犍山斥地益廣  
東際室韋西抵金山南跨大漠盡有突厥故地舊統  
藥邏葛等九姓其後又併拔悉密葛邏祿凡十一部  
置都督每戰以二客部爲先鋒

回紇其先匈奴高車部也魏晉曰勒勒訛爲鐵勒凡

十有五種九姓十一部自大秦海西唐書所稱曷薩部亦鐵勒非突厥也若骨利幹都播二部又在室韋部落之北矣回紇者十一部之一本曰袁紇亦曰烏紇曰烏護至隋曰韋紇本臣於突厥大業中處羅可汗阮殺其酋豪數百乃并僕骨同羅拔野古叛去自稱俟斤突厥亡惟回紇與薛延陁最强樹牙獨樂水上後又殘破薛延陁有其地貞觀中與諸部同入朝拜其酋長吐迷度爲瀚海都督爲兄子所弑擢其子婆閏左驍衛大將軍及平賀魯收北庭討高麗有功龍朔中以燕然都督領

回紇更號瀚海都護府以磧爲限大抵西北諸蕃悉隸  
之今之喀爾喀四部七十四旗地皆唐瀚海燕然金微  
幽陵等六部地也至德以後回紇強盛唐以其兵復兩  
京自關隴失陷後伊西北庭及四鎮節度倚以禦吐蕃  
通貢道然虜性貪林求索無厭沙陀六千帳本與北庭  
相依及葛邏祿之附回紇者皆苦其虐遂附吐蕃陷北  
庭葛邏祿者突厥諸族居北庭西北跨僕固厥水包多  
怛嶺東扼金山今阿爾泰山也西接車鼻部唐以爲立  
池都督府卽塔爾巴哈臺也其居北庭接瀚海軍者爲

陰山都督府今之阜康縣境內唐輪臺縣地其居沙陀部南爲大漠都督府後又分置金附州今之勝金口也既叛回紇徙居十姓突厥故地盡有碎葉怛羅斯諸城然限於回紇朝會不能自達考烏德韃山卽今之杭靄山鬱督軍山卽阿爾泰山也謝氏西北域記大青山之南曰歸化城城南三十里曰黑河自歸化城西北行至杭靄山皆蒙古部落東至烏朱穆秦西至大流沙古瀚海今日戈壁唐地理志中受降城五百餘里至鶻鶻泉又十里入磧是也元劉郁西使記自和林出兀孫中西

北行二百餘里地漸高入站經瀚海地極高寒雖暑酷  
雪不消山石皆松文西南七日過瀚海行三百里地漸  
下有河濶數里曰昏木輦夏漲以舟楫濟數日過龍骨  
河復西北行與別失八里南路相直近五百里河西注  
瀦爲海約千餘里曰乞則里八寺多魚可食有碾磴亦  
以水激之行漸西有城曰業臚又西南行過孛羅城山  
多柏不能株絡石而長城居肆圉間錯城北有海鐵山  
風出往往吹行人墮海中西南行二十里有關曰鐵木  
兒懺察守關者皆漢民關逕崎嶇似棧道出關至阿里

麻里城按和林在大漠之西因地有咎刺和林河故名  
後改轉運和林司白元世祖遷都燕京改設宣慰司大  
德中始立和林等處行中書省置總管府皇慶中改嶺  
北行省更名和寧路爲一代巨鎮自此北行三千里名  
阿只海子又五百里至謙州益蘭州再行千里至大澤  
云唐書地理志回鶻衙帳東有平野西據烏德隄山南  
依盟昆水北六七百里至仙娥河又正北如東過雪山  
松樺林及諸泉泊千五百里至骨利幹又西十三日行  
至都播部落又北六七日至堅昆部落有牢山劔水又

自衙帳東北渡仙娥河二千餘里至室韋骨利幹之東  
室韋之西有鞠部落亦曰穢部落其東十五日行有俞  
折國室韋正北十日行有大漢國又北有骨師部落推  
此註知回鶻牙在今杭靄山東盟昆水今鄂爾昆河骨  
利幹及堅昆今皆入俄羅斯地常安行國風土記杭靄  
山形如馬鞍得名西北域記杭靄山逾沙嶺其北曰烏  
業烏蘇其南卽古車師後王庭又云杭靄山與賀蘭山  
南北相對烏業烏蘇與肅州相對今烏里雅蘇也阿爾  
泰山與土魯番相對中間南北相距約三千里又金烏

古孫使蒙古記初出北界行西北向地浸高赫夏國前七八千里山之東水盡東山之西水盡西地浸下蓋地形如此魏氏謂過阿爾泰山者誤矣考元時有別失八里兀孫等處宣慰司又別失八里盜起明安敗之於忽闌兀孫兀孫一作和孫今巴里坤至烏里雅蘇是也龍骨河今喀刺烏蘇河古之黑水河玉象之謂河中獲龍骨尋丈故以名魏氏以科布多西南五百里之烏隴布爾河當之以乞則里八寺爲赫薩余巴什今考烏隴布爾河上承赫薩爾巴什廣袤僅數十里河水東北流無



西注理按祁氏西陲紀畧謂北路之水在伊犁者多西流在塔爾巴哈臺者多東流在迪化州者多北流伊犁上流如昌曼哈什空吉諸河皆西北流入巴勒喀什淖爾其淖爾東西八百里南北百數十里惟此足以當之魏氏又以孛羅城北之海卽伊犁東北百餘里之賽里木淖爾而以阿里麻里卽今之伊犁城考褚氏西域圖志洪氏乾隆府廳州縣志皆以伊犁爲元之阿勒穆爾蓋卽阿里麻里之轉則魏氏之言似有據矣然考之耶律文正西游錄及烏古孫使蒙古記又似不然按西游

錄云戊寅春三月出雲中抵天山涉大磧踰沙漠達行  
在所明年大舉西伐道過金山時方盛夏雪凝冰積斲  
冰爲道松檜參天花草彌谷金山而西水皆西流入海

其南有回鶻城名別石把有唐碑所謂瀚海軍也

唐書回鶻

傳曰回鶻之亡其遺帳伏山林間狙盜諸蕃以自給懿  
宗時大會僕固俊自北庭擊吐蕃斬尙恐熱傳首京師  
於是西庭二州俱恢復遣使請命於朝其後史亡其傳  
然其國卒不振時以羊馬至邊互市云此回鶻五城之  
所由也瀚海軍在北庭景龍初郭元振所置別石  
把卽別失八里之轉元有別失八里行中書省

瀚海去城數百里海中有嶼其上皆禽鳥所落羽毛城  
西二百里輪臺縣唐碑在焉城之南五百里有和州

卽唐之高昌亦名伊州考元和郡縣志太平寰宇記唐

北庭都護府所管三軍防制突騎施堅昆統瀚海天山

伊吾瀚海軍在城內兵一萬二千人是也

考和州遼人所置七州之

一高昌唐之西州此云伊州非是

又云過瀚海千餘里有不刺城城南

有陰山東西千里南北二百里山頂有池周圍七八十

里池南地皆林檎樹陰翳不露日色出陰山有阿里

馬城西人目林檎曰阿里馬附郭皆林檎園故以名附

庸城邑八九多蒲葡萄梨果播種五穀一如中原又西有

大河曰亦列其西有城曰虎司窩魯朵卽西遼之都附

庸城數十又西數百里有塔刺思城云按此錄所言山頂有池周圍七八十里非指今博克達山之大龍潭而何其山麓尙有小龍池在今阜康吉木薩境內吉木薩距北庭三百七十里錄中謂過瀚海千里者亦訛按長春記云宿輪臺縣東陰山下卽此陰山蓋本唐之陰山都督府元初猶沿舊稱其云東西千里南北二百里亦與今博克達山廣袤合北庭至伊犁二千里喀刺烏蘇爲適中地今慶綏城西南之喝只山爲將軍圍場亦博克達山之分隸也阿里馬城當在其左右若亦列河卽

伊麗河之轉亦卽今伊犁河虎司窩魯朱又虎斯幹耳  
朵之轉又據烏古孫使蒙古行記云至回紇國國之益  
離城卽回紇所都益離亦伊麗之轉則今之伊犁實爲  
西遼舊都而非阿力麻里斷無疑矣長春記中稱至阿  
力麻其地出帛曰禿鹿麻徐氏謂在霍爾果斯嶺未知  
何據按阿力麻里本海都分地至元五年海都叛世祖  
敗之北庭追至阿力麻里海都遠遁乃班師計往反不  
及五旬乃元史稱自回鶻五城西北至阿力麻里四五  
千里則往反幾及萬里雖師行迅速豈有晝夜奔馳之

理惟常德西使記云過龍骨灣西北行與別失八里南路相直五百里則龍骨河當在迪化州東南五百里所云西指之河或指伊犁上流之昌曼河言下言瀦爲乞則里八寺是因河及海非必身經特連類記之耳孛羅城北之海董氏以瀦類海當之觀下文出關始至阿力麻里核之西游錄所記則董氏之言頗有依據又西使記云二十八日過塔刺寺蓋卽西游錄之塔刺思城孔氏繼通以爲卽塔什罕似未見耶律所錄者今按葉氏圭綬外譯存考謂塔什罕明之達失干西使記之別石

蘭常德三月初一過賽藍城三日過別石蘭四日過忽  
牽河八日過尋思干城引西游記以証之記言自塞藍  
城三日行至一城其王亦回紇也明日復歷一城又行  
二日至霍闡河由浮橋渡泊於西岸其河源出東南二  
大雪山間色渾而流急深數丈西北注不知幾千里河  
之西南絕無水草者二百里又至一城得水草復經三  
城山行半日入南北平川仲冬十有八日過大河至邪  
米思干城大城之北西契丹之河中府也按霍闡河卽  
忽牽河別石蘭卽塔什罕常德乘傳故行速長春安車

蒲輪故行遲

按西域記率堵利瑟那國東臨葉河河出

沙磧絕無水草望大山尋遺骨以知所指行五百里至

颯秣建國唐言康國也以此推之西遊記之西南亦是

西北之訛明史沙鹿海牙城依河河勢衝急有浮梁以

濟人西有大沙洲可二百里無水有臭草熬汁曰阿魏

其東北二百里曰達失干城小而多林木漢書康居冬

治樂越懸地去夏治蕃內馬行七日今自霍罕至塔什

罕里數正合霍罕明史之撒馬兒罕元之尋思干城耶

律文正云西人謂肥爲尋思干言地土肥饒也又曰邪

米思干城西遼之河中府也唐書謂之康國大唐西域

記曰薩末鞞又曰颯秣建北魏書謂之悉萬斤一統志

謂之賽馬尓堪海錄亦稱三馬尓丹則皆薩末建之轉

也明時其國甚大自元設阿母河行省於此以號令諸

國其聲教之敷久矣康熙三十六年上諭有噶尓丹曾

破回子中之撒馬尓罕則其轉爲霍罕當在康熙以後

矣乃前人以爲卽巔賓移葱嶺南國於葱嶺北其訛已

非一日今明史亦沿其失其大者如明一統志全圖以



撒馬爾罕爲漢之西罽賓縣尤爲笑來至耶律西游錄稱訛打刺城西千餘里有六城曰尋思干考之彭文襄西戎地形圖訓及秦邊考畧顧亭林郡國利病書則訛打刺城乃在哈密西土魯番東亦見於元太祖本紀距尋思干幾及七千里而云千里與元史所載阿力麻同一刺謬有元一代史官無職記載疎畧明初修史諸人迫於時日未暇考證遂致若茫若昧遺誤不淺

考寰宇記北庭都護府西至碎葉突騎施庭三千六百里八十里西北至突騎施三千一百八十里又考元和郡縣志庭州西至碎葉鎮城二千二百二十里西北去突騎施三千餘里今按廸化州西至伊犁一千九百餘里又自惠遠城西至阿勒坦西金山四百里耶律文正西

游錄云索虜城在大河南城已圯唐碎葉鎮城故墟也  
渡河百里踰山丹嶺突厥時王庭也又西三百里塔刺  
斯數百里皆平川岡嶺廻互甚得形勢川北頭有鉅麗  
大城城外皆平原可田唐時鑿道南山夾爲石牖以行  
水牖脊跨堅岸有唐節度參謀檢校刑部員外郎假緋  
魚袋太原王濟之碑西契丹盛時富庶甲他處兵後民  
逃城圯又西三百里大石山城西使記二十八日過塔  
刺寺三月一日過賽藍城三日過別石關唐書地理志  
碎葉城北有碎葉水水北四十里有羯丹山爲十姓可

汗每立君長於此大唐西域記逾凌山四百里至大清池一名熱海又曰鹹海由此西北行五百餘里至素葉水城又西行四百餘里二百里雙湖二百里千泉地方二百里南面雪山突厥可汗避暑庭又西南行三百餘里白水城又西南二百餘里至笈赤建國又西南二百里至石國西臨葉河據此推之則樂氏寰宇記里數昧勿審焉當以吉甫之志爲據索虜當是碎葉之轉山丹嶺卽唐志之羯丹山塔刺斯平川數百里卽賀魯建牙之邪羅斯川一聲之轉大石山卽西使記之別石蘭西游記之白

賽藍城西行五日之一城明史之達失干今之塔什罕  
西域記之奴赤建國也唐突騎施與車鼻部接蓋在西  
金山之西距碎葉城西北八百里當在今哈薩克左部  
界中按一統志及水道記塔什罕向爲三和卓分治之  
地後屬霍罕今爲布哈拉所滅此部未詳所屬矣按祁  
氏西域釋地由特木爾圖海子南岸越巴裡渾大山至  
塔裡垓河三百餘里此水西流入那林河逕安集延安  
集延明史之俺的干唐之石國西域記之赭時又名柘  
枝漢爲大宛西鄙在霍罕東北三百八十里一統志霍

罕東北至塔什罕七百餘里南至葱嶺北至那林河那  
林河在葱嶺西北經流數千里西行過安集延城北又  
西行過馬爾噶朗城又西行過塞馬爾堪城北卽霍罕  
也考唐書康在那密水南與今合又曰石國西瀕素葉  
水又堵利瑟那東臨素葉水水出葱嶺北原色濁西北  
流入大磧考堵利瑟那見西域記唐書居波悉山之陰  
漢大宛之貳師城所稱東曹是也葉水卽西使記之忽  
牽河西游錄之霍闡河明史沙鹿海牙城外火站河也  
是碎葉水卽塔裡垓河矣然證之褚氏則以源出特木

爾圖之垂河卽今伊犁西界之吹河爲唐之素葉水蓋吹河經流千餘里由塔什罕西南入安集延祁氏之說恐未可據也今按七氏新疆紀畧惠遠城東十五里有培婁焉爲控俄爾鄂羅之山其下多煤其陰多鐵又東百八十里有山曰哈什廻環數百里其上多銀多野牲爲將軍圍場有城焉曰哈什回子之城惠遠城東北四百里有川曰博羅他拉駐防察哈爾兵游牧其地其北爲他哈布堪海之山溫泉出焉浴之已寒濕之疾其南有巨澤曰賽里木其神狀類青羊大角而鬚文無鬚而

長尾見則大雨霽惠遠城西北塔爾奇之山多果木又  
北莫懷圖之山多土蛇見馬則以頭入土尾聳立若植  
木馬卽腹膨然而不能行倒則入馬鼻監其腦又北爲  
庫庫托木之山有水產元獺歲以充貢又東北爲濟拉  
刺郎之山庫色木克之山產白杏多藥草冬夏溫和山  
多熊館舍利孫取其皮爲年貢惠遠城南多雉免距城  
里許卽大河源出喀什丕爾沁之山滙爲巨流卽唐伊  
麗河其流湍激多白魚鯊魚水獺西北流過哈薩克境  
入沙而伏河之南平川曠莽築八堡錫伯旗屯田焉其

東深林豐草多很多黃羊其西皆葦湖多野豕能害稼  
城西霍爾果斯築城焉平川四百里名曰齊七罕索倫  
與達虎爾兩旗分屯焉其餘如額魯特回子暨綠旗諸  
營環遶星臚於四郊之外不啻風雲鳥蛇之奇焉今考  
之欽定圖志諸書控俄爾鄂羅卽惠遠城東三十里之  
洪郭圖鄂博又有洪郭圖淖爾華言鈴澤也山卽以淖  
爾名蒙古語山曰鄂博海曰淖爾亦曰諾爾水曰烏蘇  
嶺曰達坂亦曰達巴罕餘皆倣此按喀什山在喀刺烏  
蘇慶綏城之南距伊犁千里喀什河源於此在惠遠城



東七百里伊犁河之上流也七氏稱百八十里誤矣博羅塔拉河距惠遠城三百里乾隆二十年大軍西討北路從烏里雅蘇西路出巴里坤俱會於博羅塔拉其地平川千里泉甘草豐東通額爾齊斯河西踰圍勒奇達坂爲南北要區形勢皆勝故阿睦爾毅內叛復據此以號召各部今爲察哈爾旗駐防之所以游牧而兼屯田其富庶甲他旗焉賽里木者長春遊記之天池西人稱之曰西方清淨海洪亮吉有淨海讚卽此廣輪可五百步澄波鏡澈深不可量有島嶼無委輸不生一物不染

一塵投以纖芥漂送上岸但見千樹之葉因風外馳四山之禽擊霰東邁若有所避不容少遲其西南北三面皆雪山中波外沙儼然分界山罕他木惟松枝之竦而上者岸鮮雜卉有芝草之翠而圓者較之喀刺烏蘇之蓮花池烏什陽薩爾之柳樹泉則彼未奇而此誠靈異矣伊犁境諸水無不以伊麗河爲壑而歸墟於喀什淖爾所不與者惟賽里木及特木圖兩淖爾耳他哈布卽哈碧爾罕距城東北四百餘里其地有綠玉殿歲采玉以充貢溫泉亦因以得名泉水味甘芳而氣馨芬浴之

却疾好顏色乾隆二十二年大兵討阿睦爾殺內將軍

兆惠以奇兵趨伊犁由間道踰此山而入博羅川

考綠玉卽

碧玉也吳人有西碧南碧之目有水坑山料之分南碧產滇中亦有斑點西碧產新疆如瑪納斯之清水泉又西之後溝大溝及哈碧爾罕玉生泉中爲水坑上者有金脉有鸞羽斑產山崑者無金脉斑文吳中閩閩貴西賤南自乾隆五十四年奉

旨封閉禁人采買西碧之貴等之金膏水碧然佳者眞尤物能移情往於杭州親串家見一西碧搔頭雕琢旣精而其肌理縝密光彩溫潤闇然而章殆所謂秀色可食也或問視翡翠如何予謂今翠玉號稱無上妙品恐不中與之爲奴人皆大笑然今日以問吳中人已不知有此名目雖百金購一簪不可得也

塔爾奇之山卽今惠遠城九十里之圍勒嶺大嶺大兵

自博羅川踰山之陰入伊犁今其地高峻險隘實守阨之所其西路尤隘如左擔道劣容一騎西契丹時築關於此伊犁有事此必爭之地山溝間林木蕃殖綠陰蔽芾不見日色土人呼爲果子溝石榴尤多實大如升赤日酷暑中醇汁飲無異玉液瓊漿矣莫懷圖之山今惠遠城直北雅馬圖山其地產毒蛇名土蠟西人謂之土蠱噉馬腦人觸之其氣中人生大癘庫庫克謨在博羅塔拉之西北爲勒布什大河經流之地北瀕石勒畢什哈薩爾干察罕烏蘇諸河故所產元獺多於塔爾巴哈

臺塔爾巴哈華言水獺也濟爾噶朗庫森木什克皆在伊犁東北喀刺烏蘇精河之閒滿地所產藥草皆中國未有人亦不能識也至若伊麗河滙諸九十九泉河之水亦非喀什丕爾沁二源其水西北流至巴勒喀什淖爾亦非入沙而伏伊犁河中小舟名曰威呼剌巨木爲之首尾銳而腹可容兩人大者容五六人以二人盪槳迅捷若飛又有樺皮爲之者容一人划行尤速又按西遊錄云自回鶻五城渡黑水河西北至庫克腦兒譯言青海子也跨河築城撻石爲梁兩城劃張形同腰鼓

與阿里馬城南北相直皆西遼時巨鎮也考黑水河今自瑪納斯至喀刺烏蘇皆有此稱文正錄中不言里數未詳何地按元和郡縣志清海軍在北庭府西七百里舊名鎮城鎮天寶初置重兵於此以禦回紇奏改爲軍據此則青海卽清海西遼特襲其名而城實始於唐故城當在今喀刺烏蘇東一百八十里安集海臺大河逕臺南折而西北流其南百餘里爲霍爾果斯嶺徐氏謂阿里麻城在此嶺卽耶律錄中之南北相直也里數旣與唐時合形勢又與元時合則阿里麻城必非今日伊

犁之拱宸城矣考唐時北庭府之十六蕃州東至巴里坤北至塔爾巴哈臺皆有其分地惟伊犁境內東西二千里皆西突厥五咄陸之分地所謂五啜六都督府也五姓而六都督以突騎施之有二部也自安西西北至白山爲鷹娑分地其牙帳在今烏什界烏什譯言山勢峻絕也度凌山而北至清池爲鹽泊分地鹽泊卽清池又曰熱海今之特木里圖海子也其南爲絜山北爲盟鹿其西則雙河在今塔刺斯河其東則匐延也大抵六都督地俱在今伊犁之西境惟盟鹿與車簿接匐延於

惠遠最近其四部當在今東布魯特遊牧境內盟鹿東  
境塔爾巴哈臺匍延東境則晶河也晶河西距托呼它  
二百里其南多萑葦產水虎又名金虎今楚呼楚多有  
之按金虎鼠身而虎頭毛色如沉香性靈而悍夜伺駕  
鷲鴟雁宿時鑽入翅中嚙其項頰怒飛而墮隨之下  
而食之潛形樹林俟麋過而躍踞其兩角之介食其腦  
麋觸之亦不落也似卽唐書之它讎蒙古謂荅刺小花  
也生山澤中形如獺  
皮可爲裘能禦雨

考之唐書西突厥傳咄陸可汗庭於鏃曷山謂之北庭  
駿馬結骨諸國皆臣附之畢賀咄葉護立庭睢合水北  
東薄伊列河龜茲鄯善且末吐火羅焉支石史何穆康



等國皆隸屬又稱由焉支西北七日行得南庭北八日  
行得北庭孔氏云北庭當今黑水城界南庭當今康吉  
城界蓋哈刺沙爾與喀刺烏蘇南北馬行八日也又稱  
雖合水今之瑪納斯河在綏來縣西三百二十里今按  
西域釋地瑪納斯河距鞏寧城三百二十里距綏來縣  
十里又按西陲要畧綏來縣西三百里爲奎屯河臺是  
孔氏誤以迪化州爲綏來縣也惟稱北庭在黑水界內  
與寰宇記自庭州西南至焉支鎮守軍八百七十里及  
唐書由焉支北八日行得北庭之說差合孔氏不知瑪

納斯亦稱黑水但據唐書八日七日之說有此臆揣今

瑪納斯康吉城至喀刺烏蕪約四百里與奎屯差一日行據此則當稱東西庭不應

以南北分別也今按南庭所隸諸國皆今之南路焉支

刺沙爾龜茲今庫車吐火羅今愛烏罕石國今安集延

康今霍罕道光二十二年爲布哈拉所滅史今窩什何

今科拉普穆卽安國今拜里哈布哈拉五城之一唐書

自疎勒至安國千四百里亦與今自喀什噶爾至霍罕

道里疑與射匱建牙之三彌山不甚相遠雖合水疑卽

相合藥殺水之轉唐書西域傳石西南有藥殺水入又按唐

書地里志度拔達嶺五十里至頓多城烏孫所治之赤

山城也又三十里度眞珠河按自温宿國今阿克蕪至

眞珠河地里志僅一百五十五

十又西北度之驛嶺五十里度雪海又三十里至碎不

成傍碎不水又五十里至熱海

今之特木爾圖海子西域記之大清池也又

四十里至凍城又一百一十里至賀獵城又三十里至

葉支城出谷至碎葉川口八十里至裴羅將軍城又西

二十里至碎葉城城北有碎葉水水北四十里有羯丹

山爲十姓可汗每立君於此據志推之所稱在雖合水

卽眞珠河北當是熱海以北今巴雅什布魯特游牧之地又

按寰宇記安西都護府北至白山十姓突厥王約三百

里安西卽龜茲東至焉支七百里白山當卽三彌之別

名今不可考而南庭之不在綏來縣境斷可知也又考

突厥傳中所云鄯善且末久入於吐谷渾

鄯善且末二郡隋破吐谷

渾時

貞觀九年旣破吐谷渾立其子慕容順爲王至咸

亨初鄯善且末又爲吐蕃所陷則新唐書之謬也今考

北庭之鐵曷山疑卽郭孝恪傳中之過索山欲谷先庭

鐵曷山及并畢賀咄之地必移牙帳於西以故地與處

密鐵曷之轉爲過索則有音無字不足怪也如元史耶

律希亮傳之昌八里城卽西使記之乞則里八寺續綱

鑑之菴里城卽伊麗欽义之卽盜吉刺發里哈之卽哈

烈劍河之卽謙河黠戛斯之卽幹羅斯亦卽今之鄂羅斯此可以隅反而得之者也或謂十箭有五大斲有五俟斤唐平賀魯之後以五大斲爲六都督而五俟斤則無之疑史有闕文而不知五俟斤之地不在碎葉鎮管內按唐書吐蕃傳及通典武后證聖中吐蕃遣使請和約罷四鎮求分十姓地武后遣通泉尉郭元振往使道與欽陵遇元振責之欽陵曰西十姓突厥四鎮諸國或時附蕃或時歸漢斯皆多翻覆乞拔去鎮守使其國自若人自守旣不疑漢又不屬蕃豈不幸甚元振曰十姓

諸部與論種類不同山川各異曠覽古昔各自區分復  
爲我編人積有年歲今論欲一言而分離數部得非昧  
弱苟利乎陵曰十姓中五咄六諸部落僻近安西是與  
吐蕃頗相遼遠俟斤諸部落密近蕃境其所限者惟界  
一磧騎士騰突旬日卽可以蹂踐蕃庭爲吐蕃之巨蠹  
者惟斯一隅且烏海黃河關源深阻風土疫癘縱有謀  
夫猛將不能爲蕃患矣故陵無敢謬求西邊沙路夷漫  
縱羸兵庸將亦易以爲患故陵有此請云云據此則五  
俟斤分地在西南可知矣

今按西域諸國中如拔罕那  
蕓對沙那柘支个失密謝廳

大小勃律皆突厥侯斤所分者也

伊犁形勢甲西域高山長河表裡環

拱漢唐以來故迹未湮唐自文皇至元宗代嬪五君載積百祀恩威所加其漸被遠矣各部落如突厥十箭回紇十一姓昭武九姓吐火羅二十七種凡有調發莫敢違命至於至德間大盜覆國而兩京之復雖遠如大食猶能發兵爲國破賊夫豈偶然而已哉

伊犁惠遠城爲定邊將軍建牙地又設領隊大臣六員凡文武大小職官四百六十八員滿漢額兵一萬七千二百人塔爾巴哈臺參贊一員領隊大臣二員共大小

職官六十五員額兵二千人

哈薩克部落附考

祁氏西陲要畧曰向傳哈薩克爲古大宛國非也漢書言大宛有城郭今則隨畜徙牧俗異大宛且距伊犁西北伊犁爲古烏孫西北與康居接則哈薩克乃古康居國其部落有三曰左部曰右部曰西部其實則東中西耳距京師萬里又曰西哈薩克啟齊玉蘇部之弩刺麗汗巴圖爾汗烏爾根齊部之哈雅布汗同奉表貢賜賚如左右二部例魏氏聖武記曰哈薩克分左右三



部左部在準噶爾西北右二部在準噶爾西皆北界俄  
羅斯東去塔爾巴哈臺南去伊犁皆千里左部曰鄂爾  
圖玉斯東西千里南北六百里環境內皆山西北境曰  
伊什河地苦寒爲其汗之夏庭廣漠蕃茂谷量牛馬哈  
薩克之有三玉茲猶準部之四衛拉特也其右部齊齊  
玉斯烏拉玉斯亦稱中部西部西部亦曰塔什漢右部  
之地東南接準部南接布魯特安集延諸部西南踰塔  
什漢西六百餘里地在葱嶺上游有哈刺庫勒卽釋典  
所謂阿耨達龍池蓋昆侖之巔也其哈刺沙河錫里洽

河之閒岡嶺綿亘北爲騰吉斯大澤尙有北部接俄羅斯境至今未通中國云瀕河兩岸有城五蓋左部遊牧爲古康居寒暑徙帳卽康居王冬居樂越慝夏居蕃內之俗而右部有城郭與康居五小王所治城合爲大宛北鄙故稱哈薩克卽大宛云椿園氏西域聞見錄云哈薩克古大宛無城郭遊牧散處多平岡漫嶺草多綠葉白根長四五寸牲畜易腓字稱君曰比哈薩克兩種其北界哈薩克又是一種未通中國人戶尤疆盛云今按哈薩克之境東自阿爾泰山西抵烏拉嶺

考俄羅斯國葱嶺有西北

一支直抵白海名烏拉嶺  
此部在此嶺之下故名 徬裡海一帶皆其游牧地舊

以爲漢之大宛康居皆未足以據也葉氏外譯存考云

考今霍罕爲康居王昔日冬治越慝地至其夏治蕃內

馬行七日爲今塔什罕地亦與今日至霍罕道里合按塔

什罕在霍罕東北七百餘里  
正與漢書馬行七日之說合 阿爾泰山亦曰厄爾坦華

言金山按伊犁之山亦有此名故有東金西金之別初

魏皆以游牧城郭爲康居大宛之分考漢陳湯之討郅

支傳中明言城在都賴水上又言被甲乘城往來馳城

下射城門騎步兵皆薄城下仰射城中樓上人士城外

有木城木城穿中人却入土城凡言城者十餘處安得

言康居無城乎至謂五小王所治五城合為大宛北鄙

其言巨謬考五小城考唐書西域傳安國屬王地石國

火尋奧鞮地即竄匿地何國附墨地史國蕪蕪地昭武九姓也 據唐書即安石何史火尋五國之地其

在今日則安為布哈拉部落所屬之拜爾哈石為安集

延何為科拉普元為卜花刺耶律文正西游錄之蒲華

五史為窩什元為渴石明為碣石鐵門火尋為葛思尼

日在其國中距霍罕八日東北亦接哈薩克按唐書火尋東北接突厥曷薩部又

按俄羅斯圖裡海東北有哈薩克族即未通中國之西

北部矣或以曷薩卽哈薩克之轉但曷薩西南直接大秦其東境所至史無明文耳夫五小城在唐爲昭武九姓之地并雜有漢之安息今日則爲霍罕布哈拉兩部落魏氏欲以塔什罕一城當之豈非臆說其所註海國圖志又以布哈拉爲大夏以百爾西亞爲安息漢書稱安息臨媯水大月氏都媯水唐西域傳作烏澁河西域記作縛芻水元爲阿木河暗不河博叉河暗布河阿母河元立阿母河行中若百書省以此南懷仁作阿書河今名伊西洱河是也爾西亞卽漢條支北魏後之波斯大食元之報達明之包社大白頭番今名巴社百爾西亞本其隣部之名後并有巴社在媯水西南數千里豈非臆說無根地遂冒其名耳

遂至自相矛盾若塔什罕卽明史達失干西使記之別石藍亦卽西域記之斂赤建在今日爲伊犁極西邊地一統志稱爲薩木沙達吐爾占三和卓之地薩木爲哈薩克右部所置爲吐爾占所逐右部興兵問罪久不解我參贊富德檄使諭之俱釋爭內附西域水道記塔什漢舊爲舍底沙木什兩和卓分治舍底漸強與西哈薩克共攻沙木什殺之地遂入於哈薩克後爲霍罕所并考沙木什卽一統志之薩木兩說互異而一稱兩人一稱三人未詳孰是今霍罕已滅於布哈拉則此部究不

知何屬又按祁氏所稱之烏爾根齊部據一統志其城

尚在賽馬爾堪之西即撒馬兒罕葉氏謂即烏拉嶺之

今霍罕也

部其入貢在乾隆二十八年魏氏與椿園氏謂未通中

國亦失考也劉鳳誥回部底貢詩其自注云哈薩克有

三玉茲如衛拉特之稱然統稱左右無三者之別葉氏

圭綬謂當以左一右二分部不當以東中西言是也如

塔什罕是右部附庸一統志亦言其羈屬右部也據祁

氏齊齊玉斯已有三汗其部當在北境與俄羅斯接至

安集延已東皆布魯特游牧地已非哈薩克所有况葱

嶺絕頂之龍池乎龍池釋典謂之阿那婆悉多池又云

阿耨達池元奘記中之波謎羅川唐書高仙芝傳中之

播密川由葱嶺守捉所

卽渴盤陁漢時疎勒國之槃橐城故地

西行卽其

地介在葱嶺守捉五識匿部落之間考之圖志則守捉

所爲今賽勒庫勒五識匿爲今黑斯圖濟由黑斯圖濟

西南二百里至博羅爾爲唐之護密北魏時鉢和元奘

記之達摩悉鐵帝其南曰娑勒城臨娑勒水渡河南五

百里卽小勃律也高仙芝取道護密以攻勃律蓋與陳

湯討郅支李廣利伐大宛道各不同自喀什噶爾西南



至喀刺淖爾六百餘里

喀刺淖爾譯言黑海子  
魏氏稱大黑龍池亦謬

唐俱密

國南臨黑河卽指此俱密東南五百里卽今黑斯庫濟  
魏氏以此路爲哈薩克西部諸境殊不可解伊犁將軍  
歲一巡邊及收馬匹與貿易諸事皆有舊例載在會典  
茲不贅及

按明史西域傳乞力麻爾永樂中入貢惟獸皮烏羽  
罽褐其俗喜射獵不事耕農西南芴海東北林莽溪  
谷多猛獸毒蟲有達巷無市肆交易用鈔錢據其所  
載似卽元史之阿力麻里西南傍海卽蒲類海是明

初地未并入瓦剌也此部明史惟一見其并入準噶

爾當在明中葉耳

紀昀閱微草堂雜著云和通之

大兵投出宥死安置迪化州羣但呼之爲小李陵云  
已丑庚寅予見之已老矣言在準噶爾轉鬻數主皆  
司牧羊 大兵未至前 歲八月中旬夜棲山谷望  
沙磧火光西域諸部每互相鈔疑爲劫盜登岡眺望  
乃見一巨人長丈許衣冠華整侍從秉炬前導約七  
八十人俄列隊分立巨人端拱向東拜意甚虔肅知  
爲山靈時準噶爾亂已微聞阿睦爾撒納款塞請兵  
事竊意此地當內屬故鬼神預東向耶旣而果然時  
尚不知八月中旬爲 聖節歸正  
後乃悟天聲震疊爲遙祝萬壽云



西域考古錄卷十一

海月堂  
雜著

海鹽俞浩  
湛持

喀刺沙爾

屬城

庫爾勒 布古爾

喀刺沙爾譯言黑城也舊名喀爾沙刺至京師八千六百餘里東距嘉峪關三千八百里東北距土魯番八百餘里東南阻戈壁西南至庫爾勒百六十里又西南至布古爾城四百九十里又三百里至庫車城其北則珠勒土斯河南北兩岸延袤千里水甘草茂今爲土爾扈

特和碩特兩旗游牧地西北界白山山北爲伊犁將軍

之圍場在焉按今喀刺沙爾在兩漢爲焉耆危須尉犁

墨山四國地攷通典黑山城在焉耆東南百六十六里

今喀刺沙爾以黑山得名疑卽唐之黑山城矣或以黑

山卽墨山之譌此則未有明證尙俟博攷也班書焉耆

國都員渠城范書曰南河城

按員渠錢氏謂卽焉文之轉猶危須國都危須城也

城在開都河南岸故亦曰南河漢紀又曰河南城也水

經注曰敦薨之水出焉耆之北敦薨之山二源俱導西

源二水左水西南流出於焉耆之西逕流焉耆之野屈

而東南流注於敦薨之澗右水東南流又分爲二左右

焉耆之國城居四水之中在河水之洲治員渠城今珠

勒都斯河爲西源出喀刺沙爾西北楚里達山哈布齊

哈河爲東源出喀喇沙爾北和屯博克嶺下皆天山正  
餘卽敦薨山也今是山迤東爲瑛西府所屬當漢時匈奴  
奴蒲類王地迤西爲伊犁所屬當漢時烏孫國左水無  
考以今水道證之西源二水其一爲珠勒土斯河西南  
流卽此注之左水一爲達賴克河東流卽此注之右水  
注於敦薨者卽今合爲開都河注中本有東流分爲  
四字疑有誤今不取也今之珠勒土斯河自楚爾達山  
西南流至喀爾噶圖北折東達賴克河自東來會之折  
而東流分爲二行百餘里復合爲開都河而貞渠城正  
當其東所謂四水之中也范書西域傳焉耆四面有大  
山有海水曲入四山之內周匝其城北史言其城去海  
十里餘今考開都河南四十里有舊城雉堞猶存周圍  
九里俗曰四十里城疑卽貞渠城故址後魏書貞渠城  
在白山南七十里隋書焉耆漢時舊國也西域記都城  
周六七里以上說皆可  
證今城之非昔城也已

焉耆爲國斗絕一隅每恃險遠抗衡中夏然未有不

破者北魏既平沮渠始通西域萬度歸之伐焉者破其左回尉犁二城拔之進圍南河城其王突圍走入

山遂屠其城立假王以鎮之置倉於國中以餽西域

所謂焉耆倉是也

魏書真君十一年沮渠無諱之破車師前部王上書乞援詔開焉耆

倉給

魏末復爲挹怛所滅請王於高昌王麴嘉嘉以

次子王焉耆隋大業初焉耆王龍突騎支遣使貢方

物隋末大亂磧路久閉貢道皆由高昌及貞觀六年

突騎支入貢請開磧路太宗許之遂與高昌交惡麴

文泰屢侵焉耆奪其五城至十四年侯君集平高昌

詔歸其俘及五城於焉耆十八年郭孝恪伐焉耆潛  
師入其境夜遣軍浮水而度平明軍士拔堞而入遂  
執突騎支及其妻子歸於朝至高宗上元初詔以焉  
耆爲馬首都督府以處其部落開元中別置使於碎  
葉鎮始以焉耆備四鎮之一貞元陷蕃五代後地入  
於回鶻後又爲畏吾兒高昌王所據臣於西契丹元  
平西域統於別失八里準噶爾強盛時以其鄂托克  
沙拉斯瑪虎斯二部之衆游牧於此乾隆二十四年  
助阿睦爾撒納以抗我師遂聚而殲之

按珠勒土斯  
唐曰馬頭川



故有馬首都督府之號顯慶四年燕定方爲安撫  
大使討思結俟斤破之馬頭城下都曼降是也

危須國治危須城據漢書西域傳危須國西至焉耆南

至尉犁

水經注逕出焉耆之東導於危須國西又東南流注於敦薨之藪溢而爲海按今哈密齊哈河

東南流當喀刺沙爾東北分爲二水合開都河匯於喀刺沙爾之南爲博斯騰淖爾東西廣三百里南北半之所謂敦薨董氏謂以西域傳證之此注似今之喀刺沙之藪是也

爾卽漢危須國徐氏謂枉博斯騰泊東南非是今以圖

志按之焉耆去危須百里今之喀刺沙爾尙距故焉耆

城百數十里則董氏之說猶未確也尉犁國治尉犁城

水經注敦薨之水自西海逕尉犁國蓋在博斯騰泊西南庫車之東漢時自龜茲至焉耆必先至尉犁

後漢書班超傳超遂發龜茲鄯善等八國兵合七萬人及吏士賈客千四百人討焉者兵到尉犁界焉者王廣遣其左將北鞬支奉牛酒迎超超賜而遣之廣乃與大人迎超於尉犁奉獻珍物焉者國有葦橋之險廣乃絕橋不欲令漢軍入國超更從他道厲度七月晦到焉者去城二十里正營大澤中廣出不意大恐乃欲悉驅其人共入山保其國相腹久等十七人懼誅皆亡入海

諸言西域者皆謂今布古爾城亦曰玉古爾西葦湖有

土橋爲西自東之要津舍此更無他道謂卽班超傳所謂鞏橋之險也今考前漢書西域傳焉耆西南至都護治所四百里南至尉犁百里尉犁西至都護治所三百里南與鄯善且末接龜茲東至都護治所烏壘城三百五十里是漢時焉耆至龜茲七百五十里也今之喀喇沙爾爲唐之黑山城尙在漢焉耆東南百六十六里按西域傳山國西北至焉耆一百六十里則黑山城之爲墨山國故城頗有依據以道里之合故也自黑山城至龜茲九百十六里與今喀喇沙爾至庫車里數差合按今喀喇沙爾至庫車爲里九百六十與漢時較多四十四里則因漢之龜茲國在今庫車之南今之庫

車非漢之龜  
茲故城也

超傳明言焉耆國有葦橋之險橋之不在尉犁可知且尉犁與焉耆相距百里耳今布古爾之距龜茲三百里其去喀刺沙爾至六百六十里之遠準之漢時道里則焉耆之距布古爾應有五百里其非漢時葦橋無足深辨按今之庫爾勒雖非漢尉犁都城亦是尉犁之地蓋危須尉犁與焉耆三方犄角而尉犁國最在南故其境與鄯善且末相接按唐書地理志自沙州壽昌縣十里至陽關故城又西至蒲昌海僻南岸千里自蒲昌海南

西經七屯城漢伊循城也又西八十里至石城鎮漢樓  
蘭故國都也亦名鄯善在蒲昌海南三百里康艷典爲  
鎮遏使時築以通西域者又西二百里至新城亦謂之  
弩支城艷典所築又西經時勒井渡且末河五百里至  
播仙鎮故且末國城也又隋書地理志且末郡在古且  
末城有且末水卽水經注所言阿耨達大水北流注牢  
蘭海者也今之音德爾圖河疑卽且末河水道里相準  
但無確證耳徐氏以克勒底雅河當之考是河在今和  
闐東境與且末傳西通精絕二千里之說不合考當日

且末北界且末河與尉犁以河爲界至今日則俱在羅布淖爾西南大戈壁中流沙之地今昔互異無論漢時南道諸國卽唐代鎮城相去千載茫淪沙磧况於魏晉以上哉夫焉耆之葦橋較之布古爾之土橋別有開道可通此其形勢亦必與今之土橋迥異葦橋者蓋編葦爲之又考鐵門當亦在尉犁國境晉書西戎傳張植未至鐵門十餘里焉耆王熙率衆要之於遮留谷植擊敗之進據尉犁

通典張駿遣沙州刺史楊暄疆理西域暄使部將張

植爲前鋒軍攻其國進屯鐵門未至十餘里熙又率  
衆先要之於遮留谷植將至或曰漢祖畏於柏人岑  
彭死於彭亡谷爲遮留殆將有伏單騎嘗之果有伏  
發植擊敗之進據尉犁熙降於暄

按水經注敦薨之水自西海逕尉犁國其水又西出沙  
山鐵關谷考今博斯騰淖爾南出西流仍爲開都河又  
西逕庫勒爾山北山東接額格爾齊山今猶以漢名相  
傳曰沙山在博斯騰淖爾南一百二十里則西戎傳之  
鐵門卽此注之鐵關谷矣謝氏戎幕隨筆云喀刺沙爾

南至沙山二百餘里東爲深谷北爲鐵門西南皆巉岩  
不可以上對谷爲回堡土屋銜山半裂石間有洞在崑  
際不可梯攀中出礪砂回人取之必於嚴冬絕崖而入  
喀刺沙爾北至石山一百里自噶扎馬至石城十里兩  
山夾河崖壁峻竦單騎徐引數步一息出山始見開都  
大河雷轟雪滾奇觀也今圖書集成乃以史國明渴石  
什西域水道記窩什在霍罕東南八日今日窩  
行唐書地理志史北去康七百餘里之鐵門關與尉  
犁之鐵門關混并爲一殊不可解考庫爾勒西北有所  
屬回莊名石城子距庫爾勒堡百六十里距喀刺沙爾



城西百五十里開都河南數十里疑卽焉耆故城也墨

山國治墨山城

漢書西域傳山國今據水經注趙氏箋補入五字

顏師古謂常

在山下居不爲城治蓋未考水經逞臆註書致有此誤

前漢書西域傳山國東南與鄯善且末接山出鐵民山

居水經注河水又東會敦薨之水又東逕墨山國南又

東逕注濱城南

注濱城蓋以河得名當在墨山城東按今通典譌爲樓蘭國故城者卽此

又

東逕樓蘭城南而東注

注稱發田士所屯故城禪國名

蓋樓蘭田士屯

此非樓蘭國治城也西域傳鄯善國本名樓蘭西北去

都護治所千七百八十五里至山國千三百六十五里

是墨山在樓蘭西北而羅布淖爾在樓蘭之東北水經注所謂水積鄯善之東北是也今魏氏誤以闕展爲樓蘭蓋亦本之通典今喀刺沙爾東北至所屬布幹臺六百二十里又東北三百八十里至闕展今自開都河西流折南沿塔里木河東至羅布淖爾亦千餘里而樓蘭故城在羅布淖爾南三百里蓋一東北一東南漢書從鄯善至莎車隋書從鄯善於闐朱俱波喝槃陀度葱嶺皆爲南道自車師前王庭行至疏勒從高昌焉耆龜茲疏勒度蔥嶺漢爲北道隋爲中道今謂之南道往回疆

者由之若漢隋之南道今在大戈壁中雖欲置驛何從  
置之魏氏習而不察其誤豈細哉又按布古爾亦名玉  
古爾徐氏謂漢輪臺故址亦非水經注東川水出龜茲  
東北歷赤沙積犁南流枝水右出西南入龜茲城川水  
又東南流運於輪臺之東又東南流右會西川枝水又  
東南逕烏壘國南又東南注大河按漢書西域傳桑宏  
羊與丞相御史奏言故輪臺以東捷枝渠犁皆故國地  
廣饒水草有溉田五千頃以上以水經注證此奏輪臺  
最在西垂史記作侖頭頭臺聲近爲李廣利所屠地衝

可知捷枝通典作接枝水經注積梨卽捷枝渠犁省文  
蓋皆小國漢滅以置田卒烏壘之爲今布古爾城無可  
疑者輪臺當在布古爾西疑今三道河地距布古爾三  
十里是也按水經注渠犁西北去烏壘三百三十里惟  
捷枝無考今西域傳烏壘下言其南三百三十里至渠  
犁是酈道元所見漢書必是東南今本奪東字也董氏  
水經圖說妄謂其南是其東之譌蓋始終以渠犁爲尉  
犁也然酈注亦有譌尉犁作渠犁者徐氏松曰渠犁傳  
西有河至龜茲五百八十里酈注敦薨水又屈而南逕

渠犁國西故史記曰西有大水卽斯水也又東南流逕渠犁國蓋鄭意以河卽敦薨水也證以目驗知其不然敦薨水今開都河其河不得至龜茲一也渠犁在烏壘東南敦薨水去之尙遠不得逕其國西二也龜茲東川正由渠犁東南入大河敦薨水果出渠犁西則隔於東川無由達河三也蓋敦薨所經者尉犁之西渠與尉相亂耳渠犁之西有河者指龜茲東川言今之烏恰爾薩伊河也水經注東川水逕烏壘國南又東南注大河所謂烏壘南卽渠犁西也今烏恰爾薩伊河不與大河通

而故道尚存由渠犁之西沂河可達龜茲東界

鄭氏所史記

卽西域傳文按馮商等誤漢書在哀平間猶名史記至明帝時猶稱班固私作史記故鄭氏又於焉耆下引史記皆卽西域傳文也孔氏繼函引戴氏而背師說謂今郵置里數

與唐書西域傳合獨與班書不合董氏取其說以今庫勒爾當尉犁國又并渠犁尉犁爲一以此釋經注所謂謬種流傳不如勿釋之爲善也宋祁唐書西域傳悉本元奘西域記其所載道里最難依據又不知今之喀刺沙爾爲漢之山國唐之黑山城乃執漢書之里數準今日之郵程宜其穿鑿附會而無一合者也渠犁在漢時

僻南不當孔道故其東南與且末南與精絕接水經注稱南河又東逕精絕國北是精絕北境以河爲界過河卽渠犁又西北乃至都護所治烏壘又按范書言都護在塔婁城則都護與都尉譯長應別有城垣以處吏士如今西域回城中別爲鎮城之類按今塔里木大河自阿克蘇東舍渾巴什河楚克達爾河爲一河東流至沙雅爾城東南又合渭干河爲一漢時渠犁當在塔里木大河北岸精絕國則在大河南岸今則河之北岸悉爲沮洳葭葦之場河之南岸則戈壁也開都河亦曰海都

土人呼爲通天河大小珠勒土斯河東南流至喀刺沙爾西門已并入海都河自漢以後咸曰爲海水其浩瀚可想耶律文正西遊錄載有苦蓋八普可傘巴攪等城謂苦蓋多石榴其大如棋甘而差酸凡三五枚絞汁盈盂湯中之尤物也巴攪城邊皆巴攪園故以名其花如杏而微淡葉如桃而差小冬季而花夏盛而實八普城西瓜大者五十斤長耳僅負二枚苦蓋西北五百里有訛打刺城元史作訛答刺城附庸城十數此城渠會常殺命吏數人商賈百數盡掠其財貨西伐之舉由此也考訛打



刺城在土魯番東又東南五百里於布隆吉河相近其  
詳已不可考附書以俟博雅君子喀刺沙爾舊有城高  
一丈三尺周二百五十四丈東西門二東曰德綏西曰  
撫徠乾隆二十二年以其地要害設辦事大臣一章京  
三筆帖式三城守遊擊一把總二外委五兵二百二十  
一管理屯田都司一把總二經制外委五兵百七十二  
管理沙克塔里屯田千總一外委一兵百三十以上綠  
營兵由內地派換三十六年土爾扈特和碩特自俄羅  
斯來歸土爾扈特設十旗爲烏納恩蘇珠克圖盟分駐

庫爾喀刺烏蘇晶河塔爾巴哈臺而以札薩克卓里克圖汗駐之大珠勒土斯統之和碩特設四旗爲巴圖色特啟勒圖盟駐之小珠勒土斯而以札薩克阿穆爾靈貴貝子領之東南界喀刺沙爾西北界伊犁之納刺特嶺東北界烏魯木齊南山西南界布古爾城海河兩岸犂帳如雲以耕以牧稱樂土焉

按唐六典永徽中始置安西大都護府考舊書郭孝恪傳貞觀十六年行安西都護西州刺史蓋滅高昌後便置安西都護加大字則永徽中事也安西都護

府初治西州以刺史兼之州至焉耆七百一十里孝  
恪破焉耆師旋西突厥處那覈使其吐屯攝焉耆文  
皇怒數其使吐屯懼始返其國此與準噶爾之情形  
無異也

西域考古錄卷十二

海月堂  
雜著

海鹽俞浩 湛持

庫車

沙雅爾

蔥嶺以東城郭之國十數龜茲爲最著自貳師將軍伐  
大宛後咸震讐多遣使貢獻及田輪臺渠犂而都護治

烏壘以護南北道

漢書西域傳烏壘城都尉譯長各一  
人與都護同治其南三百二十里至

渠犂宣帝時遣衛司馬使護鄯善以西數國及分車師  
前後王及山北六國其後曰逐王來降乃因使并護北  
道故號曰都護匈奴僮僕都尉由此罷匈奴  
益弱不得近西域於是徙屯田於北胥鞬後漢孝肅

初班超居於寘疏勒及定龜茲復居之唐以龜茲為安

西大都護府四鎮之首通典安西大都護府本龜茲國也貞觀二十二年阿史那社爾

破龜茲於其地置都督府領蕃州九至顯慶三年蘇定

方平賀魯分其地置濛池昆陵二都護府分其種落列

置州縣自西州移安西都護府於龜茲龍朔元年吐火

羅款塞乃於于闐以西波斯以東十六國置都督刺史

凡州八十縣百一十軍府百二十六立碑吐火羅以志

之而悉隸於安西都護府東至焉耆鎮守八百餘里西

至疏勒鎮守二千里南至寘鎮守二千里東至北庭

府二千里南至吐蕃八百里北至突騎施界沙雁州一

千里正西至撥換城五百六十里又西北二百里至大

石城又西北經拔達嶺旁熱海西北至碎葉鎮守千四

百蓋其重如此今之庫車城視漢北徙數十里為唐龜

茲之多褐城地庫車者譯言胡術也處西域適中東西

孔道古今形勢一也其城距京師九千五百五十里東至嘉峪關四千七百五十里距喀刺沙爾城九百五十里西距阿克蘇城七百五十里正南徼西距所屬之沙雅爾城百六十里西北至拔達冰嶺八百餘里今之轄境東至阿爾巴特臺二百里西至河色爾臺百六十里南至博羅咳六十里北至白山二百里東西僅三百六十里南北二百六十里視唐之幅員十不得三四考之漢唐所載大唐西域記屈支國東西千餘里南北六百餘里其廣狹相去懸絕矣按漢書西域傳龜茲南與精絕東南與且末西南與扞彌接考且末傳南至小宛三日行西通精

絕二千里精絕傳南至戎盧四日行西通扞彌四百六十里渠勒傳南與渠勒東北與龜茲接西通于賓三百里渠勒傳東與戎盧北與扞彌接又考渠犁西至龜茲五百八十里亦曰東南與且末南與精絕接是知精絕國境東西長也夫且末南有小宛精絕南有戎盧而渠勒則東接戎盧西接扞彌扞彌西距于賓三百里而且末小宛戎盧渠勒于賓南皆與媯羌接十三州志媯羌國帶南山西有蔥嶺餘種或虜或羌戶口甚多強則分種爲象會更相鈔茶兵長於山谷果於觸突以戰死爲吉利是龜茲在漢時其南境接壤諸國遠至三四千里若今日庫

車南境自沙雅爾城外東西數千里非戈壁卽沮洳場  
無論小宛戎盧諸國若茫若昧卽唐書所載蘭城胡弩  
同城播仙諸鎮城均已莫可究詰自漢至今南道諸國  
不淪爲沙磧者惟于寘一國而已

宋雲使西域行程記  
從吐谷渾西行三千

五百里至鄯善國從鄯善西行一千六百四十里至左  
末城從左末城西行一千二百七十五里至末城從末  
城西行二十二里至捍慶城從捍慶西行八百七十八  
里至于寘國以此推之精絕已并八且末扞彌至魏正  
光中則且末扞彌皆入於吐谷  
渾史無明文無從悉其詳耳按漢書西域傳龜茲國

王治延城後漢書注引作居延城班超梁懂傳又有它  
乾城或卽居延城之轉魏書龜茲在白山南一百七十



里其南三百里有大河東流號計成水

卽計成水

卽黃河也

隋西域圖志白山一名阿羯山常有火煙是出礪砂處  
唐書王居伊邏盧城北倚阿羯田山亦曰白山常有火  
大唐西域紀屈支都城周十七八里北二百里有山夜  
則火光晝日但煙宋史師子王常避暑北庭山中山出  
礪砂常有煙氣涌起至夕光燄如炬照見鳥鼠皆赤元  
史及大事記別失八里獨山城西其北有大山出礪砂  
夏秋火光照山谷間有熱海數百里番名亦切湯兒然  
氣候常寒六月飛霜明史亦力把力有城不居惟逐水

草居羶帳地有白山常有煙火出礪砂采者著木屐而

八新彊記畧庫車城北山多石洞以百十計昔出礪砂之處每至春夏秋洞中皆火夜望如萬點星光人不可近冬日極寒時大雪火息土人往取赤身而入砂產洞中如鍾乳形故爲難得也戎幕隨筆自連城以西至輪臺今玉古爾至三道河皆漢時屯田處其北大山綿亘水經所謂赤砂山長千百里山色赤俗稱火燄山土產銅鐵鉛錫礪砂雌黃礪砂生崑洞中如箭鏃如鍾乳其佳者明淨如金剛鑽外國人寶之按漢書龜茲能鑄冶梁書劉之遴傳外國燥灌一口有銘云回疆通志火元封二年龜茲國獻是能鑄冶之證也

燄山自哈刺和卓土爾番緊刺沙爾庫車迤北大山皆

色赤如火中產礪砂常有煙霧全涌至夕光氣熊熊無

異燈炬祁氏西域釋地礪砂山在庫車城北百里是也

考魏書悅般傳其國南界有火山傍山石皆焦鎔流地  
數十里乃堅凝人取以爲藥卽石流黃也又按通典云  
龜茲國西北大山中有如膏者流出如川行數里入地  
狀如餽餽甚臭服之齒髮已落者能令更生已大厲考  
悅般本單于部落爲竇憲所逐西走康居其不能去者  
住龜茲北涼州人猶謂之單于王是悅般南界卽龜茲  
北山龜茲之餽餽卽悅般之流黃蓋一物而所紀不同  
考烏孫漢以後無聞北史言其國數爲蠕蠕所侵西徙  
蔥嶺悅般之居卽是烏孫故地而悅般亦爲蠕蠕所滅

通典又以鍍汗爲烏孫之裔乃龍朔初以鍍汗爲悅般  
都督府何耶今以諸說推之證以今日目見則烏孫所  
都之赤谷與水經注之赤砂山圖經之火燄山似皆以  
礪砂得名今庫車所產銅鉛歲額解伊犁鑄錢其銅廠  
在托和奈臺東北山中按唐書自焉耆西南經二大河  
至龜茲二大河者今海都河及舊時龜茲東川水也水  
經注東川水出龜茲東北歷赤砂積梨南流枝水右出  
西南入龜茲城川水又東南流逕於輪臺之東今庫車  
河水皆出東北大山中由銅廠西復分三支西南流其

右水一支至庫車城南引以灌溉稻田又南流至博羅  
峽入渭干河者經注入龜茲城之枝水也至東川水今  
日已不會西川水按聞見錄云庫車東南十里有頽城  
一段長五六里雉堞猶存極堅固土人謂漢屯兵處董  
氏以爲卽水經注之水閒故城然考龜茲故城在今庫  
車南數十里據唐書地理志自安西渡白馬河至今賽  
里木城三百里今自庫車至賽里木城二百四十里足  
證漢唐城之非今日庫車城則此五六里之頽城在龜  
茲之北明矣考唐書阿史那社爾之伐龜茲破其五大

城小城七百以冊府元龜考之凡得大城五小城七十  
營堡數百新書并營堡計之誤以爲小城七百也五城  
可考者多揭城撥換城外尚有泥師一城餘二城無考  
此類城或是渠犂故城但無確證耳按永建三年敦煌  
太守張朗將河西四郡士卒與班勇擊焉耆朗先期至  
爵離關考釋氏西域記龜茲國之南山上有寺曰雀離  
雀離關當以寺得名晉書云龜茲城有三重城中佛寺  
塔廟以千計西域之重佛自漢魏已如此其見於法顯  
記中者尚可徵也

考龜茲在西漢時以尚烏孫公主女故數入朝賜印綬及車騎鼓吹歸國時輒效漢家儀出入撞鐘鼓胡人皆曰驢非驢馬非馬若龜茲王所謂羸也至成哀時往來不絕漢待之亦親建武時莎車王賢滅其國以其子爲龜茲王又立其貴人駟鞬爲烏壘王後皆爲龜茲人所殺永平中王建爲匈奴所立據有北道攻殺疏勒王立其國人兜題爲王建初三年班超請連諸國以伐龜茲謂以夷狄攻夷狄兵可不費中國而糧食自足及超破莎車敗月氏之明年龜茲降乃

賜廢其王而立舊侍子白霸延平元年西域叛攻任  
尚於疏勒詔副校尉梁懂將河西四郡羌胡五千騎  
馳赴之懂未至而尚已得解徵還以段禧爲都護趙  
博爲騎都尉禧博守它乾城城小懂以爲不可固乃  
謫說白霸許之懂旣入遣將急迎禧博而龜茲吏人  
叛其王與溫宿姑墨數萬兵反攻王城懂等出戰大  
破之乘勝追擊斬首萬餘獲生口數千人駝馬畜產  
數萬頭龜茲乃定延光三年班勇出屯柳中龜茲王  
英率姑墨溫宿二王詣勇降因發其兵破降車師西



域遂平晉太康中遣子入侍呂光之伐西域其王白  
純發兵距境討平之萬度歸平焉耆移兵擊之大獲  
駝馬而還唐初役屬於西突厥郭孝恪之伐焉耆以  
兵來援敗之貞觀二十一年月食昴上以月食修刑  
昴爲胡星分遣阿史那社爾爲昆邱道行軍大總管  
契苾何力副之以伐龜茲遂破平之移安西都護府  
於龜茲兼統于寘疏勒碎葉三鎮旋爲吐蕃所陷長  
壽中王孝傑破吐蕃收復四鎮以鐵騎三萬鎮之有  
政績者田揚名郭元振張孝嵩杜暹蓋嘉運諸人皆

以都護鎮安西者貞元中陷於吐蕃大中以後吐蕃  
覆滅安西復內附自是大盜作而唐祚亦傾安西爲  
盟末所據宋爲師子王國元平西域統於別失八里  
立行尚書省於別失八里兼管畏吾兒城子軍路事  
又立別失八里兀孫等處宣慰司凡管城子二十四  
城各置達魯花赤兼勸農事至元中盜起別失八里  
詔明安以兵討平之後以舊龜茲溫宿于寘諸城分  
封濶端明爲亦力把力永樂中與撒馬兒罕諸國皆  
遣使入貢至國初順治數人貢或以土爾番酋署

名或葉爾羌會署名然表猶稱元太祖之裔康熙中始爲準噶爾所破滅使諸昂吉攝守而督賄於和卓木和卓木者其上世本天方國人奉其教來蔥嶺以東諸部咸信奉猶蒙古之于刺麻也至是元裔諸酋已爲準噶爾所殘因諸部人皆奉和卓木爲教主故準夷假以集事然其人戶皆蒙古種亦有回紇吐番突厥達旦諸雜種而獨無天方人

沙雅爾城東北至庫車城百六十里隸庫車大臣管轄城在渭干大河間東南北三面濱河地暑濕宜稻瓜果

梨尤佳城外沮洳多葭葦檉柳其南卽沙山出虎狐狸  
舍利孫銅鉛硝黃夏多蟲如南方水鄉豹腳狀牛馬被  
鬻至咆哮流血人避重帷中始免僻南不當道人亦椎  
魯生女獨妍麗美於他處西南通和闐八日行有閒道  
可至西藏然多戈壁無水草夏秋尤不能行康熙中準  
噶爾以數千銳卒由沙雅爾取道襲西藏不能達而返  
犯瘴厲死者十之七八乃遷怒於沙雅爾回子屠戮無  
餘類諸圖志皆不知沙雅爾於漢唐爲何城按水經注  
西川枝水東流逕龜茲城南合爲一水水間有故城蓋

屯校所守也其水東南注東川考西川水今合并於大

河無人東川者準之今日地望疑沙雅爾城卽道元之

水聞城雖年代邈隔形勢猶可髣髴也

西川水董氏以今拜河二源水

當之恐未確說詳見十三卷

考庫車漢城當在今渭干河北岸頗據

要害不似今庫車之無險可設也西域釋地丁谷山在

庫車城北有古寺多唐碑浮屠高數十丈聞見錄有大

小佛洞佛像及唐鑄藏經於洞口壁上按戎幕隨筆云

丁谷山千佛洞白衣洞卽唐書所謂阿羯田山山勢自

西北迤邐趨東南天山所分一大幹也白衣洞有奇篆

十餘剝落不可識洞高廣如夏屋屋隅有泉流出洞中石壁上鐫白衣大士像相好端正衣帶當風如吳道子筆洞左復有一洞如曲室深窈不可窮前臨斷崖見西南諸峯無名而秀異者甚衆西日照之雪光耀晃不能久視上下山谷佛洞以百數皆元人所鑿佛像亦剌麻所爲醜怪百出不堪厲目壁鐫楷書輪迴經一部字甚拙亦元時物或指唐人刻者謬也考白山以西北唐爲突騎施沙雁州界東爲鷹娑都督府地皆隸於安西府者白山西北勢極崢巨如崇墉壘壘開合雲氣中自石

浮屠至千佛洞可五六十里東南斬崖一帶橫亘如城  
城上復疊兩重城漸隘至頂下層望上層呼之可應然  
陡絕不可登須遶出山背盤道紆迴幾十里乃得到有  
潭水畝許不涸不盈唐時有關隘以防禦突騎施塔下  
舊有兩截碑文字可辨者三之一唐開元三年安西都  
護呂休璟爲監察御史張孝嵩平阿了達干紀功碑也  
孝嵩以奉使至憤吐蕃之跋扈念拔汗那之式微以便  
宜徵兵戎落出安西數千里身當矢石俘斬函夷故碑  
中多以常惠陳湯比之今僕以大將軍之命奉使至此

其有媿於古人多矣拔汗那者漢烏孫之裔也詳見唐

書張孝嵩傳中

按謝公以雍正丙午戌烏里雅蘇臺時連歲有事於準夷謝以乾隆元年召起

謫籍十載西陲人以此劉安世稱爲鐵漢乃踪跡所至不廢讞詠尤必窮高極深盡其奇勝其胸襟爲何等真奇人也

拔汗那或曰鑿罕北魏之破洛那也唐以爲寧遠州

東去疎勒千里西去蘇對沙那五百里西北去石國

五百里東北去突厥二千餘里今考徐氏西域水道

記幹罕在塞勒庫勒西北五日程塞勒庫勒居蔥嶺

之脊唐守捉所舊渴槃陀地也去疏勒五百里西五



百里卽拔汗那蘇對沙那唐之東曹明之沙鹿海牙

今日他勒合施東距瓦漢五百里瓦漢卽幹罕也石

國今之安集延明史曰俺的干西北至瓦漢五百餘里以上

皆與北史道里合至大唐西域記云赭支東南千餘

里至怛捍則以元爽所言道里咸非翔實不足爲據

也乾隆二十四年富將軍追逆曾霍集占撒八達克

山會長擒賊進軍屯瓦漢以待之瓦漢卽捍罕之轉

也友人葉孝廉子佩所著外譯存考辨證尤詳明亦

以拔汗那爲今之捍罕因附之於此以質博雅君子

庫車額設辦事大臣一員章京二員筆帖式二員綠營  
游擊一千總一把總二外委三由內地派撥更換綠營  
兵三百名



西域考古錄卷十三

海月堂  
雜著

海鹽俞浩 湛持

烏什

阿克蘇

拜城 賽里木

乾隆二十九年春二月烏什人殺其辦事大臣蘇成及伯克公哈密回曾阿布都拉以畔伊犁將軍明瑞討平之更築新城 詔賜名永寧城焉城在白山之麓準噶爾時最著名名之曰圖爾滿猶言都會也

聞見錄作今土爾蕃誤

曰烏什言峰勢峻絕也至京師一萬五百里東距嘉峪

關五千七百餘里西南至喀什噶爾二千二百二十里

沿烏蘭烏蘇逕路行凡六百餘里西陲要畧自烏什西

爾巴噶什布魯特游牧行約七百餘里自伊犁西南及

阿克蘇烏什西北一帶為東布魯特諸部游牧自阿克

蘇由南而西一千四百餘里至葉爾羌自葉爾羌西北

五百九十里至喀什噶爾中有英吉沙爾城西南烏魯

克卡倫距拔達克山部落一千七百餘里喀什噶爾所

屬卡倫以外為西布魯特游牧外通安集延霍罕諸部

落是也按漢書西域傳尉頭國王治尉頭谷謂白山之谷

也南與疏勒接山道不通疏勒都白山南故以為阻西至捐毒千三

百十四里徑道馬行二日田畜隨水草衣服類烏孫尉

頭有城郭而事牧放俗近烏孫故也唐書地理志自撥  
換西南渡思渾河百八十里有濟濁館故和平鋪也經  
故達榦城百二十里至謁者館又六十里至據史德城  
龜茲境也一曰鬱頭州尉鬱字形  
因近而誤在赤河北岸孤石山

渡赤河經歧山三百四十里至葭蘆館又經達漫城百  
四十里至疏勒鎮是唐時烏什至喀什葛爾四百八十  
里赤河來自疏勒西北葛邏嶺至城西分流合於城東  
北流入據史德城界疏勒赤河卽烏蘭烏蘇蒙古語赤  
水也西域釋地烏蘭烏蘇有兩源出布魯特境流入喀

琅圭卡倫之北合爲一南流始名烏蘭烏蘇逕城西南  
注雅滿雅爾河按水經注北河自疏勒逕流南河之北  
暨於溫宿之南右合枝水北河又東逕姑墨國南姑墨  
川水注之水道記曰烏蘭河雅滿雅爾河合爲喀什噶  
爾河卽水經注之北河聽雜阿布河澤布勒善河合爲  
葉爾羌河卽水經注之南河尉頭在溫宿之西其中大  
山絛亘故與疏勒山道不通今固勒札巴什諸山是也  
喀什噶爾河東流逕葉爾羌北又東流逕烏什南漢書  
西域傳溫宿東通姑墨二百七十里姑墨南至于闐馬

行十五日今阿克蘇距滴水厓里數畧同自阿克蘇城南渡河循和闐河有道通和闐城卽馬行十五日之道唐書地里志自撥換城南而東逕崑岡渡赤河又西南經神仙渡睢陽城鹽泊又南經疎樹九百三十里至于闐今喀什噶爾河東流自烏什南逕阿克蘇南又東南卽與葉爾羌來之南河會通爲塔里木河寰宇記安西止南與于闐城守捉相當並與漢書及今地理合水經注北河枝水上承北河東北與疏勒北山水合又東逕莎車國南又東逕溫宿國南于此枝河右入北河今喀什



什噶爾河東流逕巴爾楚克城南入烏什南界別無枝  
流河北近大山以經注言之當自喀什噶爾城南分枝  
水北流又東隨山麓東行逕巴爾楚克城諸地至烏什  
南界合爲一古今或有變遷也水經注又曰姑墨川水  
導姑墨西北歷赤沙山東南流逕姑墨國西又東南流  
右注北河唐書地理志撥換城西有撥換水卽姑墨川  
水今烏什河出烏什西山逕烏什城北東會阿克蘇河  
今阿克蘇河出西北大山者有扎什河胡馬拉克河湯  
訥忽克河及渾巴什河俱東南流經阿克蘇城東滙爲

楚克達畢河以入塔里木河城東北之阿爾巴特河卽  
經注之姑墨川唐書之撥換河惟不入大河流至哈刺  
珠勒滾之南入沙而伏見之水道記者其遷徙未可執  
一以概也烏什之瑚什奇河與喀什噶爾之烏蘭烏蘇  
俱爲唐之赤河而兩地異稱祁氏之西域釋地又與通  
志及水道記歧誤未知孰是據史德城唐書高仙芝傳  
作握瑟德城一聲之轉也通典自撥換至據史德城四  
百里與今合漢書西域傳溫宿去長安八千三百五十  
里疏勒去長安九千三百五十里是溫宿疏勒東西相

距千里溫宿國西至尉頭三百里

今自阿克蘇至烏什驛程二百里凡三軍

臺

今自阿克蘇取烏什閒道至喀什噶爾約千里而弱

按高仙芝分軍討小勃律自握瑟德趨踈勒蓋亦由閒道也

阿克蘇譯言白水也爲古溫宿國漢紀以爲次大國在今日亦西域一大城也至京師一萬三百里東距嘉峪關五千五百里東二百七十里曰滴水厓爲漢姑墨國地地出銅今有銅厓在滴水厓及溫巴什其西七八十里曰阿爾巴特軍臺唐撥換城故址也撥換城南望祖

連西連蔥嶺控四鎮之咽喉當突騎施之衝要在唐時  
西域有事必爭之所也寰宇記安西都護府西至撥換  
城五百六十里與通典同唐書地理志自安西出拓厥  
關渡白馬河百八十里西入俱毗羅磧經苦井百二十  
里至俱毘羅城又六十里至阿悉言城俱毘羅今阿克  
蘇東四百九十里之賽里木城其西五十里則拜城也  
二城在唐時蓋龜茲七十城之二城賽里木譯言清淨  
拜譯言富厚也二城雖當孔道然處雪山之下土瘠而  
寒所收惟二麥樹藝不蕃故風氣淳良無它處回部惡

習按今驛程自庫車至滴水厓謂卽唐小石城與通典  
唐志皆不合徐氏謂城郭有遷移郵置有更易故道里  
亦有今昔之異按會要顯慶中平賀魯裂其地以處諸  
部授以都督刺史統以昆陵濛池二汗而隸於安西大  
都護自撥換城以北西至疎勒鎮爲鷹娑都督分地今  
烏什有鷹落山卽娑落一聲之轉猶之絜山鹽泊雙湖  
蒲延皆以境內地名名之也又於安西設關戍守取開  
拓突厥之意以防禦突騎施輿地廣記拓厥關在昆河  
水上有鐵騎五千戍之其西五十里爲白馬渡路通瀚

海軍白山南有銅鐵廠軍民雜聚爲冶鑄之所關城兩山壁立中峽深百十丈水流其中日夜有聲人行北山顛俯視骨悸魂搖過大龍峪千佛洞踰嶺至突騎施沙雁州西至撥換城由北山口二百里關距安西府百里據此推之唐拓厥關故址當在今庫車城東托和蘆軍臺之北昆河當卽今庫車東之庫克訥克嶺水龜茲故城當在今庫車城南四十里考拜城以北爲舊烏孫境烏孫都赤谷當在今烏什北山蓋赤谷爲赤沙山之谷山雖緜亘以唐志證之在烏什無疑唐書地理志溫肅

州西北三十里至粟樓烽又四十里度拔達嶺

度嶺不言里數

以下文五十里頓多城下卽接烏孫所治赤山城疑頓多城句下有闕文

又五十里頓多城

烏孫所治赤山城漢書西域傳溫宿北至烏孫赤谷六

百一十里今自州西北至赤山城僅百二十里嶺卽長

不能至五百里此唐志有脫訛必矣下又曰又三十里

渡真珠河唐書西域傳石國西南有藥殺水流入中國

謂之真珠河亦曰質河又拔汗那居西韃城在真珠河

之北石國今安集延拔罕那今捍罕喀什葛爾去安集

延五百里去捍汗則千里唐志赤河自疎勒西北葛邏

嶺來疑質河卽赤河之轉今蔥嶺自喀克善山折而東  
至阿克蘇以北爲木素爾達巴罕譯言冰嶺也惟一繩  
通人行中有雪海若遇風雪迷失道路鮮有免者乾隆  
二十年準噶爾曾達瓦齊自格登山西踰庫魯克嶺至  
烏什今俗訛爲貢谷魯克山道光七年那彥成奏報自  
惠遠城至烏什計千三百里俱有水草中隔數河人馬  
可渡較冰嶺一路險易懸殊惟中有七程屬布魯特游  
牧未便置驛是以久經封禁寰宇記經拔達嶺傍熱海  
西又西北至碎葉鎮千四百里準其地望惠遠城與碎



葉鎮東西相直道里相等拔達乃冰嶺總名唐書所謂

蔥嶺北原故拔達克山部落亦因居蔥嶺而名漢書西

域傳姑墨出銅鐵雌黃今與阿克蘇產銅最盛設上下

廠錢局鑄一當五錢以給各城之用又出黃礪沙道家

謂之黃芽唐書地理志撥換城南臨思渾河西北渡撥

換河中河距思渾河百二十里至小石城後書班超傳

姑墨有石城此小石城即姑墨國都城矣西陲要畧伊南卡倫外有

善塔斯大嶺蔥嶺北幹也自嶺西行三百餘里至特木

爾圖諾爾譯言鐵海子以水中沙可熬鐵也由海子南

岸行越巴里渾大山三百里至塔里喀河渡河溯流向

東南越大山可至烏什按此所云大山當即庫魯克嶺

也烏什城南五里及羊塞爾臺俱有神泉出柳樹中清冽異它泉又阿克蘇北山石洞出溫泉浴之已癘疾洪亮吉冰山贊曰伊犁之南度渾河五六百里有冰山焉俗名八達坂爲適葉爾羌西藏要道其冰一曰數折亦終古莫解高撐層霄下絕九地能分軫陰陽回轉日月過此坂者必以于夜人馬半道亦輒聞天傾地裂之聲或竟有陷入無聞者開合旣條孰窺神奇呼吸未周已判人鬼每星郵羽檄取道於斯雖蝨行螻步蛇枉魚孽咸震慄失形回皇墜魄然舍此以往別無他道若天風不鳴月魄晃朗涉其巔者又輒聞百丈以下絃管絲竹嘈嘈並舉聆其清聲絕自子夜或以爲流瀾沙石上下搏擊其幽咽吞吐響或類斯亦卒莫究其奇矣主宿頓者必曰撥回戶二十盤冰棧冰梯以通過客余偶隨將軍至此旣訝其奇異又莫測其幽隱爰爲之贊曰陰陽顯晦倏爾萬變飛仙失足亦墮無聞冰梢爍日波末閃電清冷夜聆奇鬼盡見危茲達坂高乃百盤南馳于嶺北走大宛洶洶隆隆地軸半折熇熇燦燦天宇五色

紀文達灤陽消夏錄曰烏什回部將叛時城西有高阜云其始祖墓也每日將暮輒見巨人立墓上面濶一尺翹首向東若有所望叛黨殄滅後乃不復見或曰是知劫運將臨待收其子孫之魂也或曰東望者示有兵自東來早爲備也或曰回部爲西域向東者面內也示子孫不可叛也是皆不可知其爲烏什將滅之妖孽則無疑也

烏什辦事大臣一員印房章京一員筆帖式二員委筆帖式

四員額外委筆帖式五員從九未入流職銜六員糧餉局章京一員

從九未入流職銜三員卡倫侍衛六員滿營佐領一員

驍騎校二員兵二百十三名內帖寫十三名城守營都司守備

千總各一把總三經制外委七額外外委二兵六百七

十名屯田參將一守備二千總二把總一兵二百五十

名

以上兵  
皆換防

阿克蘇辦事大臣一員糧餉局章京一員筆帖式一

委筆

帖式三員滿營佐領防禦驍騎校各一員兵六十名綠營游

擊一千總二把總二經制外委二兵二百六十五名

內種

稻穀兵十八名管理銅廠遊擊把總各一經制外委二兵二百

九十八名管理錢局把總二兵六十名

以上兵  
皆換防



西域考古錄卷十四

海月堂  
雜著

海鹽俞浩 湛持

葉爾羌

屬城  
九

哈拉噶里克 托古斯堪 三珠 英格奇盤

塔克 庫庫雅爾巴什里克 和什拉布

巴里楚克 賽澗羅

和闐

屬城  
五

哈刺哈什 玉龍哈什 車埒 克里雅 塔克

西域以葱嶺爲西屏葱嶺之東南北名城相望有若對

待葉爾羌爲古莎車國至京師萬三百里至嘉峪關六千五百里東由臺路距阿克蘇千三百里東南距和闐七百餘里西南大山卽古蔥嶺卡倫外爲西布魯特遊牧通拔達克山部落東南有逕通烏斯藏西北距喀什哈爾五百里北阻湖灘戈壁南卡倫外亦西布魯特遊牧逼近喀什噶爾境尤寬廣葉爾羌蒙古語謂土宇寬廣也後書班超傳臣見莎車疏勒田地肥廣草牧饒衍不比敦煌鄯善閒也今西四城較東四城尤爲富庶亦其證也漢書西域傳疏勒南至莎車莎車西至疏勒水

經注北河枝水又東逕莎車國更證之西域圖經莎車

故城在今葉爾羌北境丛在北河之北當今葉爾羌所

屬之巴里楚克諸地其境則南有葉爾羌地故疏勒傳

云南至莎車也至若所併諸國如無雷漢書西域傳無

祀北與捐毒接蓋在蔥嶺上當今西布魯特部落之南

博羅爾部落之北喀什噶爾西邊地哈拉庫爾分流之

河水在當日應徇山東南流正逕無雷之北故水經注

云一水東流逕無雷國北也按無雷東北至蒲犁五百

四十里聞見錄以葉爾羌爲屬賓新疆紀畧又以爲大

食其妄不足辨乃和琳以葉爾羌境爲無雷國近驚蟄

後乃時有雷聲以依耐漢書西域傳依耐國北至疏勒

爲怪則可笑矣依耐莎車西接疏勒是莎車在依耐

東北蓋在無雷蒲犁二國。按依耐東北至莎

適中當今英吉沙爾南界車五百四十里蒲犁漢書



西域傳蒲犁東至莎車五百四十里攷于合云西接蒲犁北接莎車此云東至蓋東北也五百當從莎車傳作七百也再證之水經注東逕依耐北又東逕蒲犁北當在今英吉沙爾葉爾羌之間分流之水當自此東流至葉爾羌合葉爾羌河也

西夜子合諸國

子合北與莎車西與蒲犁接

唐之朱俱

波烏鍛皆當在今葉爾羌襟帶之間元之鴉兒看城水驛亦今葉爾羌地漢書西域傳蒲犁依耐無雷皆西夜類也西夜與胡異其種類羌氏行國隨逐水草往來而子合地土出玉石唐書惟烏鍛出玉至西夜諸種則似今之東西布魯特部落也佛國記自于寘行二十五日到子合國蓋于寘西通皮山法顯當日由皮山以達于

合也又云自子合南行四日大葱嶺山魏書西域傳渠  
沙國居故莎車城在子合西北伽藍記宋雲自于闐入  
朱俱波國人民山居五果甚豐食則麥麩不立屠殺食  
自死肉風俗言音與于闐同文字與婆羅門同其國疆  
界可五日行遍新唐書西域傳朱俱波漢子合國也并  
有西夜蒲犁依耐得若四種直于闐西千里葱嶺北三  
百里西距渴盤陀北九百里屬踈勒南三千里女國也  
開元中破平其國并滅渴盤陀置葱嶺守捉所於兩國  
間爲極西邊境焉子合之爲朱俱波史無明文當在神

龜以前也漢書西域傳于闐西通皮山三百八十里皮  
山西北通莎車三百八十里于闐至莎車七百二十里  
莎車西至踈勒五百六十里皆與今驛程合考子合東  
與皮山西南與烏秣接屬賓則東至烏秣西南與烏弋  
山離接是由皮山至屬賓必先經子合與烏秣而子合  
在皮山之西故皮山西北通莎車也魏書西域傳蒲山  
國西南三里有凍凌山今由克什米爾至痕都斯坦必  
度一冰山人畜須士人牽負險害甚於拔達嶺或卽此  
凍凌山而三里字疑有脫譌也漢書言子合出玉石唐

書云烏鍛國出青白鷺三種玉莎車傳云有鐵山出青  
玉穆天子傳天子西征至劔閭氏乃命劔閭氏供養六  
師之人於鐵山之下天子祭鐵山御覽以爲卽莎車之

鐵山也按今米勒岱山出青玉當卽古之鐵山也

按米勒岱

山與葱嶺相連西南之山回語呼爲塔爾塔什達巴罕  
明一統志亦有此稱山分二支一向東南達和闐境爲  
南祁連山之祖脉一向西北達喀什噶爾境爲北祁  
連山之祖脉所謂三十六國西限葱嶺卽此山是也  
經注河水重源有三一源出捐毒之國葱嶺之上河水

潛發其嶺分爲二水

葱嶺卽天山西南之正幹漢書西域傳所稱南山北山皆葱嶺所分

今自西布魯特部落西南至喀什噶爾之西葉爾羌之  
西南博洛爾拔達克山鄂克善諸部落皆在葱嶺之關

西域傳捐毒國東至疎勒南與葱嶺屬西上葱嶺則休

循也是捐毒當今西布魯特地

涼土異物志曰葱嶺之水分流東西西入大海

東爲河源今葱嶺西界之水滙爲圖斯庫爾及伊西洱庫爾其西北則入達里岡阿鄂謨而拔達克山以南之水西北流至布哈爾部落入騰吉斯鄂謨也

西布魯特西南直接葱嶺東山

曰伊斯克里克水曰赫色爾西山曰吉布察克水曰哈

喇庫爾二水南流瀦爲哈拉庫爾庫爾者譯言池東出

爲喀什噶爾達里雅達里雅者譯言大河卽蔥嶺之源

也按水經注云河水自蔥嶺分源東逕伽舍羅國逕歧

沙谷出谷分爲二水

大唐西域記揭盤陀國大崖東北至奔攘舍羅蔥嶺東岡四山之中

商旅往來從此東下蔥嶺注引釋氏西域記稱爲萬揭國要道由此東下蔥嶺則奔攘舍羅當卽伽舍羅矣。羯盤陀爲今葉爾羌所屬喀什噶爾楚迤西地河源之哈拉庫

爾正當其北亦曰哈喇淖兒蒙古語黑海子也乾隆二

十四年大軍追霍集占至此爲中國極西邊境按今哈拉庫爾東流逕喀什噶爾南爲喀什噶爾河卽註所言

北河自葉爾羌西南遶城者爲葉爾羌河卽注所言南

河二水異源而注以爲一水所分與今水道不合今葉爾羌

河自葉爾羌西南徼外曲流東北逕拉虎爾克什米爾諸部落左合米勒岱玉山一水東北歧爲二支環葉爾羌城而東復合謂之葉爾羌譯斯騰譯言濟成之河今喀什噶爾自西迤南至英吉沙爾自西迤東南

至葉爾羌西南之塔爾塔什達巴罕歧沙谷當在今喀什噶爾之西蔥嶺中自此以東出山卽爲平地英吉沙爾民多引渠以灌田或舊有水傍山東下與葉爾羌河相通其後乃更湮塞歟

大軍敗霍集占於沙雅爾之鄂根河奪麻尼薩一桿旣而追勦之葉爾羌移營偪賊輜重於齊盤山半濟而橋圯賊衆大至且戰且行至喀刺烏蘇築堡守明年春援兵至圍始解方固守時於其地得窖米贍軍樹上檢鉛丸濟用所謂黑水圍爲六戰圖之一今其地名洗泊在

### 葉爾羌城南

按魏源蕩平準部記乾隆二十四年秋七月朔霍集

占兄弟棄葉爾羌城西走拔達克山明瑞以選鋒千騎追及之霍斯庫嶺敗之其地爲蔥嶺之顛有黑龍池回語哈拉庫爾卽釋典之阿耨達也又七日我大軍亦至追及阿爾楚山復大敗之追攻二十餘里殺賊千獲器械無算又三日至伊西洱庫爾拔達克山交界也云云伽藍記八月初八日入漢盤陀界西行六日登蔥嶺復西行三日至鉢盂城三日不可依山其處甚寒冬夏積雪山中有池毒龍居之自此以西山路欹側危坂千里懸厓萬仞極天之阻實在於



斯自發蔥嶺步步漸高如此四日乃得至嶺依約中  
下實半天矣漢盤陀國正在山頂自蔥嶺以西水皆  
西流入西海世人云是天地之中城東有孟津河東  
北流向踈勒蔥嶺高峻不生草木是時八月天氣已  
寒北風驅鴈飛雪千里九月中旬入鉢和國卽唐之護密亦  
曰達摩悉鐵諦今日博洛爾大唐西域記蔥嶺者據贍部洲中南  
接大雪山北至熱池千泉西至活國東至烏鍛國東  
西南北各數千里厓嶺數百重幽谷險峻恒積冰雪  
寒風勁烈多出葱故謂蔥嶺達摩悉鐵諦國臨縛芻

河盤紆曲折產馬形小耐馳涉俗獷貌陋服維羶褐

從此出吐火羅境至尸棄尼唐爲五識匿國商彌國踰越

險阻七百餘里至波謎羅川唐書高仙芝傳稱爲播密川川有大

龍池東西三百餘里南北五十餘里據大蔥嶺內當

贍部洲中高處池水澄清皎鏡莫測其深色帶青黑

味甚甘美池西派一大流西至達摩悉鐵諦國東界

與縛芻河會而西流東派一大流東北至佉沙國唐

疏勒鎮今之喀什噶爾界與徙多河合而東流也故此已右水

皆西流已左水皆東流自此行五百里至揭盤陀國

城基大石嶺背徙多河從此東下蔥嶺行八百餘里  
至烏鍛國北史波知國有三池大者有龍王次者有  
龍婦小者有龍子行人經之設祭乃得過不祭多值  
風雪之困大藏西域記阿耨達池在香山之南大雪  
山北周八百里東南流入海者曰碗伽河西南流入  
海者曰縛芻河東北流入海者曰徙多河又潛流地  
下出積石東北流入海者爲中國河源釋典碗伽華  
言天堂縛芻  
華言青徙多華言冷見繡譯名義集唐辨機西域記  
云阿那婆答多池北面頗毗師子口流出徙多河繞  
地一匝入東北海或曰出積石  
山之河源卽徙多河之流也

康熙五十八年

聖祖諭朕於地理從幼留心故遣使至諸水發源之地  
目驗詳悉載入輿圖大概黃河岷江金沙江漢水諸  
源在東南諾莫渾烏巴西大幹之內由西蕃入中國  
者也蘭倉江有二源蘭倉之西爲喀刺烏蘇卽禹貢  
黑水黑水之西爲龍川江此諸源在烏巴西大幹之  
外流入南海者也又有檳榔江者發源阿里部落之  
岡底斯東達木朱喀巴布山

達木朱華言馬喀華言  
口巴布華言木盆蕃人

食器以盛  
糶粳也

有水流爲雅魯藏布江

按西招圖志卽  
大金沙江受水

二十五至  
日喀則城 從南折東流逕衛藏過曰喀則城合噶爾

招木倫江又南流經工布部落入雲南爲賴即江出

鐵壁關入緬甸岡底斯之南有山名郎干亦曰郎喀

巴布華言象口也有水流入馬匹木達賴池池南北百五十里東西百

里見西招圖志 受狼楮拉楮兩諾爾之水西流至桑南地岡

底斯之北有山名價格喀巴布華言師子口也有水流西

行至桑南二水合而南行又折東行至那克拉蘇母

多地與岡底斯嗎卜伽喀巴布華言孔雀口也之水合三水

南行又東南流至額訥特珂克部落爲岡噶母倫江

卽釋典之恒水也

額訥特珂克唐之伽昆羅衛明之沼納樸今日俄爾注英吉黎五印

度志俄爾注中印度部落東北俱界西藏

西界特爾希南界尼保爾俗奉佛教是也

湛持居士曰水經注阿耨達山西南有水名遙奴山

西南小東有水名薩罕小東有水名恒伽此三水同

出一山俱入恒水考之董圖今岡底斯山西南有水

曰打楚河西南小東有水曰復楚河又小東有水曰

瑪楚河三水俱入岡噶江與鄯氏之注大勢較然若

合符節魏源旣臆說於前葉圭綬復詳駁於後總以

多摩犁鞞一字之訛曾見宋板水經乃是多摩犁帝

豈非後人因漢書犁鞞佛國記多摩犁鞞遂改犁帝

爲犁鞞與梵書言四大水出阿耨達山下有阿耨達池以

今考之卽岡底斯是也唐古特人稱岡底斯者猶曰

衆山水之根與釋典之說相合岡底斯之前有二湖

連接土人相傳爲西王母池當卽阿耨達池也梵書本出西域故於彼地山川可爲援據也

聖語煌煌明若丹青所謂俟百世而不惑者矣魏氏逞

其臆決又何足據乎

魏源謂岡底斯廣袤不二百丈高不五百丈不稱阿耨達之名

不如蔥嶺高大居天地之中臆說無理可發一大盟據

今卽據其所言是我軍

先至黑龍池七日後又追賊及阿爾楚山其地爲葉爾羌所屬而渴盤陁國尙在阿爾楚迤西與伽藍記所云不可依山之毒龍池距渴盤陁國王城四日程合不可依山疑卽唐書之不忍嶺距渴槃陀國六百

里者也據伽藍記西域記渴槃陀城據蔥嶺之顛不言龍池在山頂也元奘亦但言池據蔥嶺之內有兩大派水東合徙多河西合縛芻河不言是徙多縛芻之源况四大水源乎然則魏氏之說何所據依終不免杜撰以欺人耳

今按後書西域傳莎車國王延承王莽之亂不肯服屬匈奴常勅諸子當世奉漢家不可負也延處子康代立擁衛故都護吏士妻子檄書河西自陳思慕漢家大將軍竇融承制以康爲西域大都尉五十五國



皆屬焉康歿弟賢立攻破拘彌西夜立兄康兩子爲  
王天子以賢事漢欵誠賜賢西域都護印綬及車旗  
黃金錦繡敦煌太守裴遵言夷狄不可假以大權詔  
追還之更賜以漢大將軍印綬賢乃詐稱都護移書  
諸國悉服屬焉建武二十一年車師都善焉耆等十  
八國遣子入侍請都護天子以中國初定皆還其侍  
子賢知都護不至攻敗鄯善復攻殺龜茲王擊媯塞  
王滅之又分龜茲爲烏壘國皆立其子及貴人爲王  
復移置大宛于寘國王又疑諸國欲畔召于寘拘彌

姑墨子合王盡殺之但遣將鎮守諸國其後龜茲于  
寘拘彌俱畔攻殺其王及將之在于寘皮山者明帝  
永平中賢爲于寘王廣德所殺至章帝元和三年長  
史班超發諸國兵擊莎車大破之由是遂降漢魏畧  
云莎車國今并屬疏勒是漢末莎車已亡矣

和闐漢曰于寘唐西域記作瞿薩旦那國注云俗謂之  
渙那匈奴謂之于遁諸胡謂之豁旦那印度謂之屈丹舊  
曰于寘訛也一切經音義梵言薩旦那此譯云地乳國  
其地忽然高起其狀如乳因以名焉漢書西域傳曰王

治西城後魏書云其地方亘千里連山相次所都城方

八九里部內有大城五又云城東有大水城西亦有水

水

新唐書其居曰西山城

然則于闐所治之西城爲今額里齊城

其東城當是玉隴哈什城也漢書于闐有東西城長蓋

分治東西城也元史卓齊等分攻鄂托落爾玉龍哈什

等城卽此西域記昔于寘建城有外道負大瓢盛滿水

以其水屈曲遺流周而復始依彼水迹峙其基堵城非

崇峻攻擊難克自敦煌西南行爲南道魏晉以降中更

吐谷渾西突厥之亂南道阻絕號爲磧尾唐設毗沙鎮

於于闐在四鎮爲極南境東北至京師萬有五百餘里  
至嘉峪關六千六百餘里東西南三面皆大山西北距

葉爾羌七百餘里東北距阿克蘇六百餘里又有逕通

庫車之沙雅爾五百餘里

康熙五十六年策妄阿刺布坦由和闐踰棟科爾庭山襲

藏蓋大雪山中名乾隆十七年駐藏大臣班第奏言  
準噶爾通藏隘有阿里那克桑騰格里淖爾阿略雅產  
共四前明時蔥嶺以西撒馬爾罕爲大嶺以東和闐爲

大其王髮不令人見俗曰見髮年必儉國西小磧中有

鼠大如蝟色類金出入羣鼠爲從其人物頗秀與土魯

番以西諸胡深目昂鼻多髯者迥異或謂皆漢任尙所

遺漢人種也

和氏西域釋地云回人謂漢人爲黑台和闐卽黑台之訛新疆瑣談云和闐本赫探

之訛回人稱漢人爲赫探和闐回子皆漢都護遺種故回子以此呼之按和闐卽于真之轉漢武未通西域以前已有于闐之名自孝武至孝和二百數十年始有任尙遺人以和闐爲赫台則于闐又何說歟此本不足辨以和氏之博雅尚踵謬說他人又何譏乎

于闐城南五十里有贊摩寺羅漢

比丘盧旃爲其王所造覆盆浮屠之處石上有辟支佛跣處雙趺儼然其西十五里有比摩寺云是老子化胡成佛之所魏書城東三十里有苜拔河出玉石又曰山

多美玉西域記言產白玉黠玉張匡鄴行記有白玉綠

玉黑玉三河

按玉隴哈什河卽古樹枝水哈刺哈什河卽古達利水二河今皆產玉南北河和闐

河與阿克蘇河四水會於噶巴克阿克集之北境四水  
交貫形如井闌阿克蘇河卽水經謂左合枝水也四水  
合爲塔里木河卽水經曰其一源出于闐國南山北流  
古所謂計戍水也與蔥嶺所出河合又東注蒲昌海

注曰河水又東與于闐河合

此南河也

南源導于闐南山俗謂之仇摩置

漢書西域傳于闐在南山下南山者

今諺稱密克瑪克曲底雪山在和闐額里齊城南五  
百八十里卽注稱仇摩置南通衛藏者也今和闐南  
大雪山繇巨數千里東達庫爾坤南接岡底斯西迤  
北爲蔥嶺史記大宛傳天子案古圖書名河所出爲  
昆侖卽此山也蓋山脈繇巨河水所出通爲昆侖梵  
書則同爲阿耨達山矣今和闐河回語爲和闐達里  
雅源出和闐所屬皮什雅南五十里南山中北  
流上源東爲玉隴喀什河西爲哈拉喀什河

自置

北流逕于闐國西

魏書西域傳于闐國城東二十里有大水北流號樹枝水卽黃河也

城西五十五里亦有大水名達利水與樹枝水會俱

北流今玉隴哈什河哈拉哈什河

北流至喀提里

什合與魏書正同此云逕于闐國

西是以哈拉哈什河爲正流也

又西北流注於河

今自喀提里什合爲和闐達里雅又北流五百里會

葉爾羌河卽南河也惟今葉爾羌河右合和闐河卽

左與北河會通爲塔里木河而注敘南河合北河在

合且末水之下與今水道不合蓋塔里木河所經皆

戈壁沮洳之地水

道或有改易矣

南河又東逕于闐國北

自此至通

南北河當相去不遠

又東北逕扞彌國北

唐書地理志于闐東

蘭城守捉所又西三百里至

于闐唐東蘭城卽漢扞彌

又東逕精絕國北又東

逕且末國北

自東蘭已東如唐之播仙鎮今

皆爲大戈壁無人跡之地矣

又東右

會阿耨達大水

釋氏西域記阿耨達山西北有大水北注牢蘭海隋書地理志且末郡有且

末水唐書地理志渡且末河蓋皆指阿耨達耨大水今自和闐以東塔里木河之南西藏北山之北東至青海西北境數千里中皆大戈壁水皆流入沙中別無大川左會塔里木河者所云阿耨達大水無可指蓋今戈壁之中水泉之滙爲淖爾者以十數皆潛行入沙在古時或有北行入河之迹未可以今日之圖志證之

會流東逝通爲注濱河

北河下有注濱城蓋南北自此合流以下與南

河皆一水所逕

注濱河又東經鄯善國北其水東注澤澤在

樓蘭國北扞泥城

澤謂蒲昌海鄯注引西域記云南河自于闐東迤北三千里至鄯善

入牢蘭海史記正義引括也志云蒲昌海亦曰牢蘭海是也即今之羅布淖爾當土魯番廳之西南周圍數百里停而不流天山以南蔥嶺以東之水皆會於塔里木河而豬於此自此伏流至鄂敦他拉泉泉於



發爲大河  
重源矣  
漢書西域傳河有兩原一出于寘其河北

流與蔥嶺河合東注蒲昌海今按和寘河二源自南山出東北流玉隴喀什河經額里齊城東哈刺喀什河經額里齊城西又各北流三百餘里而合爲和寘河又東北流四百餘里至噶巴克阿克集之地蔥嶺北河蔥嶺南河皆自西來會和寘河與南北河既合經阿克蘇城南有阿克蘇河自北來會乃合而東流是爲塔里木河又東克勒底雅河自南來會又東至庫車城東南有庫車河自北來會又東至哈刺沙爾

城西南有博斯騰淖爾水自東北來會又東至喀刺沙爾城東南入於羅布淖爾卽蒲昌海山海經所謂東望泐澤河水之所潛也其源渾渾泡泡是也自和寘至蒲昌海千四百餘里于闐自廣德殺莎車王賢後其國轉盛從精絕至疏勒十二國皆服從焉班超之爲長史留居其國其後長史皆居焉熹平以後并有拘彌後爲沮渠氏所滅留其將尉遲鎮守子孫遂王于寘魏時復爲吐谷渾慕利延所破顯祖之立以驍驍寇其境求援道遠不果唐貞觀初遣子入侍及

唐平龜茲薛萬均以偏師臨之其王尉遲伏闕大懼以駝二百頭犒師隨萬均入朝上元中助討吐蕃有功以其地爲毗沙都督府析國中爲十州至德初王尉遲勝以兵赴難因請留宿衛帝褒其忠從之唐書有傳乾元三年以其弟左監門衛率葉護尉遲曜爲太僕員外卿同四鎮節度副使權知本國事其事唐頗恭順異他國云五代晉天福初國王李聖天遣使來貢晉遣供奉官張匡鄴假鴻臚卿以高居誨爲判官冊爲大寶子闡國王居誨頗記其所見山川諸國

曰自靈州渡河始涉沙入党項界沙行四百餘里至黑堡沙登沙嶺党項牙也渡白亭河至涼州又西行五百里至甘州回鶻牙也其南百餘里有鹿角山沙陀朱邪遺族也自甘州始涉磧無水載水以行西北五百里至肅州渡金河西百里出天門關又西百里出玉門關經吐蕃界又西至瓜州沙州又西渡都鄉河出陽關沙州西曰仲雲其牙帳居胡盧磧漢屯田伊吾盧卽其地西行至大屯城仲雲遣宰相都督候使者自仲雲界西始涉磧無水掘濕沙置胸以止

渴又西渡陷河伐檉置水中乃渡又西至緝州于闐  
所置州也在沙州西南云去京師九千五百里又行  
二日至安軍州遂至于闐王衣冠如中國殿東向有  
樓曰七鳳以蒲桃爲酒又有紫酒青酒不知所釀而  
味尤美食粳沃以蜜粟以酪有園圃花木喜鬼神好  
佛居處嘗以紫衣僧五十人列侍其年號同慶二十  
九年國東南曰銀州盧州湄州其南千三百里曰玉  
州云張騫窮河源出于闐而山多玉者此山也其河  
源所出至于闐分爲三曰白玉河曰綠玉河又西曰

烏玉河三河皆有玉而色異每歲秋水涸國王撈玉於河然後國人得撈玉自靈州渡河至于闐往往見吐蕃族帳而于闐常與吐蕃相攻劫匡鄴還復遣使

獻玉千斤及玉印降魔杵等漢乾祐元年又遣使入

貢

西域圖志稱河源自痕都斯坦西北大山中流出至米勒岱玉山五千里勢若建瓴出峽爲玉河曲

曲流出行三千餘里而歸於羅布淖爾其山勢東行至和闐分二支南通後藏阿里部落高記南千三百里之玉州蓋指今葉爾羌河左合米勒岱玉山水者也宋嘉祐中國王上書乞

賜歸忠保順砮麟黑韓王從之手闐謂金翅鳥爲砮麟黑韓則可汗之訛也元豐初遣使阿辛入貢上詢

之曰去國四年道途居其半歷黃頭回紇達鞞青唐  
惟懼契丹鈔掠耳因使圖上諸國遠近爲書宣和中  
上造八寶降尺寸於于闐求玉後數年始以玉璞來  
貢厚賚其使遣還相傳自漢以來中國詔書符節其  
王傳以相授元祖之平西域惟于闐仍其故名而統  
於別失八里明永樂四年來朝貢方物自後累遣使  
者貢玉璞于闐自漢以來爲大國隋唐間侵并戎廬  
扞彌渠勒皮山諸國其地益大元末時其主暗弱鄰  
國交侵人民僅萬計悉避居山谷生理蕭條永樂中

西域舊於天威始獲休息漸行賈諸蕃復致富庶

按今和闐六城以伊里齊爲首卽和闐城亦漢以來故城也所屬五城惟哈刺喀什及克里雅有城餘皆回莊哈刺喀什在和闐城西北七十里大兵擊賊博羅齊在此境內玉隴喀什在和闐城東十里元史之玉龍城也車將在玉隴東北二百二十里

新疆圖名策勒葉氏謂漢渠勒故國也

克里雅在車將北百九十里

塔克在克里雅南百二十里由和闐至塔克四百里又南至所屬之伊瑪木拉四百七十里有閒道通西藏之



騰格里山

葉爾羌辦事大臣一員協辦大臣一員章京二員筆帖

式三委帖式八卡倫侍衛十三滿營佐領一防禦一驍

騎校二貼寫二兵二百

由巴里坤土魯番古城迪化城更換

綠營副將一

遊擊一都司二千總三把總六外委九兵六百七十三

由內地派

撥更換

和闐領隊大臣二員

聽葉爾羌辦事大臣節制

委章京一筆帖式一

委五綠營都司一千總一把總二經制外委二兵二百

三十三名

由內地綠營派換

西域考古錄卷十五

海月堂  
雜著

海鹽俞浩 漚持

喀什噶爾 屬城七

牌斯巴特 塔什伯里克 阿拉圖什 別什克里

木 玉什納爾圖什 阿爾古 亦稱阿木古 握帕

爾

英吉沙爾

喀什噶爾漢疏勒國漢書西域傳王治疏勒城後漢紀  
王莽曰世善魏書疏勒在姑墨西白山南百餘里漢時

舊城新唐書一曰佉沙西域紀云佉沙國舊謂疏勒者  
乃稱其城號也正言宜云室利訖栗多底疎勒之言猶  
訛也新唐書王居伽師城後書班超傳有槃橐城烏卽  
城損中城又有兩城損中又作楨中頓中隋書云都城  
方五里後書耿恭傳之疏勒城在車師後王國境非疏  
勒國城也多沙磧少壤土唐書地理志疎勒南北西三  
面皆有山城居水中城東又有漢故城亦在灘上赤河  
來自疏勒西葛邏祿嶺至城西分流水經注河有兩源  
特據兩地言其實河有三源也

河出蔥嶺者一曰蔥嶺  
南河其河東源爲聽維

阿布河西源爲澤普勒善河合爲葉爾羌河一曰蔥嶺  
北河其河西源爲雅瑞雅爾河東源爲烏蘭烏蘇河卽  
所謂赤河也合爲喀什噶爾  
河其出于闐者又一源也

漢書西域傳以疏勒爲北道北道西踰蔥嶺則出大宛  
康居奄蔡按今沿塔里木河北岸西過阿克蘇則沿烏

蘭烏蘇

卽唐之  
赤河

以至喀什噶爾境大宛康居亦可從南

道猶大月氏可從北道也

康居之境南北狹卑闐爲玉  
都城其王夏居蕃內當在卑

闐之西卑闐今塔什罕城也哈薩克卽古康居今其汗  
亦以塔什漢爲都會而其汗冬夏皆不居之惟歲則反  
葬於塔什罕城通考引作治樂越匿地卑闐城誤以卑  
闐在樂越匿地考樂越匿卽唐之颯秣建西域記颯秣  
建國周千六七百里東西長南北狹又云颯秣建城周  
二十餘里極堅固西遼以爲河中府邪律楚材西游錄

云河中府亦曰尋思干城尋思干者西人言肥也明爲  
撒馬爾罕明史訛爲古崩賓國移蔥嶺以南之國於蔥  
嶺以北謂元祖之平西域以蒙古語改漢唐以來國名  
詎知撒馬爾罕卽唐颯秣建之轉聲哉撒馬爾罕在前  
明最爲著名國初猶稱撒馬爾罕一統志稱爲賽馬  
兒疇其轉爲霍罕當在乾隆閒矣霍罕於道光二十二  
年爲布哈拉所滅漢書奄蔡下有焉耆二字王念曾漢  
書刊誤云景祐本無耆字通鑑與景祐本同則北宋本  
未誤漢紀孝武紀西域傳通典焉下有耆後人  
依誤本漢書加之耳其訛則因爲字增耆字也

魏書踈勒國南有黃河土多稻粟麻麥銅鐵錫雌黃錦  
綿西域記佉沙國周五千餘里稼穡殷盛花果繁茂出  
絹氍毹工織細氍毹氍毹唐爲踈勒鎮都督府四鎮之一  
有踈勒鎮守大使今日喀什噶爾譯言初創也又曰哈

什哈爾譯義同乾隆二十七年於舊城西北二里臨烏  
蘭烏蘇築城一周二里有奇

賜名徠寧城城址本波羅尼都園地也

考哈實哈爾明史已列其名恐

非初創之義舊譯言輓城也

至京師萬一千九百里至嘉峪關七千

二百餘里東距葉爾羌五百里西南卡倫外通拔達克  
山部落西北卡倫外皆西布魯特游牧地通霍罕安集  
延諸部東北卡倫外東布魯特游牧地通伊犁別有逕  
名樹窩子草地通烏什可七百里

耿恭所守之疏勒城詭爲疏勒國此是鄴道元之偶

不檢胡三省注通鑑已辨正於前洪亮吉於嘉慶四  
年謫戍伊犁道出安西州宿州西北九十里之白墩  
子與州守胡紀謨書云白墩子傍沙磧中尙有廢城  
舊址土人居者亦不下數十家右側有泉寬二十餘  
步土人呼爲疏勒泉日用灌溉皆資之時卽疑疏勒  
國在龜茲之西子闐之北較烏孫等國更遠何得敦  
煌郡地卽有疏勒泉取所攜漢書西域傳及耿恭傳  
校之而知恭所屯之疎勒城非疎勒國所都之城但  
同其名耳按亮吉所著府廳州縣圖志西域一卷全

以聞見錄及瑣談爲藍本此以疏勒泉爲耿恭之疏勒城猶聞見錄以疏勒河爲疏勒國也按今安西玉門界內俱有蘇勒河據一統志蘇勒河發源南山昌馬河由玉門縣西南流入安西境灌溉所資其利甚廣字或作娑勒蘇喇全無意義何有據依安西爲古瓜州敦煌縣爲古沙州唐書地理志自沙州壽昌縣西十里至陽關故城考其地望漢時玉門陽關皆當在今敦煌縣治之西南色爾騰海之東若今安西州西之白墩子尙未出塞在玉門關之內

班超上書但願生入玉門



關不敢望見酒泉郡漢以玉門限內外猶今之嘉峪關矣亮吉與胡守書至千餘

言既歷辯踈勒城非疏勒國謂金滿城卽今奇臺縣之古城又以關寵所屯之柳中謂在哈密城西十里皆甚謬而不自知也考後漢書注金滿卽蒲昌縣城今在特訥格爾卽阜康縣也西距烏魯木齊鞏寧城百二十里其去古城幾四百里至哈密爲唐伊吾縣與伊州同治柳中後漢書注以爲今西州縣是也與哈密相距千三百里按恭傳後王夫人先世漢人常私以虜情告恭又給以糧餉後王卽指車師後王國

也以此推之疏勒城之在後王境內可知今自烏魯木齊由軍臺至安西州二千六百六十餘里由巴里坤至安西州二千百六十餘里卽以金滿城言亦二千餘里後王夫人豈能走二千里以私情告恭又按王蒙等發張掖酒泉敦煌及鄯善兵七千餘人於建初元年正月會柳中擊車師攻交河城北虜驚走車師復降會關寵已歿蒙等聞之便欲引兵還先是恭遣軍吏范羌至敦煌迎兵士寒服羌因隨王蒙軍俱出塞羌因請迎恭諸將不敢前乃分兵二千人與羌

從山北迎恭遇大雪丈餘軍僅能至自敦煌至柳中謂之出塞若在安西何謂出塞乎傳所云從山北迎

恭蓋由今吐魯番踰七个達坂至烏魯木齊也

唐書地理

志自交河北行八十里至龍泉館北入谷百三十里經柳谷度金沙嶺百六十里經石會漢戍至北庭都護府是也亮吉所言幾於南北不辨殆堪供一大噱也

渴槃陀距疏勒五百里漢書魏畧佛國記俱未有其國後魏神龜中宋雲等使天竺至其國始載之伽藍記中至唐開元滅之置蔥嶺守捉爲安西極邊戍所

葉氏 圭綬

外譯存考謂卽疎勒之盤橐城據班超傳

切兜題於盤橐城王忠之立超守槃橐城與忠相首  
尾及臣磐之歸自大月氏國人奪臣磐同產弟子遺  
腹印綬而立臣磐爲王以遺腹爲槃橐城侯按槃陀  
似是槃橐之轉新唐書踈勒人文身碧瞳於護密國  
魏書之鉢和西域記之達摩悉鐵諦今之博洛爾也亦曰人皆碧瞳上元時以  
護密爲烏飛州蓋以護密爲漢休循也漢書休循國王治烏飛谷  
魏畧踈勒并有休循捐毒則不獨渴盤隋王爲踈勒  
人卽護密亦踈勒種也西域記中漢曰天種之說葉  
氏謂因遺腹二字附會可爲卓識蓋元奘所述山川

道里可資考核其餘佛典因果不足爲憑也渴槃陀

今日色勒庫與拔達克山交界爲喀什噶爾極西境

自哈密至蔥嶺本朝疆界畧與唐時同也

道光八年楊遇春追

捕張格爾分兵出塞屯色勒庫卽此

英吉沙爾本名英阿雜爾又名英噶薩爾後定今名英吉爲新沙爾城也以新立此城爲名至京師萬一千五百餘里至嘉峪關七千餘里東南距葉爾羌三百餘里西北距喀什噶爾二百餘里西南卡倫外爲西布魯特遊牧通拔達克山部落據水經注英吉沙爾爲漢依耐

國南境河水自無雷東流逕依耐國北是與疏勒以河  
爲界今英吉沙爾城南橫亘沙梁百里圖木舒克河流  
逕其間爲喀什噶爾英吉沙爾兩城扼要之地新唐書  
地理志于闐西五十里有葦關又西經勃野城西北渡  
繫館河六百二十里至鄧支滿城一曰磧南州按今自  
和闐至葉爾羌歷軍臺六計七百里疑磧南州卽今葉  
爾羌城但史無明文耳又自州西北經苦井壘渠三百  
二十里至雙渠故鵝飯館也又西北經半城按半城疑  
卽今之英吉沙爾城也又百六十里至濱渡州又北八

十里至疎勒鎮亦與今日驛程合英吉沙爾城西庫森塔斯渾河源出羌渾山東北流入沙而伏當英喀兩城適中地河北有軍臺焉亦以河名名之今考董圖蓋卽圖木舒克河之異名祁氏西域釋地誤列於此宜刊其一而詳注於下則瞭然矣耶律楚材西游錄大軍發于闐而西遂北渡黃河至可汗城城極雄壯攻圍五日西人堅守不下我軍以礮攻之火箭焚其東城敵樓旣破遂屠其城人時天暑甚上命築壘暫休軍卒使人招諭諸城七月雅爾堪城主來降且迎軍大軍遂陸續西進

至木蘭河河甚寬廣無船軍中縫牛革爲囊亂流而渡  
河水迅急牛濟風起浪洶湧激革囊回南岸溺斃數十  
人乃命元帥張榮伐林木裝筏以濟師八月下旬軍渡  
河而西云云考錄中可汗城當卽唐之磧南州鴉兒看  
城亦見元史疑卽葉爾羌城木蘭河卽烏蘭烏蘇河也  
按後書西域傳疏勒自廣德無子立其舅臣磐爲王  
建寧初爲季父和得所弑漢討之圍楨中人不能下  
遂罷歸其後國中屢篡弑漢不能禁後魏及隋皆遣  
使通焉唐爲四鎮之一兵最強唐之磧西安西兩鎮



節度使率以踈勒大使補授焉西域記佉沙國周五千里蓋自漢後并有莎車休循捐毒之地宜其雄張北道也國人手足皆六指產子非六指則不育唐書謂其生子夾頭取福其人文身碧瞳王姓裴氏喜祀祆神儀鳳時爲吐蕃所破此其俗之異於他國者也明史亦列其國所謂喀什噶爾一小部落耳聞見錄言喀什譯言各色噶爾譯言駝房地多各色駝房故名與祁氏西域釋地歧異似當以駝房爲長又云外蕃稱各城回人必曰喀什噶爾回子其地之表著可

知土產盪綢盪段金銀絲段皆充年貢西北二百里  
有屬城曰塔什伯里克霍集占之亂布魯特比  
布魯特稱其君皆曰比猶新唐書西域傳稱比國也其人皆不蓄寸髮卽塞種亦比邱之義也阿奇  
木助大軍殺賊有功

高宗皇帝錫以此地回民亦歸其管轄地寒惟產二麥  
青稞

喀什噶爾設立參贊大臣部頒銀印駐徠寧城總理回  
疆八城事務道光八年移駐葉爾羌今設領隊大臣一  
員

換防總兵官一員章京二筆帖式共九卡倫侍衛十五

滿協領一佐領一防禦二驍騎校三兵四百名

由烏魯木齊輪

換綠營游擊一千總二把總三外委六兵六百一十一名

由甘肅派

撥更換

英吉沙爾領隊大臣一員兼理卡筆帖式共五滿防禦

一兵八十名

由喀什噶爾撥換

綠營遊擊一千總一把總一外

委二兵二百一十七名

由甘肅派撥更換

東西布魯特考

布魯特東西凡十五部落其游牧之地自伊犁西北沿

吹河至塔什罕又東南自阿克蘇至烏什爲裏五部喀什噶爾西南至葉爾羌西北爲西五部此十部之內屬

者也其近霍罕則有喀爾提錦部霍斯庫嶺西

霍斯庫嶺西猶言雙

耳也則有阿賴部蔥嶺西麓則有阿塔托斯部餘二部未

詳其名此西五部之未內屬者也按一統志西域圖志

西陲要畧聞見錄諸書或以爲休循捐毒種類或以爲

唐大小勃律之遺今布魯特呼其君曰比猶唐比國漢

塞種

按比猶比邱塞猶釋其人皆不畜髮也

休循捐毒本塞種似乎與布

魯特同類但據漢書西域傳休循在蔥嶺西故唐以護

密爲烏飛州捐毒據葱嶺東岡與渴槃陁接境蓋休循捐毒漢末已并入疏勒而渴槃陁爲槃橐故城則捐毒其西境也然無雷依耐皆西夜類與胡異其介在行國居國閒者又不獨休循捐毒也大小勃律北史與魏隋二書俱所未載卽辯機西域記所列最詳但有鉢盧勒及鉢露種之名後人徒見唐書勃律有布露之名遂據以附會布魯特實未暇考其地望詳其道里也新唐書小勃律東南三百里接大勃律而與北天竺之烏菴接小勃律南五百里个失密北五百里護密个失密今之

克什米爾護密北史之鉢和今之博洛爾也北史伽藍  
記波路國與鉢和隣鉢盧勒國渡河至烏菴唐書高仙  
芝討小勃律自踈勒道播密川至五識匿播密川西域  
傳之波謎羅川川有黑龍池卽今之喀喇庫爾五識匿  
今之黑斯庫濟也唐書五識匿東五百里至蔥嶺守捉  
所舊曰渴槃陀國今日塞勒庫爾也其南三百里屬護  
密護密之娑勒城南五百里小勃律也今自喀什噶爾  
西六百里至塞勒庫爾又西五百里至黑斯庫濟折而  
南三百里入博洛爾界又南五百里至巴勒提是卽唐

之小勃律矣計自喀什噶爾至巴勒提凡千九百里蓋勃律可轉爲巴勒提不可轉爲布魯特也大抵唐時西域如昭武九姓及安息波斯拂林諸國卽今之霍罕布哈爾百爾西亞諸部之在蔥嶺西者當日惟患大食而不患吐蕃若吐火羅謝颺个失密爾賓勃律諸國爲今之拔達克山愛烏汗克什米爾痕都斯坦諸部之在蔥嶺西南者惟患吐蕃而不患大食近人之書錯出互殊東西南北猶懵焉昧焉又烏能會通而歸畫一哉

西域考古錄卷十六上

海月堂  
禔著

海鹽俞浩 湛持

西藏

康 衛 藏

阿里 郭爾喀

西藏古昆侖國

戴氏水地記曰河源以南唐吐蕃今西藏之境古昆侖國在焉積石以東北今

青海之境古析支在焉而漢通大宛西域踰蔥嶺而西古渠搜在焉三地大小諸國通稱西戎繫於雍州禹

貢三危之地

謹按康熙中上諭禹貢導黑水至於三危舊注三危爲山名而不知其所在朕

今試考之三危者猶中國三省今唐古特部落其地分康衛藏三部台三地爲三危也黑水由其地入海故曰



入於南海也戴氏亦以今之三危  
山其名起於後代不可爲據云 兩漢爲西南夷爲唐

旄發羌晉以後爲宕昌鄧至羌附國之嘉良夷北魏後

周爲吐谷渾党項白蘭白狗隋唐爲吐蕃爲大小羊同

唐毘女王所謂西山八國也元明爲烏斯藏其人謂之

唐古特亦曰土伯特其地分三部曰康卽巴塘西察木

多之地亦曰喀木曰昌都是爲前藏

北史白蘭西南二千餘里有女王國

唐書東女國有八十城居康延川卽今之康地是餘詳  
見後又有多彌國卽北史之當迷其國源犛牛河亦卽  
今喀木爲西藏門戶水土較他處淳厚曰衛卽危也今  
東北地

曰布達拉唐古特人謂山爲拉華言普陀山也今爲達

賴剌麻及駐藏大臣所居

剌麻華言無上達賴言海也謂其智慧法力如海也亦

曰拉薩華言山地也相傳卽吐蕃贊普建牙之所唐書之邏娑川西則跋布川也魏氏稱其地膏沃人秀好音華夏故吐蕃贊普以之鞭撻四夷抗衡上國而宗喀巴卓錫以來能使數千里外之蒙古厄魯特喀爾喀及諸番族奔走其號令若驅攝於靈奇磅礴之中而不自知豈非地利之一異乎是爲中藏曰藏卽扎什倫布華言吉祥山也本拉藏王所居今爲班禪厄爾德尼之地班禪者金剛之稱也是爲後藏又并極西之阿里城則稱

四部云藏地東西六千餘里南北五千里北界河源南

界大金沙江即雅魯藏布江橫亘三藏之南爲大金沙江上游下游由緬甸入南海或以怒江爲

三藏南界西距岡底斯山二千里有阿耨達山俗呼岡

者非是謝氏西北域記烏斯藏西南

底斯山懸崖峭壁積雪疑冰山之顛清泉百道奮涌爭

流自顛至麓既見又伏四面如師如象如馬如禽如人

西北走喀齊西南走天竺東北走陝甘東南走川滇名

山五千二百七十奉爲鼻祖此卽昆侖也然廣袤不二

百丈高才五百丈舊稱萬東至打箭鑪通志打箭鑪相

里及數千仞者皆臆說也傳漢諸葛忠武

南征遣裨將郭達安鑪造箭於此史失其事今山崖遺

跡尚存有廟祀郭將軍土人猶崇奉之其地距成都千

里漢爲旄牛徙徼外地唐爲黎雅二州邊外地孟蜀始

置長河西魚通寧遠三安撫使宋隸雅州元仍置安撫

屬吐蕃宣慰明初合爲長河西魚通寧遠宣慰司隸雅

州本朝歸附後至康熙中西藏昌側集列等侵占明正

土司提督唐希順討平之設兵戍守雍正七年以雅州同知移駐治此以理夷情兼司糧務後又裁監督歸併郡丞天文井鬼分野爲坤維極西層巖峻嶺中隔廬河形勢險要唐末爲南詔所據屢寇黎雅今爲口外各番貿易茶馬走集之地瀘定橋在其東百里康熙四十年於安樂村造橋冶鐵爲索長三十餘丈廣九尺索九條覆板於上有御製碑文按牘蜀餘聞打箭爐在建昌西南地與番部接江楚茶高利夷貨多往焉其俗女子不嫁招中國人與通謂之打沙鴉凡商人與番人交易則此輩主之商人流宕其地多不思歸生女更爲沙鴉其衣如舞衣衣一稱直錢二百萬者康熙丙子春命郎中金圖等往勘正地界至其處云路極險惡視棧道如康莊

距京師萬有四千餘里由川陝滇入藏三路惟滇

中一路最險

按杜氏藏行記程進藏路由鶴慶劔川至麗江府九河達阿喜至中甸其宗渡上塔

城關經維西溜筒江至藏麗江府十二關千山爲中甸要道路只尺許連折十二層而上兩騎相遇則於山腰

脊相避俟過方行高插天俯視山溝深萬丈經溜筒江有橋濶六尺餘長五十餘丈以牛皮縫湲脫數十條貫之浮水面施板其上行則水勢溢激掀播可畏江在大雪山之陰雨則水漲晴則雪消故江流奔注無息時舟筏不能存橋存卽斷土人繫竹索於兩岸以木爲溜筒穿皮條縛耆閒一溜而過古之縣度也俗名溜筒江蓋卽漢書之闌倉唐之瀾滄江也經流景東府蘭津橋以鐵索繫西南厓其源出吐番鹿石山本名鹿倉渡入滇界過麗江舊蘭州又名蘭倉大雪山卽葱嶺度嶺西然行過新頭河卽印度國云按杜氏之說尚謬考見後

皆先至察木多後至藏中地近北天竺距中天竺境約二千餘里故經教至多持陀羅尼咒尤驗僧多於民自吐蕃時卽以桑門參豫國事謂之鉢掣逋元帝師八思巴又生於藏之薩迦溝元祖郡縣其地而領之於帝師

世襲其位號而西藏始爲釋教宗主明太祖以西番地曠人悍鑒唐世吐蕃之亂思衆建而分其力故遣使招撫令舉故官赴京於是元所封法王國師之後因其來朝悉授故官又以人皆食肉以茶爲命乃設茶課司於天全六番令以馬市而入貢者又優以茶布諸番戀貢市之利且欲各保世職故終明之世少番寇之患誠得控御之道也

考明史長河西魚通寧遠宣慰司者亦唐吐蕃故地元置碉門魚通黎雅長河西寧遠六安撫司而隸之

吐蕃宣慰司洪武時打箭鑪土官元右丞刺瓦蒙遣  
其理問高維善入朝帝才之以爲禮部主事遣還招  
撫諸番維善還朝上言安邊之道在於治屯守而兼  
恩威屯守旣堅雖遠而有功恩威未浹雖近而無益  
今魚通九枝彊土及巖州雜道二長官司東隣瑯門  
黎雅西接長河西自唐時吐蕃強盛寧遠安靖巖州  
漢民往往爲其驅入九枝魚通防守漢邊元初設二  
萬戶府仍於盤陀仁陽置立寨柵邊民戍守其後各  
枝率衆攻仁陽等寨柵及川蜀兵起乘勢侵凌黎雅

邛嘉等州洪武十年始隨瑯門歸附巖州雜道二長  
官司自設置以來殆今十年官民仍舊不相統攝蓋  
無統制之司恣其猖獗同襲舊敝故也其近而已附  
者如此遠而未附者何由而臣服之且巖州寧遠等  
處乃古之州治苟撥兵戍守就築城堡開墾山田使  
近者向化而先附遠者畏威而來歸西域無事則供  
我徭役有事則使之先驅撫之既久皆爲我用矣如  
臣之說其便有六通烏斯藏朶甘鎮撫長河西可拓  
地四百里得番民二千戶非惟黎雅保障蜀亦永無



西顧憂一也番民之所處老思岡之地土瘠人繁專務貿販礪門烏茶蜀之細布博易羌貨以贍其生若於巖州立市則此輩衣食仰給於我焉敢爲非二也以長河西伯思東巴獵等八千戶爲外番倚角其勢必固然後招來遠者如其不來使八千戶近爲內應遠爲鄉導此所謂以蠻夷攻蠻夷誠制邊之善道三也天全六番招討司八鄉之民宜悉蠲其徭役令蒸造烏茶運赴巖州置倉收貯以易番馬比之雅州易馬其利倍之且於打箭鑪原易馬處相去甚近而價

增於彼則番民如蟻之慕羶歸市必衆四也巖州旣立倉易馬則番民運茶出境倍收其稅其餘貨物至者必多又魚通九枝番民所種水陸之田遞年無征若令歲輸租米并令軍士開墾大渡河兩岸荒田亦可供給戍守官軍五也至巖州道路宜令繕修開拓以便往來人馬仍量地遠近均立郵傳與黎雅烽火相應接庶可以防邊亂畧邊境無虞六也從之

至成祖時又封尚師哈力麻爲大寶法王西天大善自在佛領天下釋教賜印誥冊又有大乘大慈二法王又

有闡化闡教輔教護教贊化五王各有分地許其承襲等諸土司然皆紅教而非黃教也黃教創自宗喀巴傳之達賴班禪兩大弟子世世以呼畢勒罕轉生演大乘教按明代以前皆賜紫本印度袈裟舊式也其後紅教專持密咒流弊無異師巫盡失戒慧定宗旨宗喀巴初習紅教深觀時運遂以黃衣自別其六大弟子常在輪迴本性不昧所重見性明心悉斥聲聞小乘及幻術爲外道當明中葉時其教已遠出紅教之上然未嘗受封中國達賴第二世當明武宗時命中官劉允乘傳往迎犒賜以巨萬計內庫黃金爲之罄及至藏中達賴不願行將士欲以兵威脅之爲所襲敗悉奪其寶貨噐械死傷者半劉允乘馬疾行得脫

至第三世達賴其名尤著

順義王俺答迎至青海建仰華寺供奉之達賴自甘州遺書張居正自稱釋迦牟尼比丘勸俺答東還戒以勿殺是時中外皆知有活佛雖紅教中大寶大乘諸法王亦俱俯首甘心自稱弟子蒙古諸部東西數萬里熬茶膜拜視若天人諸番王徒擁虛位不復能施號令至四世生蒙古族河套青海皆奉其教西陲無警者五十年第五世曰羅卜藏嘉穆錯當我朝崇德七年與班禪及固始汗遣使繞道至盛京奉貢并獻卦驗知必一統至

順治九年躬朝京師世祖賓之太和殿建西黃寺居之  
授金冊封爲西天大善自在佛領天下釋教普通鄂濟  
達賴刺麻至康熙二十一年圓寂其第巴

藏中大頭桑  
目之稱

節者傾危人也吳三桂與之交結及叛而兵敗地蹙又  
代爲乞恩大軍入滇吳世璠割地乞援於桑節其書爲  
我軍所獲朝廷不之問也及達賴脫緇秘不以聞紿言  
入定不見人旣袒準噶爾以擾喀爾喀復陰嗾之與中  
國抗又外搆策妄布坦內鬪拉藏汗凡西北陞被兵三  
十年皆桑節一人爲之也四十四年謀弑拉藏汗爲所

討誅

三十五年準噶爾敗於中國其妻亦歿於陣悔而語其宰桑曰此行非我意往達賴使來謂我南行大利詎意一敗至此哉上聞其降人言謂達賴若在必無此語乃以璽書賜桑結切責之桑結惶恐奏達賴轉生今十五年當於丑年冬坐床求勿宣言上以其反覆集諸蒙古宣示其奏既又與策妄布坦互詰奏上皆勿聽也至是又以議立新達賴與拉藏汗交惡謀毒之爲所覺又欲以兵弑之遂爲拉藏汗所討誅而拉藏汗所立之達賴刺麻諸部復不信別奉出於裡塘之

噶爾藏嘉穆錯生十年矣久著靈異諸部迎至青海奏

請賜冊印上慮其構釁令暫居於西寧之塔兒寺宗

喀巴埋衣胞處黃教之祖寺也

唐書天寶七年哥舒翰築城于青海之龍駒島

時有白龍見因號曰應龍城明年以謫戍二千守之冬冰合吐蕃大集戍者咸沒番僧往往於冰合時裹一歲糧往休焉故每兩部爭議未決而準噶爾擾藏之事起有異僧出此

蓋自準部入藏之路有四一由葉爾羌繞出葱嶺自阿里部入藏其地瘴大易防禦一由庫車之雅沙爾回城入藏多淤灘陷泥難行一由青海之木魯烏蘇有蒙古諸部隔之惟由和闐之克里雅回城直東行逾戈壁至噶爾藏骨岔又自邦塘渡四十里海六百餘里至騰格里海子華言天池也有鐵索橋天險一夫拒隘萬眾裹足過橋二百里至桑駝海雍正中岳鍾琪追羅卜藏丹

津至此旋師者也又百數十里而至羊巴井又二百餘

里卽抵前矣拉藏汗以其子贅於準夷恃姻媾不爲

備五十五年策妄以送其婿夫婦入藏爲名遣台吉大

策零銳卒六千由騰格里海子渡鐵索橋突入藏中殺

拉藏汗虜各廟寶噐送伊犁事聞詔西安將軍額倫特

將兵赴援而令侍衛色稜宣諭青海諸部及師踰木魯

烏蘇卽通爲隴右西藏交界之地額倫特軍庫賽嶺色

稜軍拜都河相倚角賊羸師誘我深入而以精兵伏喀

刺河待色稜議渡河扼狼山嶺之險賊以萬人拒我於



河而潛兵劫我輜重相持兩月矢盡糧竭我師覆焉朝  
議懲前敗而青海諸部憚於進藏

上以西藏爲滇蜀外扞使敵人盜有之則西寧與川滇  
將邊無寧日且賊能衝雪冒瘴入我乃不能乎五十七  
年命皇十四子爲撫遠大將軍屯通天河泊饒命傅爾  
丹富寧安分出巴里坤阿爾泰以獵其北而將軍噶爾  
弼岳鍾琪出裡塘將軍延信出青海兩路擣藏於是青  
海王貝勒台吉各率所部隨大兵扈從達賴入藏軍容  
甚盛大策零由中路抗延信遣其宰桑拒東路大軍岳

鍾琪以四千驍騎至察木多獲諜者知有準夷使人誘諸酋守橋遏我師鍾琪以三巴橋進藏第一盜賊若斷橋我師勢不得進乃選能番語者三十人衣番服飛馳至洛龍中禽其使者五人殺六人諸番聞之驚以爲神相率迎降旋接大將軍檄需蒙古兵至毋輕動噶爾弼疑未決鍾琪曰我兵齎兩月糧出塞五旬再待後軍糧且盡聞公部布落最強若檄令先驅當無俟蒙古兵也卽招撫公布集皮船渡江直趨西藏殺賊七千降脇從萬人分兵塞險而延信亦連敗其劫營之賊俘斬千計

賊既進退受敵遂大潰由舊路遁歸伊犁生還者僅千餘自四月用兵至八月西藏平 詔封新達賴宏法覺

宗第六世達賴刺麻取舊刺麻歸京師盡誅厄魯特刺麻之助逆者以拉藏舊臣貝子康濟奈掌前藏台吉頗羅奈理後藏御製文勒石大招論者謂達摩西來有一花五葉之識至六世果以衣鉢啟爭與宗喀巴至第六世以兩立假刺麻西陲俶擾三十餘年者同雍正二年

青海羅卜藏丹津叛察罕諾們罕大刺麻亦党賊以抗王師 上謂玷辱宗門莫此為甚乃收繳各寺明國師

印定制廟舍母逾二百楹僧衆母逾三百人是冬藏內  
噶布倫三人殺康濟奈將北投準夷頗羅奈率後藏及  
阿里兵截賊去路禽首逆以聞大兵至藏事已大定乃  
命頗羅奈摠藏事留大臣二人兵二千鎮撫之是爲大  
臣駐藏之始是年策妄布坦死其子策楞立請赴藏熬  
茶欲送拉藏汗二子還 詔嚴兵備之於是巴塘裡塘  
各設宣撫司而隸之四川以中甸維西歸滇省管轄設  
兩廳治之時貝子頗羅奈訓練馬步二萬人凡通準夷  
阨塞各設卡戍守藏地寧敕 詔封頗羅奈郡王至乾

隆十二年卒其子朱爾墨特襲忌我大臣不便於己奏  
罷駐藏兵陰通準夷將聚兵爲亂左都御史拉布敦及  
都統傳清議先發制之而左右無一兵乃以計誘至手  
刃之二臣旋被害 詔川督策楞提督岳鍾琪討賊大  
軍至而逆党已爲番部公爵班替達所禽至是西藏始  
不封汗王以四噶布倫分理而摠之於達賴增兵千五  
百人爲駐藏大臣護衛四十五年第六世班禪祝嘏朝  
京師向例兩大刺麻跏而不拜至是班禪請拜 上嘉  
其誠從之接見於南苑德壽寺居西黃寺皆

世祖禮達賴處也

秋坪新語及春明偶錄云達天和尚淮之寶應人少爲諸生忽棄去爲僧

能詩善飲頗不守戒律與英夢堂相國及諸名士唱和居西山戒壇時西藏活佛來朝居西黃寺四方僧衆參謁者咸膜拜活佛跏趺自如或謂達天何不往參應之曰彼外夷僧我天朝法侶我往且受其大展或不信達天乃徧袒袈裟杖錫往及門謂譯者曰傳語大師云某來可速出迎語入活佛竟出達天曰若猶識我乎譯者以告曰識曰既識何勿拜耶活佛遽拜之乃以錫卓地大言曰若木不合來而來恐不能隻履西歸也譯者又以告活佛竟投地不起僧乃杖錫出衆大怪問之笑而不答無何至冬活佛以出痘死距達天往見一月耳

十一月以痘卒明年舍利金龕西歸朝廷所錫予王公之布施無慮百萬其他珠玉絹布無算仲巴呼圖者班禪兄爲班禪治商上事遂有其財其弟沙瑪爾巴者以

習紅教故分毫無所分及垂涎不遂憤唆廓爾喀引之入寇駐藏大臣鄂輝成德不知調度又不敢與戰時侍

衛巴忠以使事在藏解唐古特及諸部語陰令商上許

歸歲幣而諷使入貢受封因得罷兵

廓爾喀者本巴勒布所屬一小部落

又有布顏葉楞二部落皆於雍正中入貢方物其後爲廓爾喀所并恃其強侵占哲孟雄竹木郎各部其國距後藏西南

三千里

明年以藏中歲幣爽約復徂於前次之行成

藐視內地再舉深入時賊步卒數千自聶拉木入若先以兵扼曲多江鞏之險而分兵繞出彭錯嶺斷其後援

賊孤軍深入可不戰而潰乃駐藏大臣保泰一聞警報

卽移班禪前藏復奏請移達賴西寧欲以藏地委賊而  
扎什倫布卽無兵有刺麻數千人乘陴堅守賊亦不敢  
輕入乃仲巴胡圖旣挈資遁而刺麻濟仲扎蒼者復揚  
言卜之吉祥聖母不利拒戰於是衆皆潰散任其大掠  
而去運所掠歸陽布以其半屯界上兩大刺麻飛章告  
急時巴忠隨圖木蘭聞變自沉於水鄂輝成德謂已二  
人不解唐古特語皆巴忠一人所爲 上以鄂輝方督  
四川卽命帶兵赴剿而又案程緩進 上知不足恃乃  
命福康安爲大將軍海蘭察爲參贊調土練二千及



京營各兵進討而以川督孫士毅與駐藏大臣和琳分督軍饗五十七年春大軍馳至後藏連敗其屯界兵遂大舉深入海蘭察爲前鋒福康安統後軍出中路而分遣領隊大臣岱森保諸神保繞出左右兩路以撓賊賊據木果拉阻水拒我乃令護軍統領台斐音縻賊而大軍從間道出賊營之上連克其木柵石卡賊遂奔潰岱森保等亦克熱速橋臘泥卡與大軍會雍雅賊遣使乞降不許時已涉賊境七百餘里六戰六捷殺賊五千將近其國都陽布城隔岡臘大江賊斷橋立大營十於吉

爾谷山江濶山險勢難進攻會其國南境孟加噶者久  
爲英夷占與廓夷世讐至是聞廓夷爲中國所討遂起  
其兵船以攻廓夷之南鄙廓夷兩支強敵洵懼無計遣  
使絡繹卑詞乞哀請降大將軍以賊境益險踰八月卽  
大雪封山不可老師乃許其降獻還所掠藏中財寶及  
金塔頂金冊印歸被執之丹津班珠爾等并出沙瑪爾  
巴之尸貢馴象樂工願比土司永遵約束奏上允其請  
留番兵三千漢蒙古兵一千戍藏是爲官兵駐藏之始  
自是駐藏二大臣行事儀注與二刺麻平等四噶布倫

及番目缺均大臣會同選授定商上銀錢出入之額與春秋巡查各邊之制事權始一其惑衆倡逃之刺麻剌黃伏法仲巴胡圖亦解京治罪初達賴班禪及青海喀爾喀諸呼畢勒罕其轉生也或出藏地或出蒙古皆非一地一族卽諸胡圖克圖亦然至乾隆中年以後類多兄弟叔姪且皆出自汗王貝勒甚至哲卜尊丹示寂遁土舍圖汗之福晉有姪衆卽指爲呼畢勒罕及期乃生一女尤貽口實而藏中祇憑垂仲降神指名又達賴班禪之親族多營謀爲胡圖克圖專財利上久悉其弊

欲革之而未有機會至是乘用兵之威特選神斷創金

奔巴

奔巴華言瓶也

一供於大招寺一供於雍和宮遇有呼畢

勒罕出世互報差異者納籤瓶中會同達賴班禪於宗喀巴前掣之其各蒙古所奉之大胡圖克圖則報名理

藩院與在京之章嘉刺麻掣之總計呼畢勒罕百有六

十名

西藏胡圖克圖十八沙布隆十有二漠北十有九漢南五十九青海番地三十有五察木多番地五

駐京胡圖克圖十有四

內惟青海諾們汗一支久同世襲許以親

族入籤凡刺麻除達賴班禪哲卜三人歲遣貢使不列

年班外蒙古各部班六岷州班四三歲一至其駐京掌

教或赴藏辦事或分駐盛京熱河多倫泊五臺山或派往伊犁及四川懋功寺皆三歲而更代

佛法本出五天竺在蔥嶺西南其水爲恒水南流入海今南洋孟加鵬等處尚名其海爲印度海水經注所謂多摩黎帝也唐書所云又東南逕耽摩栗底國入南海是也自後人輕改黎帝爲黎軒於是衆說糾纏愈辯愈譌矣三藏本在蔥嶺之東水皆東流故自佛法入中國如晉法顯梁達摩北魏宋雲等姚秦羅什唐之元奘其譯經皆出今安西州古陽關玉門西踰蔥嶺至印度未有至烏斯藏者故元明以來藏中諸僧不過內受冊封世相承襲而自宗喀巴崛起別立教宗不籍中國封號兼修夙命通化身轉世其神奇出乎諸大法王之上西北諸蕃常視爲向背中國常用爲衝勒蓋亦時會因緣相值而非人力所能者歟卽宗喀巴經亦言達賴班禪轉生止於六世惟是內外各蒙古及滇蜀各土司皆籍黃教以箝制其好

殺之心故

高宗詔兩大刺麻宜世世永生西土維持佛教蓋至金  
奔巴之創頌而大聖人神道設教真有不可思議者  
矣天語丁寧比於吏部之爲籤部視元代之尊奉  
帝師至屈萬乘之尊萬世之法以從之

卒至淪胥以敗者曷可同年而語哉

湛持居士曰夫河西湟中四鎮之利害前人論之詳  
矣論河西者莫過於虞詡詡之言曰禹貢雍州之域  
厥田惟上且沃野千里穀稼殷積又有龜茲鹽池以  
爲民利水草豐美土宜產牧牛馬銜尾羣羊塞道北  
阻山河乘輒據險因渠以溉水春河漕用功省少而  
軍糧饒足故孝武及光武築朔方開西河實上郡皆  
爲此也而遭元元無妄之災衆羌內潰郡縣兵荒二  
十餘年夫棄沃壤之饒損自然之財不可謂利離河  
山之阻守無險之處難以爲固今四郡未復園陵單  
外而公卿選儒容頭過身張解設難但計所費不圖  
其安宜開聖德考行所長書奏乃復四郡督促徙者  
各歸舊縣激河浚渠爲屯田省內郡費歲一億計論

湟中者莫過於曹鳳鳳之言曰西戎為害常從燒當  
 起所以然者以其大小榆谷土地肥美又近塞內諸  
 種易以為非難得攻伐又有西海魚鹽之利緣山濱  
 水以廣田畜故能強大常雄諸種宜建復西海郡縣  
 規固二榆廣設屯田殖穀富邊省委輸之役可無西  
 顧之憂論西域四鎮者莫過於班勇崔融勇之言曰  
 今設以西域歸匈奴而使其恩德大漢不為鈔盜則  
 可矣如其不然則因西域租入之饒兵馬之衆以擾  
 動緣邊是為富仇讐之財增暴夷之勢也且西域之  
 人無他求素其來入者粟食而已今若拒絕勢歸北  
 屬夷虜并力以寇并涼則中國之費不止千億融之  
 言曰文皇帝踐漢舊迹於南山抵蔥嶺剖裂府鎮煙  
 火相望吐蕃不敢內侵高宗時有司無狀棄四鎮不  
 能取而吐蕃遂張入焉昔之西長鼓右驪踰高昌歷  
 車師鈔長樂絕莫賀延磧以臨敦煌今孝傑一舉而  
 取四鎮還先帝舊封若又棄之是自毀成功而破完  
 策也夫四鎮不守胡兵必臨西域震則威膽南羌連  
 衡河西必危且莫賀延磧袤二千里無水草若北接

虜唐兵不可度而北則伊西北庭安西諸鎮悉亡衆  
議乃格夫當唐之盛時河西隴右三十三州涼州最  
大土沃物繁而人富樂其地宜馬唐置入監牧馬三  
十萬疋以安西都護府羈縻西域三十六國唐之軍  
鎮監務三百餘城常以中國更戍而涼州置使節度  
之安祿山之亂肅宗起靈武悉召河西兵赴難而吐  
蕃乘虛攻陷河西隴右華人百萬皆陷於虜然則姑  
臧河西之北翰湟中河西之南屏也姑臧擾則武威  
震武威震則甘肅以西絕湟中急則金城危金城危  
則洮岷以東亂此固形勢千古不殊也若湟中者卑  
洮居之而強滇夏奪之而強迷唐還據之而強先零  
去之而衰弱吐谷渾據之而復強吐蕃奪之而益強  
至若宋之青唐明之蒙古國初之和碩特後先一  
轍今昔同揆者也故無湟中則無河西無河西則無  
關隴此必然之勢也漢時西羌之亂延及秦蜀至於  
趙魏及寇畧定而漢祚亦衰吐蕃之強至於入京師  
蹂躪旬自有西戎以來未有陵斥上國若是其熾也  
洎乎會昌之後吐蕃亡而唐亦不振矣歐陽文忠之



述四夷曰夷狄有君長部號而無世族文字紀別是  
鳥足以考述哉惟其服畔去來能爲中國利害者此  
不可以不知也自有書籍以至今西夷北狄未有能  
以恩德服之者畏威而不感德夷狄之性如此如準  
部諸酋甫受封賞而歸輒畔兩和卓木之出諸莽中  
卽率其醜類以抗中國故

高宗天語丁寧謂夷狄非德所能懷漢段熲討西羌上  
言以爲恨子野心難以恩納兵去復動惟當長矛快  
箭白刃加頸耳夫諸羌屢撫屢叛攻沒州郡剽畧人  
物至於發冢露尸禍及存沒乃張奐言羌一氣所生  
不可誅盡血流汚野傷和致災是何言歟今青海河  
曲本吐蕃七十九族之地一見逐於明正德閒之阿  
爾禿斯再見逐於和碩特固始汗天道好還強弱迭  
代今之番子動稱報先世之仇名近正力近強必非  
各旗所能禦湟中諸旗距番遠尚可自安河北之帳  
必危自然之勢古未有外夷自相爭掠而我爲之用  
兵者且番子旣未獲罪於我蒙古亦何可令強強卽  
不恭順羅卜藏丹津其前事之鑑也今兵力物力皆

非開邊蠻之會克則殺機動不克則何以收事後之  
局於事前思之番子蒙古皆信佛刺麻察罕諾們汗  
一旗最富若許稍進其位號俾其出力以佛法兩勸  
而兩罷之以夷和夷此  
列聖尊崇黃教之祕旨也



西域考古錄卷十六下

海月堂  
藻著

海鹽俞浩 湛持

西藏

西藏古崑侖之國岡底斯古崑侖山佛書之阿耨達山  
今中國諸山之脈皆起自岡底斯絲亘東北數千里至

青海之玉樹土司境巴顏哈刺山河源出焉

乾隆間既  
平準岡兩

部乃命侍衛伍彌達往探河源蓋尚在星宿海之西有  
一河名阿勒坦郭勒華言黃金塔也源在黃金塔之西  
有大石崖黃赤色名阿勒坦噶達素齊老華言黃金北  
極星石也中有池池中流泉噴出皆黃色流入黃金河  
此爲河水最初出地處歷三百餘里始穿入星宿海耳  
漢人言河出蔥嶺與水經合不知自蒲昌海伏地行再

出於北極星石而遽言出積石元詳及尾宿海是矣又  
謬以積石爲崑侖至所稱亦里赤忽闌也里木等河今  
番人皆謂之崑都侖華言橫河也又皆指水而非山乃  
譌爲崑侖亦未詳故也河源左右之山

統名枯爾坤卽崑侖轉音蓋自岡底斯東皆崑侖脊古

所稱崑侖卽在乎斯山海西山經稱崑侖之邱河水赤

水洋水黑水出焉郭註洋或作清海內西經稱海內崑侖之墟

赤水出東南隅河水出東北隅黑水出西北隅大荒西

經稱西海之南流沙之濱赤水之後黑水之前有大山

名曰崑侖之邱穆天子傳天子宿於崑侖之阿赤水之

陽今金沙上源有三曰那木齊烏闌木倫河曰托克托

乃烏闌木倫河曰喀齊烏闌木倫河蒙古謂赤色爲烏

闌蓋卽赤水

赤水又名赤海漢有赤水羌唐有黑党項居赤水之西

怒江上源有

池曰喀喇東流曰喀喇烏蘇蒙古謂黑水也其西南流

卽今怒江

李元陽黑水考曰禹貢黑水西河惟雍州華陽黑水惟梁州又曰導黑水至于三危入于

南海釋經者擬議而卒無所據夫黑水之源不可窮入

南海之水則可數何者隴蜀無入南海之水有之惟闌

滄潞江二水皆由吐蕃西北來與雍州相連水勢並洶

湧入南海但路江自西南入緬始終皆夷與梁州之說

不合闌滄自西北迤邐而東南所經皆滇省州縣直至

交趾大海在宋以前則皆中國之地禹之所導於以分

別梁州界者惟此足當之孟津之會曰髡人在今北勝

曰濮人在今順寧皆闌滄江內也地理志謂南中山曰

昆彌水曰洛山海經洱水西流入於洛故闌滄又名洛

水元張立道使交趾並黑水跨雲南以至其國亦一証

也蓋龍蜀滇三方隴則西南斜長入蜀滇則西北斜長  
近隴蜀則尖長而入滇隴之間故雅以黑水爲西界對  
西河而言也梁以黑水爲南界對華陽而言也又古以  
渠搜析支昆侖爲雍州地禹貢三危亦爲雍州則三危  
正界三國之間今之烏斯藏亦古雍州矣按通典云吐  
蕃國有可跋海去赤嶺百里方圓七十里東南流與西  
洱河合流而東號漾鼻水又東南出會川爲瀘水焉按  
華陽國志會無縣路通寧州渡瀘得往復縣故濮人邑  
也三經縣一曰小會無音三播通道寧州渡瀘得青蛉  
縣又水經注繩水自合卑水又東北至朱提縣西爲瀘  
江水堂琅縣在今東川府會澤縣境內古繩若水卽今  
金沙江瀾滄與瀘水不通不知杜佑何以有此言唐樊  
綽以西洱與葉榆澤相灌廣處可二十餘里謂足以界  
別二州按葉榆澤卽西洱河一曰洱海在今太和縣東  
源出浪穹又南逕鄧川東又南入縣界西受點蒼山十  
八川而爲巨浸至合江鋪合漾鼻水唐書唐九徵擊姚  
州蠻蠻以鐵柱梁漾鼻水通西洱蠻築城戍之九徵毀  
緬夷城建鐵柱於滇池以勒功青蛉縣今大姚縣地又

青蛉水源出三窠山西東流注金沙江有瀘南  
廢縣亦在縣境又武侯土城在縣馬鞍山麓  
清水卽

今青海蒙古呼爲庫可諾爾華言青海也  
顧氏方輿記要青海卽西

海亦曰卑禾羌海漢書曰鮮水亦曰允谷鹽池十三州

志西海東去西平郡二百五十里在今西寧府西三百

里鄯氏曰古西僭之地青海其摠名也方數百里漢書

神爵初西羌叛辛武賢請擊罕开在鮮水上者又趙充

國請治湟陁以西道橋七十所令可至鮮水左右王莽

時誘羌獻鮮水海置西海郡永元中擊叛羌西海及大

小榆谷無復羌寇後周史寧與突厥分道襲吐谷渾會

於青海隋元諧敗吐谷渾於青海唐段志寧出西海破

吐谷渾追奔八百餘里去青海三十里又使李靖出青

海平其地後吐蕃擊破吐谷渾屯兵青海咸亨初薛仁

貴敗於大非川青海遂沒於吐蕃儀鳳中李敬元敗績  
青海永隆元年黑齒常之敗吐蕃於青海郭元振議以  
四鎮十姓易吐蕃青海及吐谷渾地不果開元十四年  
王君奭以兵躡吐蕃追之及青海乘冰度襲其輜重而



還二十五年崔希逸敗之青海皇甫惟明又敗之青海  
天寶中王忠嗣與戰於青海積石皆大破之哥舒翰又  
破之青海築神威軍又築城龍駒島宋爲吐蕃角廝羅  
地前明正統後爲套部所有所謂海寇也明末復爲和  
碩特固始汗襲據今青海和碩特旗是也流沙今戈壁當安西州南青海之

西是青海西南北頻戈壁黃河金沙江瀾滄怒江四源  
之間山名崑侖而迤東山脊爲崑侖之證今枯爾坤是  
也經所敘四水方隅前後互異當是傳寫之譌也海內  
西經稱西胡白玉山在流沙西崑侖墟東今岡底斯北  
支爲蔥嶺戈壁當其東穆天子傳亦先升崑侖之邱復  
西征至西玉母之邦是迤西山脊皆爲崑侖之證崑侖

本在域中爾雅以西王母觚竹北戶日下爲四荒則亦  
荒外之國名耳自周道陵夷德不及遠秦始皇漢武遠求  
神仙於是方士迂怪之說興遂謂崑侖去中國五萬里  
又移崑侖於海外以西王母爲神仙後儒震於怪物遂  
并禹貢疑之山海經非伯益夷堅之書亦秦漢人據古  
圖書所爲中更錯亂加以會附故太史公已不敢言然  
遺文軼簡猶資考證若謂本離騷作山海經誣古人矣  
夫宋自玉斧畫河之後河右委之拓跋明棄崕崕西海  
河套且爲騫脫戶楹不知遼問四荒我

聖祖三駕而存喀爾喀定西藏殲噶爾丹

世宗戡平西海至

高宗而遂平準夷俘兩和卓木蕩雷轟以爲池平阿耨  
以爲田重舌九譯來享來王闢地四萬里極黃支烏海  
至於日入之部枕矣陔矣古未有也酈氏所謂等軒轅

之訪百靈方大禹之集會稽其在今日矣

一統志今黃河發源之處

雖有三山而其最西而大爲眞源所在者巴顏喀喇山也東北去西寧邊外千四百五十五里延袤千餘里山不甚峻而地勢獨高自查霧鄂霧二海子之西以漸而高登至三百里始抵其下山脉自金沙江發源之聲石山蜿蜒東來結爲此山自此分支向北層岡疊嶂直抵嘉峪關東趨大雪山至西寧邊外東北達甘肅涼州以

南大小諸山。北黃河南岸。至西傾山。以抵河。洮階成諸州。至四川松潘口外。諸山河源之東西。枝幹盤互。繞黃河。西岸勢相連屬。蒙古概名之曰枯爾坤者。卽華言崑侖也。

後漢書西羌傳。諸羌繁熾。以力爲雄。其兵長於山谷。短於平地。不能持久。而果於觸突。以戰死爲吉利。病終爲不祥。婦人產子。不避風雪。性堅剛勇猛。得西方金行之氣焉。自爰劔後。子孫支分一百五十種。其九種在賜支河首。以西及蜀漢徼外。其五十二種。衰少不能自立。分散爲附落。或絕滅無後。其八十九種。惟鍾羌最強。盛兵十餘萬。其餘大者萬人。小者數千人。更相鈔盜。發羌唐

旄等絕遠未嘗往來犛牛白馬羌在蜀漢其種別名號皆不可紀知也華陽國志汶山郡本屬郡北部冉駹都尉有六夷羌胡白蘭蚬九種之戎盛夏凝凍不釋故夷人冬則避寒入蜀庸賃自食夏則避暑反落歲以爲常

故蜀人謂之作五百石子也

按今松潘茂州所轄諸土司其番人每歲冬入內地

傭工謂之下壩乾隆三十六年蜀中有司因大小金川桀驁禁其人勿許出境金酋疑色達拉酋陰譖之遂圍沃日索諾木又拉殺革什咱土司拉旺而取其地復侵明正司乃詔副將軍溫福阿桂等進兵討之遂滅兩金川按魏畧云盤越國一名漢越在天竺東南數千里與益部相近北史附國者蜀郡西北二千餘里卽漢之西南夷也有嘉良夷卽其部其國南北八百里東西千五百里無城柵近川俗傍山險俗好復讐故壘石爲障

以避其患高至十餘丈下至五六丈狀似浮屠人皆輕  
捷便擊劔以皮爲帽形圓如鉢衣多毳皮裘全剥牛腳  
皮爲靴項繫鐵鎖手貫鐵釧王與酋帥金爲首飾胸前  
縣一金花徑三寸其土高氣候涼多風少雨宜小麥青  
稞山出金銀銅多白雉水有嘉魚大業四年遣使朝貢  
欲獻良馬以路險不通請開山道以勞人不許嘉良有  
水澗六七丈附國有水百餘丈並南流用皮爲舟而  
濟附國有薄緣夷俗同西有女國其東北連山綿亘數  
千里接於党項往往有羌大小左封昔衛葛延白狗向  
人望族林臺春桑利豆迷桑婢藥大峽白蘭北利摸徒  
郝鄂當迷渠步桑悟于碯在深山窮谷無大君長其  
風俗畧同党項或役屬吐谷渾或附國白蘭者羌之別  
種也其地東北接吐谷渾西北利漠徒南界郝鄂其西  
南二千五百里隔大嶺又度四十里海有女王國人庶  
萬餘落風俗上著宜桑麻熟五穀以女爲王故因號焉  
按吐谷渾酋吐延爲昂城羌酋姜聰所刺劔猶在體語  
其犬將拔泥曰吾氣絕棺斂訖便速去保白蘭地旣險  
遠又土俗懦弱易控御其後慕利延爲魏所敗走白蘭

兄子拾寅立保白蘭魏定陽侯曹安表拾寅今保白蘭  
多有金銀牛馬若擊之可以大獲分軍出其左右拾寅  
必走南山不過十日牛馬草盡人無所食衆必潰叛可  
一舉定也乃詔出南北道討之拾寅走南山諸軍濟河  
追之獲駝馬二十餘萬引還北史女國在蔥嶺南其國  
世以女爲王姓蘇毗丈夫惟以征伐爲務山上爲城方  
五六里人有萬家男女皆以彩色塗面人皆被髮氣候  
多寒以射獵爲業出綸石朱砂麝香犛牛駿馬尤多鹽  
恒將向天竺興販其利數倍亦數與天竺項戰爭俗  
事阿修羅神唐書謂之東女以別於西海女國也稱其  
國東與吐蕃党項茂州接西屬三波河北距于闐東南  
屬雅州羅女蠻白狼夷戶四萬有八十城居康延川大  
抵與天竺同通典蘇毗本西南羌族爲吐蕃所并號孫  
波在諸部最大東與多彌接西距骨荅峽戶三萬天寶  
中王沒陵贊欲舉國內附爲吐蕃所殺子悉諾率首領  
奔隴右又云多彌亦西羌族役屬吐蕃號維摩濱犛牛  
河土多金武德中白蘭內附以其地爲維恭二州龍朔  
後白蘭春桑白狗爲吐蕃所臣籍其兵爲前驅白狗與

東會州接在西北者天授中內附戶二十萬以其地爲  
朝吳浮歸十州按白蘭東北與党項之北皆接吐谷渾  
貞觀中李靖討吐谷渾以党項爲向導其酋拓拔赤辭  
來謂諸將曰隋人無信好暴掠今諸軍苟無異心我請  
供其資糧如不然我必據險以塞諸軍之道諸將與盟  
而遣之赤水道總管李道彥行至闊水見其無備襲之  
獲牛羊數千頭羣羌怨怒屯野狐峽擊敗道彥死者數  
萬退保松州蓋自河首積石而東皆其地而赤水爲黑  
党項所居高宗時吐蕃乞赤水地游牧卽此今自松茂  
西北爲唐党項州攷唐地志貞觀初列其地置州隸松  
州都督府五年又開其地置州十六縣四十七又以拓  
拔赤辭部置州三十二乾封二年吐蕃入寇廢都流等  
十二州咸亨二年又廢蚕黎二州及河隴失後徙党項  
州所存者於靈慶銀夏之境今唐志所載如軌州都督  
府及岷奉巖遠澗麟等十三州均有版籍其無版者五  
十餘州又特浪生羌內附析置蓬魯姜葛等三十二州  
其諸羌有西雅州蛾州拱州劔州皆隸松州又有西羌  
董洞貴部所置并特浪羌州隸茂州者三十九隸嵩州



十六雅州五十六隸黎州五十二內如東嘉良州西嘉  
良州當烏州羅岩州欠馬州尚川州論川州金川州涼  
川州敢州乳州又皆大中以後安置吐蕃降部見之會  
要者也攷其州皆天寶前所置後又破於吐蕃及吐蕃  
國亡又置以安頓降部耳蓋自青海至松潘千五百里  
又自茂州雜谷越嵩雷波四廳以西百數十土司皆唐  
羈縻州地自天寶以後悉沒於吐蕃又有蜀縻蠻州十  
八又隸戎州者六十四隸姚州者十三隸瀘州者十四  
隸黔州者五十一蓋卽今滇黔兩省諸郡縣也唐置諸  
州皆傍塞外或寓名於夷落如盤越州嘉良州之類可  
顧名而推之者也攷明之董卜韓胡宣慰所轄孟董二  
姓十八寨卽唐時哥隣酋董誥庭及女國白狗等羌西  
山八國內附處之於維嶺等州居小鐵圍山去保縣可  
七八日程東抵雜谷八稜碣模坡河在東如卜河在北  
或謂卽古之孫水也南經雅州以牛皮船爲渡旣渡則  
曝之於岸上候乾復用永樂八年歸附其貢道有三一  
由蘆谷八稜碣出保州一由清溪江出崇慶州一由靈  
關出雅州雜谷安撫司在保縣西二百里四川通志云

出保縣南岸行一日又北渡沱江至雜谷司可八十里  
又十里有故城相傳卽吐蕃所據唐維州以爲無憂城  
也有上礪下礪前臨沱水後倚高山東接三姐西接孟  
董南抵達思北抵東布又東至八稜礪與蒙古密邇歲  
終番兵萬餘備糧械入礪防守次年除夕更班蓋明時  
蜀以雜谷爲保障也又有達思蠻長官司在雜谷西五  
十里其附近有金川寺禪師及草坪大市龍山以西諸  
砦又有威州南路打刺兒砦及只臺諸寨皆屬雜谷  
今考朱文正平定兩金川頌砦以爲隸董卜韓胡者訛也  
考今之茂州爲漢冉駹地武帝以爲汶山郡宣帝以爲  
北部都尉元和郡縣志之繩橋在今保縣西北爲雜谷  
廳必經要隘威茂營兵所守松潘廳本前氏道吐谷潭  
龍迴王地貞觀二年置松州都督府轄羈縻百餘州宋  
爲吐蕃藩羅支地甘松嶺在今聽北九十里開元中吐  
蕃請交馬於赤嶺互市於甘松嶺字相裴光庭曰甘松  
中國之阻不如許赤嶺唐廢輒州在聽西北廢當  
州悉州靜州柘州恭州在今疊溪營境按圖經聽所轄  
上至望山下至四望共十三關堡有四巖絕壑一後僅

通其阨塞可知越嵩驪木漢關縣華陽國志以爲關縣  
後周改印部縣宋爲蠻地元爲州明爲越嵩衛大渡河  
在今驪北二百二十里漢志木以青衣水爲大渡水酈  
氏以旄牛徼外之鮮水爲大渡水唐宋以後始以泔水  
爲大渡水也按漢書南蠻傳汶山郡山有六夷七羌九  
氏土氣多寒在盛夏冰猶不釋故夷人冬則避寒入蜀  
爲傭夏則違暑反其邑皆依山居止累石爲室高者至  
十餘丈爲印籠按印籠今也又土地剛鹵不生穀粟麻菽惟  
以麥爲資而宜畜牧有旄牛無角一名童牛肉重千斤  
毛可爲毼出名馬有靈羊可療毒又有含藥鹿其人能  
作旄毼旄毼青頓毼毼羊毼之屬特多雜藥地有鹹土  
煮以爲鹽驪羊牛馬食之皆肥印都夷武帝以爲越雋  
郡俗與牂牁相類荏都夷以爲荏都縣後以爲沉黎郡  
永平中自汶山以西前世所不至白狼繫木唐故等百  
餘國舉種奉貢永元中旄牛徼外白狼薄樓蠻夷內屬  
北史宕昌羌者三苗之胤鄧至者白水羌也其地自街  
亭以東武平以西汶嶺以北宕昌以南其西有赭羊國  
部內有一羊形甚大色至鮮赤故名又有東亭衛大赤

水寒宕石河薄陵下習山倉驤單水諸羌名党項西羌  
別種其地古析支也東距松州西葉護南春桑迷桑北  
吐谷渾山谷崎嶇大抵三千里土著有棟宇織犛牛尾  
羊毛覆屋人壽過百歲貞觀內屬自河首積石而西皆  
爲中國地後爲吐蕃所偏內徙其故地入於吐蕃其不能徙者役屬吐蕃更其名曰弭藥

按查禮集載果羅克三土司云果羅克在蜀之西北

隅地近西寧之青海其廬落分上中下爲三以千戶

百戶職領其族地少五穀多禽獸俗以射獵爲生好

劫掠卽戰國之羌奴爰劍種也甲午春劫青海蒙古

部牛馬千百奏禮往按其郵程由松州出紅橋關自

章臘涉弓剛水循江至黃勝關歷阿格甲回鵠不郎

馱諸土司而入果羅克境又云自松州歷章臘所轄

之寒盼尙巴祈命及口外之阿个甲回鵠个郎馱上

中下阿堪十土千戶迢迢千餘里戶口數萬其間有

產稞麥者有絕無者阿个甲回二土境無五穀惟產

甘松香葉如小蘭窄而短夏月抽細莖開碎白花獨

根旁鬚繁密香濃濁入香料用甚廣土人男婦競采

之松州有牧土松行市用以易裸麥爲活植鵲个土  
境水圍山曲見雁翔集葳蘆叢生加以原馬驟驤澤  
魚肥美以漁以佃可稱樂土按圖經夾結河發源卓  
克采土境內東北流入鵲个土司界又東北逕祚爾  
格土境與發源梭木土境之阿摩河同流入黃河水  
勢廣濶大灣大曲非小支也又云郎馱阿黑阿樹及  
果羅克四土司境產狐最夥手帶長者草狐短而  
黠曰沙狐其膽曰天馬其額曰烏雲豹又產羊舍利  
斃而內斃黠而外斃按其地卽党項白蘭地也又自  
維州取維谷腦梭木卓克采至松岡踰旻鵠山巴爾  
達山卽入下果  
羅克土司境

吐谷渾本遼東鮮卑徙河涉歸之庶長子其先西附陰

山今河套屬典午之亂始度隴而西止於枹罕其後子

孫據有甘松之南洮水之西南極於白蘭在益州西北

至葉延乃以吐谷渾爲氏至阿豺而兼并氏羌號爲強國魏書西域傳眞君三年鄯善王比龍率國人之半奔且末時蓋有沮渠氏之亂其後爲吐谷渾所并兼且末小宛而有之當在魏神龜時也其國中大戍有四一在青水川一在赤水一在澆河一在吐突眞川王理慕賀川琴呂始理伏俟城青水川卽青海赤水亦名赤海漢赤水羌唐黑党項居赤水西爲金沙江上源在青海西南澆河有故城在遠化西百二十里吐谷渾所置當在今貴德聽東吐突眞川唐書亦曰破邏眞谷在烏海東二百餘里或曰隴州有清水爲吐蕃與中國分界處又按魏書吐谷渾王拾寅始居伏羅川與白蘭山相近

按今青海土爾扈特和碩特兩旗游牧地爲當日吐谷渾之門戶考貞觀九年征吐谷渾以李靖爲西海道則今之青海也侯君集爲積石道今和碩特前頭旗土爾扈特南前旗也任城王爲鄯善道今之塔里木河未到羅布淖爾之西南三百里是也李道彥爲赤水道今木魯烏蘇河之西北三烏蘭木倫河也李大亮爲且末道今布古爾回城南踰塔里木河之南大戈壁也高甑生爲鹽澤道今羅布淖爾水經注所謂蒲昌亦有鹽澤之稱也又新唐書吐谷渾傳君集

道宗以一軍趨南出其左登漢哭山戰烏海行空荒

二千里盛夏降霜乏水草土糜冰馬秣雪閱月次星

宿川達栢海上望積石山覽觀河源兩軍會大非川

破虜真谷

按十道圖志云大非川在青海南烏海星宿海栢海在其西互相灌注

隋書

伏侯城在青海西十五里吐谷渾之都城也大業五

年伐吐谷渾追奔至伏侯城因置西海郡統二縣以

此推之吐谷渾之疆宇約畧可知其後國爲吐蕃所

滅烏海河源遂爲吐蕃北界矣

唐書高宗時吐蕃臣仲琮對高宗曰吐蕃

居寒露之下物產寡薄烏海之際盛夏積雪暑耗冬

裘隨水草

以牧寒則城處施廬帳器用不當中國萬



分一但上下一句戰事自下因  
今按唐書地理志鄯

城下

今礪伯縣爲唐鄯州西平郡治

有河源軍

通鑑永隆元年秋七月吐蕃寇河源左武

衛將軍黑齒常之擊却之擢常之爲河源軍經畧大  
使常之以河源衝要欲加兵戍之而轉論險遠乃廣  
置烽戍七十餘所開屯田五千餘頃  
歲收五百餘萬石由是戰守有備焉  
有臨蕃城又西

六十里有白水軍綏戎軍又西南六十里有定戎城

通典河源軍距州百廿里臨蕃城開元中置大中初  
尙婢婢遣兵據臨蕃城拒論恐熱於白土嶺不利復  
據犛牛峽以拒之爲恐熱所敗白水軍  
又南隔澗七  
在鄯州西北二百五十里開元五年置

里有天威軍故石堡城開元十七年置初曰振武後

沒吐蕃天寶八載克之乃更名

石堡城虜曰鐵切城初吐蕃陷石堡因侵

擾河隴十七年信安王禕拔之據守要害河隴諸軍  
游奕拓境千餘里二十九年吐蕃攻承風堡遂襲振  
武軍取之後屢攻不克王忠嗣奏言石堡險固吐蕃  
舉國守之今頓兵其下非殺數萬人不能克及八載  
哥舒翰攻之其城三面險絕推一徑可上以數百人  
守唐兵死者數萬僅而克之遂以赤嶺爲西塞開屯  
田備軍實城在龍支縣西四面懸厓數十仞石路盤  
曲長三四里至赤嶺三十里魏源聖武記雍正二年  
岳鍾琪平定西海羅卜藏丹津時莊浪衛之西山亘  
二三百里六族番據其中而石堡城者險著唐史南  
臨大通河北倚卓子山四面削絕惟羊腸一縷其東  
沒毛山綿亘四百里怪石嵯峨夾峙土番數萬乘青  
海之亂截餉戕吏年羹堯屢勦之東閃西匿旋撫旋  
叛至是命以兵二萬討之賊犄智蓋徒老弱輜  
重牲畜於東山留號銳備出沒鍾琪分兵二路以其  
半據西山之隘聲期進攻而以萬人夜襲其東禽斬  
大半卽留兵守東山而旋兵攻其西賊皆萃於石堡  
城鍾琪夜遣死士以降番鄉導援羅躋壁出其背禽

斬五千賊窘蹙乞命乃許其降設兵戍之班師先後  
隔青海地千餘里分其地以賜各土司及蒙古焉

又西二十里至赤嶺其西吐蕃有開元中分界碑通

石堡城西三十里有山土石皆赤北接大山西南連小  
雪山號曰赤嶺去長安三千五百里自鄯州西行三

百自振武即石堡城經尉遲川苦拔海通典謂之可跋海

書之 王孝傑木柵九十里至莫離驛又經公主佛堂

大非川海道經大非川在青海南烏海星宿海柏

以其險遠留輜重於大非嶺爲兩柵以守之又王君

奩遣人入虜境燒道傍草吐蕃自積石軍西歸至大

非川欲休士馬而野草皆盡馬死過半君奩追之及

於青海之西乘冰而度悉諾邏已去破其後軍獲其

輜重羊馬萬計而還又李靖傳軍次伏俟城吐谷渾

燒去野草以餒我師退保大非川據此推之大非川

實<sub>在</sub>青海西南積石河口之東北烏海柏海又在其西吐谷渾傳柏海作柏梁當是有橋在柏海之上也二百八十里至那錄驛吐谷渾界也又經煖泉烈謨

海四百四十里渡黃河

謝上簡西藏紀行詩有垵烈諾爾途次借馬都督浴湯泉

詩或謂卽阿里湯泉在今喀喇烏蘇之西南也按西北域記由青海西南行遙望一雪山巍巍皚皚卽禹貢所謂積石也而人皆呼爲昆侖誤也蓋其誤自元都實始自星宿海派游而下滙爲查靈鄂靈二海子散爲八九派其流浸黃復合爲一河而環積石之三面以入中國八九派卽析支也地志以河曲爲析支亦誤渡析支派迴而上四山中有沮洳場約二百餘里泉汎濫不可計由星宿海渡通天河西南行有河不甚深廣策馬可渡水黝然如墨汁土人呼爲喀刺烏蘇喀刺者狄鞮言黑也烏蘇言河也其源出西藏之喀刺池入滸江由緬甸入海渡黑水西南行十餘日至達賴刺麻所居曰烏斯藏唐吐蕃國都之邏娑

城大招門外唐蕃誓碑在焉

又四百七十里至衆龍驛又渡西月

河二百一十里至多彌國西界又經犛牛河渡藤橋

多彌卽北史之當迷侯君集爲當彌道行軍總管執失思力爲白蘭道牛進達爲濶水道劉簡爲挑河道擊吐蕃是也新書白蘭羌吐蕃謂之丁零左屬党項右與多彌接又云蘇毗東與多彌接多彌號難摩濱犛牛百里至列驛又經食堂吐蕃村截支橋兩石南河

北相當又經截支川四百四十里至婆驛乃渡大月

河藤橋經潭池魚池五百三十里至悉諾羅驛又經

乞量寧水橋又經大速水橋三百二十里至鶻莽驛

唐使入番公主每使人迎勞於此又經鶻莽峽十餘

里兩山相淦上有小橋三瀑水注射如瀉乍其下如

煙霧

通典蘇毗東與多彌接西距骨芥峽蓋自多彌之犛牛河藤橋至此千四百餘里皆蘇毗國舊

境考蘇毗卽女王國南詔異牟尋與韋臯書中所謂西山女王見奪其位是也北史稱其國在葱嶺南唐書言國境北距于闐今後藏西北佳魯克池伊克池之北卽與和闐南山相連接所謂尼蟒依山者層巖疊嶂林無路逕故西域志皆言和闐以南不通人跡唐書于闐傳稱去女國三千里是也今自察木多北接類烏齊草地西至薩喀

疑皆女國舊疆攷見後說

百里至野馬驛經吐蕃墾

田又經樂橋湯四百里至閣川驛又經怒謔海百二

十里至蛤不爛驛旁有三羅骨山積雪不消又六十

里至突錄濟驛唐使至贊普每遣使慰勞於此又經

柳谷莽布支莊有温湯涌高二丈氣如煙雲可以熟

米又經湯羅葉道山及贊普祭神所二百五十里至

農歌驛邏娑在東南距農歌二百里唐使至吐蕃宰

相每遣使迎候於此又經鹽池煖泉江布靈河百二

十里渡姜濟河經吐蕃墾田二百六十里至卒歌驛

乃渡臧河經佛堂百八十里至勃合驛鴻臚館至贊

普牙帳其西南拔布川

按此記自湯泉以下皆由西北行遠出邏娑川故云在東

南距驛二百里也今自前藏至後藏九百里若由巴

則山陽西北經仁本可近二百里尚有北道走陽巴

井西南渡江至北什倫布約近一日程可七百八十

里也其地有寧仲湯泉有那木鹽池蓋由陽巴井而

西北自那木嶺東抵喀刺烏蘇從前爲藏中要隘自準部蕩平而三藏安枕無復北顧之憂記中湯泉鹽池當卽指此跋布川卽後藏也

今考諸書所載吐谷渾所居伏俟城在青海西十五里其地東西三千里南北千餘里地兼鄯善且末蓋自西平臨羌城以西且末以東祁連以南雪山以北皆其國境其西南爲白蘭左屬党項右與多彌接其西南二千五百里隔大嶺又度四十里海有女王國風俗土著宜桑麻五穀以女爲王故因號焉党項則自河首積石而東古析支地東距松州與臨洮西平接附國者蜀郡西



北二千里漢之西南夷有嘉良夷卽其部西有女國其  
東北連山綿亘數千里接於党項有大小左封昔衛葛  
延白狗白蘭北利摸徒那鄂當迷卽多彌瀕犛牛河蓋  
諸羌在唐以前吐渾怛役屬之故裴矩西域圖記云但  
突厥吐渾分領羌胡之國爲其壅遏故朝貢不通大抵  
自今之碾伯以西和碩特左右翼旗以東羅布泊以南  
河源以北皆其故壤若松茂洮岷爲党項舊疆而今之  
雜谷保縣乃白蘭白狗之地自董卜韓胡以抵明正土  
司西北連接裡塘巴塘其卽古之嘉良夷白狼夷薄緣

夷諸部矣至多彌在黃河西南七百里正今之木魯烏  
蘇卽犂牛河亦卽通天河也西藏謂之布墨楚河至滇  
之麗江府卽名大金沙江源出巴薩通拉木山山形高  
廣形似犂牛得名尚婢據犂牛峽卽其東北上源烏  
蘭木倫之三河蒙古語赤色爲烏蘭山海經之赤水是  
也自犂牛河以下千四百里至骨莽峽皆唐毗女王國  
舊境隋書所謂西距鶻莽峽是也邏娑爲今布達拉本  
名拉薩亦卽邏娑之轉今之札什倫布卽跋布川急讀  
則跋布也

閒嘗論之昔秦以隴西爲郡漢復置四郡雜以氐羌  
居之歷代以來時際喪亂不爲賢豪所據則爲夷虜  
侵并迨二千年矣唐文皇旣平薛仁杲李軌復隴右  
舊疆及滅麹氏置西州破吐渾降突厥開置西域建  
立四鎮至元宗滅渴槃陀置守捉於葱嶺安西北庭  
置節度矣河西隴右亦置節度大軍萬小軍千萬里  
相繼以却強敵及潼關失守肅宗自立悉徵河隴諸  
鎮兵入靖國難謂之行營曩之邊備空虛乾元之間  
吐蕃乘其無備盡陷河隴諸州至於薄綬輔入京師

謀夫虓帥圍視而莫可如何其禍乃烈於東漢之西  
羌及其晚季豔妃扇亂百年強國殄於一朝雖盛衰  
之故天實爲之而治忽之微夫亦人事有未臧與考  
吐蕃隋以前隔於諸羌不知有國之所始唐書謂發  
羌之後訛爲吐蕃或者然歟國在白蘭西南通典謂  
距鄯善五百里者非是地多霆電風雹與吐渾同人  
多老壽與党項同使擊劔以金爲飾與附國同以赭  
塗面與女國同若其重兵死以累世戰沒爲甲族則  
固西羌舊俗數千年如一日也重鬼右巫習咒詛此

則自周秦以來南中夷俗無不然者國之政事必以桑門參決此又後世刺麻之先聲也自龍朔後破吐

渾而據其故地盡臣羊同党項諸羌其地與松茂壽

接南極婆羅門唐地理志去騰充城五百里至麗水城乃西度麗水龍泉水二百里至安

西城乃西渡彌諾江水千里至大秦婆羅門國又西渡大嶺三百里至東天竺北界箇沒盧國滇繫云自

麗江赴西藏至東天竺北界二千五百里據此則西抵四婆羅門在西藏南千七百里大雪嶺之東也

鎮北距突厥今按于闐西南有皮山城凍凌山尚在

其西南距于闐七百里唐書小勃律語張孝嵩曰勃

律唐之西門失之西方諸國皆墮吐蕃都護圖之吐

蕃每曰我非圖若國假道攻四鎮耳高宗時吐蕃與

于闐攻撥換城取之於是四鎮悉廢小勃律爲今之

乾竺特自黑斯圖濟三日至其地

黑斯圖濟唐之五識匿在渴盤陀之

西南六百里唐渴盤陀今之塞勒庫勒也

蓋藏之阿里西北大嶺爲葱

嶺南翰欽陵所云俟斤諸部距我裁一磧騎士騰突

不旬口至非若烏海黃河關源阻奧多瘴毒唐必不

能入也在唐盛時于闐之東有坎城鎮蘭城鎮其南

六百里有胡弩鎮西二百里有固城鎮又西三百九

十里有吉良鎮于闐東距且末鎮千六百里又有播

仙鎮故且末城也自播仙鎮至故鄯善國有弩支城

新城石城又有七屯城漢伊循城也數千里中城鎮相望

烽火相接而其城皆與吐蕃接壤非若今之盡成大

戈壁也其西寧一路本以河為境以公主故乃橋河

築城置獨山九曲二軍距積石二百里開元中杜希

望發鄯州兵奪河橋並河築城即鹽泉城軍曰鎮西共西八十里索恭川

有天成軍西百餘里雕窠城有振威軍西南四十里

有平夷守捉城星宿川西有安人軍西北三百八十

里有威戎軍西南二百五十里有綏和守捉城南百

八十里有合川守捉城鄯州西有寧邊軍西八十里

宛秀城有威勝軍西南百四十里洪濟橋有金天軍

東南八十里有武寧軍南二百里黑峽川有曜武軍

遼化縣西有積石軍東有黃沙戍卽吐谷  
渾之沙州周廻數百里不生草木者也 貞元十年

吐蕃調南詔萬人異牟尋欲襲吐蕃陽示寡弱以五

千人行自將數萬踵後大破吐蕃於神川遂斷鐵橋

溺死以萬計俘其五王後又擊之神川大破之取其

十六城 滇志鐵橋在巨津州北百三十里跨金沙江吐蕃有神川鐵橋二節度按唐書天寶初南

詔謀叛唐于摩些蠻九賧地置鐵橋跨金沙江以通

吐蕃來往是也及是取鐵橋十六城十五年吐蕃軍

屯鐵橋南詔毒其水人畜多死乃徙屯納川州志云  
鐵橋所跨處皆穴石鑿鐵爲之冬月水清猶見鐵環

在水十五年異牟尋以遼川寧北等城當寇路乃峭  
底也 山深壑修戰備且言昆明巽州與吐蕃接不先加兵



爲虜所脇反爲我患韋臯謂行營皆在嵩州扼西瀘吐蕃路昆明弄棟可以無虞按是年吐蕃將以十月圍嵩州軍屯昆明凡八萬又分軍屯西貢川南詔與臯相聞又以東蠻難測懼爲吐蕃鄉導欲先擊之臯報嵩州實往來道扞蔽數州虜百計窺之故嚴兵以守屯壁相望檉械處處有之東蠻庸敢懷貳乎吐蕃順城將楊萬波與籠官拔城以來徙其人二千於宿州臯又取末攻城國師馬定德及監軍多輸煎俱率種落降吐蕃懲野戰數北乃屯三瀘水誘瀘諸蠻復城悉懾悉臨吐蕃險要也蠻潛導南詔與臯將杜毗羅狙擊十七年春夜絕瀘破虜屯斬五百級虜保鹿危山毗羅伏以待又戰虜大奔于時康黑衣大食等兵及吐蕃大酋皆降獲甲二萬首時東蠻大鬼主苴夢衝數爲吐蕃侵獵雨林都大鬼主苴那時遺韋臯書乞兵攻吐蕃臯遣將劉朝彩出銅山道吳鳴鶴出清溪關道鄧俊英出定蕃柵道進逼臺登城吐蕃還壁西貢川據高爲營

苴那時戰甚力分兵大破吐蕃青海臘城二節度軍於北谷青海大兵馬使乞藏遮遮尚結贊子也臆城兵馬使悉多楊朱節度論東柴大將論結突黎等皆戰死執籠官四十五人鎧仗一萬牛馬稱是吐蕃君臣共計不得嚮州患未艾常爲兩頭蠶挾唐爲輕重謂南詔也

吐蕃欲悉師出西山劍川收嚮州以絕南詔臯遣將那毗以兵萬人屯南北路趙昱萬人戍黎雅異牟尋謂臯曰虜聲取嚮州實窺雲南請武免督軍進羊苴城若虜不出者請以來年深入時虜方攻鹽州帝以虜多詐疑繼以大軍詔臯深鈔賊郃分虜勢臯督諸軍分道出或自西山或由平夷或下隴陀和石門或

徑神川納川與南詔會是時回鶻太原邠寧涇原軍  
徽其北劔南東川山南兵震其東鳳翔軍當其西蜀  
南詔深入克城七焚堡百五十所斬首萬級獲鎧械  
十五萬圍昆明維州不能克乃班師振武靈武兵破  
虜二萬涇原鳳翔軍敗虜原州惟南詔攻其心腹俘  
獲最多按開元十二年謝颺王奏稱金城公主遣使  
詣个失密國云欲走歸汝國從臣國借兵共拒吐蕃  
此吐蕃地接蔥嶺以南諸國可知唐書个失密北距勃律五百里西顧  
彌那番多大河開元初大貢自言國有象馬步三種  
兵臣身與中天竺王扼吐蕃五大道禁出入戰輒勝

有如天可汗兵至勃律者雖衆二十萬能輸糧以助  
按今克什米爾國卽唐之失密其國中商販至藏  
中者尤多魏源以爲罽賓又以爲北天竺者俱非罽  
賓北天竺唐書自有傳今之克什米爾唐古特謂之  
卡契漢人稱之曰纏頭以白布纏頭也按大唐西域  
記競伽河東岸秣底補羅國中印度北境至罽羅以  
摩補羅國北印度境唐書不失常王治撥邏勿邏布  
羅域此魏氏所稱北天竺之由也又云北天雪山中  
有蘇伐刺掣瞿咀邏國東接吐蕃北接于闐此卽唐  
書女國北距于闐之本也據元奘所言是今後藏西  
境已爲北天竺中天竺之境元奘又稱伽濕彌羅國  
舊曰罽賓北印度境是巴達克山南卽爲北天竺境  
矣競伽卽恒水 考據諸書吐蕃國境大概可見蓋偏  
今曰岡噶江也 於今後藏以南如哲孟雄行木郎部正在臧河南疑  
吐蕃夏牙在此與布魯克巴部落相近其正北之怕

克里城疑卽北印度舊境矣今考英吉黎五印度志

迦濕彌羅

唐曰箇失密

謂之加斯彌野又曰加士敏耶中

印度阿魯斯所屬東北俱界西藏西南俱界臘和爾

領小部落一厄納特珂克唐之伽毗羅衛明之沼納

朴五印度志曰俄爾注中印度部落東北俱界西藏

西界特爾希南界尼保爾特爾希唐之摩揭提五印

度志曰中印度部落也尼保爾唐之泥婆羅明之尼

八刺魏氏以巴爾布卽尼保爾今陽布城也五印度

曰中印度部落東北俱界西藏西界俄爾注南界厄

阿臘又云孟阿臘東印度部落東界緬甸西界麻哈

南界海北界藏之廓爾喀

葉氏讀史八紘存考孟阿臘一作孟加臘又作孟甲

刺明呀刺明雅罽明牙里奔甲刺約十餘名皆一聲

之轉也今按小西天古名多摩莖又作三摩咀叱明

之榜葛刺首部曰古里噶達一作古爾古達加爾格

古之多摩犁帝唐史之耽摩栗底宋之利得古里今

亦稱里底所屬葛支港口古櫛袂明小葛蘭柯支等

地今入英吉黎領小部落二十一按西域記稱耽摩

栗底瀕海人色薰水陸交會其爲法顯順恒水東下

所到之多摩黎帝海口爲今之孟甲刺部之古里噶

達無疑宋鑑水經注本作犁帝後人因改爲犁軒魏

氏遂謂恒水分兩支一支由大秦入海道光二十年

英夷入犯廓爾喀遣使駐藏大臣言小國與里底所

屬之地相隣每受其侮今聞里底與京屬構兵願率

所部往攻里底所屬地以助天討時駐藏大臣不知

所稱里底卽英夷之孟加臘以緩辭却之豈知英夷

大犯之兵船十九皆里底之人使能聽廓夷之出兵而獎其恭順以蠻夷攻蠻夷是亦用兵之一奇也又按孟阿臘之西為麻哈麻哈之北界尼保爾是尼保爾尚在廓爾喀之西北是廓爾喀乃巴爾布東南別一部魏氏稱廓爾喀即巴爾布之地非是吐蕃在唐時其入寇俱在嵩松

鄯洮四州之境今之打箭鑪為明烏斯藏貢道明烏斯藏

貢道由董卜韓胡考唐垂拱三年武后欲發梁鳳巴蠻自雅

州開山通道出擊生羌因襲吐蕃正字陳子昂上書

以為雅州邊羌自國初以來未嘗為盜今一旦無罪

戮之其怨必甚且懼誅滅必逢起為盜西山盜起則

蜀之邊邑不得不連兵備守兵久不解臣愚以為西

蜀之禍自此結矣臣聞吐蕃愛蜀富饒欲盜之久矣徒以山川阻絕障隘不通勢不能動今國家乃亂邊羌開隘道使其收奔亡之種爲鄉導以攻邊是借寇兵爲賊除道舉全蜀以遺之也夫蜀之所恃者險也人之所以安者無役也今國家乃開其險役其人險開則便寇人役則傷財臣恐未見羌戎已有姦盜在其中矣且蜀人廑劣不習兵戰山川阻曠去中夏遠今無故生西羌吐蕃之患臣見其不及百年蜀爲戎矣旣而役不果興觀此則吐蕃之未嘗寇蜀豈非有



諸羌以爲扞護邛嶲大渡之險阨塞未開足爲保障也哉

西域考古錄卷十七

海月堂  
雜著

海鹽俞浩 湛持

蒙古源流書後一

蒙古源流八卷順治中達賴刺麻入朝因薩囊台吉  
之請爲之編卷共八卷此達賴自述緣起如此乾隆  
四十二年奉

敕譯進四庫館書目列之雜史類謂與大典所載元秘  
史同而敘述尤詳又逕標台吉之名而沒撰人似紀  
文達諸公亦未知其謬譌夫自古帝王子孫繁衍享

茅土於易代無過元之後裔源流世系是亦後人之  
所亟亟欲聞者也若夫矯誣鑿空令數十國藩王謂  
他人父則不可也書後三篇亦考古之類爰附於此  
蒙古源流例以釋迦涅槃般之歲代人主紀元之說按所  
言佛涅槃般年亦爲從來釋典諸經所未有者釋迦文佛  
生卒年月世無定論老子化胡經出自晉宋閒然已見  
於後漢襄楷傳中僧徒憤恨無以勝之也於是僞造劉  
向列仙傳敘周書異記郊祀志吳志并附益牟子博理  
或論與張騫闕澤之言以實之謂佛生昭王時則有二

十二四七年之殊彼見竹書紀年有十九年王陟之文  
遂推而前之曰九年主宋僧契嵩傳法正宗記云佛生  
當周昭王九年甲寅歲猶以爲不古則又推而前之曰  
殷末生法顯佛國記佛泥洹以來至義熙十二年爲一  
千四百九十七年是也或者爲不足敵老子生殷陽甲  
之說也則又推而前之曰夏時生唐僧道宣感通記天  
人言弟子夏桀時生也今之蒙古源流則又推而前之  
曰佛涅槃夏后相戊子歲再推之六七十年前則佛生  
當虞舜之世矣吁何其荒唐也家理初孝廉謂佛始見

於後漢書西域傳班勇所記天竺奉浮屠都護之所聞  
必譯使賈胡所傳說者也北魏書疎勒傳高宗時送佛  
袈裟一梁書達摩有伽葉傳衣元襄西域記那揭羅國  
有佛損壞氈袈裟其色紫赤是其時去佛未遠故佛衣  
猶有存者明帝之夢見金人亦佛滅度後魂氣游行入  
帝夢耳自明帝之世推之前六七十年則佛生當西漢  
之末矣天主碑言耶穌生當哀帝元壽二年佛與耶穌  
生處不相能佛之生亦當同時也泥洹經佛言正法當  
住千年以度女人今止五百年其言亦見隋書經籍志

隋以前佛教遍西域隋開皇中回回謨罕墨特自立教  
逐衆僧由後漢建初至開皇正合五百年也元奘西域  
記云諸部異議言佛歿至龍朔三年千二百年或云始  
過九百未滿千者佛國之傳聞豈不勝中土之聚訟哉  
瑞像記佛爲授記滅度後千年汝從震旦廣利人天鐵  
圍山叢談梁天監十六年像始供養瓦官閣宋太平興  
國中始移至東都自漢末至此始入中原亦與千年之  
言合也長阿含經佛生及出家成道涅槃般皆直沸星出  
時惟涅槃般在八月八日餘皆二月八日漢書元延元年

四月丁酉寶有沸星四面下至地之事佛國日月不同  
中土家理初孝廉以開元占經九執法取一歲第一鬼  
宿口就西法以春分言由中法二月十六日起角宿直  
日數之蓋據諸經佛以鬼宿直日生以宿直日回回西  
法皆然今此書亦有角木蛟鬼金羊直日之說則以宿  
直日眞佛日也按西域記諸佛國稱以吠舍佉月後八  
日佛生之說則佛生當在中土春分後二十三日也再  
徵之以班勇元奘之記證之以沸星之說袈裟瑞像之  
傳有質之以耶穌謨罕墨特之事則佛之生年當漢成

哀之際無疑也閒執紛紛之論而奪其恃佛生年月庶可定也。向時中國不知有佛何緣有經以世說注顏氏家訓之雅馴其所引列仙傳敘則不可信昭王時佛生之年言人人殊以皇王大紀通鑑前編之淵博其所引周王異紀則不敢信若趙宋以後俗儒互相稗販如王質程輝之言無足譏矣帝師八思巴之卒在至元十六年其弟亦憐真嗣此見之元史非僻書也今日生距佛涅槃戊子歲三千三百七十五年年七十圓寂則應生於宋淳佑元年而卒於成宗大德六年也自至元至



天厯嗣帝師者凡十一人而所謂瑪廸都者史無其人  
舉此以例其餘則是純構虛辭無一可信者也豈不悖  
哉

書後二

蒙古之先部族源流史載頗畧然自字端父以下世次分明當日元臣蘇天爵明初陶宗儀皆能言之蘇氏謂元之上世與契丹同出未知何據明史韃靼傳亦不載其先世部族通鑑唐武宗會昌二年冬黠戛斯遣將軍踏布合祖等至天德軍言將徙就合羅川兼已得安西北庭韃旦等五部注引李傳心曰韃旦之先與女真同族韃鞨之後也韃鞨本臣高麗唐破高麗其遺人迸入勃海惟黑水尤強及勃海盛韃鞨皆役屬後爲奚契丹

所攻部族各散其居混同江上者曰女真乃黑水遺種也其居陰山者自號爲韃旦其人皆勇悍善戰近漢地者爲熟韃旦遠者生韃旦以射獵爲生無需甲矢貫骨鐵而已歐陽五代史四夷傳韃旦韃鞨之遺種本在契丹之東北後爲奚契丹所攻而部族分散或屬契丹或屬渤海其別部散居陰山者號韃旦當唐末以名見中國者有每相溫於越相溫咸通中從朱耶赤心討龐勳其後李克用父子爲赫連鐸所敗嘗亡入韃旦後從克用入關破黃巢由是居雲代之閒其俗善射騎多駝馬

其君長部族文字不可究見明宗召韃旦入契丹界以張軍勢以所獲契丹團牌二百五十及弓箭數百賜雲州出界韃旦蓋唐嘗役屬之遼志別族則有奚靺渤海復有近界韃旦亦被脅屬每部不過千人則在遼時亦爲所役屬也松漠紀聞余覲之畔事洩投韃旦韃旦先受悟室之命其首領詐出迎具食帳中潛以兵困之韃旦善射余覲出敵父子俱死故或謂韃旦之與女真猶吐谷渾之與慕容氏也其言頗有依據然此皆指部落之在陰山者言之也若元之初起乃在幹難河與克魯

倫河之閒其於陰山諸部當非一族按蒙韃備錄韃旦  
始起處在契北之西北族出沙陀別種今成吉思皇帝  
者甲戌生舊牌子頭結婁之子牌子頭者彼國十人之  
長也其人有黑白生三種與札族隣國左右皆沙陀部  
也舊有蒙古國當金人天會閒嘗擾邊後賂以金帛與  
之和李諒征蒙記言蒙人嘗改元天興自號太祖明元  
皇帝今韃人畧無制度自稱曰我韃旦人珙討究於彼  
聞蒙已殘滅久矣今獨與回鶻人博易亦用其文字其  
稱年曰兔兒年龍兒年去歲始改稱曰庚辰今日辛巳

也又慕蒙爲雄國襲其號曰大蒙古國當金大定間虜  
中有童謠云韃旦去趕得官家沒住處葛酋聞之驚曰  
是必韃旦將爲我患也於是下令每歲出塞搜勦謂之  
滅丁明昌以後築長城於靜州以北戍以唐古紮人乃  
罷其令韃人始得生聚今成吉思皇帝與其國中大臣  
數人曾被掠作奴者十餘年始得逃歸按五代時以沙  
陀爲貴種韃旦本與沙陀雜處雲代之閒又慕其貴種  
而冒稱之或中國習聞而不察遂亦被以沙陀之名至  
蒙古之名當金人初起時已與爲敵宋紹興十七年金

人與蒙古和割西平河以北二十七團砦與之其地在

今克魯倫河

克魯倫河一作怯綠連河又作翁綠憐河又作阿魯連河一作盧胸河邱長春記作

陸局河明文皇四次出塞賜名飲馬河源出肯特山南  
流折而正南逕東庫倫東循拖陵山折而東南逕托訥  
山南折而東北逕喀爾喀車臣汗庭之東北出額勒英  
山南吉爾班博爾龍山北又東北七百餘里大呼倫池  
卽結倫泊是蒙古韃旦確非一族嘗以此疑之今按賈耽四

夷攷云韃旦者落坦室韋之轉音也質之葉孝廉

圭綬

子佩而得其詳孝廉曰世以元爲北狄不知乃東胡且  
本韃旦非蒙古也唐書室韋傳室建河南爲蒙瓦部北  
爲落坦部杜佑通典曰因水爲號也又契丹國志上京

正北至蒙古里國無君長所管不與契丹爭戰南至上  
京四千餘里又次北于厥又次北熬古里又次北近西  
至達打國契丹建國以來惟此三國爲害東南至上京  
六千餘里考室建河今黑龍江及額爾古納河遼之上  
京今科爾沁右翼前旗其正北正今黑龍江以南額爾  
古納河東南地知蒙古里卽室韋傳之蒙瓦矣故宋史  
稱蒙古在唐爲蒙兀部一稱蒙兀斯是也其北近西則  
額爾古納河西北黑龍江上流斡難河一帶知達打卽  
韃旦又卽隋之深末怛唐之落坦矣二部隣接土俗相



向元起幹難本落坦部蓋蒙古韃旦初非一族其後始通稱者也夫烏洛侯唐書列諸室韋傳而又言大抵皆靺鞨通鑑注女眞爲黑水種松漠紀聞謂黃頭室韋乃金之先此室韋與靺鞨確是同類而異號者也蘇氏稱韃旦契丹同出而通典謂室韋契丹類也南爲契丹北爲室韋此又室韋契丹同類而異號者也然而女眞爲黑水靺鞨乃古肅慎挹婁勿吉也韃旦近匈奴左地乃古烏桓東南鄙隋之深末怛唐之落坦也兩地相去五六千里女眞之爲黃頭室韋乃室韋之極東南韃旦之

爲落坦乃室韋之極西北兩部相去亦四五千如謂  
本靺鞨一部所分則前史皆無此說蓋女真之居黑水  
靺鞨且之居幹難河乃其祖國若陰山諸部當是元太祖  
起兵之後始并爲一部所爲靺鞨且有生熟之別孟珙言  
部人有黑白生三種也按前史以幹難河在今克魯倫  
河東北五六百里或云今之呼蘭河乃昔  
之幹難河所未詳矣與今西藏之  
土伯特一在中國之極東北一在中國之極西南無論  
西羌東胡種族各別卽行國居國亦風馬牛不相涉也  
至額魯特爲四衛拉特明史之瓦剌本有元之臣僕而

非元裔其地則漢之烏孫唐之西突厥與宋之回鶻乃

又以爲元祖之先蒙古源流云蒙古者土伯特之分支又額納特珂克之分支也當尼雅特

贊博七世孫隆納木所篡時季子布爾特齊諾逃至恭

博地方往渡騰吉斯海東至拜噶勒江詢知爲額納特

珂克之裔土伯特汗之子羣戴爲君十二傳至多幹索

和爾多博墨牛根兄弟俱爲額魯特巴噶圖特和碩特

奇刺古特四姓之衛拉特多幹索和爾生七子其季勃

端察爾始居鄂諾江七傳至哈布勒汗又三傳生鐵木

真是爲元太祖青吉斯汗又云青吉斯汗收服阿里三

部及土伯特八十萬人衆遂進征額納特珂克遇一獨  
角獸名曰塞魯奔至汗前屈其膝而叩首汗曰額納特  
珂克乃佛菩薩降生之地今此奇獸至前殆上天示意  
遂振旅而還又云青吉斯汗至四十七歲養身息心安  
居十有九年惟唐古特人衆未服丁亥歲遂攻錫都爾  
固汗圍其城禽其汗收其咎屯遂病終所生四子令長  
子察汗岱子俄羅斯地方卽汗位次子珠齊于托克瑪

克地方卽汗位三子鄂德格依留守汗位幼子拖雷守  
產早歿鄂德格依年四十七歲沒子庫裕克汗立  
在位六月卒次子庫騰汗立因龍崇侵虜患病延請帕克巴  
刺麻六十六歲至蒙古國與汗灌頂至七十歲圓寂汗  
亦同歿拖雷長子嗣立八年卒次子忽必烈立卽元世  
祖平定四大國帕克巴之姪瑪廸都繼刺麻位灌頂之  
時刺麻坐牀上汗坐於下辦理政事與汗俱坐於牀上  
自是凡歷數傳每汗各奉一帝師至托歡鐵木爾汗立  
是爲元順帝汗聽讒殺脫脫太師占夢於阿難達瑪第  
刺麻告以凶兆汗怒不悅刺麻辭歸蒙古特汗由古北  
口出亡作歌悔泣四方大亂各處轉戰蒙古兵四十萬  
衆脫出者六萬衆聚集克魯倫河起造巴爾斯和坦城  
分左右翼各三萬至五十三歲歿屢傳至達延汗太祖  
十五世孫也其時插漢小王子徙漠南達延留漠北其  
季子生七孫爲喀爾喀七博羅特汗其十一子爲漠南  
九部汗其九部汗內有巴爾斯博羅特子七人長子據  
鄂爾多斯部爲元太祖守墓領右翼三萬衆次子阿勒  
坦汗卽俺答據土默特部領左翼三萬衆用兵并瓦刺

四部侵掠中國於是大明隆慶汗給封號金印講和六十八歲癸酉用兵土伯特收服喀木等部其姪濟農因請迎聖識刺麻至青海起廟宇及阿勒坦與徹辰洪台吉歿各部復迎聖識刺麻至鄂爾多斯地於是察哈爾汗與萬歷汗皆遣使敦請刺麻

遂於使者前入定坐化云云  
是何異夢囈哉從來爲

人祖宗撰名字惟王偉之與侯景彼固亂臣賊子之所爲不足多責豈有堂堂公侯之子孫而可效尤以供後世笑柄哉

書後三

今之土伯特卽西藏康衛藏諸部也隋唐以前爲氐羌所據種類至多自西海以南汶山以西漢有發羌唐旄

白狼槃木後魏有白蘭白狗黨項叛服靡常不相統一  
至唐而爲吐蕃所并籍其兵以抗衡上國蓋今之士伯  
特唐之吐蕃國也吐蕃不知有國之始唐以前隔於黨  
項及吐谷渾也唐書吐蕃傳稱其居析支水西爲發羌  
之裔蕃發聲近故其子孫曰吐蕃此說近之謂南涼禿  
髮之後者恐不足據也貞觀初始通中國聞突厥吐谷  
渾皆尚公主慕而求婚太宗不許遂寇松州爲牛進達  
所敗懼而引去以使者來謝罪因請婚乃以宗女文成  
公主許嫁贊普爲妻時貞觀十五年也二十二年王元

策使西域爲中天竺所鈔贊普以精卒及泥婆羅兵從  
元策討破之高宗卽位拜駙馬都尉西海郡王進封賓  
王永徽初卒子早死立其孫今譌以宗女爲太宗之女  
謂贊普卒於戊戌是貞觀十二年也然則文成下嫁者  
何人耶吐蕃自棄蘇農以下凡十傳而國滅曰乞黎拔  
布曰噐弩悉弄曰棄隸縮贊卽中宗時以雍王守禮女  
金城公主下嫁者也曰乞黎蘇隴臘贊曰乞立贊乞立  
贊之卒其弟嗣立而史失其名曰足之前煎所謂爨秦贊  
普也爨秦吐蕃紀元之號僅一見於此曰達摩達摩卒

無子其妃琳氏立其兄尚延力之子乞離胡爲贊普國

人以贊普支族尚多今立琳氏子咸憤怒不服又不遣

使詣唐求冊立於是吐蕃國中災異屢見地震裂水泉

湧岷山崩洮水逆流三日鼠食稼人飢疫死者相枕籍

鄯廓間夜聞鼙鼓聲人相驚別將尚恐熱

恐熱猶中  
國言郎也爲

落門川討擊使約三部得萬騎擊鄯州節度使尚婢婢

畧地至渭州與宰相尚思羅戰薄寒山思羅敗走松州

合蘇毗吐谷渾羊同兵八萬保洮河自守恐熱謂蘇毗

等曰宰相兄弟殺贊普天神使我舉兵誅不道爾屬乃



助逆背國耶蘇毗等疑而不戰恐熱塵輕騎涉河諸部  
遂降衆至十餘萬禽思羅殺之自號宰相以兵二十萬  
擊尚婢婢婢傳檄河湟曰汝輩皆唐人吐蕃無主宜  
歸唐勿爲賊所獵如狐兔也諸部遂引去大中三年秦  
原安樂二州石門等七關瓜沙伊西甘肅蘭鄯河渭岷  
廓涼階成維十六州北庭輪臺清海諸鎮先後歸唐十  
年之間河湟故疆盡復民皆解胡服襲冠帶鄯州守將  
拓拔懷光殺恐熱傳首京師其部衆東奔爲尚延心所  
破遷其遺種於嶺南吐蕃自是衰絕乞離胡君臣不知

所終而國隨滅矣今以金城公主爲肅宗女又謂僖宗時其國大敗唐兵不知何所指蓋未嘗考之史書信口率臆雖顯與正史相背亦悍然不顧耳吐蕃自肅代以後最爲強盛南詔傳異牟尋與韋臯書云吐蕃陰毒野心輒懷搏噬往退渾王爲吐蕃所害孤遺受欺西山女王見奪其位拓拔首領並蒙誅刈僕固志忠身亦喪亡每慮一朝亦被此禍異牟尋願竭誠自新歸款天子請加戍劔南西山涇原等州安西鎮守揚兵四臨委回鶻諸國所在侵擾使吐蕃勢分力散不能爲強此西南一

隅不煩天兵可以立功書中退渾謂吐谷渾西山女王  
謂唐毗國王拓拔首領謂党項之附吐蕃者僕固志忠  
懷恩之子以此推之其爲虎狼無信可知吐蕃自元和  
以後國兵常西禦大食故自長慶盟誓之後邊候晏然  
得以休息亦其疲於奔命力有不及非盡盟之力也按  
大食先本波斯邊鄙之民後叛其國侵鈔邊境拂林與  
波斯發兵捕之爲所敗遂割據兩國之間勝兵至數十  
萬後遂滅波斯破拂林唐討安史收兩京亦用其兵大  
歷以後號黑衣大食南并天竺與吐蕃相攻故吐蕃徙

帳南山以避之今阿里西南額納特珂克卽中天竺相距阿里千數百里師範滇繫云中國赴天竺有兩道其自麗江而西至藏抵東天竺北界約二千里又千有二百里而至中天竺東天竺今爲英夷所據地名里底與廓爾喀鄰接廓爾喀卽唐之泥婆羅王元策借其兵以破中天竺者後屬吐蕃新書稱虜南族帳皆畔者卽謂泥婆羅諸國也和簡勤公西招記事及西藏賦敘述大半無稽所引經簿一書蓋亦元秘史之類多不可信摠之吐蕃本無文字唐書本傳稱其吏治無文字結繩齒

木爲約俗重鬼右巫事源抵爲大神喜浮屠法習咒咀  
國之政事必以桑門參決元和中憲宗會以詔書賜鉢  
擊逋劉元鼎使吐蕃記贊普坐帳中鉢擊逋立於右宰  
相列臺下鉢擊逋升壇告盟一人自旁譯授於下已歃  
血鉢擊逋不歃盟畢以浮屠法爲誓元鼎以大理卿充  
會盟使入蕃與虜盟今大招門前所立碑是也觀此則  
鉢擊逋之擅國威福猶今日蒙古之奉刺麻也習咒咀  
猶今日之紅衣刺麻也以浮屠盟猶頂威靈佛而誓也  
吐蕃官名有都護一人曰悉偏擊逋內大相一人曰曩

論掣逋亦曰論燕莽吐蕃無姓氏王族皆曰論外族皆曰尚惟鉢掣逋以僧爲之今唐古特字始於帝師八思巴世祖命以回鶻字別制蒙古新字字僅千餘其母四十一有關韻法有語韻法今唐古特字亦係合入四聲故知其字亦始於八思巴不獨蒙古也卽如當日贊普之名棄噐黎隸力立弄隴蘇孛臘刺字異音同但有譯音而無文字故雖以君后之名不能無同異也吐蕃在唐時已重浮屠卽後來刺麻之濫觴元帝師八思巴西藏薩迦人今薩迦廟之胡圖克圖卽其後人經典與黃

教無別其僧亦無眷屬惟胡圖克圖有妻室餘時不往  
來僅朔望相見祇爲生子襲衣鉢計元史稱八思巴七  
歲能誦經典國人謂之神童年十有五謁世祖潛邸卽  
位尊爲國師今云六十六歲至蒙古國其事世祖者又  
非八思巴而係八思巴之姪皆顯與史文牴牾者也又  
按太祖之遇角端爲辛巳五月二十日晚近侍人等登  
山見之其地爲鐵門唐書西域傳史或曰佉沙曰羯霜  
那康居小王蘇薤城故地西北五十里距那色波北三  
百里屬米南四百里吐火羅也有鐵門山左右巉峭石

色如鐵爲關以限二國以金錮闔又曰康卽悉萬斤一  
曰薩末鞬南距史百五十里薩末鞬卽明史之薩馬爾  
罕一聲之轉明史誤以爲屬賓國者也史國明史之渴  
石今日窩什乃元史又誤以爲東印度而此書竟謂太  
祖征額訥特珂克不知當日之中天竺尚不名額訥特  
珂克何況本非中天竺耶其餘如謂太祖生四子諸語  
無一與元史合者家理初孝廉謂僧徒挾化胡經之憤  
造作種種語言文字以誕相勝以妄爲常誠哉是言也  
然宏明集法苑珠林諸書皆博極羣書故雖號稱通人



學士率爲所惑未有不依據史書鑿空撰造若此書之鄙俚狂誕者四庫全書有滿洲源流考而此書不與同列一門入之雜史類中則當日提調者已有所見特置之勿論以爲不足辯也若然則予之嘵嘵不已一而再再而三無乃不憚煩乎然使蒙古諸君子循余說而求之則溯委以窮源不至有數典忘祖之譏予言或不無有裨世教云爾

西域考古錄卷十八

海月堂  
藻著

海鹽俞浩 湛持

雜識

記魚通各土司部

益部三面羌戎櫛比自漢關沫若徼牂牁鑊靈山梁  
孫水而邛笮夜郎滇始設官吏唐德中衰吐蕃釁起  
元置碉門暨長河西明障雜谷鄰金川寺邛籠之巢  
獲公乎上碉下碉牛皮之筏箭括乎沱水孫水繩橋  
縣度之摩曳白蘭白狗之脣齒連天萬巖絕地寸跬

今之三十三番七十九族遠之西寧夷情部郎所轄  
近之松潘建昌雷波所屬是編在所畧而獨詳魚通  
諸部爲其爲入藏咽喉而不可闕也迴達烏斯之藏  
俯瞰井絡之底當念蠱尾有毒顛藥必掎亦以表柔  
遠之勿屆知疆界之必正有不若廸辟以止辟於以  
奠荒外而康兆姓焉

沈邊長官司

駐沈村管戶百二十二歲  
徵銀五十五兩有印信

司境

五百六  
十三里

四至

東至飛越嶺四十里交清溪縣界  
南至雨瀨  
坪海流百五十里交大田馬土司界  
西至賴

咱頂百八十里交明正司界 北至佛耳岩三  
里交冷邊土司界 西南至蒙古岡百九十里

交海棠  
土司界

冷邊長官司

駐冷磧管戶二百七十五歲  
徵銀四十一兩有零有印信

司境

百七十  
九里

四至

東至馬鞍山六十里交天全州界 南至佛耳  
岳三里交沈邊司界 西至瀘定橋四十五里

交咱里土司界 北至亢  
州七十里交木坪司界

明正宣慰使司

駐打箭鑪管轄咱里土千戶一本噶等  
處土百戶四十八共土戶六千五百九

十一有  
印信

司境

一千四百  
五十里

四至

東至鑪定橋百二十里交冷邊司界 南至樂

壤六百里交建昌廳界 西至中渡二百八十

司屬

里交裡塘司界 北至魯密章

谷四百五十里交孫克宗界

土千戶一駐咱里兼管大烹壩

小烹壩冷竹關瓦司溝五處

土百戶四十八

本噶 丸七 惡洛 白桑 惡熱

籠壩

上渡葛刺 中渡亞出卡 他孩 索窩籠

惡拉

樂壤 上渣壩 惡疊 上渣壩 卓泥 中查

壩熱錯

中渣壩 沱 下渣壩 業窪石 下查壩 莫

藏石

扒桑 木盧 格窪卡 甲那工 美 吉增

卡桑阿籠

沙卡 上八義 拉里 烏龍 母猪

魯密東谷

普恭 郭宗 結藏 祖卜 百哈

初把

昌拉 堅真 達馬 格桑 本袞 長結

杵尖

長結 松歸 白隅 梭布 達石 卓龍

以上共歲徵銀一百五十

兩兌支泰寧左營兵餉

緯斯甲安撫使司

駐緯斯甲官寨管束竹子 木尺甲  
爾龍壩 莽拉 色歪 葛爾滿六

宗六處番戶九千歲  
徵銀二兩六錢零

司境

一千五  
十里

四至

東至雜谷廳二百八十里 南至大金川二百  
十里 西至革什咱二百十里 北至瓦述木  
角鴉三百  
五十里

單東革什咱安撫使司

駐單東官寨管束芍藏巴拉  
博祖 俞桑 達桑 瓦角

模子

吉地 沙中 隆鋪 居洼 黨里 格里  
堡 達角格等處番戶八百三十歲徵銀二兩六錢

九分有

印信

司境

六百八  
十里

四至

東至正地百二十里交大金川 南至噶達三百五十里交明正司 西至道烏百三十里交

甘牧界 北至束署七

十里交霍爾爾章谷界

巴底安撫使司

駐巴旺官寨管束甲居 阿架卡 齊木展里卡 扎鈞 耳貴等處番戶八

百五十歲徵銀二兩

六錢九分有印信

司境三百八

十里

四至

東抵孫克宗二百十里交小金川 南至魯密章谷三十里交明正司 西至八納出卡七十

里交革什咱 北至麻

泥七十里交大金川

刺滾安撫使司

駐刺滾管束若納溪 子多石 蒲壩龍等處番戶九百七十有印信無認納

司境

一千一百三十五里

四至

東至吹音堡三百五十里交明正司界 南至

瓦述二百十里

交裡塘界 西至下瞻對二百

二十里 北至查坵三百五十里交明正司界

裡塘宣撫使司

駐裡塘官寨管束鄉城 碩竹 刺麻

四百五十兩有印信正副土司二額外土

司一俱係流官不世襲於頭人內揀補

司境

九百七

四至

東至中渡四百二十里交明正司 南至杓木

四百里交巴塘界 西至長坦百四十里交瓦

述界 北至熱泥二百四十里交瞻對界

司屬

瓦述崇喜長官司管戶

三百零八徵銀二  
十六兩有印信



司境

九百七  
十里

四至

東至河口二百八十里交明正司 南至湯拉  
三百五十里交裡塘 西至刺麻丫百四十里

交裡塘

北至熱  
泥二百里交瞻對

瓦述毛丫長官司管戶

三百七十一歲徵銀  
三十六兩有印信

司境

六百  
十里

四至

東至裡塘界七十里 南至湯拉三百五十里  
西至刺麻丫百三十里 北至長坦六十里交

德格

界

瓦述閃登長官司管戶

二百四十三歲徵  
銀十二兩有印信

司境

六百二  
十里

四至

東至雅龍江百二十里交裡塘界 南至熱錯  
百四十里 西至臨卡石三百里交巴塘界

北至春踏  
六十里

瓦述毛茂百戶

歲征銀  
八兩

巴塘宣撫使司

駐巴塘官寨管束仁果 知了 西松  
宮 水磨溝 竹俱籠濟里 莽里

宗俄

大河 格拉 過隆 六用知居 木丫勺

竹

的美 玻璃 格暮等處番戶三千六十三歲

納銀千八百九十五

兩四錢八分有印信

司境

七百二十里

四至

東至立墩三俱二百里交裡塘界 南至南墩  
二百六十里交西藏界 西至內石二百里交

桑昂邦界 北至臨卡石六十里交察馬所界

以上宣撫司副土官俱係流官與裡塘同

司屬土百戶七

上臨卡石 下臨卡石 三岡裡  
桑落 上蘇阿 下蘇阿 郭布

霍耳竹窩安撫使司

駐竹窩管束朋閣 克插番戶一  
千六百六十歲納銀九十二兩有  
信印

司境五百六十里

四至 東至更平二百里 南至土贍對百八十里  
西至甘麻壚百九十里 北至東科百里

司屬瓦述寫達千戶 瓦述更平百戶共歲徵銀  
十五兩五錢

霍耳章谷安撫使司

駐章谷管束丹達 得慶 玉龍  
四處番戶三千三百二十歲徵銀

一百八十二兩有印信

司境六百七十

四至 東至更平百十里 南至下贍對界二百八十里 西至孔撒界二百十里 北至竹窩七十里

司屬土百戶四長官司一

瓦述色他 一 瓦述東撒 二 瓦述墨科 一

納林衝長官司 一 以上共征銀九十五兩

瓦述色他長官司 管戶二百五十歲征銀七兩五錢有印信

司境 七百

四至 東至更平百四十里 南至下贍對二百八十里 西至孔撒界二百十里 北至竹窩界七

里

瓦述更平長官司 管戶三百歲征銀十兩有印信

司境 七百

四至 東至革什咱界二百十里 西至白利百五十里 南至長坦百四十里 北至革賁二百里

瓦述餘科安撫使司 管戶六百四十歲征銀二十四兩有印信

司境 五百五十

四至 東至革什咱二百四十里 西至色他百四十里 南至孔撒百四十里 北至緯斯甲六十

霍耳孔撒安撫使司 管戶九百二十三歲征銀七十兩有印信

司境 九百

四至 東至竹窩百四十里 南至崇喜三百五十里  
西至白利七十里 北至革賚三百五十里

司屬百戶二 科則一 圖根滿樸一 征  
銀四兩五錢 賦銀五兩

霍耳甘孔麻墟安撫使司 管戶六百六十五歲徵  
銀五十七兩有印信

司境 一千九百

四至 東至查坵二百八十里 交明正司界 南至餘  
科三百五十里 西至圖根滿樸界二百十里

北至東署三百五  
十里交松潘界

司屬百戶三 一革賚 二東署 三東處以上歲納  
銀三兩五錢又帶管冲道烏普玉龍三  
處

霍耳白利長官司 駐白利管番戶三百  
十五歲征銀十八兩

司境九百七十

十里

四至

東至麻墟七十里 南至瓦述界二百十里  
西至林葱百四十里 北至松潘廳五百里

霍耳咱安撫使司管東河東河西

番戶七百一十一歲征銀四十兩有印信

司境八百四十

十里

四至

東至東科二百八十里 南至德格七十里  
西至林葱七十里 北至松潘廳四百七十里

司屬百戶二俱管下革賚

一六十戶歲納銀三兩

霍耳東科長官司係刺麻

由西寧選拔充替管葛木  
西泥堪 仁窩達 蘓達多

多多等處番戶三百四十八歲納銀二十五兩

司境一千百

二十里

四至

東至色他三百五十里 南至孔撒七十里  
西至霍耳咱二百八十里 北至奪坦四百二  
十里交

松潘界

德格特宣慰使司原管

番戶七千七百二十一 又將長  
坦及阿斯陽鵲兩處番戶二百

五十六歸併歲共  
納銀二百八十兩

司境

一千二百  
九十里

四至

東至上瞻對四百五十里 南至察木多三百  
五十里 西至上納奪三百里 北至林葱界

三百二  
十里

司屬百戶八

一上革賞百戶四戶百五 二維竹卡  
百戶三戶百二 三龍堪百戶一戶四

十共歲納  
三十八兩



春科安撫使司管

戶五百八十八歲征銀四十  
六兩有印信共正副二員

司境

八百  
十里

四至

東至林葱百四十里 南至上納奪三百里  
西至當兔百四十里交西寧界 北至蒙葛三

百五十里  
交西寧界

司屬

一 高日長官司 戶三百八  
十二歲納銀二十三兩

上瞻對茹長官司

管番戶四百二十二歲  
征銀十六兩有印信

司境

一千二百  
六十里

四至

東至章谷界二百八十里 南至毛丫界三百  
五十里 西至德格界五百里 北至麻墟界

百四  
十里

峪納土千戶

管戶二百六歲納銀八兩有號紙

司境

七百六十里

四至

東至查填二百八十里 南至下贍對界七十里 西至上贍對界二百十里 北至納林衛

界二百里

蒙葛結長官司

管戶三百四歲納銀二十三兩有印信

司境

六百一十里

四至

東至霍耳咱五百里 南至穆魯烏蘇七十里 交西寧界 西至召吳二百八十里 交西寧界

北至噶納烏蘇交西寧界

林葱安撫使司

管戶一千九十六歲納銀六十四兩有印信

百

九

司境 八百四十里

四至 東至饗耳咱二百十里 南至德格七十里  
西至春科百四十里 北至蒙結四百三十里

上納奪安撫使司 管戶六百五十歲納銀十六兩有印信

司境 一千八百九十里

四至 東至春科二百八十里 南至察木都五百八十里  
西至官角七百里 交察木都 北至納

溪三百六十里

司屬 上納奪千戶一百戶 一黎窩百戶 二  
共管戶三百三十歲征銀三十二兩

下瞻對安撫使司 管戶三百四十  
無認納有印信

司境 七百四十里

四至 東至查坵二百八十里交明正司界 南至刺  
滾二百五十里 西至熱桑泥界百五十里

北至霍耳  
界二百里

司屬

雲多百戶一 儀蓋百戶一  
共管三十九戶無認納有號紙

中贍對茹色長官司

管戶二百無  
認納有印信

司境

七百六十  
十里

四至

東至查坵二百八十里交明正司 南至下贍  
對界七十里 西至上贍對界二百十里 北

至納林衝  
界二百里

撤墩土千戶

管戶五十無  
認納有號紙

司境

一千百  
七十里

四至

東至霍耳章谷界二百八十里 南至瓦述毛

丫界三百五十里

西至德格界四百九十里

北至麻墟

百四十里

湛持居士曰吐蕃當天授久視誅欽陵兄弟贊婆以吐渾數千帳歸國虜族帳泥婆羅諸胡畔贊普南討死於軍諸子爭立將相媚權屠殺不以此時一舉滅之幾會差跌惜哉自河隴陷四鎮北庭節度使寄治涇州元載言於于代宗謂國家西境極潘原虜戍摧沙堡棄原州腴壤不居其右監牧故地濠塹深固平涼在其東獨耕一縣可足食若徙京西軍戍原州築城二旬可訖吐蕃牧青海比其至我功集矣徙子儀大軍在涇者分守石門木峽諸關北抵河皆連山峻

險虜不能越稍置鳴沙縣豐安軍北帶靈武五城爲  
形勢然後舉隴右之地至安西斷吐蕃臂朝廷可安  
枕矣爲田神功所阻亦會載敗議遂詘貞元中虜爲  
南詔所衄又西迫大食北扞回鶻河隴兵不過五六  
萬韓滉欲以十萬衆城涼鄯洮渭置軍守禦且耕且  
戰漸復河隴時吐蕃結贊數請和李晟言其不可信  
請調軍食給西師與滉合會滉卒宰相張延賞與晟  
隙罷其兵夫載雖奸猶知爲國綢繆戶牖延賞以私  
憾撓忠計適以啟戎心挫國威豈天以虜毒痛唐非

人事可回歟是卷所輯皆當日吐蕃要害地如三瞻對及撒敦者廣輪三四千里而斥鹵不毛無藪澤佃漁之利至使其人以攘斂爲生是亦可哀也夫

### 俄羅斯考畧

俄羅斯其國凡分五十部有東西南大小加匱南東新

藩之名

歐羅巴海國圖志俄羅斯古曰厄利西意大里亞之東北邊地所謂西底阿土番也疆域甲諸

州有在阿細亞州者有歐羅巴州者墨利加州者在歐羅巴者七區曰東俄羅斯西俄羅斯南俄羅斯大俄羅斯

斯小俄羅斯加匱俄羅斯茲有所得南隅回教及近中國科布多之九部地後又取細密亞地分東西二區共

四部蓋又在五十部之外也其地在墨利加州者僅廿

葛模斯一小構先以大俄羅斯之莫斯科爲都城後遷



都於東俄羅斯之比特革今仍還莫斯科其初本土番  
千二百年達達里汗兵擣其莫斯科墟其社至千五百  
年有諾戈洛人伊挽瓦里西者恢復故疆近日底里尼  
王攻取波蘭國十部落又敗佛蘭西十三萬衆遂爲歐  
羅巴最強  
大之國

在中國黑龍江喀爾喀雅爾左右哈薩克之北南懷仁  
圖中之莫斯戈未亞海錄之祓古國卽俄羅斯之異稱  
西洋謂之仍跛刺多猶華言大國惟稱中國及祓古則  
然今考康熙中平羅刹方畧云二十五年與我爭雅克  
薩城時荷蘭使在京師聞其事曰我隣國也

聖祖因賜書附荷蘭使者得專達於俄羅斯汗乃遣使

至中國定邊界二十六年秋至喀爾喀境乃以厄爾古  
訥河爲界歸我尼布楚及雅克薩城而定市於庫倫以  
五體字磨厓鑄會議七條於黑龍江之吉爾巴吉河之  
東岸三十三年設俄羅斯館於京師玉河橋西定三年  
一互市來者不得過二百人以八十日爲期三十五年  
噶爾丹敗於我乞其援不應噶爾丹遂滅五十年土爾  
扈特入貢明年我使臣圖理琛往報 outcomes 出其國西畢爾  
喀山兩斯科以五十四年三月回京著異域錄以記見  
聞言其國北界夏至無夜又有冰海在極北境於繪圖

呈

御覽

時俄羅斯貢使偕圖理琛入朝

聖祖諭大學士等曰東方朔神異經言北方層冰之下有大鼠曰鼯肉重千斤穿地而行見日月光即死今俄羅斯人來朝言其地去北極二十度以上有北海者鼠如象穴地以行見風日即斃其牙類象土人以製盤盃梳篦朕親見其器方信爲實中國與西洋地方俱在赤道北四十度內自西洋至中國有陸路可通因隔俄羅斯諸國故皆泛海而來俄羅斯距京師萬二千里間西北地方極大其風土各不相同回子諸國元時分封者有一支在西洋地方約十萬人皆住帳房北極之下地最寒往時有人居此明年人往視之不復有存者但林閒積雪數丈而已朕曾詳詢來使故知之耳

始知其國察罕汗無子傳國與女謂之叩肯汗材武有

制御才以兵攻西費雅

卽細密亞

盡并其地數千里以己名

名之曰散丕特里普爾斯科於是有大斯科八以四大

臣總督八道自都城外七道置噶噶林守之

八道曰散丕特里普

爾曰莫斯克窪曰計由曰司馬廉曰佛羅

尼曰郭洛多爾谷連曰西畢爾曰喀山又與圖理雅

汗控噶爾拏兵不解取其阿藻城

考方畧會典及四夷考知控噶爾爲俄羅

斯西南圖理雅國王之名西域聞見錄稱其地包俄羅  
斯東西界之外其都城曰務魯木考務魯木卽中印度  
蓋悞以圖理雅王之名爲國名又悞以中印度爲其都  
城也圖理雅本小部處俄羅斯肘腋之間今其國已爲  
俄羅斯所滅矣聞見錄所述外  
藩大半不足爲據此特其一也

雍正八年復遣使來定邊界以誠毅伯伍彌泰往聘焉

時俄羅斯方攻西藏西南五千里之中印度卽務魯木

中印度之轉也以其地尚佛請於朝遣人至中國學

刺麻以通蒙古使命年滿替換遂爲例六年遣子弟入

國子學讀書於滿漢助教各派一人教之居於舊會同

館命理藩院授養焉按伍彌泰使俄羅斯記亦見袁枚續齊諧記伍在其國時聞有海在

北界因欲往游國人難之固請乃派西洋人二十名持

羅盤火器以重壇裹車從者皆衣貂乘橐駝駝皆有副

隨往行向北六七日見有冰山如城郭其高入天光氣

不可逼視下有洞穴從人以火照盤蜿蜒而入行三日

乃出出則天色黯淡如玳瑁間有黑煙吹來著人如沙

礫國人言此黑霜也每行數里得窟穴則避入以消黃

發火蓋其地不生草木無煤炭也逾時復行如是又五

六日有二銅人對峙高皆數十丈一乘龜一握蛇前有

銅柱上鑄蟲篆不可辨識國人云相傳爲唐堯皇帝所

立柱上乃寒門二字因請回車云前去到海約可三百

里從此一日行便不見星日寒氣切肌中之卽死海水  
色黑如漆時復開裂則有夜叉怪獸歛起攫人至是水  
亦不流火亦不然矣伍因以火着貂裘上試之果不焚  
遂太息而回入城點檢從者病者五十人旋斃者二十  
一人伍面黑如漆牛載始復所隨僱僕中亦有終身不  
復白者又云雍正中俄羅羅斯以兵侵務魯木世尊遣毒  
蟒數千禦之懼而行成蟒卽不見世尊曰此噀心所現  
不噀則不見矣初賂以金不受曰我國土曠人稀每三  
年當以童男女五百來獻許之始得全師還國按此卽  
聞見錄所載控噶爾發兵數十萬出境長驅直壓俄羅  
斯國都察罕汗大恐求於常幣之外歲貢童男女各五  
百人始得罷兵者也考新唐書五天竺傳烏菴國人善  
禁架術卽今紅教刺麻亦能驅使蛟龍虎豹幻出空中  
宮殿此所云世尊亦卽刺麻之類也聞見錄以爲乾隆  
年中事則不足辯也已

乾隆二十二年我師定伊犁阿睦爾撒納逃入俄羅斯

索之不遣及患痘死始出其屍於恰克圖驗之三十六

年土爾扈特全部款塞命理藩院移文諭以情勢俄羅

斯收其地不之問也俄羅斯地大物衆其人面白微頰

高準采鬢目睛黃黑睛者漢李陵裔也

唐書黠戛斯傳稱漢李陵裔故

武宗冊爲宗英雄武誠明可汗紅氍帽油鞞食以麥爲上麪潔白性宜

人秋高馬肥捆貨而至列帳遍恰克圖恰克圖迤東爲

車臣汗部十四卡倫地稍平行迤西則山高林密中通

溝峽爲色楞格河東岸綿亘至庫倫八百餘里天然險

隘自雍正中議自喀爾喀北界楚庫河西沿布爾彀特

山至博穆沙嶺爲兩國邊界自博羅伊察格圖卡倫至  
尼布楚南七百里澤倫圖卡倫測北極東西相去二十  
六度迤東則黑龍江舊界西爲哈薩克外藩而其國都  
在極西與荷蘭英吉利海接其南爲中印度卽務魯木  
也其兵猶長於火器康熙中曾收其火器編其人爲一  
佐領隸京師鑲黃旗滿洲者也中國與俄羅斯有事移  
文該管衙門不遣正使故會典所載朝貢之國甚詳而  
俄羅斯不與焉其國自叩肯汗後皆傳女至八傳而復  
立男爲汗近嘉慶年間事也





湛持居士曰俄羅斯外藩一大國也疆宇與中國相首尾如黑龍江墨爾根齊齊哈爾及新疆之雅爾喀爾喀哈薩克皆與其邊徼犬牙相錯康熙中議兩國疆界一循烏倫穆河上游之興安嶺以至於海凡山南流入黑龍江之谿河屬中國山北谿河屬俄羅斯一循流入黑龍江之額爾古訥河爲界南岸屬中國北岸屬俄羅斯雍正中復定喀爾喀邊界而定市於恰克圖百十年來商貨屯集邊境宴如豈不休歟今考其疆域在漢爲北丁零堅昆奄蔡之地北魏爲高

車高車卽鐵勒也北史稱鐵勒諸部種類最多有康  
居北旁阿得水各部北海南部得疑海東西部拂

菽東部又有突厥可

薩部皆高車種也

駁馬遏羅支唐爲骨利幹大漢都播黠戛斯元爲欽

察阿羅思謙州

考俄羅斯東新藩四部一曰多莫斯  
者在今科布多北厄爾齊斯河東爲

元初海都所分金山以北地二曰科勿利者在今色  
楞格河烏梁海部北謙河西元之謙州也三曰雅克  
薩在今朱爾克河西元之撼合納地也四曰甘查  
在極東北三面距海元爲乃顏哈丹北境蓋卽唐之  
流鬼國也今考外蒙古之土拉河鄂爾昆河色楞格  
河俱滙爲楚庫河北流逕元之謙州東謙河自東北  
來入之謙河者唐書黠戛斯傳及西突厥傳之劒水  
也其水同滙於伯爾轄河又名白湖元史謂之柏哈  
爾湖又名菊海唐書所謂小海也其水又西北出逕  
吉利吉思地玉須水自東來入之今名伊里木河又

西北阿浦河自南來入之今名伊聶謝河又北流爲  
昂可刺河北人海昂可刺亦曰盎吉刺元劉敬之曾  
任斷事官言其地日不落只一道黑氣遮日煖羊膻  
熟日又出與唐骨利幹同但地名異耳見盛如梓老  
學叢談亦與圖理琛所見同其國計由斯科與右哈  
薩克西鄙接蓋卽唐石國之怛羅斯城斯科猶中國  
言省其下有小斯科如中國之府又其下有柏興數  
百猶言縣治其地東北三面臨海廣輪三萬餘里  
山川城郭人物畜牧種殖五方風氣部類別處羅衛  
與中國同其書橫行自左而右東合拉提諾西合托  
忒烏珠克而轉譯蒙古清漢文俗崇天主教以之紀  
年異域錄載其國每歲十二分分二十九三十三十  
一日歲在三百六十六日上下也如康熙五十二年  
十二月十六日乃其汗二十七年元日乙丑也今以  
唐回紇點戛斯諸傳及元謙州摠合納昂吉刺諸  
記載參伍觀之則俄羅斯之疆域風土亦畧具矣

觀南懷仁及歐羅巴諸地圖開方計里更何地可容

數萬里之控噶爾西洋諸部無不精火器者黑龍江  
外紀言其納藥筒中凹凸如梅花式圖理琛言所經  
之地皆具鎗礮旗幟以迎土爾扈特又借之以衛我  
使者今雅克薩城有康熙時所獲銅礮三位乃七十  
氏旣盛稱控噶爾之強大趙氏翼又辨其國無火器  
又稱我侍衛碩托與其汗訂十八條議於枕席之上  
俗語不實流爲丹青夫以本朝士夫紀本朝事  
悠謬且如此又曷怪千百年以上事哉夫土爾扈特  
之來歸也實由舍榜之唆搶伊犁至無可奈何而歸

順豈其初心哉寇發自彼既不能止又望我盡執數十萬人界之又以此情理乎故我於彼不爲納畔而

俄羅斯亦置之不問者非不問也其勢固有所難言

也或謂永樂時外夷入貢有重數譯來者何明史獨

無俄羅斯抑名不同與史官失之與今考元史之

阿羅思僅一見於地理志河源錄後而丁酉歲之師

謂之幹羅思則明初得之元遺臣者時其國尚微故

不能詳也若在中葉明方與韃旦瓦剌土魯番搆兵

其款塞不過求市固不如漢唐西域北庭四鎮置都

護節度使中外一家可從容垂詢其不知之也固宜

非是其人竟不一至漠南也皇清通考四夷類以魏書烏洛侯爲俄羅斯以于已尼大水爲北海官書之誤無甚於此有以明史之哈烈爲俄羅斯者按哈烈在撒馬兒罕西南三千里其地瀕烏許河卽縛芻河亦曰阿書河與今之布哈拉準其地望形勢皆合與

魏源以爲南都魯机者同一乖誤魏氏據蒙古源流謂元太祖封長子察汗岱於俄羅斯卽汗位元史及蘇天爵紀載均無其說且收斡羅思元史丁酉年宋理宗嘉熙元年其時金亡已四載太祖崩久矣安得有封長子之事魏氏不能糾正其謬又取而載之盟聘記中貽悞後學豈淺鮮哉

今考元史木赤傳云木赤太祖長子也國初以親王分封西北其地極遠去京師數萬里驛騎急行二百餘日方達京師以故其地郡邑風俗皆莫得而詳焉按此卽

聖祖所諭回子諸國元時分封者有一支在西洋地方者也又元史按竺翊傳以善射隸皇子察合台部察合台爲皇兄以按竺邇爲元帥又耶律楚材傳云太宗之立告察合台曰王雖兄位則臣也禮當拜王拜則莫敢不拜王撫之曰眞社稷臣也國朝尊屬有拜禮自此始又木紀憲宗六年九月以駙馬刺眞之子乞觸爲達魯花赤鎮守斡羅思仍賜馬三百羊五千據此考之則察合台未封於俄羅斯元史已有明

證魏氏舍正史而引蒙  
古源流殊不可解也



